

B VIII 12



1117





*Louisiana Biblioth. Acad. Lons.*

TRACTATUS

DE

MONARCHIA

TEMPORALI

Pontificis Romani,

QVO IMPERATORIS;

Regum, & Principum jura adversus  
Usurpationes Papæ defenduntur:

ET DOCETUR QUIBUS ARTIBUS

Papæ ab humili statu ad tantæ potentiæ  
Culmen ascenderit.



GENEVÆ,


Apud IOANNEM LANDRE'.

---

M. DC. LXXVII.

AZ 1014

Barbier = 0





# INDEX CAPITVM

## CAP. I.



*Vid Serenissimum Re-  
gem Magnæ Britanniae  
ad scribendum impulerit:  
De libris Cuffetelli,  
Bellarmini, & Coquæi  
adversus Regem iudicium.*

## CAP. II.

*Commonefactiones Cuffetelli. Ejusdem  
& Bellarmini, ipsiusque Papæ, præci-  
pue vero Iesuitarum, de proditiōe, &  
Principum cæde iudicium.*



CAP. III.

*De Cardinalibus , & Pontificum Electione.*

CAP. IV.

*De Iesuiticis.*

CAP. V.

*Papales Tituli , & in Imperatores & Reges usurpata Potestatis. Quantum corona Anglicana debeat Evangelio.*

CAP. VI.

*Novem temperamenta quibus Bellarminus conatur mollire hujus Doctrinae asperitatem.*

CAP. VII.

*Cause abdicationis Regum: Tarditas Ingenii. Imminutio privilegiorum Ecclesiae. Haeresis. Tyrannis.*

CAP.

## CAP. VIII.

*Quibus se locis Sacra Scriptura Papa Bonifacius Octavus & Bellarminus in hac causa tueantur.*

## CAP. IX.

*Argumenta Bellarmini & aliorum ex ratione ducta diluuntur.*

## CAP. X.

*Exempla à Bellarmino prolata partim esse falsa, partim inutilia.*

## CAP. XI.

*Veritas defenditur autoritate sacra Scriptura.*

## CAP. XII.

*Idem probatur rationibus.*

## CAP. XIII.

*Idem probatur testimonio veteris Ecclesiæ.*

## CAP.

#### CAP. XIV.

*Imperatores Romanos, & Reges Italia  
habuisse potestatem in caput, fortunas,  
& sedem Pontificis Romani. Pa-  
pam non ita pridem cœpisse Romam  
possidere sub titulo supremi Princi-  
pis.*

#### CAP. XV.

*In qualibet gente Episcopos, & Clericos  
semper fuisse subditos Regibus &  
Principibus illius gentis.*

#### CAP. XVI.

*Papam jus convocandi Concilia & in eis  
præsidenti Imperatoribus & Regibus  
ademptum ad se traxisse.*

#### CAP. XVII.

*Concilia posterioris ævi, à veterum Con-  
ciliorum forma & doctrina, procul ab-  
scessisse. Forma & ordo Conciliorum  
Papalium exponitur.*

CAP.

CAP. XVIII.

*Ventilatur quæstio de exemptionibus  
Clericorum.*

CAP. XIX.

*Exemptionem Clericorum adversari sa-  
cræ Scripturæ.*

CAP. XX.

*Idem probatur rationibus.*

CAP. XXI.

*Distinctiones & ratiunculæ Bellarmini  
& aliorum diluuntur.*

CAP. XXII.

*Veritas defenditur testimoniis Antiqui-  
tatis & constitutionibus ac legibus  
Imperatorum.*

CAP. XXIII.

*Monarchiam Papalem enatam ex ruinis  
Imperii Romani.*

CAP. XXIV.

*Panduntur super hac re arcana Prophe-  
tiarum.*

## CAP. XXV.

*Imperium Papale extructum esse. ad imitationem veteris Imperii Romani.*

## CAP. XXVI

*Quanto artificio potestas spiritalis, & ipsi fidei Christianæ articuli flexi sint ad incrementū Potestatis temporalis.*

- I. *Quibus artibus alatur ignorantia populi, & imperitorum animi desineantur.*
- II. *Quæ artes inserviant congerendis opibus.*
- III. *Quibus artibus Papæ & Clericorum dignitas in immensum excreverit.*
- IV. *Quanta Prudentia sit adhibita ad rerum partiarum conservationem.*

DE





# DE MONAR-

## CHIA TEMPORALI

### PONTIFICIS

#### ROMANI.

### CAPVT PRIMVM.

*Quid Regem Serenissimum ad scribendum impulerit:  
De libris Cuffetelli, Bellarmini, & Coquai ad-  
uersus Regem, iudicium:*



OLET fulmen frangere ob-  
stantia, mollia vero & cedentia  
lambere leuiter, aut intacta re-  
linquere. Hoc nimirum habet à  
Deo qui solet proterere duros  
& rebelles, parcere humilibus.

Non sic Pontificis Romani fulmina: nocent e-  
nim si timeas, si vero contra animum obfirmes,  
impune contemnuntur: nec aliter cadunt quàm  
fulmina in mare. Immo si quem attigerint,  
beant, & faciunt Deo chariorem: iuxta illud Da-  
uidis: *Maledicent illi, tu autem benedices.*

*Psal. 109. v.  
28.*

Testis mihi Regina Angliæ Elizabetha felicitis  
memoriæ, cui in ter diras Papales & Vaticana  
fulmina Deus de dit pacem diuturnam, subdi-

A

tos fideles, felicitatem sine exemplo : donec rebus humanis exempta regnum terreſtre cum cæleſti commutauit.

Eius morte pax videbatur adempta Angliæ, & diuerſi motus metuebantur. Angli enim Pontificii ad omnem motum intenti res nouas animo agitabant. Siue illos ficti rumores ad inanem ſpem erexerant, ſeu quia mortuo Principe à ſucceſſore meliora expectantur. Seu quia homines quibus res minus ſunt ſecundæ ſolent optare rerum immutationem : ſed Dei benignitate factum eſt ne hæc vltius procederent. Nam Anglorum animos inter ſpem & metum fluctantes paulo poſt compoſuit IACOBI I. legiti mi hæredis aduentus, non ſecus ac Sol oriens purgato aëre nebulas diſſipat.

Erant qui ſuaderent Regi optimo, concedere Pontificiis libertatem religionis ; ſed eius clementia ceſſit neceſſitati: vidit enim non agi tantum de religione, ſed & de pace ſui regni : ſuamque ipſius vitam & coronam hoc facto in diſcrimen adduci. Nec poſſe ſine periculo cætus publicos concedi hominibus quibus perſuaſum eſt Papam poſſe Reges deturbare folio, & ſubditos liberare ſacramento fidelitatis : ſubiit quoque eius animum memoria ſuorum deceſſorum quos Papa ſcædæ ſeruituti inancipauit, Angliam faciens Papæ Dominium, & feudum Eccleſiæ Romanæ, Regibus Angliæ ad tam turpe ſeruitium deuolutis, ut & tributum Sedi Romanæ penderent, & Legatis Papæ latus clauderent, & coronam ad eorum genua ſummitterent. Voluit tamen Rex humaniſſimus, Pontificios frui ea li-  
ber-

bertate qua per leges licebat, Gnarus pietatem non dari per vim, sed suaderi, & in religionis negotio insitum esse omnibus velle potius duci quam trahi. Tunc solere vim adhiberi cum defunt rationes, veritatisque præsidia. Quin & Pontificios annua taxatione liberauit, multos ex eis equestri dignitate ornauit. Faciles & sine discrimine ad Regem accessus, & benigna colloquia.

At Pontificiis per hæc non est satisfactum; sed magna expectatione depulsi, vertunt desperationem in iracundiam. Conflant conspirationem quæ Regem, Reginam, regiam prolem, Senatū, regni que totius ordines pro mote congregatos pari ruina inuolueret. Consilium erat actos cuniculos sub dōmum Parlamenti implere puluere tormentario, qui, concepto igne, Regem, regalemque familiam, totiusque regni florem vno impetu diffilaret, & in cœlum viâ compendiosâ transmitteret. Tum si quibus flamma pepercisset aut ruina, ad necem designabantur. Nihil ingeniosius est superstitione quam furor incitauerit. Horret animus meminisse sceleris prodigiosi. Inuenit Princeps huius mundi facinus nouum, atrox, nullis adhuc historiis proditum, & quod apud posteros ægrè fidem inueniat. Interea per familias Papistarum concipiebantur vota, precesque erant indictæ, flagitantes à Deo, successum tam diræ conspirationis, cuius conscij iureiurando dirisque deuotionibus ad fidem & silentiū sese obstrinxerant, & communione sacramenti sese subinde ad præsentiam animi hortabantur. Iam erant acti cū-

niculi, iam puluis aggestus, instabatque dies conditus patrando facinori, cum repente patuerunt arcana cōiurationis. Impositi equuleo fontes rem ut erat facti sunt. Eisque indicibus comprehensi conscij, affecti sunt capitis supplicio legibus constituto, neque enim ultra sœuitum est. Et cum plurimi pari crimine attinerentur pœna tamen intra paucos sterit. Quorum de numero fuerunt Iesuitæ Garnetus & Oldcornius. Qui postquam per dies plusculos essent æquiocationibus iudices ludificati, tandem videntes nullum superesse locum dissimulationi, facti sunt se quidem rescivisse coniurationem, sed rem sibi sub sigillo confessionis reuelatam sine scelere vulgari non posse.

Docent enim leuiori peccato permitti Regum parricidia, & euerfionem rerum publicarum quam confessionis arcana reuelari: Acti ergo in crucem ob hanc religionem. Quanquam & eos instigatores facinoris & inuectores præcipuos fuisse satis constabat. Horum duo Garnetus & Oldcornus Romæ sunt in album Martyrum relati. Hæc est parricidij merces, hæc sacrosancti tituli scelerata dehonestatio.

Minor iniuria potuisset vel clementissimi Principis vincere patientiam. Cohibuit tamen ipsam Rex optimus, voluitque ut ad omnes fontes metus, ad paucos pœna perueniret; fuitque ingeniosus ad inueniendas causas ignoscendi. Cogitauit magnam esse vim superstitionis ad efferranda hominum ingenia: paucorum supplicio bonos fieri securos, malos verò bonos. Aut certe non inueniens in reis causas ignoscendi, in se ipse

ipse inuenit : Nam si indigni erant Regis clementia, at dignum erat eius bonitate benefacere indignis. Tum illud subiit, Deum pluuiam de Cælo mittere non modo in segetes & felices arbores, sed etiam in lappas & carduos, & Solem suum facere oriri super bonos ac malos. An & clementiam adiuuit fastidio, reputans inimicos indignos sua iracundia ?

Veruntamen ut deinceps eiusmodi coniurationibus iretur obuiani, visum est Regi & Parlamento concipere formulam iuramenti in quam ab omnibus Anglis sanctè iuraretur: Summa iuramenti hæc est: *Agnoscere se Iacobum, Regem legitimum & verum, Papam non habere authoritatem Regem abdicandi, aut regno vel regni parte multandi, vel illos subditorum Regis exonerandi obedientia & subiectione, aut ad arma aduersum Regem concitandi. Iurare ex animo se non obstante quolibet declaratione Papali, aut sententia excommunicationis, vel exauktionis contra Regem aut eius hæredes, fore fideles & obsequentes Regiæ Maiestati, eiusque successoribus, eorumque vitam & coronam pro virili defensuros. Quin & patefacturos prodiones & conspirationes aduersum Regem & Regis domum quascunque rescuerint. Detestari se ut hæreticam & abominandam illam propositionem, quæ asserit principes excommunicatos posse à suis subditis aut ab aliis quibuscunque exui regno aut occidi. Se renuntiare omnibus indulgentiis & dispensationibus quibus vel Papa vel alius quispiam volet eos ab hoc iuramento aut parte iuramenti dispensare. Hæc à se iurari sincerè & ut sonant verba, absque vlla equivocatione vel mentali euasione.*

Hoc iuramentum ubi oblatum est Pontificiis, multi in hanc formulam sine contatione iurauerunt, siue hoc metu ab eis factum, siue quod reuera ita sentirent, & puluerariæ istius prodicionis atrocitatem abominarentur. præcæteris vero Blackuellus Archipresbyter.

Quæ postquam Paulo V. Papæ nunc regnanti renuntiata sunt, ratus suæ Monarchiæ iura violari, mittit confestim in Britanniam Breue, aut ut alij, litteras Apostolicas Datas Romæ, ad X. Calend. Octobris 1606. quibus pronunciat, *Hoc Iuramentum salua fide Catholica, & salute animarum præstari non posse. Hortatur Anglos ut exemplo martyrum acerbissima quaque tolerant, & mortem potius oppetant, quam Dei maiestatem hoc Iuramento ledant. Stent lumbos virtute succincti, induti loricam Iustitiæ, sumentes scutum fidei, Deum non relicturum eos orphanos, & bonum opus quod in eis cæpit perfecturum. Hortatur denique per viscera Domini Iesu Christi ut seruent præcepta Clementis VIII. decessoris sui contenta litteris ad Georgium Archipresbyterum Angliæ.*

Hæ litteræ in Angliam perlatæ, non eo successu quem Papa sperabat acceptæ sunt. Conquererentur multi ex Pontificiis iusiurandum hoc damnari à Papa, ut aduersum fidei Catholicæ, cum tamen in eo de fide & religione ne verbum quidem: Saltem docuisset sua Sanctitas quid in hoc iuramento sit aut impurum, aut subdolum. Erant qui ineptas censerent has litteras, quippe quæ hortarentur ad martyrium petendum per prodicionem & scelera: cum ad marty-

rij coronam non nisi per virtutem & pietatem perueniatur. Erant & qui cohortationes sacræ Scripturæ ad fugienda vitia & ad perseverantiam in fide, perperam in his litteris trahi ad rebellionem suadendam indignarentur, & incitamenta pietatis indignè verti in fomites seditionis. Quin & supersticiosissimi quique Papæ crudelitatem inculcabant, & se in has redigi angustias ut aut proditionis pœna sit subeunda, aut periclitandum de salute animarum lamentabantur. Nempe (inquiebant) de nostro corio luditur; & bonus iste Pastor vitam suarum ouium ut rem nullius pretij certissimis cruciatibus addicit: ipse securus & in summis opibus & deliciis expers periculorum. Alij fictas ab hæreticis litteras (sic enim nos appellant) ad proritandum Regem suspicabantur.

At Pontifex postquam rescivit litterarum suarum fidem in dubium vocari, alias litteras scribit quibus acriter castigat immorigeros, & confirmat dubitantes, iubetque hoc Iuramentum eiurari. *Miratur potuisse à quibusdam vocari in dubium fidem litterarum Apostolicarum, ut hoc pretextu se suis mandatis eximerent. Declarat, & disertè asserit, litteras istas Apostolicas non solum motu proprio & ex certa scientia, verum etiam post longam & gravem deliberationem de omnibus quæ in illis continentur adhibitam, fuisse scriptas. Hanc esse suam meram, puram, integram voluntatem, &c.*

His litteris quasi horum bellicum canentibus, addita erat epistola Cardinalis Bellarmini ad Georgium Blackuellum Archipresbyterum Angliæ, quibus post *refricatam veteris*

*necessitudinis memoriam , increpat hominem acriter quod ad iurandum in verba Regis seu metu seu errore fuerit inductus. Hoc iuramentum quibuscunque verbis concipiatur eo tendere vt auctoritas capitis Ecclesie à successore Sancti Petri ad successorem Henrici octauum in Anglia transferatur. Hortatur denique ad defendendum Papæ Primatum , quem dicit esse Caput fidei.*

Plus in hac oratione dignitatis erat quam fidei. Neque Blakuellus his persuasus est vt mutaret sententiam. Cum enim Bellarminus hoc iureiurando clamet fidem & Papæ Primatum occultè peti, non docet tamen quomodo & quibus verbis iuramenti id fiat. Nec profert argumenta quibus probet cur agnoscere Iacobum caput Angliæ, & summum iudicem in temporalibus, & fidelitatis Sacramento Regi suo se obstringere, sit committere in Papæ iura, aut fidem Catholicam corrumpere.

Hæc etsi fierent clanculum, Regi tamen per conscios nunciabantur, eratque his artibus quorundam labefactata fidelitas. Promptum erat perdere homines vltima quæque commeritos, quibus proditio & perfidia in Regem, pars est pietatis. Repressit tamen se Rex clementissimus; nec passus est suam clementiam ab illorum improbitate superari. Quin & scripto super hac re edito conatus est docere quos poterat perdere. Maluitque malos flectere ratione, quam cogere seueritate. Maluit sanguinem suffundere quam effundere. Quid non faceret in gratiam bonorum qui se demittit ob malos? Qui tantisper exiit personam Principis,

vt



ut fumar patris? Nempe illi quem Deus ad summum potentię culmen euexit, hæc vna superest via crescendi, si se ipse summisserit.

Publicauit ergo litteras Papales addita confutatione. Titulus libri est, *Apologia pro iuramento fidelitatis*, suppresso tamen suo nomine. Neque enim quidquam pensi habebat sub quo titulo veritas appareret, dummodo fascinati errore animi ad meliorem mentem reuocarentur. Nec erat hoc certamen ingenij, sed innocentię defensio. Non tamen potuit author dissimulari. Nam quis tam excelsi ingenij venam non agnosceret? Enimuero boni Reges quia sunt locati in sublimi, propiore Dei afflatu tanguntur. Vel hæc sola cogitatio, se Dei vicem inter homines sustinere eorum animis ingentes subdit aculeos. Quod si ad hæc accesserit educatio & ingenium studio subactum, ac politum experientia (quæ omnia huic Regi contigerunt abundè) quis mirabitur si tantum superant vulgus ingeniorum sublimitate sensuum, quam magnitudine fortunæ?

Hæc igitur Apologia non dubiis indicii agnita, praua quorundam ingenia concitauit, qui (ut ait eleganter idem Rex) sortem miserunt in librum quem non poterant discindere: est enim in eo pressa textura argumentorum, & arctissima iunctura. Opus ergo quod morsu non possunt violare, latratibus impetunt, vsque adeo proiectæ impudentiæ ut se audeant cum tanto Rege componere, eumque cum Iuliano Apostata comparare. His floribus rhetorices diabolicæ scripta perditissimorum nebulonum ornantur, Quos

2. Pet. 2.

v. 10. 11.

&amp; 12.

pridem Deus per os Apostoli Petri suis coloribus depinxit vocans *animantia bruta, homines audaces, & qui sibi placentes non horrent dignitates conuictis incessere.* Quum ipsi angeli qui sunt robore & potentia maiores, non ferant aduersus eas apud Dominum maledictionis iudicium. Enimuero si scelus fuit maledicere Principi Ethnico quales Petri æuo fuerunt omnes Monarchæ, quis feret hominem maledicentem Principi Christiano & pio? Si Angeli abstinent maledictis in principes, quis hoc probabit in homine? maxime vero in subdito?

Non secus ac canes lunam allatrantes cursum eius non inhihent, ita nec tales contumeliæ auerterunt Regem à solita benignitate, per quam solet benefacere illis qui ei dicunt malè. Res est sordida conculcare erucas aut vermiculos, nec digna nomine victoriæ. Cum his certare turpe, vincere vero inglorium, & genus opprobrii. De quibus abunde ipsa inuidia supplicium sumit, & dolor conceptus ex tanti Regis felicitate, cui honor, opes, robur, & pax inter infestorum odia, quasi virgulâ diuinâ suppeditantur. Horum ergo hominum irritos morsus cum cõtemneret, in gratiam tamen honorum, & vt Regibus vicinis probaret suæ causæ iustitiam, alterum librum in modum præfationis priori libro præfixit, in quo diluit calumnias aduersariorum, fugamque intercipit, & fidei suæ summam ex sacra Scriptura haustâ proponit: feliciq; audacia depingit Episcopum Romanum coloribus sumptis ex Paulo Apostolo & Ioannis Apocalypsi. Nulla vnquam tabula fuit picta maiore manu aut feliciore. Quis sit torrens eius eloquentiæ, quod pòdus argumetorum, quæ iunctura

iunctura orationis, quę copia eruditionis, quam sit orationis filium teres & candidum, ij demum nouerunt qui Regium librum composuerint cū inani tumore Litterarum Papalium; aut cum scriptis aduersariorum. Felicem eloquentiam quę armata viribus pietati tamen ancillatur. Cuius scaturigo summo Regni culmine delabens imitatur aquas Siloe rigantes sacrosanctam ciuitatem. Felicem Maiestatem quę suum Sceptrum ad crucis ima submittens, hoc ipso magis attollit. Quę Regale palatium facit esse Templum cęlestis sapientię, & interiora domus sacris meditationibus consecrat. Quemadmodum igitur olim terra erat fertilior cū Reges eam colerent, & à stitua peteretur Imperator, ac si superbiens terra aratro coronato & vomere triumphali sinum vltro aperiret: Ita spernanda sunt magna pietatis & verę religionis incrementa, hoc Rege eam colente & defendente.

Prodiit ergo in lucem secundus hic liber missus in auxilium prioris. Neque Rex dissimulauit authorem: Vnde factum vt animi hominum variè fuerint affecti, hi læticia, illi meru, alij dolore, omnes admiratione. Cūque esset breue opus refutatio propediem expectabatur. Nec conatus defuit, sed difficultas in experiundo cognita ardentissimum quemque retardauit. Iam abierant octo menses post libri Regij publicationem cū prodierunt responsiones, & primuli conatus aduersariorum.

Primus prodiit Cuffetellus veluti in acie Romana ferentarius. Hic edidit librum octauo mense, quo qui nascuntur fœtus rarò vitales sunt. Et

profecto pridem intercidisset eius libri memoria nisi nomen Regis fronti præfixum ei vitâ daret. Facilius sub alio nomine inclarescunt qui non possunt sub suo;ducuntque gloriam ex magnitudine aduersarij.

Hic ergo Doctor non aliter agit cum Rege quam nutrices cum infantulis, quos nunc mulcent blanditiis, nunc compescunt colapho, miscentes ictus adulationi. Nam verbis ad suauitatem compositis falsi tamē Regem arguit & ignorantia: & blandē ingerens conuitia sub specie obsequij occultum virus suffundit. Quem Bellarminus paulo post secutus superauit asperitate, agens cum Rege inclementius. Nouissime Leonardus Coqueus Eremita Augustinianus, dubium homōne an bellua, an lutum stercore maceratum Regis librum & personam pluribus cōuitiis quam rationibus insectatus est, vocans Regem alterum Achab, Iulianum Apostatam, Nabukadonosorem, ineptum, & nugacem, & stultum, & quid non? Cui dicam ego quod Michael

*Iude e.*

*pist.v.9.* Archangelus Satanæ iurganti: *Increpet te Dominus.* Atque hic quidem ne dignus quidem est qui nominetur. Alij duo, præcipuè vero Bellarminus, digni sunt quorum argumenta, & rationum momenta ponderentur, quanquam ad id solum videntur facti, vt magis confirmet librū Regium dum debiliter impugnant. Nam eius verba inuertunt, & sensus mutant, nec insistant Regis vestigiis ne cogantur ὁμόσε χαρῆν, & aduersa fronte concurrere. Fingunt monstra quæ iugulent, sed aliis monstis oppositis. Impar sane congressus. Non euertitur pugil flatu:leonem excipere

pere subula non modo periculosum est, sed & dignum risu. Nec Regis doctrina nixa veritate tam molliter feriendo euertitur. Hæc à me dici non partium studio, nec obtrectandi libidine sequens tractatio docebit.

## C A P. I I.

*Commonefactiones Cuffetelli. Eiusdem & Bellarmini  
& ipsius Papæ, ac Iesuitarum de proditionibus &  
Principum cade iudicium.*



**A**RISTOTELES secundo Rhetoricorum dicit rusticos maxime esse *ἱσχυρότερος* & crebriores sententias proloqui. Insipientia, tolerabilior est sapientiâ importunâ. Hæc est prima culpa Cuffetelli, qui statim ab initio libri Regem prolixè admoget, multa grauitate & fide. At ipse dum Regem monet officij, mihi videtur oblitus sui. Nam Hieronymus in Vigilantium, ait Monachum non docentis, sed plangentis habere officium. Vtique vult monachos flere sua peccata, non verò aliena persequi. Maximè vero indecoræ sunt hæc reprehensiones apud Regem cuius vita est censura perpetua, & sacrosanctæ disciplinæ exemplum. Melius Lutherus qui Leonem X. *Sleid. Hist. li. 2.* hortabatur ad eiurandum Papatum, eumque ad laboris societatem inuitabat.

Addit Cuffetellus Regem Maioris Britanniæ i-  
stis coniurationibus abalienatum esse ab Ecclesia Roma-  
*Tertul. Apol. cap. 30.*

na, quam tamen affirmat hac facinora non probare, quin potius optare Regibus vitam prolixam, imperium securum, domum tutam, exercitus fortes, senatum fidelem, populum probum; modò ne Religio Romana inde quid detrimenti capiat.

*Legis fasciculum*

*Rerū expetendarum fol.*

*40. & seq.*

*Helmoldum de rebus*

*Sclauonicis.*

*Paulum Langium in Chronico Citi-*

*zensi. Bē-*

*nonē Cardinalem in vita*

*Hildebrādi. Sigoniū de Regno Italia lib. 9.*

*Abbatē Vſpergēsem in vita*

*Greg. 7. Naucierū Platinam &c.*

*\* Apud*

Bellarminus quoque perſepe, maximè vero in Epistola ad Blakuellum negat Pontificem Maximum vllum Principem, quamuis persecutorem caedi mandasse, aut eadem ab altero factam probasse.

Hec ab illis qua fide dicantur facile est cognoscere: Plenè enim sunt historiae vltimorum seculorum exēplis Imperatorum & Regum in quorum cēdem & ruinam Papę concitauerunt arma vicinorum, & subditorum. Quis enim Rudolpho Sueuię Duci fuit auctor rebellandi in Henricum IV. Imperatorem? Quis in eundem Henricum filij sui Henrici V. parricidalia arma commouit? Nonne Paparum autoritas, & suasio? Quid Fredericum I I. dicam, cui cū Pontifex Innocentius I I I. in concilio Lugdunensi Imperium abrogasset, non modò Imperij proceres, sed & Sultantum Sarracenorum in eum incitare conatus est: teste Alberto Abbate Stadenſi in Chronico, & aliis?

Ac ne vetera confectèr, nonne excommunicationem Henrici III. Regis nostri, & abdicationem factam à Sixto V. eiusdem Henrici cādes à Iacobo Clemente Dominicano paulo post est consecuta? Quam cādem idem Papa frequenti Consistorio laudauit, 3. Idus Septembris 1589. Circumfertur oratio\* excusa Lutetię Anno 1590. præfixa approbatione Doctōrum, Cuius oratio-

nis

nis vltima verba libet hic apponere. Propter hac, *Nicolaũ*  
 (inquit) & similia manifesta impœnitentia indicia de- *Niuelliũ.*  
 creuimus pro ipso non esse celebrandas exequias, non *& Rolli-*  
 quod præsумamus quicquam ex hoc de occultis erga *nũ Theo-*  
 ipsum Dei iudicijs, aut misericordijs, qui poterat se- *doricum.*  
 cūdum beneplacitum suum in ipso exitu anima sua cō-  
 uertere cor eius & misericorditer cū illo agere, sed ista  
 locuti sumus secundum ea quæ nobis exterius patent.  
 Faxit benignissimus Saluator noster vt reliqui hoc  
 horrendo iustitiæ supernæ exemplo admoniti, in viam  
 salutis redeant, & quod misericorditer hoc modo cœ-  
 pit, benignè prosequatur ac perficiat, sicut eum factu-  
 rum speramus, vt de erepta Ecclesia de tantis malis &  
 periculis perennes illi gratias agamus. Extat legenda  
 istius αλ' α' σ' op & titulo, *Vita sancti Clementis*, quam  
 ipsi vidimus & legimus cum horrore. Pingebatur  
 instructus fatali cultro quo Henrici III. viscera  
 scrutabatur. Sed non habuit hic sanctus homi-  
 nes propitios, essetq; haud dubiè in Cœlis, si bel-  
 li exitus sceleratū huius mōstri cultum adiunxis-  
 set. Hoc eius facinus à Iesuita Mariana plenis buc-  
 cis laudatur, libro primo de Rege & Regis insti-  
 tutione cap. 6. *Specie* (inquit) *alias litteras in manus*  
*tradendi, cultro quem herbis noxijs medicatum manu*  
*tegebat, supra vesicam altum vulnus inflixit: insignem*  
*animi confidentiam facinus memorabile.* Et paulo  
 post. *Cæso Rege ingens sibi nomen fecit: cade cades ex-*  
*piata, ac manibus Guisij Ducis perfidè perempti regio*  
*sanguine est parentatum.* Sequenti vero capite de  
 Tyrannis per dolum aut venenum tollendis a-  
 gens. Si (inquit) euaserint, instar magnorum he-  
 rorum in omni vita suspiciuntur: Si secus accidat, grata  
 superis, grata hominibus hostia cadunt, nobili conatu

*ad omnem posteritatis memoriam illustrati. Ut tamen patricidium committatur honestè, suadet vir bonus ut hoc temperamento. Hoc tamen (inquit) temperamento uti in hac quidem disputatione licebit, si non ipse qui perimitur venenum haurire cogitur quo intimis medullis concepto pereat. Sed exterius ab alio adhibeatur, nihil adiuvante eo qui perimendus est; nimirum cum tanta vis est veneni ut sella eo aut vestis delibuta vim interficiendi habeat. Qua arte à Mauris Regibus inuenio sæpe alios Principes missis donis veste pretiosa, linteis, armis, ephippijs fuisse oppressos. Exemplum videtis disciplinæ. Timuit Iesuita ne Rex hauriens venenum propinatum (quanquam id faceret imprudens) alligaret se criminis in se admissi, & inde aliquod periculū animæ eius crearetur: at non timuit ne qui sciens & prudens Regem suum perimeret, crudelitate nefanda & proditione pollueretur. Nimirum hæc est cordatorum hominum benigna crudelitas, bene cupere animabus, quarū necauerint corpora. Quis non miretur facetam nebulonis vecordiam? Immo quis non indignetur hæc ferri, & defendi? ut factū est nouissime à Gretzero Iesuita Alemanno in libro quem Vespertilionem Hæreticopoliticum inscripsit, immo & ab ipso Pontifice? Enimuero quis ob talia scripta vnquam damnatus est à Papa? aut quis hoc nomine deteriori fuit apud eum condicione? Quis Papa siue post tentatam, siue post patratam Regis alicuius cædem, factum damnauit, aut vetuit ne quid porro tale committeretur? Nonne Genebrardus Chronico ad annum 1581. hæc notat? *Sanderus & alij plerique nobiles Catholici freti bulla Pij V. in Hibernia**

*contra*



*contra Angliæ Reginam bella pro patria & religione gerunt.* Illud vero scitu dignissimum quod cum nuper Romæ de Marianæ scriptis esset instituta cognitio, alij quidā eius libri notati sunt censura, hic vero ne minimum quidem reprehensus est. Allata est Romæ censura qua damnabatur Arrestum Parlamenti aduersum Iohānem Castellum qui Henrico IV. Regi præstantissimo cultro dentem excussit, cum iugulum peteret: Nec non censura historiarum Augusti Thuāni viri omnī laude dignissimi. Notabantur quoque eodem carbone alia quedam scripta Marianæ. Hunc solum librum exitialem principibus censura non attigit. An quia latuit liber censors? At facile fuit postea supplere quod fuit omissum negligentia, nec ad eam rem defuit aut tempus aut occasio. Nempe librū probatum à Generali ordinis Aquaviuā, & à pluribus viris doctis & grauib; eiusdem ordinis (sic enim habet præfixa operi approbatio) nefas erat attingere. Merito ergo liber sacri Parlamenti iussu tortoris manu publicè crematus est; Quāquam dum sæuitur in scripta, ipsi vero homines fouentur & in sinu habentur, liber illis ipsis flammis nescio quo modo factus est illustrior. Mitto Iesuitæ Guignardi orationem suasoriā Tyrannicidij (Tyrannos enim vocāt Reges legitimos, immo & optimos, si vel tantillum Papæ aduersantur) & Apologiam Francisci Veronæ Constantini pro Iohanne Castello. Nam quid exempla cōquiro cum præsto sint regulæ & Canones quibus eiusmodi facinora aut probantur, aut molliuntur? Papæ Urbanus Causa 23. Quæst. 5. Canone. Ex-

*communicatorum: sic ait. Non enim eos homicidas arbitran- u' quos aduersus excommunicatos zelo matris Catholica Ecclesia ardentes, aliquos eorum trucidasse contigerit. Emanuel Sa Iesuita in Aphorismis Confessariorum in voce Clericus. Clerici (inquit) rebellio in Regem non est crimen laesa Maestatis quia non est subditus Regi. Quæ verba ab editione Parisienti erasa gaudeo: manent tamen in editionibus Antuerpiæ & Coloniae curatis. Ipse Bellarminus libro in Barklaium cap. 7. Non pertinet ad Monachos aut alios Ecclesiasticos viros cades facere, vt habetur 23. q. 8. Can. 1. & sequentibus, multo autem minus per insidias Reges occidere. Neque summi Pontifices consueuerunt ista ratione Principes coercere. Ipsorum mos est primum paternè corripere, deinde per censuram Ecclesiasticam sacramentorum communione priuare, denique subditos eorum à iuramento fidelitatis absolvere, atque auctoritate regiâ, si res ita postulat priuare. Exequutio ad alios pertinet. Post latam ergo sententiam si quis de plebe Principem occiderit, fecerit rem licitam & iustam: nam (si fides Bellarmino) exequutio ad eum pertinet. Nonne idem Cardinalis lib. 5. de Romano Pontifice cap. 8. & passim lib. aduersus Barklaiũ contendit Papam eandem habere potestatem quam olim Ioiada Pontifex qui Athaliam reginam nõ modo regno, sed & vita priuauit? Quam in rem habes disertissima verba Martini Becani Iesuita in libro de Cõtrouerfia Anglicana, pag. 123. Ioiada (inquit) Pontifex prius priuauit Athaliam regno, deinde vita. Itaque priuauit eam regno vt Reginam & publicam personam: priuauit autem vita vt priuatam personam. Et pag. 125. Quicquid pote-*

*potestatis & iurisdictionis permissum fuit Pontifici in veteri testamento, hoc etiam in nouo permissum illi est.* Nonne idem Bellarminus in refutatione Apologiae pro iuramento fidelitatis, laudat Garnetum, quod cum esset conscius coniurationis puluerariae, maluerit tamen Regem occidi quam Confessionem reuelari? Nonne vir insignis & doctrina & fide Isaacus Casaubonus in sua ad Frontonem Duceum Epistola testatur sibi dictum à Bineo Iesuita: *Præstare Reges omnes perire quam si vel semel confessionis sigillum violaretur? Regum enim Imperium esse iuris humani, Confessionem diuini?* Et Iesuita Andreas Eudemonio Iohannes in Apologia Garneti cap. 13. *Nulum tantum potest esse malum cuius vitandi causa confessionem prodere liceat.* Vestram fidem, an non hoc est cædem Regum approbare? Oporter enim sit homo nequam in cuius sinum consilia de parricidio & Regum cæde tutò deponuntur: qui crudeli taciturnitate perfidique silentio, spectat immotus cædem patris sui vel Regis: aut euerfionem patriæ cui poterat mederi. Erga parricidas quidem egregia fide, sed erga Deum, Regem, parentes, patriam summâ perfidiâ. Fuit sanè semper apud omnes populos super hac re summa consensus, ut in crimine perduellionis & Maiestatis, conscius cum executor sceleris pari pœna afficeretur: hic enim manum sceleri accommodat, hic conscientiam. Ipsum Bellarminū lubens ferā hic Iudicem, an si quis per confessionem ei aperuerit conspirationem in Caput Pontificis, sitne Papam moniturus, an vero passurus sedem (sicut ipse putat)

Apostolicam sanguine Papali pollui? Absit ut de eo tam male sentiam.

At (inquiunt) resignare sigillum confessionis perfidia est. Quid? an fidelitas est & pietas prodere Regum vitam & patriæ salutem, humaneque societatis commercia & iura sub fidelitatis obtentu funditus tollere? In his certe fidelem esse & innocentem iuris est diuini; At confessio auricularis est humana constitutio quæ vetus Ecclesia non habuit, & tota orientalis Ecclesia non obseruat. Neque enim Iacobus capite quinto iubens nos ἐξομολογησθαι ἀλλήλοις τὰ παρὰ ἑαυτοὺς ἁμαρτήματα, *Confiteri alij alijs peccata*, agit de confessione auriculari, sed de confessione qua fideles post offensam sibi inuicem satisfaciunt: Eum enim agere de confessione reciproca, qua & tu apud me & ego apud te culpas mutuas confitemur clarè indicat vox ἀλλήλοις, *Confitemini* (inquit) *inuicem*: quod & euincunt verba sequentia, καὶ ἐν ἑαυτοῖς ὑπὲρ ἀλλήλων, *orate alij pro alijs*: vbi agnoscunt omnes nō agi tantū de precibus quæ pro presbyteris concipiuntur, sed de precibus quibus fideles pro se inuicē apud Deum intercedunt. Hæc enim sunt ἐχέμενα, & duo similia præcepta, alterum de confessione peccatorū, alterū de precatione hic datur. Neque vero si aduersarij obtinerent Iacobum hic agere de auriculari seu arcana confessione, essent tamē assecuti quod volunt, nam de silentio religioso confessoriorum neq; hic, neque vsquam verbum vllum inuenias.

Hæc ergo cum à Bellarmino eiusq; consecratis credantur & doceantur, eos velle vitā Regū sarram & tectam nemo credet nisi qui ultro

vult decipi. Vel illa sola doctrina qua contendunt Papā posse Reges exauthorare & regno exuere, sufficit ad fidem astruendam nostræ accusationi. Nonne Bellarminus toto libro in Barklaium, hoc vnum agit vt probet penes Papam esse, Regibus abrogare imperiū, & subditos à iuramēto fidelitatis absolvere? Idq; prolatis testibus septuaginta septem quos longa serie in operis frōte locat? At hoc docere quid est nisi eādem Regum probare? Nam quis nescit Regē anathemate cōfossū, & regno exutum, iturum ad arma & bello sua tutaturum quod fieri non potest absque vitę periculo? Certē qui iubet aliquem Regno spoliari, iubet & occidi si se bello defenderit; Replica memoriā vetustatis, & reperies paucissimos Reges superstites fuisse suo imperio, & omnes, demptis paucissimis, vitam amisisse cū Regno: certis enim gradibus ad regnum ascēditur, descensus vero præceps est, nec temerē inuenies quem molliter tanta ruina deposuerit. Nec omittendū est librum hunc Bellarmini Regibus exitialem attemperatē statim post Hérici Magni cādē prodiisse, quasi ad id ē-  
 ξεινδēs factus esset, vt Rex maximus iure occisus videretur. Ideoq; damnatus Arresto Curiae Parlamēti ad VI. Cal. Decemb. 1610. Cuius Arresti verba sunt: *Bellarmini librum in Barklaium continere falsam & detestandam propositionem tendentem ad euersionem summarum potestatum à Deo stabilitarum, insurrectionē subditorum in suos Principes, subtractionem ab eorū obedientia, instigationem ad audendum in eorum caput. Ideoque cautum ne Doctores, Professores aut alij quicunque supradictam pro-*

*positionem vlllo pacto doceant. Nec non interdictum omnibus librarijs, & typographis excudcre aut distrahere supradictum librum sub pœna criminis Maiestatis, &c. Nē vltra fœuaretur in librum, datum est dignitati personæ. Sed cum sub idem tempus Abbas Syluius ob patricidiale illam doctrinam esset in Iesuitas inuectus voce & scripto, paulo post Romę necatus est in carcere: Magno posteris documēto honesta facinora minore periculo incipi quam deferri. Nec posse hodie cuiusquam fortunam in tuto constitui, nisi aut Pōtifici sine exceptione seruiat, aut palam aduersetur. Ipse Cuffetellus malè acceptus est Romæ, & loco pene mor<sup>9</sup> quod in suo libro erga Reges paulo pronior, nec satis fauens Papę videretur.*

*Illud vero mihi videtur præter cætera horrendum, & post homines natos inauditū, quod proposito martyrij titulo homines ad patricidia Regum animatur, & quæ Garnetus & Oldcorus inter Iesuitici ordinis martyres locū tenent, idque tam publicè vt etiam venalis proster pictura, quam ipsi sæpe vidimus & indoluimus. Nam quid deinceps Regibus erit tutum, si per regicidia quaritur corona martyrij? Siccine sacrosanctum nomen Martyris dehonestari? An per scelera & sanguinem in Cœlū itur? Pœna nō facit martyrem, sed causā: nisi forte Satan etiam suos habet Martyres. Tales cruciatus sunt crimina, non modo indigna laude, sed ne quidem digna venia. Ergo in venerabili martyrum choro, vbi Stephanus, & Iacobus Apostolus ducūt agmen, quos sequitur turba sanctorum, prodigorum sui sanguinis, parcorum Dei gloriæ, conspiciuntur*

cientur incendiarij & parricide, illi instructi facibus, hi gladio; quæ non sunt indicia pænæ, sed criminis: quibus non significetur quomodo fuerint necati, sed quomodo necauerint. Infelicia sæcula quæ sceleribus inscribunt nomina virtutum & per corruptionem vocum corruptelam morum & doctrinæ insinuant.

Ignauus ergo (si his creditur) Paulus Apostolus, qui, cum coram Nerone sisteretur, non ausus est sicam sub sinum abditam adigere in pettus Tyranni. Maxime cum non deesset facultas: Paulus enim qui solo verbo visum Elymæ abstulit, & Petrus ad cuius vocem Ananias & Saphira conciderunt mortui, poterant eadem virtute, opprimere monstrum cui lusus erat Christianos feris laniandos obicere, & pice illitos in usum nocturni luminis vrere, in quo deniq; habemus singulare exemplum quid in summa fortunâ summa possit nequitia. Hic ego, Iesuïte, vestram conscientiam appello, an si Paulus ob tentatum eiusmodi facinus fuisset affectus capitali supplicio, mors talis decorâda fuisset titulo Martyrij? denique an ita occumbens ædificasset Ecclesiam salutari Christianæ constantiæ exemplo? Non equidem puto esse quemquam ingenio tam lauo qui id existimet. Nisi fortè Leonardus Coquæus aliquis, qui non modo non audet dænare authores puluerariæ proditiõis, sed etiam de eorum felicitate & salute bene ominatur. Verba eius hæc sunt pag. 43. *Inde vero magna mihi opinio est felicitis exitus & salutis illorum, qui etsi in consilio operèque peccassent, constantes tamen in fide S. Romana Ecclesia ex hac luce discesserunt.*

Nota voces, *si peccassent*, quod perinde est ac si diceret eos non peccasse.

Hæc cum ita sint, non dubium est quin Iesuitæ, & quisquis cum eis sentit, probent & suadeant regum parricidia. Quorum dogmata quãdiu erunt accepta in vulgus, nunquam Regum nostrorum vita erit in tuto. Fallitur enim qui putat Regum saluti consuli, si sceleratus aliquis parricida exquisitissimis cruciatibus sub oculis populi torqueatur, interea dum fatalis principibus doctrina scriptis vel sermone in eiusdem populi animos instillatur. Non enim tunc primum parricida esse quis incipit, quando sceleratam manum in vinctum Domini intentat. Tunc, tunc se parricidij alligat quando mens infecta superstitione improbâ, nefariam persuasionem imbibit. Deterior fuit ille qui Iacobi Clementis animum quam qui cultum veneno infect. Nec mirum si discipuli auidi regij sanguinis ex ea schola prodierint, in qua laudes Harmedij & Aristogitonis & Dionis erant chriæ vfitatæ, & quotidianarum declamationum argumenta.

Verûtamen ad declinandâ inuidiâ, & dogmati huius asperitatem molliendam, Bellarminus cõmentus est stropham quam operæ precium est cognoscere. Isigitur c. 31. in Barklaium, inducit Papam sic coarguentem indocilitatem populi responsantis, & plus æquo religiosi. *Non tibi (inquit) facio gratiam præcepti naturalis vel diuini cum ab obedientia vinculo te absoluo. Non enim permitto Regi non pareas, quod esset contra ius diuinum, sed facio vt ille qui tibi erat Rex non sit tibi deinceps Rex*

Quo



Quo etiam colore vitur Franciscus Verona ad Ioannis Castelli facinus excusandum cap. 3. partis secundæ. Capitalis profecto oratio, & quæ vocum commutatione molliens crimina, soporat conscientias vt putidis distinctionibus indormiant. Nempe occidit nefarius furcifer Henricum, sed non occidit Regem. Cur hoc? Quia Papæ iudicio Rex esse delierat, etli de facto regnaret. Quid? Potuitne Papa eripere Henrico Regnum quod non dedit? Quis autem in Papam hanc potestatem contulit? nam hac de re in verbo Dei nulla mentio. Aut cur Romani pontifices non vñ sunt per multa secula hac potestate, cum Ecclesia sæuissimorum Tyrannorum iugo premeretur? Aut si defuerunt vires, cur non saltem extitit eorum aliquis qui datam sibi à Christo potestatem transferendi regna, præpediri aut inutilem esse conquereretur? Sed quid si Papæ sententia fuerit iniusta? Nam & posse ab eo iniustè iudicari, ne Bellarminus quidē negat; Quinimo ex Gregorio cap. 1. Causa 11. quæst. 3. contendit timendam esse excommunicationem siue iusta fuerit, siue iniusta. Istius vero iniustitiæ nō alium vult esse iudicem quam Papam. Quod si ita sit, & an Papa iustè iudicet ipsius Papæ iudicio statur, confinget causas quas volet, vt hoc pacto Regibus imperet, & habeat Reges beneficio sibi deuinctos, quippe quos quo iure quaque iniuria in alieno regno locauerit. Audi vero faceram huius Cardinalis benignitatem erga Reges iniustè habitos, capite enim 31. in Barklaium vbi agit de abdicatione Principum, sic habet. *Quod autem dicis iniustam sententiam non lade-*

*re cum in quem fertur verū est, quando is in quem fertur eam humiliter tolerat & obseruat, donec iniustitia vel potius nullitas eius manifeste se prodatur. Benignè: & quo Reges iniustè regno excussi latentur, iniusta enim sententia abdicationis eis non nocet dummodo cedant. Regno patienter, & tanto culmine deuoluti per nefas, taceant: & expectent, donec qui Regnum eorum inuasit, patefactâ iniustitia sententiæ ultro renunciet regno quod occupauit, eo reuocato quem iniusta Papæ sententia depulerat Imperio. Siccine sublinios Regibus quasi fatuis? aut quid hoc est nisi regum capitibus insultare per ludibrium? Nam quid si is in quem alterius diadema iniustè à Papa translatum fuerit, noluerit post iniustitiam sententiæ cognitam loco cedere, & voluerit usurpata iniustè per vim retinere? Quid si Rex pulsus, in defensione sui iuris vitam amiserit? An Papa eum ex inferis excitatum denuo locabit in folio? Ridiculè, immo sane improbè, & in reges contumeliosè. Adeone quenquam esse vacui capitis ut hæc à Bellarmino serio dici existimet?*

## CAPVT III.

*De Cardinalibus & Pontificum Romanorum  
electione.*

**R**Ex Serenissimus & Maximus, non ferens se cum Cardinali quasi cum equali committi, gnarus quantum distet pileus à corona regali, & quantum inter sit inter seruum serui seruorum, & dominum tot populorum, De Cardinalibus in sua præfatione Monitoria sic agit.

Neque vero mihi vnquam persuasi tantum esse in purpura Cardinalitia dignitatis vt occurrere Regio fulguri par ac amula, & velut equali Maiestate cum eo possit ad certamen componi. Nam & multa millia in subditis habeo qui splendore natalium Bellarmino non concedant: & hanc illius Ecclesiasticam dignitatem, Cardinalatum inquam, nescio quo loco aut pretio habeam siue ad Scripturarum authoritatem, siue ad Imperatorum cōstitutiones expendam. Cum sit nihil aliud quam noua Paparum institutio quam in Immensum excrescere decessorum nostrorum, Regum, inquam, qui his aliquot seculis rem Christianam rexerunt, mollis & ad omnia Pontifici conuiuens lenitas permisit.

Eadem de re idem Rex prolixius alio suo Præfationis loco, his verbis. Nam Ecclesiastica illa dignitas, quāquam Principum incuriā (vt iam dixi) ad hoc præsumpti honoris culmen ascendit, tamen si ad eius originem & cunabula redeamus nihil est aliud quā titulus presbyteris & diaconis Paræciensium Ecclesiarum

vrbs Roma attributus : olim quidem Presbyteris & Diaconis cuiuslibet Cathedralis Ecclesie vniuersè concessus. Sed cum eiusmodi Cardinalium ingens multitudo vndique Romam commeantium urbem impleret, tandem nomen Cardinalis cateris ademptum est, & solum Romanarum parœciarum presbyteris & Diaconis reservatum. Et cum ante S. Gregorium nemo illius tituli meminerit qui Sexcentis post Christum annis in quibusdam Epistolis de Cardinalibus loquitur, atque ita multis post Apostolos seculis, hodierni isti sedis Apostolica Electores inuisi omnibus & incogniti fuerint: cumque ipse Gregorius non eos alio loco ponat quam quem eos olim obtinuisse modò dixi, non potest, opinor, Cardinalis, qui Gregorium Angliæ Apostolum vocat, mihi Angliæ Regi vitio vertere si Cardinales eodem gradu & ordine habeo quo constat nostrum illum Apostolum habuisse.

Sed quo modo præter rationem sua originis ac institutionis tam prodigiose elati sint, ut ex parœciarum Presbyteris ac Diaconis, nunc Principes facti sint, Regumque aequales, & ex gradu, Episcopali dignitate minori (ut † Bellarminus & \* Onuphrius fatentur) sint hodie soli Pontificis electores, qui cum generalium Conciliorum vice funguntur (vnde & iam vsus generalium Conciliorum penitus exoleuit) immo ut non nisi ex illorum collegio fas sit Pontificem eligi, qui supremam in Reges sibi auctoritatem vindicat: hoc, inquam, tam insolens incrementum quo modo cæperit, nullisque repugnantibus adoleuerit, nostrum est omnium providere: Qui cum in terris Vicarij Dei simus, iure optimo suspectos habere debemus istiusmodi nuper exortos Principes, qui sua origine modici humilesque, se ipsos ad summum fastigium suis ipsi suffragijs subuehunt, Regibusq;  
dein-

† Libr. de Clericis c. 16.

\* Libr. de Episc. titulis & diaconis Cardinalium.

deinde se componunt. Sed hæc est præcipua quam nobis inferunt iniuria, quod ius Christianis commune Regibus in generalibus Concilijs nobis adimant, cum illorum habendi modum penitus sustulerint, eorum vi ac potestate ad se pertracta & velut monopolio in Pontificio conclavi constituto.

Hanc Regis orationem veritate & sententiarum pondere commendabilem Cuffetellus perstringit leuiter & perfunctorie. Bellarminus vero instat actius, quippe qui suæ purpuræ debebat defensionem.

Principio de Episcoporum & Presbyterorum dignitate prolixè agit, congestis ad id aliquot Patrum testimoniis qui Episcopos immo & Diaconos Imperatoribus anteponunt. Omnia præter rem. Rex enim cum negat Cardinales Regibus posse componi, non agit de gradu quæ Pastores obtinent in Ecclesia circa res sacras: sed de dignitate & gradu quem Cardinales in rebus ciuilibus & terrenis occupauerunt in fraudem principum, seu capiendus accubitus inter conuiuas, seu confidendum inter Principes, seu locus tenendus in publica pompa, vel in Regum coronatione, in quibus rebus Cardinales anteponunt se principibus, & æquant Regibus, faciente ipso Bellarmino, his verbis: *Quod vero apud Iurisconsultos dici solet, Cardinales equiparari Regibus, de externo cultu & honore intelligendum videtur. Vfus enim obtinuit vt quemadmodum Principes omnes Regibus cedunt, sic etiam cedant Cardinalibus, & in hoc paritas quadam esse videtur.*

Quo autem iure hoc sibi arrogent, habes libro 1. Sacrarum Cæremoniarum, sectione octa-

ua, vbi Pius II. Cardinales his elogiis ornat. *Ad Collegium Apostolorum vocati consiliarii nostri & con- iudices orbis terrarum, successores Apostolorum circa thronum sedebitis. Vos Senatores vrbs, & REGVM SIMILES, eritis veri mundi Cardines, super quos militantis ostium Ecclesie voluendum. Parum est æ- quari regibus, nam etiam anteponuntur. Neque enim stare iubentur ad fræna Papalis equi, nec sellam Papalem tollere in humeros: quæ sunt partes* \* *Imperatoris & Regum: Veruntamen ne Reges grauentur onere, succollantibus famulis Pontificis, parte oneris subleuantur: benignè sanè & ex Regum dignitate. Romæ in solemnibus actionibus & Pompis, Reges concedunt Cardinalibus. Sic in Conuiuio Papali cum capiendi sunt accubitus hunc ordinem seruari docet liber primus Ceremoniarum, sectione 3. Stabunt (in- quit) ante mensas lauantes eo ordine quo sedere debent in mensa. Prior Episcoporum in capite ad dextram, si aderit Rex aliquis, erit in secundo loco: si plures Reges, mixti erunt cum primis Cardinalibus: primo Rex, de- inde Cardinalis successiue, si erunt mixti Principes, aut filij vel fratres Regum (si non seruiunt Papa) debent se- dere inter Diaconos Cardinales vel post eos pro eorum dignitate & conditione. Primogenitus Regis, quia Rex futurus putatur, post primum presbyterum Cardina- lem erit, sed nullo modo inter Episcopos. Et hoc tam in conuiujs quam alijs actibus publicis, quamuis nostro tempore aliquorum siue ambitione, siue ignorantia, a- liquando sit seruatum contrarium. Ibidem iubentur omnes Laici, ac proinde etiam Reges genu fle- ãtere dum Papæ manibus aqua affunditur, at Prælati huius submissionis pudendæ sit gratia.*

Ac

\* Lib.  
Sac. Ce-  
rem. sect.  
2. c. 3.

Ac ne exempla externa conquiram, scit serenissimus Rex quo fastu in Anglia Cardinalis Oulfaus Henrici VII I. maiestatem & splendorem æquare conaretur. Et quanta arrogantia sub Iohanne & Henrico III. Regibus, Cardinales Pandolphus & Otho, Maiestatem Regiam conculcauerint, vsque adeo vt in epulis Regalibus non dubitauerint occupare sedem regiam, reiecto in inferiorem locum Rege. Quod si quis Cardinalis erga suum regem hodie se gerit modestius, id debet suæ prudentiæ, non vero legibus Ecclesiæ Romanæ aut Paparum constitutionibus, quorum astu & Regum quorundam incuriâ factum est, vt Cardinales intersint, immo & præsent in-teriori Regum consistorio, exemplo post constitutas in rebus humanis respublicas inaudito, quo præsident arcanis Regum consiliis serui principis externi, ad hunc honorem promoti non ab ipsis Regibus quorum consiliis intersunt, sed a Papa, cuius sunt subditi. Regibus aut dissimulantibus, aut timida religione perculsis.

*Mat.  
Par.*

De hoc externo splendore Cardinalium & dignitatis gradu tam eminenti tantum abest vt Bellarminus aliquid in veterum scriptis inuenir, vt ne nomen quidem Cardinalis, nec minima rei vestigia potuerit inuenire. Neque vero si in re diuina facienda reges Pastoribus concedunt, ideo Pastores debent cum Regibus vel de externo cultu, vel de dignitatis eminentia contendere. Sic nec Medicum Regi compares, etiamsi in rebus quæ ad curam corporis pertinent, Reges Medicis soleant concedere.

Nihilo acutior est in astruenda Cardinalium antiquitate, Si *Cardinales* (inquit) *vt Episcopi, Presbyteri, & Diaconi considerentur, à Christo ipso instituti sunt, &c.* Mirum vero cur Cardinales non considerauerit vt homines, sic enim potuisset eorum antiquitatem ab ipsa creatione arcessere. At Regi non erat sermo de Cardinalibus qua Episcopi, sed qua Cardinales.

Inde ergo excussus Bellarminus planè dat manus, & dum vellicat puncta syllabarum, specie pugnantis, caput tamen rei, & quod Rex intenderat, ultro concedit. *Olim (inquit) ob paucitatem personarum, non distinguebantur Presbyteri & Diaconi Romani Cardinales à non Cardinalibus, sed omnes in commune hoc officio (eligendi Pontificem) fungebantur.* Et paulo post Cardinalitæ dignitatis antiquitatē faretur non excedere annos quingentos, aut ad summum sexcentos, quæ sane mera est nouitas, cum de Ecclesiæ vel doctrina, vel politia agitur. Nec multo post agnoscit olim Cardinales Presbyteros & Diaconos minores fuisse Episcopis non Cardinalibus: obtinet ergo Rex quod volebat.

Idem Bellarminus Regem conatur coarguere erroris, ne dicam mendacij. Sic loquens. *Neque verum est olim Presbyteris & Diaconis cuiuslibet Cathedralis Ecclesiæ permissum fuisse titulum Cardinalitium. Rarissime enim Ecclesiæ his vocibus utebantur.* Audiatergo caput 54. Meldensis Concilij quod coactum est anno 845. *Titulos Cardinales in vrribus vel suburbijis constitutos Episcopi canonice & sine retractatione ordinent.* Oportuit ergo rem fuisse vulgarem quæ Concilij decreto passim fieri in

Gal-



Gallia iubebarur. Apud Sigonium de Regno Italiae frequens mentio Cardinalium Rauennatis & Mediolanensis Ecclesie. Nunc quoque Compostella habet suos Cardinales.

*Sigon. de Regno Italia lib. 7. extremo.*

Grauius errat dum Concilium Romanum citat sub Siluestro I. in quo fit mentio Diaconorum in cardine constitutorum. Hoc enim Concilium merum est figmentum, vt plara que vetera illius æui in tomis latinis Conciliorum contenta. Hoc Concilium habetur Tomo 1. Conciliorum, digestum in viginti capita: quorum primo dicuntur interfuisse Concilio 139. Episcopi ex vrbe Roma vel non longe ab illa: quasi vero Roma habuisset plures Episcopos. Sed neque ex Romæ vicinia Episcopi 139. potuerunt conuocari, Cum ne quidem Gallia, duplo maior Italiâ, habeat Episcopos centum & viginti. Capite ultimo decernitur primam sedem non posse iudicari, neque ab Augusto, neque ab omni clero, neque à Regibus. Attunc temporis in toto Imperio Romano nulli erant Reges. Quid quod Helena mater Constantini subscribit isti Concilio? res sane prorsus inusitata, vt sceminae subscribant Conciliis. Id ipsum testatur vltima Concilij clausula, quæ sic habet. *Actum in Traianæ Thermas 3. Kalend. Iunij Donno Constantino Augusto tertio, & Prisco consule.* Primo ridiculum est quod concilium dicitur actum in Traianæ thermas, quasi eo vi compulsum fuisset. Tum illud Donno Constantino pro Domino olet barbariem posterioris æui: ut & illud Constantino Augusto tertio, pro tertium. Sed illud maximum & insolubile falsitatis argumentum quod hoc anno qui fuit Christi 324. consu-

les dicuntur Constantinus Augustus & Priscus. At Consul Priscus cum Constantino Augusto nullus vnquam fuit, immo nec Constantinus Augustus (vt mentitur Pseudosynodus) hoc anno Consul fuit, sed filius eius Cæsar Constantinus cum Crispo Cæsare: Vide Chronologiam Marcellianam & Cassiodori Chronicon, & O-nuphrij fastos. Quid quod hæc Synodus fingitur posterior Nicæno Concilio, quod tamen indictum tantum fuit in annum 325. vt ad minimum sit *ante* *anno* *100* *100* biennij? Sanctio vero quæ de Diaconis Cardinalibus agit sic est concepta: *Diaconus cardine constructus vrbis nisi in triginta sex (testibus) non condemnabitur.* Ineptè, immo & iniuste, nam quid si Diaconus fuerit à triginta quinque testibus in homicidio aut adulterio deprehensus, an nefas erit cum accusari, nec erit numerus idoneus ad faciendam fidem?

Nihilo iustius Bellarminus Regem sic reprehendit: *Non est (inquit) rerum quod hoc loco scribit Rex, Cardinales cum Pontifice fungi vice Conciliorum generalium, & ideo vsum Conciliorum generalium exoleuisse, nam ab eo tempore quo cæperunt Cardinales ea eminentia excellere qua nunc excellunt, habita sunt multa Concilia generalia, tria Lateranensia, duo Lugdunensia, &c. Ego vero pertendo hoc verissime à Rege dici. Nam neque hæc Concilia fuerunt generalia quæ Bellarminus recenset, quippe quibus nemo ferè interfuit nisi Papæ subditus: nec in eis ex communi Episcoporum consilio, sed ad Paparum libidinem res sunt gestæ. Nec dubium est quia Consistorium Cardinalium sibi arroget pote-*

potestatem & vim vniuersalis Concilij. Nam si quid à Papa & Cardinalium Consistorio statutum est, non minus habet hodie authoritatis quam si in Concilio generali esset definitum: Vnde fit vt cogere tam longa & operosa Concilia quæ Pastores à suis gregibus per multos annos abstrahant res sit prorsus inutilis & super-  
 uitanea, cum præsto sit ratio longe compendio-  
 sior, Papæ nimirum & Cardinalium quos circa se habet iudicium. Ac mihi sæpe in mentem ve-  
 nit mirari veteres Christianos qui Synodum Ni-  
 cænam, Chalcedonensem, &c. tantis sumptibus  
 & labore conuocauerunt, in quibus sæpe va-  
 riis æstibus animorum certatum est, cum ha-  
 berent ad manum Papale oraculum ἀπαρτητον,  
 quod poterant consulere. Fidem quoque  
 Regis sententiæ non parum astruit quod acci-  
 dit in Tridentina Synodo, qua stante aliquot  
 Papæ ex viuis excesserunt. Sane si hæc Syno-  
 dus erat generalis & corpus totius Ecclesiæ Ro-  
 manæ representabat, ad eam plane pertine-  
 bat electio Pontificis: quod tamen non est fa-  
 ctum, sed hæc potestas, de more, Cardinalibus  
 paucis intra conclaue conclusis est reserva-  
 ta. Quin & ex Papæ & Cardinalium Consisto-  
 rio mittebantur per veredarios decreta fidei  
 iam præmansa antequam de eis in Concilio re-  
 ferretur.

Verissimum quoque est (vtcunque Bellar-  
 minus reclamet) non assumi quenquam ad Pa-  
 patum nisi ex Cardinalium Collegio. Factum  
 est quidem aliquando vt dum purpurati patres  
 scinduntur in partes, & alij aliorum obni-

xè euertunt suffragia, tandem cogerentur in aliquem inclinare qui nullo esset neque loco neque numero: Magis ex inuidia quam iudicio: & potius per aduerse factionis studia quam quod utilitati Ecclesiæ Romanæ consulcretur, ut factum in electione Eugenij III. monachi Benedictini. Clementis V. & aliorum. Sed mos ille pridem exoleuit, nec duobus his nouissimis sæculis quisquam ad Papale fastigium nisi per Cardinalatum ascendit.

Quod vero Rex addit de iure Regibus adempto in Conciliis, vsque adeo verum est, ut ne quidem Reges Galliæ quamquam Romanæ fidei defensores voluerint in Tridentini Concilij Acta iurare, sed per suos Legatos in Concilium protestari sint, conquesti se & suos Legatos indignè habitos, & Ecclesiæ suæ iura violata; Neque passi sint hoc Concilium in suum regnum admitteri. Sed & ius conuocandi Concilia ademptum Imperatoribus & Regibus Papa in se traxit. Neque in Conciliis, aut aliis similibus solemnibus actionibus Reges regiam dignitatem obtinent, ut plenius docebitur cum de Conciliis ageretur.

*Infra c.*  
17.

Locus vero Concilio, eligitur ad quem non sit tutus accessus Episcopis & Ministris qui à Papa dissentiant. *Adix* quidem, seu saluus conductus eis oblatus est à Synodo Tridentina, sed nemo eorum ausus est induere se in hos casses, memor Iohannis Hus & Hieronymi Pragensis qui sub fide, immo per fidem publicam viui comburio consumpti sunt: & gnarus illius axiomatis Romanæ fidei, fidem non esse seru-

uan-

uandam hæreticis.

Sed de Cardinalium origine & incrementis libet agere plenius, & his tenebris inferre lucem.

Cum ergo olim in vna eadémque parœcia, vt fit, plures essent presbyteri, qui priores inter eos tenebat, presbyter Cardinalis, id est, principalis & præcipuus dicebatur, teste Pandulpho \* Pisanò : quem secutus Onuphrius, historiæ pater, librum de Episcopalibus titulis, & Diaconiis Cardinalium scripsit. Fallitur enim Bellarminus lib. de Clericis cap. 16. vbi ait in Synodo S. Gregorij quæ habetur libro quarto Registri cap. 82. poni subscriptiones Presbyterorum Cardinalium : & inter eos, tres inueniri tituli S. Balbinæ, duos S. Damasi, &c. Nulla enim ibi mentio Cardinalium: presbyteri vero eiusdem tituli quorum ibi fit mentio, nihil aliud sunt quam Presbyteri eiusdem parœciæ, idque ex veteri consuetudine, per quam Ecclesiæ seu parœciæ vrbium tituli vocabantur. Sic Innocentius I. in Epistola ad Decennium Episcopum Eugubinum. *De fermento quod die Dominica per titulos mittimus*, id est per parœcias.

Istius verò consuetudinis qua præcipuus aliquius parœciæ presbyter, Cardinalis appellabatur, etiam hodie supersunt non obscura vestigia. Nam Pontifex dans titulum & anulum nouis Cardinalibus sic inquit: *Ad honorem Dei omnipotentis sanctorum Apostolorum Petri & Pauli & sancti N. committimus tibi Ecclesiam S. Chrysogoni, vel Sabina &c. cum clero, & populo, & capellis suis secundum formam qua committi consuevit Cardinalibus qui*

*eandem Ecclesiam in titulum habuerunt. Ut refertur lib. 1. Sacrarum Cæremoniarum Sectione 8. cap. 12.* Sed hæc fiunt dicis causa, & (ut loquuntur) pro forma: Suntque meræ voces sine rebus, Novus enim Cardinalis inde rectâ in Galliam vel in Hispaniam; nunquam visurus titulum seu paræciam urbis Romæ à qua denominatur, & quæ hac concepta formula eius curæ commissa est. Inde est quod Romæ per annos plusculos, viginti tantum & octo fuerunt Cardinales pro numero veterum paræciarum Romanarum. Erant videlicet septenæ sub vnaquaque Ecclesia præcipua & Patriarchali, urbis Romæ. Nam quinta, nempe Lateranensis Papæ erat domicilium, eoque nomine supra alias quatuor eminebat.

Duravit numerus iste vsque ad Honorium II. anno 1125. teste Onuphrio: Tunc enim cæpit Cardinalium numerus augeri aut minui ad Pontificum arbitrium. Iamque collapsa Rauennatis & Mediolanensis Ecclesiæ dignitate, quæ diu fuerant æmulæ Ecclesiæ Romanæ, apud solos presbyteros & Diaconos Romanos mansit in Italia dignitas Cardinalitia.

Quod ad Diaconos attinet, vetus Ecclesia Romana septem habebat Diaconos, secuta exemplum Ecclesiæ Ierosolymitanæ, in qua septem Diaconos creatos ab Apostolis testatur Lucas Actorum sexto. Eorum munus erat colligere & seruare eleemosynas, & in pauperes erogare, instante communione Catechumenos, & pœnitentes templo eiicere: altari seu mensæ sacræ assistere: panem & calicem Eucharistiæ defer-



ferre ad singulos, immo & ad absentes : facram  
mentam ferre humeris cum loco esset mouenda,  
legere Euangelium &c. S. Laurentius martyrio  
coronatus sub Decio Imperatore anno 252. erat  
vnus de septem Diaconis Romanis , teste Pru-  
dentio in hymno Laurentij:

Hic vnus de septem viris,  
Qui ſtant ad aram proximi,  
Leuita ſublimis gradu &c.

Concinit Epistola Cornelij Episcopi Roma-  
ni ad Fabianum Antiochenum, quæ extat apud  
Eusebium lib.6. Historiæ cap.43. in qua Corne-  
lius ait suam Ecclesiam habuisse † *ἡμετέρας*  
*τῶν πατρῶν* &c. Idque ex sanctione Sy-  
nodi Neocesariensis, cuius canon ultimus hæc  
habet: \* *ἡμετέρας ἐπὶ τὰς οὐφείλουσιν εἶναι καὶ τὸν κανόνα, καὶ*  
*πάντα μετὰ τὴν ἐκείνης.*

† Presby-  
teros qua-  
draginta  
sex: Dia-  
conos se-  
ptem:

Hypo-  
diaconos  
septem:  
Acoly-  
thos qua-  
draginta  
duos.

\* Oportet  
Diaconi  
sine septē  
iuxta re-  
gulam,  
etiam si  
urbs sit  
maxima.

Sed pace Ecclesijs parita, & per pacem diuitiis, & per diuitias superbia, hi Diaconi cœperunt fastu intumescere, & cum presbyteris de gradu contendere. Augustinus testis libro quæstionum Veteris & Noui Testamenti, his verbis: *Faleidius duce stultitia & Romana ciuitatis iactantia Leuitas Sacerdotibus æquare contendit. Nec multo post, Romana Ecclesiæ Diaconi modico inuerecundiores videntur. Quem fastum Romanum damnat Hieronymus Epistola ad Euagrium. Quid (inquit) mihi profers vnius vrbis consuetudinem? Quid paucitatem de qua ortum est supercilium in leges Ecclesiæ, vindicas?*

Sequentia sæcula auxerunt numerum Diaconorum, & cum septem non sufficerent multitu-

dini, alij adiecti sunt. Qui vero inter Diaconos erat prior ordine, Cardinalis Diaconus dicebatur, id est, præcipuus.

Tunc temporis Episcopi Romani ab vniuerso clero & populo Romano eligebantur: veteri more & instituto quem habes planissimè descriptum ab Eusebio libro sexto historię cap.

29. † vbi memorat quo modo Fabianus in Episcopali sede à toto populo vnanimi consensu fuerit collocatus. Sic electus Damasus I. sic Gregorius I. qui detrectans Pontificatum scripsit ad Mauritium Imperatorem, ne pateretur electionem cleri & populi ea in re valere. Interceptę sunt litterę à Præfecto vrbs & disceptę, scriptęque alię quibus rogabatur vt quem populus & clerus legisset, Imperator confirmaret. Anno demum 1059. in electione Nicolai II. mentionem fieri Cardinalium apud Platinam inuenio, quibus tamen clerum & populum paulo post adiungit. Onuphrius dicit Gregorium VII. cognomento Hildebrandum, abstulisse populo Romano ius eligendi Pontificem anno 1072. eius tamen electionem Platina testatur factam non solum à Cardinalibus, sed & à toto Clero, sub multorum laicorum oculis & approbatione. Vnde constat non ita pridem electionem Paparum ad Cardinales esse redactam. Nec quicquam tam abhorret à veteri simplicitate quam scrupulosa illa disciplina quę circa electionem Papę hodie obseruatur. Obstruuntur cæmento & lapidibus fenestrę Conclauis, ne quid lucis illabatur. Peruestigantur interiora domus, ne quis lateat in insidiis. Cardi-

na-

† Εφ' ο' †  
 πύτα  
 λαὸν ὅς  
 οἶός πρὶν  
 ματθ.  
 θείν κιν-  
 θήντα, ὁ-  
 μέσει πο-  
 θυμία  
 πάση  
 μία ψυ-  
 χῇ  
 ἔστιν ὁπ-  
 βήσας  
 ἀμειλι-  
 κή τας ὁπ-  
 τὸν θρόνον  
 τῆς ὁπ-  
 σκοπῆς  
 λαβόντας  
 αὐτὸν ὁπ-  
 θύσαν.



nalibus conclauis inclusis totidem lecti & mensæ quor homines. Ingeruntur patribus cibi per foramen, panis in frusta concisus, potus in pel-  
luculentibus lagenis. Ne quid rerum quæ in Con-  
clauis geruntur aut per Emissarios, aut per Epi-  
stolas occultè submissas, foras eliminetur sedu-  
la cautio. Ideoque fores omnesque aditus ob-  
sidentur præidiis. Tum unicuique Cardina-  
lium prandium seorsim, nec fas vnâ accumbere,  
aut cibos inuicem mittere. Primis diebus lau-  
tus cibus & Saliarum mensæ. At si tempus in lon-  
gum traxerint, ortæque, vt fit, dissensiones mo-  
ram attulerint electioni, minuuntur Patrum ser-  
cula, & dimensum quotidianum acciditur: inges-  
festinationis incitamentum. Quid alia refetam?  
Electum Papam circumstare, exuere, rursus in-  
duere, sublinem super altare locare, pedes oscu-  
lari, adorare: mox per dirutam cum impetu fene-  
stram electi nomen populo significare, vnde dis-  
sonus in plebe clamor, in aliis ficta lætitia, in aliis  
triste silentium, in pluribus vitulabunda exulta-  
tio. Atque hi quidem mox noui Papæ ædes in-  
uadere, moliri fores, diripere supellectilem, legi-  
timo & concessio latrocinio. Nihil hic prisce mo-  
ris & probi, sed noua omnia & pars mysterij i-  
niquitatis, occultæque disciplinæ. Nec sanctius,  
quod electus suum pileum Cardinalitum cui  
placuerit dono dat, quam consuetudinem secu-  
lus Iul. III. anno 1550. pileum suum dedit puero  
cuidam cui Innocentio erat nomen, simiæ custo-  
di. Leuiâ hæc præfæda illa suffragiorum nundi-  
natione, qua vnusquisque Cardinalis ingenti-  
bus præmiis & Principium pensionibus annuis

*Augu-  
stus Thua-  
nus histo-  
ria lib. 6.*

42 DE MONARCHIA TEMPORALI  
 emptus, suum suffragium huic aut illi Cardinal  
 pretio addit: nunc factione Hispanica, nunc  
 Gallica, aut inter has media Italica præpollenti-  
 bus: vnde Patres scissi in partes, & factionis di-  
 uersæ, & nunc horum, nunc illorum inclinanti-  
 a suffragia. Inter quas moras, depositis pignori-  
 bus tota vrbe certatur, & solutis legibus liber re-  
 gressus in urbem fugitiuis atque proscriptis, fer-  
 ri omnia susque deque promiscuâ licentiâ: do-  
 nectandem patres sese foribus Conclauis pro-  
 ruunt, proceditque ex tenebris nouus Papa, em-  
 ptus quidem pretio, sed qui errare non possit in  
 fide, ne quidem si velit, sed cælesti sapientia suf-  
 farcinatus omnia iura gestat in pectoris scrinio.  
 Sic nempe orbi Christiano impunè illuditur, &  
 dum prodigioso artificio & dolis recentibus du-  
 citur hominum stupor, antiquitatis tamè nomen  
 obtenditur: vsque adeo, vt liber sacrarum Cere-  
 moniarum rem ab ipso Petro repetat, quæ vult  
 authorem collegij huius Senatorum penes quos  
 esset electio Romani Pontificis. Cuius assertio-  
 nis ipsum Bellarminum puduit, dum fatetur pe-  
 nes Clerum & populum olim Papæ electionem  
 fuisse. Nam quomodo seruarent veteres consue-  
 tudines, qui etiam antiquauerunt nouas? Con-  
 cilium enim Basiliense sessione 23. iubet *Cardina-  
 les esse numero viginti quatuor, nec plures. Sint non  
 minores triginta annis. Sint magistri, doctores seu li-  
 cenciati cum rigore examinis in iure diuino vel huma-  
 no. Sit saltem tertia pars vel quarta de magistris aut  
 licenciatis in sacra Scriptura. Ne fiant Cardinales ne-  
 potes ex fratre vel sorore Romani pontificis. Inter alia  
 iurent se cultum diuinum in Ecclesia sui tituli, & eius-  
 dem*

*Lib. I.  
 sect. 1. c. 3.*

dem Ecclesie bona conseruatu-  
 uros. Sessione quarta ca-  
 uetur ne Papa stante Concilio Cardinales eli-  
 gat. Celestinus V. teste Langio in Chronico Ci-  
 tizenſi, equorum vſum Cardinalibus ademit, iu-  
 bens eos porro aſſinis inſidere. Quę omnia quan-  
 quam nupera, tamen exoleuerunt, glſcente in  
 dies luxu & promiſcua licentia. Innocentius  
 I V. in Concilio Lugdunenſi iuſſit Cardina-  
 les vti galero purpureo, mox & veſtis conco-  
 lor addita. Factum id proculdubio ad imitatio-  
 nem Senatorum veterum Romanorum, quo-  
 rum latus clauus purpurâ intextus, erat Sena-  
 torii ordinis inſigne, ſed & Pontificum Roma-  
 norum, & Flaminum Dialium ac Quirina-  
 lium veſtis erat purpurea. Ouidius I V. Faſto-  
 rum.

Ad annũ  
1294.

Li. I. Sac.  
Cerem.  
Sec. I. c. 3.  
Platina  
in Innoc.  
IV.

*Illic purpurea canus cum veſte Sacerdos.*

Cęcilius apud Minutium Felicem, Chriſtianos  
 ſic inculcat : *Sacerdotum honores & purpuras deſpi-  
 ciunt ipſi ſeminudi.* Qua in re illi ipſi qui Sena-  
 tui huic fauent cum maxime, eius tamen deſi-  
 derant prudentiam : debuerant enim hi patres  
 alio quam purpureo colore veſtiri, ne præbe-  
 rent naſutioribus occaſionem ſuſpicandi in eis  
 impleri prophetiam quę legitur capite Apoca-  
 lypſeos V I. *Vidi ego mulierem inſidentem beſtia  
 coccinea plena nominibus blaſphemie, habenti capi-  
 ta ſeptem, & cornua decem.* Erat autem mulier illa a-  
 miſta purpura & cocco, &c. Cuius Prophetię dif-  
 ficilior fuiſſet interpretatio, niſi verba ſequen-  
 tia illam quaſi luce perfunderent? additur e-  
 nim verſu 9. *Septem capita ſunt ſeptem mon-  
 tes ſuper quos mulier ſedet.* Et verſu 18. Et mu-

*lier quam vidisti est vrbs illa magna qua habet regnum super Reges terra.* Paulus II. teste Platina primus pannum coccineum dono dedit Cardinalibus, quo equos suos vel mulas sterne-  
rent, nimirum vt hæc Prophetia, non in solum Pontificem, sed & in singulas Papalis sedis co-  
lumnas, & primaria subsidia quadrare dice-  
retur.

Quemadmodum, autem Papa frequenter ia-  
ctat (neque id abs re) se in imperij Romani ve-  
teris iura & titulos successisse: Ita & hic Senatus  
Romanus, in veteris Senatus Romani locum  
manifestè successit. Indicio est nomen ipsum Se-  
natus, tum vestis purpurea, nec non Apotheo-  
ses, quas vocant Canonisationes, ex huius Sena-  
tus decreto. His adde legatos inde per prouin-  
cias missos, & cætera veteris illius Senatus imita-  
menta.

Ex his liquere arbitror quid huius cui Cardi-  
nales à veteribus differant. Quod vt planius fiat,  
libet rem in pauca conferre, & differentias ordi-  
ne persequi.

1 Veteres Cardinales erant Presbyteri aut  
Diaconi parœciæ alicuius, quorum prouincia e-  
rat docere populum, & administrare Sacramen-  
ta. At hodierni Cardinales non prædicant Euan-  
gelium, nec eis vlla incumbit cura animarum:  
Sed sunt Senatores Romani, Regibus pares, Pa-  
pæ consiliarij, &c.

2 Tunc, Cardinalem esse erat officium,  
& opus, nunc est beneficium & dignitas par  
regiæ.

3 Tunc nemo fiebat Cardinalis nisi alte-  
rius

rius morte. At nunc Papa creat quos, & quot, & quando lubet. Vnde factum est aliquando vt numerus Cardinalium per incuriam Pontificum redigeretur ad paucissimos. Vsq̃ adeo vt in electione Urbani IV. duo tantum Cardinales adfuerint, si fides Onuphrio. Vicissim Leo X. vna die creauit octo triginta.

4 Tunc Cardinales Romani agebant Romæ. Nunc vero sunt vbiuis gentium, & in aulis conspiciuntur, & sacro Regum Consistorio intersunt ac præfunt.

5 Nec dubium quin ad Cardinalatum proueherentur aptissimi quique, & ætate ac doctrina commendabiles. At nunc purpureus galerus datur pueris & filiis Principum illiteratis: Idque per intercessionem Principum: habeturque vt plurimum ratio, non eruditionis aut morum, sed vel familiæ, vel nauatæ operæ alicuius, quæ non semper est proba.

6 Tunc, nomen Cardinalis non attollebat presbyterum in gradum suis symmystis subliorem, sed prioritatem tantum ordinis dabat sine potestate, vt fatetur Onuphrius his verbis: *Nihil dignitatis aut præminentia antiquitus illis dabat esse Cardinales.* Nunc Cardinales ceteris Clericis immensum quantum antestant, eosque ex edito loco despiciunt.

7 Res fuit apud veteres inaudita, ex Episcopis facere Presbyteros vel Diaconos: id enim est præter totius veteris Ecclesiæ institutum: At nunc ex episcopis fiunt Cardinales Presbyteri: Ita fit vt Episcopus per capitis diminutionem crescat, & caprat ex dispendio compendium.



8 Tunc temporis, Cardinalis certæ Ecclesiæ seu parœciæ alligabatur, Nunc conuerso more, qui fit Cardinalis liberatur vinculo quo tenebatur astrictus suo Episcopatu: Fidem facit formula nominationis nouorum Cardinalium inserta libro 1. Cæremoniarum sacrarum, Sectione 8. cap. 3. cuius hæc sunt verba: *Authoritate Dei patris omnipotentis sanctorum Apostolorum Petri & Pauli, & nostra. N. Episcopum Firmatum absoluiamus à vinculo quo tenebatur Ecclesiæ suæ beneficia Firmana, &c.* Quapropter in promotione noui Cardinalis omnia eius beneficia censentur vacantia & impetrabilia, nisi ea deinceps habendi facultas de nouo concedatur à Pontifice.

*Li. 1. Sac. Cere. sect. 2. c. 3. hos sequuntur quatuor nobiles, pilea quatuor carmasina supra baculos quatuor deferentes.* 9 Sed & tunc temporis ignorabantur hæc omnia; Capere annulum & pileum purpureum de manu Papæ, post pedum oscula. Claudere & aperire os Cardinalibus nouis. In pompis solemnibus, summis scipionibus ferre quatuor galeros coccineos: Quasi tacitè loquente Papa, & sic compellante conscientias spectantium, *Tibi dabo potestatem hanc vniuersam & gloriam, quia mihi tradita sunt, & cui volo do illa.* Lucæ 4. Hoc nimirum est vocare seruos ad pileum.

10 Neque vero arbitror, si quis olim ex Cardinali Romano factus esset alterius vrbis Episcopus, nomen Cardinalis retinuisse. Nunc res esset non ferenda, & supplicium morte grauius si quis ex Cardinali fieret merus Episcopus, adempto pileo.

11 Olim Cardinalium Diaconorum munus erat

erat sacram mentem ferre, nunc vero Papam humeris gestant. Causam habes apud Innocentium III. primo libro *Mysteriorum Missæ* cap. 5. *Quia* (inquit) *erat Leuitarum gestare Arcam fœderis*, quam arcam vocari frequenter in sacra scriptura Deum & Iehouam nemo nescit. Et hi igitur Deum humeris baiulant, quandoquidem Papa Deus frequenter appellatur in Conciliis, & Decretis, vt suo loco docebitur.

## CAP. I V.

*De Iesuitis.*

VLTA Serenissimus Rex de Iesuitis conqueritur, quos ait puluerariæ coniurationis non modo conscios, sed & incentores & instigatores fuisse.

Ad hæc Cuffetellus prolixè: Principio iubet Regem de his Patribus æquius iudicare: Iesuitas vsque adeo Regi esse fidos & deuotos, vt non dubitent adire quoduis capitis discrimen dum profint Regi, eumque tueantur. Onerari viros bonos iniustis calumnijs. Christianissimum Regem moribus eorum introspectis, aliter de eis indicasse, eos amasse, & fouisse & inter familiares habuisse. Non si quis eorum in caput Regis fuit sceleratus, idcirco totam societatem affinem esse culpæ, aut hoc opprobrium in ceteros insontes & probos debere redundare. Eorum doctrinam & in instituenda iuuentute industriam (qua ta-

men præcipuè se in vulgus iactant) Cuffetellus non attigit, fortè oblitus, an per æmulationem.

Habet ergo (si huic creditur) Rex Serenissimus, quo letetur, & suam vitam putet in tuto locatam pro qua tuenda Iesuitæ tam sedulo excubant. Felicem Regem his defensoribus, & amicis: Neque vero authores vnquam fuerunt conspirandi in Regem, sed in Henricum aut Iacobum. Estque eorum stupor non ferendus, qui distinctionum non gnari, putant occidi Regem, quando occiditur vir de facto regnās; sed quem Papa exauctorandum censuerit. Sic nec inuolant temporalia, quandoquidem ea quæ occupauerunt, fiunt spiritualia. Talia certe Cuffetellus serione an ioco scripsit non abs re potest dubitari. Neque vero crediderim eum circa coniurationem puluerariam, malle credere confictis rumusculis, quam actis publicis, quam reorum confessionibus, quæ manu eorum scriptæ à sexcentis viris lectæ sunt, & in publicis scriniis asseruantur.

Quod vero in Henrici IV. iudicio serio triūphant, id ego quomodo ipsis tantopere faueat non video. Quis enim nouit an Rex optimus voluerit Deum imitari vtentem opera improborum ad ea quæ vult exequenda? Quis scit an voluerit ad instar Vlissis secum habere ventos vtre conclusos, ad auertendam tempestatem? Quis scit an id fecerit ad obseruandum præceptum Euāgelii, quo iubemur amare eos qui nōs oderunt? An & voluit suis beneficiis vincere eorum malefacta, ac vt est ingenium optimorum  
Prin-



Principum, malle videri inuenisse bonos quam fecisse? At Regis inuictissimi consiliis hac in parte, successus defuit: & Rex tantus, belli & pacis artibus iuxta clarus, qui subditis peperit quietem, per cuius vigilantiam factum est, ut subditi tuto dormirent, qui se sibi abstulit dum se dat reipublicæ, infando scelere medio in triumpho à fœdissima bellua obtruncatus, insigne dedit documentum quid possit irritata superstitio, quid turbulentæ conciones, quid confessiones instillantes sanguinem. Interrogatus enim parricida respondit, sibi Regem occidendi causas fuisse multas, quas, qui nosse vellet, concionum nouissime habitarum meminisset. Addebat & Regem Papæ esse aduersum, Papam vero esse Deum, Deo autem inimicum esse tollendum: Cæterum distinctiones & argumenta quibus Marianæ, Francisci Veronæ, Belarmini, aliorumque eiusmodi scripta referta sunt, homo in cæteris vecors & plumbeus, accuratissimè callebat: seu legerat hæc, seu ab aliis audiuerat.

Quod vero quidam faciunt Iesuitas Rei litterariæ Principes hoc equidem qua fronte aut ore dici possit non video. Nisi forte Amphitheatrum honoris Caroli Scribanij, qui se turbato ordine litterarum Clarum Bonarscium inscribit exemplar est eloquætiæ & eruditionis compætæ: liber quo non alius post litteras natas prodiit ineptior. Stilus ferreus, oratio confragosa, & desultoria vanitas, quæ dum rancidas voces coaceruat, non modo excidit à puræ latinitatis vena, sed & à sensu communi. Hæc siliqua sonora

50 DE MONARCHIA TEMPORALI  
est, sed cibus est porcorum. Ipse Tullius si reuisceret, ita scribentem non intelligeret. Nempe conclamatum erat de re litteraria nisi putidus ludimagister & scutica dignus intermortuam eloquentiam ex inferis hac loquendi sartagine excitasset. Adeo ne quenquam esse auersis litteris natum, ut hæc laudet, aut ferat, aut legens, non indignetur? Nimirum respondet stilus argumento: & venenata doctrina prodigiosa oratione vestitur.

At sedulo excolunt ingenia adolescentum, & ex eorum schola quasi ex Musarum alucribus prodeunt examina doctæ iuuentutis. Hoc si verum est, quid sit ut ex quo Iesuitæ desudant in Pædagogico puluere, inter ingenia nostra inoleuerit barbaries & honos ac vis bonarum litterarum sit tantopere imminuta? Vbi nunc splendor illæ Academiae Parisiensis, quæ non ita pridem erat triginta millibus studiosorum frequens? At nunciacet miserè desolata, degenerantibus scholis in barbariem ex quo hi literatores occeperunt truncatos authores & deartuatos pueris proponere, & non ipsas artes, sed artium ἀκρωτήρια, & minutula compendia docere. Auertunt enim iuuentutem à Græcis fontibus, nec tingunt ingenia succo veteris Philosophiæ. Da mihi aliquē de schola Iesuitarum solidè doctum, aut qui possit in litteris Latinis aut Græcis cum Scaligero, Casaubono, Lipsio, Passeratio comparari. Nonne hi quos hodie habet Curia Parlamenti viros doctos & graues, ex Turnebi & Cuiacii Schola, non vero ex Iesuitarum lacunis prodierunt?

Hanc

Hanc ergo eruditionis famam debent non suæ doctrinæ, sed astutiæ qua gratis pueros doceant, & Minerualium pueris gratiam faciunt. Dum interea opinas hereditates adeundo; fundos, domos, legata amplissima captando; paucis annis rem fecerunt non mediocriter, & opes infinitas congefferunt. Nouum sane genus aucupij, pro stipe menstrua capere integra patrimonia, & si quam in domum irreperint, specie religionis, quasi retiaculo cuncta conuerrere.

De horum hominum origine & incrementis multi multa, neque mihi animus hæc persequi. Pauca tantum de nomine, post de instituto. Nomen sibi imposuerunt nouum, nec carens mysterio: videntur enim docere alium esse Iesum à Christo, quandoquidem hodie, Iesuitam esse, & esse Christianum, res sint diuersæ. Cum vero Apostoli pro magno duxerint dici discipulos Iesus, hi vero se vocent Iesus socios, mirum ni ipsos Apostolos superant sapientia. At debuerant ineminisse vnum toto Euangelio vocari *Socium Iesus*, nempe Iudam Iscariotem quem Iesus sic compellat, Matth. 26. versicul. 50. *ἐταῖρος ἐγὼ καὶ παρὰ, Socie quorsum ades, aut ad quid venisti?* Quotiescunque ergo Iesuita aliquis venit inuocatus, aut perruptis custodibus interioris admissionis regibus adrepat, fas illum iisdem verbis affari: *Socie ad quid venisti?* Hoc genus hominum Papæ rebus pene conclamatis opportunum attulit subsidium, quasi re ad triarios redacta:

Mitto ea quæ aduersus eos ab aliis Pontificiis

52 DE MONARCHIA TEMPORALI  
scripta, aut frequenti Senatu acta: Tum quæ in  
eos à Curia Parlamenti decreta, quæ quidem eos  
arresto celeberrimo, cameris congregatis pro-  
nuntiavit hæreticos, corruptores iuventutis,  
publicæ tranquillitatis perturbatores, & per-  
duelles: & toto regno expulit, erectâ ad per-  
petuam rei memoriam pyramide cum Elogiis  
inscriptis.

Mihi satis sit præcipuas nouæ disciplinæ re-  
gulas & axiomata recensere, ex quibus iudi-  
cari possit ad salutemne Rerum publicarum,  
an ad perniciem noua ista societas sit insti-  
tuta.

1 Principio, istius societatis Generalem o-  
portet esse Hispanum aut regi Hispaniarum  
subditum: neque hætenus aliter factum. Quod  
iustam iniicit suspicionem prudentibus, ad pro-  
mouendas præcipue res Hispaniæ, & amplian-  
da Hispanici regni pomæria *οφαιρῆαι* istam co-  
iisse.

2 Huic Generali, & suis (vt loquuntur) su-  
perioribus vouent obedientiam non solum vo-  
luntatis, sed etiam iudicij, quam vocant *obedien-  
tiam cæcam*, hæc enim sunt vocabula *ἑνταχθῆαι*.  
Hoc iubet Ignatius in Epistola quæ subiectâ  
est libro qui inscribitur *Regula Societatis Iesu*, v-  
bi vult non secus ac Christo ipsi, superioribus ob-  
temperari, & Iesuitas cæco quodam impetu volun-  
tatis parendi cupide sine vlla disquisitione ferri, a-  
lioque (inquit) perit celebris illa obedientiæ cæca sim-  
plicitas.

3 Hanc cæcam obedientiam ne quid impe-  
diat, ab Episcoporum potestate & iurisdictione  
sunt

sunt immunes & liberi.

4 Idem docent Papam posse Imperatores & reges excommunicare, Excommunicatos Regno priuare: Regno exutos interfici iubere: vt supra docuimus ex Bellarmino, Becano, Mariana, & aliis: quilibet nomine à Curia Parlamenti damnati, duo etiam posteriores tortoris manu cremati sunt.

5 Afferunt quoque Clericos non esse Regum subditos, ac proinde Clerici rebellionem in Regem non esse crimen læsæ Maiestatis: Emanuel Sain Aphorif. confessariorum in voce *Clericus*.

6 Affine istud est, Clericum debere quidem obsequi legibus Regni, sed vt id faciat cogi non posse, & vt ait Bellarminus lib. de Clericis cap. 28. *Legibus teneri Clericos obligatione non coactiua, sed solum directiua.*

7 Tyrannicè gubernans iuste acquisitum dominium non potest spoliari sine publico iudicio. Lata vero sententiâ potest quilibet fieri executor. Aphorismi Confessariorum sub littera T. in voce Tyrannus, pag. 293. editionis Antuerpiana.

8 Papa potest absoluerè subditos Sacramento fidelitatis. Hoc docet Bellarminus totò libro in Barklauium, & ea de re prolixè inferius agitur.

9 Pontifex potest dispensare in votis & iuramentis quæ Deus ipse insit reddi, & quorum solutio de Iure diuino est. Bellarmin. in Barklauium capite 21.

10 In bono sensu dedit Christus Petro (ac proinde Pape) potestatem faciendi de peccato non pec-

54 DE MONARCHIA TEMPORALI  
 catum, & de non peccato peccatum. Bellarm. in Bar-  
 kl. cap. 31.

II Cum quis nullis iustis indicijs in ius vocatur,  
 quia nemo tenetur se ipsum Magistratui prodere, id-  
 que lex natura satis docet, aperte & libere sine vlla ter-  
 giuersione negare potest id cuius gratia accersitur,  
 quia semper clausula illa intelligitur, vt teneat Dice-  
 re. Andræas Eudæmonio iohannes Cretenfis, in  
 Apologia Garnetti pag. 38. Scripsitque de Æ-  
 quiuocationibus Parsonius Iesuita Anglus. Ex-  
 rat etiam Æquiuationis tractatus in Anglia  
 à Pontificiis editus, addita approbatione Hen-  
 rici Garneti & Blakuelli Archipresbyteri, vbi  
 prolixè hæc disputantur. Grassante (inquit Tra-  
 ctatus) per Angliam pestilentia, quidam Londino, v-  
 bi vis maxima erat mali Couentriam venit. Adpor-  
 tam vrbis occurrit Magistratus, qui delato iureiu-  
 rando ipsum interrogat veniat necne Londino: ille ne-  
 gat strenue & dictis iureiurando fidem facit. Hoc  
 periurio quicquam peccari negat liber ille, men-  
 datij periurijque magister. Inter alia Garneti quæ  
 ipse manu sua scripsit, per quæ ad varias sibi  
 propositas quæstiones in carcere respondit, die  
 decima Aprilis hoc responsum dedit: Si quis  
 suscepit aut suscepturus est consilium Regis occidendi,  
 is non tenetur verum fateri, licet adducatur ad Le-  
 gitimum magistratum, donec probationes extiterint  
 ad conuincendum ipsum idoneæ. En latebras para-  
 tas parricidio, en mentiendi artem. Quis mira-  
 bitur si his magistris quibus mentiri pars est pie-  
 tatis, fontes coram Iudicibus frontem perfri-  
 cant, & malefactoris suis obtendunt nebulam  
 stropharum, innocenti (vt putant) periurio, &  
 legi-

Vide E-  
 pist. Ca-  
 sauboni  
 ad Fröto-  
 nem Du-  
 caum in  
 qua plu-  
 ra eiusmo-  
 di ex pu-  
 blicis scri-  
 feruntur.



legitima impudentia? Hæ sunt euasiones illæ mentales, quæ si in Ecclesiam fuerint admittæ, nemo erit qui non putet sibi licere coram Iudicibus infestis Christum & verâ religionem abnegare. Sic loquendo, *Ego non sum Christianus, nec Christum colo aut curo, sed tacite secum suppledo, ut tibi dicam, aut ut teneam tibi dicere.* Vel sic, *Iuro me numquam participaturum Sacra Cœna,* tum tacite secum, currendo vel saltando. Similem Arii fraudem, qua Constantino imposuit lege apud Nicephorum libro 8. capite 5.

12. *Nullum tantum potest esse malum cuius vitandi causa confessionem prodere liceat.* Eudæmonio iohannes in Apologia Garneti capite 13. & Suares tractatu de Pœnitentia. Sic Bellarminus laudat Garnetum quod rem. (id est coniurationem puluerariam) sub confessionis sigillo sibi reuelatam, noluerit reuelare. De qua nefaria doctrina abunde actum capite secundo.

13. *Confessio est de iure diuino, sed Rêgum auctoritas est de iure humano, leuiori ergo damno Reges omnes quotquot sunt occiderentur, quam si vel una confessio reuelaretur.* Quæ fuit oratio Iesuitæ Bineri ad integerrimum virum Casaubonum, & fide dignissimum, ut ipse testatur in sua ad Frontonem Ducaum epistola. Pag. 140.  
Editionis  
Londinensis.

14. *Ad perdendos inimicos licet occidere amicos, si tantum ex ea re boni prouenturum est, quantum aliquod insontium necem compensare potest.* Hoc respondit Garnetus Catisbeio roganti an nefas esset insontes cum sontibus pariter exuflari:

vt testantur acta publica, neque diffitetur Iesuita Eudæmonoiohannes in Garneti Apologia pag. 103. & quasi rectè dictum tuetur. At hic Cretensis *καὶ οὐ γινώσκω* non vidit Zeloticum istum furorem pugnare ex diametro cum Dei bonitate. Deus enim parcit malis ob bonos, hi vero nequidem bonis parcunt ob malos. Immo vero Deus vt seruet paucos bonos, ignoscit multis malis, non deleturus Sodomam si in ea inuenti fuissent quinque iusti. Idem vetat Zizania euelli; ne bonæ sementis aliquid vnà euellatur.

*Matt. 13.  
vers. 29.*

15 *In conspiratione aduersus Reges, licet admissos in societatem criminis sumptione Sacramenti ad silentium obstringere.* Hoc factum à Garneto, Oldcorno, aliisque Iesuitis vt coniuratorum conscientias iniecta religione illigarent, & sacro horrore percellerent. Cuius rei fidem faciunt acta publica & Garneti aliorumque cōfessiones, neque it inficias Eudæmonoiohannes. O facinus indignum! ô zelotarum ad omne scelus proiectam audaciam! Siccine Sacramenta corporis & sanguinis Christi fieri proditiōis incitamentum? Siccine tremenda mysteria adhiberi non ad firmandam erga Deum fidem, sed ad accendendam erga Reges perfidiam? non ad annuntiandam mortem Christi, sed ad patrandam cēdem Principum, quos scriptura Christos Dei nuncupat. Hæccine illa præparatio & sui *δοκιμασία* quam Paulus vult præmitti sacro conuiuio? aut quæ hæc est pietas datis sacrosanctis pignoribus quasi subditis facibus crudelitatem accendere?

16 Hoc



16 Hoc quoque pars est Iesuitica disciplina. Si quem habuerint adolescentem, cuius animus æstuet atrocis alicuius sceleris conscientia, compingunt hominem in obscurum conclaue, quod vocatur Camera meditationum, figuris diabolorum circumpictum, ibi misellum adolescētem tenebris, carcere, & inedia macerant, & spectris terrent. Tum allegatur ad eum aliquis è Patribus qui grauitatem peccatorum oggerat, horrorem diuini iudicij oculis subiiciat, & pauitanti ac anxio persuadeat non aliam ei superesse viam ad salutem, quam si ingenti aliquo facinore & Ecclesiæ salutari peccata expiet. His artibus se instigatum esse ad audendam Henrici IV. cædem Iohannes Castellus fassus est, vt testatur quæstio habita de eo, & eius confessio, quæ in tabulario Curia Parlamenti asseruatur.

17 Salas Iesuita tractatu 8. disputatione vni-  
ca, sect. 5. hæc habet. *Respondetur secundò non esse peccatum exponere se periculo violandi legem Dei incertam & dubiam: Immo interdum non esse peccatum exponere se periculo violandi legem Dei certam & indubitam, nam qui versantur inter infideles sunt in magno periculo peccandi &c.* Et paulo post. *Religiosus efficacissima deberet habere motiua vt probabiliter opinaretur veram esse dispensationem qua secum dispensaret Deus, vt matrimonium contraheret secundum communem legem, hætenus enim nunquam Deus dispensauit: si tamen veram probabilitatem haberet, posset ad euitanda magna inconuenientia vti dispensatione dubia & tantum probabil.*

Sanches lib. 9. de debito coniugali, disp. 46. §.

15. Docet non esse mortale obscenas brutorum partes

*confricare, quia inde non excitatur tam vehemens delatio, sed modica quadam &c.* Cætera citare pudor non permittit.

Possem infinita eiusmodi congerere, ex Iesuitarum scriptis quæ non modo pessundant totam Religionem, sed & euellunt ex animis semina omnia æquitatis naturalis & honestatis ciuilis. Vnus Sanches Iesuita in ingens volumen de matrimonio tantum congeffit sordium impudicarum, & libidinis arcanæ artificia tanta *deperia* excussit, vt nihil ad hoc sint Sybaritici libri, & molles *Elephantidos libelli*. Mihi satis erit proferre in medium vnum Toletum Cardinalem, virum cæteris honestiorem, & dignitate præcipuum ac præcellentem doctrina, omnique inter Iesuitas exceptione maiorem. Is scripsit librum *de institutione Sacerdotum*, cui præfixa est approbatio plurimorum doctorum, continentem capita Iesuiticæ doctrinæ: quorum nonnulla lubet proponere.

18 *Administratores, Iudices, gubernatores seculares conuenti ab Episcopis & viris Ecclesiasticis quod iustitiam non seruent, si quantum necessitas exegerit, absque negligentia id non correxerint, post trinam admonitionem, ipso facto sunt excommunicati* li. 1. cap. 37. Cui dogmati si addas id quod idem auctor ait eiusdem libri ca. 3. *Excommunicatus non potest exercere actum iurisdictionis absque peccato, immo si publica est excommunicatio facta, sententia nulla sunt: facile comperies omnes regni magistratus, & ipsam regem, cadere officio, quotiescūque libuerit Papæ vel Episcopo eos excommunicare: Quo dogmate insuper datur potestas Clericis inquir-*  
ren-

rendi in gesta magistratuum & iudicium, rectè ne  
& secundum leges iudicent, vt planè necesse sit  
Clericis esse peritis legum ciuiliū, si quidem de  
iudicium ipsorum iudiciis sunt iudicaturi.

19 *Qui tenebantur obnoxij vinculo fidelitatis vel  
iuramenti alicui liberantur à tali vinculo, si is incide-  
rit in excommunicationem li. 1. c. 13.*

20 *Cum ex aliqua vehementi passione accidit, vt  
in voluntate insurgat volitio vindictæ, aut alicuius ma-  
li, si talis est vt non sit pro tunc in nostra potestate non  
velle, non est peccatum. li. 3. c. 1.*

21 *Si femina à marito conclusa in cubiculo, à quo  
fugere non potest, habetque vir pugionem ad ipsam con-  
fodiendam, expectat tamen vt ipsa quiescat, an licet v-  
xori præuenire & occidere virum? Dico licere, & ratio  
est aperta &c. li. 5. c. 6.*

22 *Si nobilis non potest fugere iniuriam notabilem  
inferendam, vt ligni percussionem paratam, potest tunc  
occidere inimicum li. 5. c. 6.*

Addit tamen hoc non licere nisi nobilibus,  
quasi lex diuina de non occidendo minus nobi-  
les quam plebeios astringeret.

23 *Mentiri in confessione non semper est peccatum  
mortale li. 3. c. 9.*

24 *Si quis stuprum intulit virgini, & promisit il-  
lam ducere, aut cum iuramento, aut sine illo, tenetur sub  
mortali ducere. Si tamen esset inferioris multò condi-  
tionis sufficeret eam dotare, pag. 606.*

25 *Est aliquis qui iusto pretio non potest vendere vi-  
num, vel propter iniquitatē iudicis, vel propter empro-  
rū malitiam, tunc iste potest minuere mensurā, aut pa-  
rū aqua miscere, & vendere pro puro ac pro completā  
mensurā, iustū exigendo pretium, dum modo non dicat*

26 *Mulieres accipientes pretium pro actu illicito carnis, non obligantur ad restitutionem, quia actio ista non est mala contra iustitiam, quamuis sint virgines & coniugata & cuiuscunque conditionis. Et quamuis accipiant pecunias in excessu ultra pretium actus turpis, si libere donetur illis. lib.5. c.19. Quæri posset à Iesuita quodnam sit iustum pretium positum turpi isti actui, & qua lege constitutum.*

27 *Blasphemia aliquando fit cum aduertentia, aliquando sine aduertentia, vt cum homo ira aliqua aut passione motus, non aduertens verba quæ proferebat, protulit blasphemiam: priori modo est peccatum, posteriori vero non semper li.4. c.13.*

28 *Qui vouit castitatem aut religionem simplici voto non potest vxorem ducere: si ducat, mortaliter peccat: tamen tenet matrimonium, sed non potest exigere debitum, sed reddere, sine Pontificia dispensatione li.4. c.18. Mira vero seruitus cum habeas vxorem, matrimonio rite copulatam, non posse cum ea confuescere nisi petita venia à Pontifice, aut nisi ipsa vxor postulet.*

29 *Fideles si sint in gratia, & ob debitum finem actu coniugali vtantur, merentur in ipso actu, sicut in alio bono opere lib.7. c.5. Magnum vero meritum & ob quod Deus ultro debeat: Ne proferamus quæ idem Cardinalis turpi ἀνεξβολογία persequitur capitib.15.16.& 24. libri 7. pudor impedit, officerent enim honestis auribus.*

30 *Libro quinto c.12. quærit an si vir & vxor teneantur conclusi in Ecclesia vnde exire nequeant, coniugal actio in loco sacro sit peccatum mortale & Ecclesiam polluat, Respondet Iesuita, si fiat ad vitandam*



dam incontinentiam licitum esse, nec Ecclesiam pollui:  
si secus peccatum esse mortale.

31. Si ebrius non compos rationis fornicaretur, non  
peccaret. li. 5. c. 10.

32. Dominis temporalibus licitum est permittere r-  
surarios, sicut permittuntur etiam meretrices ad vi-  
tanda maiora mala. Deus enim etiam permittit pecca-  
ta li. 5. c. 37. Concinit Bellarminus lib. 2. de amif-  
sione gratiæ. cap. 18. §. Dicet. Non peccat Magistra-  
tus si meretricibus certum locum urbis incolendum at-  
tribuat, quamvis certò sciat eo loco ipsas non bene vsu-  
ras. Potest enim permittere minus malum ut maiora  
impediantur. Eadem habet Emanuel Sa in Apho-  
rismis, voce Iudæus. Aphor. 5. & voce Peccatur. A-  
phor. 7. Idemque voce Fæmina. Aphor. 1. Fæmi-  
na non potest orare nisi ex Papæ licentia.

33. Licitum est ad occultandam infamiam vel vitæ  
periculum filios ex adulterio exponere in hospitali lib.  
5. c. 11.

34. Adulter potest quidem vxori reddere debitum,  
sed non habet ius petendi. Ibidem de masturbatione  
quam vocant pollutionem voluntariam, hæc ha-  
bet li. 5. c. 13. Si quis pollutionem desideraret ob bonum  
finem scilicet sanitatem, vel ad leuandas tentationes  
quibus interdum affligitur non esset peccatum. Quid  
quod hac in re vult esse magnum meritum? Si  
(inquit) voluntas cohibeat consensum, & patienter hoc  
ferat, est materia magni meriti. Et paulo post. Si con-  
fessarius dum audit confessiones, in tales incidit pollu-  
tiones, non ob id tenetur non audire alios. Vbi frons,  
vbi pudor? & hæc ferri & probari?

35. De eo qui rem alienam vi aut furto abla-  
tam iniuste detinet, sic censet. Nullus tenetur cum

*vita periculo aut fama rem alterius restituere: sunt enim vita & fama nobilioris ordinis quam res. Lib. 5. c.*

37. At ego conscientiam & Dei timorem putaveram pluris esse quam famam, immo & quam vitam.

36 Cum testis accipit pecunias ut falsum testimonium dicat quamvis teneatur restituere damnum illatum alteri, tamen non tenetur restituere pecunias quas accepit ut falsum diceret. li. 5. c. 59.

37 De alea & taxillis sic pronunciat. Hi ludi non sic sunt prohibiti, quin ob recreationem, & cum summa parva est, liceant etiam clericis lib. 5. cap. 27. Sanctius nostri Iesuitæ Turnonenses qui pretium lusus faciant certum numerum Pater, & Ave, quem pro victore recitaturus sit qui in lusu victus fuerit.

38 Potest rex sine peccato mortali confiteri peccatum sibi falso impositum, pro cuius confessione torquetur: nec hoc est mortale, quamvis sit ob talem confessionem suspendendus. lib. 5. c. 66. Hic tamen ipse sibi lethum consciscit, quod pessimum genus est homicidij.

39 De homine capto à latronibus & dimisso sub iureiurando se ceterum aureos eis daturum, sic censet: Potuit equivoce iurare ratione coactionis, dicendo, iuro me daturum, & intra se, si mihi libuerit, & tunc non tenetur, quia absolute non iuravit daturum. lib. 4. c. 22. Idem dicit de eo qui iniuste detinetur in vinculis, & sub fide data redeundi dimittitur. Plus ergo in Ethnicis fuit honestatis & conscientiæ quam in his Patribus. Cicero enim primo officiorum inter malæ fidei exempla refert factum militis captivi qui iusiurandi fraude culpam invene-

rat.

rat. Cum enim Annibalis permissu exisset de castris, rediit paulo post quod se oblitum nescio quid diceret: deinde egressus è castris, iureiurando se solutum putabat: & erat verbis, re non erat.

40 De sigillo confessionis sic loquitur. Aduertendum obligationem sigilli esse tantam, vt nulla prorsus causa, neque etiam propter saluandam vitam propriam, nec propter salutem totius Reip. possit confessarius peccatum pœnitentis reuelare, lib. 3. cap. 16. Nota vocem totius. Ergo multo minus ob Regis vitam.

41 De reo interrogato in iudicio an fecerit aut an habuerit conscios & participes sceleris, sic censet. Cautus debet esse reus vt talia verba proferat iuxta suam intentionem in sensu vero, puta, vt intendat dicere **NON FECI**, puta, in carcere, & **NON HABVI COMPLICES**, puta, in alijs criminibus. li. 4. c. 58.

42 De absolutione ab excommunicatione hoc ait. Potest aliquis iniustus absolui immo & ignarus & inscius absolutionis. Potest etiam absolui, absens & per litteras, vt & potuit per litteras excommunicari. Potest quoque fieri absolutio per procuratorem, & per commissarium seu subdelegatum, qui non sit Presbyter, nec Diaconus. Absoluitur autem peccator interdum cum verberibus. Absolutio iniusta valet. Tum si Episcopus absoluit non præmissa satisfactione tenet absolutio. Hæc habes sparsa toto capite 14. li. 1. Quibus adde quod dicit cap. sequenti. Excommunicatum & hæreticum posse dare absolutionem in articulo mortis.

43 Contritionem habere venialium peccatorum non est necessarium, hac enim absque cōtritione remitti

*possunt. li. 2. c. 5. Paulo post quærit an homo statim post peccatum teneatur de ipso conteri, & sibi responderet hoc modo: Probabilius dico cum aliis quod non teneatur statim, etiam si recordetur sapius commissi peccati. Solum enim tenetur tunc non in ipso complacere, tamen NON TENETVR POENITERE, sed potest mentem alio diuertere. Excipit tamen, si sit tempus periculi vt in morbo aut tempestate.*

44 *Ordines etiam maiores, etiam Presbyteratum posse conferri infantibus nondum vsum rationis habentibus est communis doctrina, quamuis non desint qui contrarium sentiant: Illud tamen verius li. 1. c. 16. Res sane perbella audire Presbyterum vagientem in cunis: habentem proculdubio eas dotes quas Paulus 1. ad Timot. c. 3. desiderat in eo qui Episcopatu destinatur.*

45 *Ligna comportantes ad comburendos hæreticos non sunt irregulares & rationem addit, quia dant operam rei licite, li. 1. cap. 86. Vidi ego leges Fliscensis Gymnasij Iesuitarum, in quibus cautum ne adulescentes spectent capitalia supplicia fontium: nisi fuerint hæretici. Hæc enim supplicia breui restituenda in Galliarum regno, augurantur: & sibi in hac spe blandiuntur. Nos vero Iesuitis optamus vitam & mentem meliorem.*

46 *Multi sunt iusti, qui ob nulla, aut paucissima, eaque venialia peccata qua committunt, aut nullius aut paucæ pœne sunt debitores. Hi quia non debent pœnam satisfactione non indigent, li. 6. c. 21. Mirum sane inuenire homines qui frontem vsque adco perfri-cent, vt auiunt contra Scripturam pertendere, multos esse homines sine peccato.*

47 *Non*



47 Non quia Apostolus prohibuit bigamiam, ideo licet inferre, esse de iure diuino, cum certum sit non omnia quæ Apostoli instituerunt iure diuino fuisse instituta, lib. I. c. 68. Hoc autem ait, quia Paulus verat Episcopum esse bigamum, Papa autem dispensat in bigamia, & quosdam clericos bigamos admittit.

48 De cauponatione quam Papa exercet pro absolutionibus & dispensationibus sic loquitur. Dico non esse murmurandum contra Papam, qui exigit pro his pecunias, non per modum precij, nam ista ad sustentationem dantur, qua multum indiget tanta in Ecclesia dignitas, li. 5. c. 89. vbi cum multas leges attulisset contra Simoniam, addit, Papam hinc legibus non teneri.

49 Præceptum audiendi Missam, non est verbis intendere, sed sacrificio adesse, etiam verbis non auditis vnde & simul præcepto Missa satisfieri potest, & præcepto recitandi horas. Non est autem necesse horas persolvere, quando priuatim recitantur, nudo capite, aut genu flexo. Li. 2. c. 13.

50 Præcepta Dei non obligant homines ad finem præceptorum qui est Charitas: sed solum ad actum inclusum in præcepto. Verbi gratia, præceptum non occidere, obligat hominem vt non occidat, non tamen ne occidat ex charitate, vnde impletur præceptum extra charitatem. Li. 4. cap. 12. Mirum vero cum tota lex constet charitate, vt ait Paulus, Galat. 5. versu 14. posse impleri legem sine charitate: Cumque breuiarium legis sit amor Dei & proximi, quis credat hominem sine hoc amore posse legi obsequi?

51 Aliqui volunt quod si quis audiret mediam Mis-

E

sam ab vno Sacerdote, & residuum ab aliquo alio, quod satisfaceret praecepto, nam Missam integram audiuit: & mihi probabile videtur. Li. 6. c. 7.

52 Potest esse baptismus in lixiuio brodio carniū, vel piscium, quando non est notabilis mistio, li. 5. c. 18. ibidem tamen dicit non posse esse baptismum in niue. Tum miram formam baptismi docet, potest (inquit) puerum in cistella positum chorda vsque ad aquam putei demittere.

53 Minister baptismi secundum communem Dei legem est homo cuiusque sexus, siue vir, siue foemina, siue hermaphroditus, cuiusque aetatis, siue puer, habens tamen vsum rationis, siue iuuenis siue senex: cuiusque status siue laicus, siue Ecclesiasticus: cuiuscunque conditionis siue seruus, siue liber; cuiusque vitae siue Iudaus, siue Paganus, & paulo post. Licet infidelis non crederet se quidquam boni facere, & cum irrisione faceret, si tamen ad petitionem baptisandi baptisaret, intendens facere id quod fecit Ecclesia Christiana, vel vt ille petit, vere baptisaret. Li. 2. c. 20.

54 Posset consecrare Sacerdos multos cophinos panis & vini dolium. Li. 2. c. 25.

55 Religio mihi esset, tacere quæ Iesuita Vasquez differit lib. 3. de Adoratione Disp. 1. c. 2. pag. 453. editionis Moguntinae 1601. Non solum imago depicta & res sacra auctoritate publica in cultum Dei exposita, sed quæuis etiam alia res mundi, siue inanimata & irrationalis siue rationalis, ex natura rei, & secluso periculo, ritè cum Deo, sicut imago ipsius adorari potest. Ibid. §. 10. p. 457. Frustra igitur Wiclefita obiciebant Christianis imagines colentibus ipsos quoque modulum straminis adorare posse, quod in eo vestigium aliquod sit Trinitatis. Idem enim Leontius de modulo  
stra-

straminis quod de quacunque re mundi libenter fate-  
retur: tantum abest vt absurdum iudicari debeat. Et  
Disp. 3. cap. 8. §. 113. Sub forma vermium partes, &  
reliquias Sanctorum adorare debemus. Et §. 114. Quod  
vero apud aliquos incerta reliquie sunt, non obest quo-  
minus eas quas humanis coniecturis & rationibus cer-  
tas habemus reuerenter colere debeamus. Denique sicut  
in 1. Disp. c. 3. diximus non esse peccatum idololatria a-  
dore radium luminis, sub quo Demon delitescit  
quando quis putat esse Christum, eodem modo si quis  
putans aliquam esse particulam sancti qua reuera non  
est, merito sua deuotionis non caret.

Gregorius de Valentia lib. 2. de Idololatria c.  
7. Neque absurde profecto putaueris D. Petrum insinua-  
uisse cultum aliquem simulacrorum ( nempe sacra-  
rum imaginum ) rectum esse, cum fideles nomina-  
tim ab illicitis idolorum cultibus detertere vo-  
luit.

Hæc sunt scita sacre societatis, hæc sacra o-  
pertanea: quorum quidem bonam partim etiam  
ab aliis quos idem fanaticus Zelus perculit credi  
& doceri fat scio: Sed hi pauci sunt præ aliis Pon-  
tificiis qui hæc damnant, & abominantur.

Non vsque adeo malè agitur cum  
rebus humanis, vt tam nefa-  
ria pluribus pla-  
ceant.

E

## CAPVT V.

*Papales tituli, & in Imperatores & Reges vsurpata potestas. Quantum Corona Anglicana debeat Euangelio.*



Ex Serenissimus in sua præfatione Monitoria reprehendens Bellarminum sub Torti nomine Papæ patrocinantem, Sic affatur Imperatorem & Reges suos fratres. Hoc verborum fundamento, *Pasce oues meas*, immane quàm amplum solutumq; Imperium Pontifici extruat: quo ad libidinem condonare atque adimere regna possit: huic tamen seruituti, non alios quam Christianos Reges addicens. Nec dubito quin pro Imperij vestri Maiestate iniuriam tam Indignè authoritati vestræ illatam sitis grauius laturi, præsertim cum illis omnibus è vestro numero qui Romanam amplectuntur religionem, hoc magis quam mihi prouidendum sit. Nam cum me hereticis annumeret, cum Iuliano Apostata æquet, extra causam etiam gregemque Pontificum esse putet necesse est. Eodem itaque iure cum Ethnicis principibus censendus sum, in quos ipse nihil posse Pontificem fatetur. At vos de Pontificio grege estis: Vos magnus ille pastor instar ouium ad occisionem ducere pro libidine sua potest. Cum aselli auriculas vellet Leo pro cornibus accipi, idem omnes sentire oportebat: & vos pura fortasse nitidaque cute nihilominus vt scabie infecta oues segregandi prorsus estis, si vos censura Pontificia tales esse iudicauerit: Sic nouum & egregium scilicet sensum his Christi verbis affinxit, *pasce*

*pasce oves meas, tanquam hoc significarent Tolle, proscribe, abdica Christianos principes atque Reges. Illis quoque, Quodcunque solueris, quibus potestatem Pontifici datam esse contendit in omni iuramentorum, votorumque, multarum quoque & censurarum atque legum genere dispensandi: Immo & soluendi naturale hoc vinculum quod subditos ad obtemperandum suis Principibus adstringit.*

Respondet ad hæc Bellarminus, suo more, ciuilitè, & vt decet agere cum tanto Rege. *Hæc omnia (inquit) mera calumniæ sunt, negatque expositionem illam horum locorum tam inciuilem & inuerecundam à se esse allatam. Relegat ergo Cardinalis quæ scripsit li. 5. de Romano Pontifice ca. 7. vbi ex verbis Christi, Pasce oves, hæc colligit: Si ergo Princeps aliquis ex oue & ariete fiat lupus, id est, ex Christiano fiat hæreticus, poterit Pastor Ecclesiæ eum arcere per excommunicationem, & simul iubere populo ne eum sequatur, ac proinde priuare eum dominio in subditos. Neque hîc solum, sed & sæpe alibi eadem disputat, præcipue vero c. 3. li. in Barklaium. Atque hæc est ratio (inquit) cur & Gregorius VII. & Innocentius IV. in depositione Imperatorum, vt ostenderent iure se id facere, verba Domini allegauerint, Quodcunque ligaueris super terram erit ligatum & in Cælis: Mat. 16. & Pasce oves meas, Ioh. 21. Nimirum vt significarent potestatem suam disponendi de temporalibus. Vt mirum sit qua fronte Cardinalis ausus sit Regi crimen calumniæ impingere, aut quomodo potuerit eorum quæ ipse tam frequenter & importunè inculcat obliuisci.*

At Cuffetellus mollius rem gerit, *Si inquit Papa, vellet inuadere regna, loco motis veris possessoribus, aut*

alios pro suo arbitrio sufficere, dignus esset quem Principes vt raptorem hereditatum alienarum incurrerent, & paulo post. Nihil sibi Papa arrogat in temporalibus, &c.

Hæc sane qui dicit, oportet in historiis & Paparum decretis planè sit peregrinus. Nam si quis vellet congerere omnia loca in quibus Pontifex fastuosis titulis intumescit, & Regum capitibus insultat, is quidem esset in re vulgari frustra sedulus. Pauca hæc sunt è multis. Gregorius VII. qui primus ausus est Imperatorem folio deturbare, in ferali illa abrogationis formula sic loquitur, referente Platina. *Henricum Regem Henrici quondam Imperatoris filium qui audacter nimium & temerarie in Ecclesiam tuam manus iniecit imperiali administratione regiaque deicio: & Christianos omnes imperio subiectos, iuramento illo absoluo, quo fidem veris Regibus prestare consueuerunt; Hæc fulguritor. Quin & exutum regno, anathematis vinculo postea illigat, ante stringens gladium materialem quàm spiritualem. Factum hoc anno Christi 1076. nouo & inusitato exemplo. Imperium autem ad Rudolphum delatum est, qui acie victus ab Henrico & morti proximus, protensâ manu fauciam sic familiares suos affatus est. *Videtis manum dextram meam de vulnere fauciam, hac ego iuravi Domino Henrico vt non nocerem ei, nec insidiarer gloria eius. Sed iussio Apostolica Pontificumque petitio, me ad id deduxit, vt iuramenti transgressor, honorem mihi indebitum usurparem. Atque in hæc verba est mortuus. Testis Helmhodus Presbyter, Chronici Sclauorum ca. 29. author, vt illo æuo, optimus: & Abbas Stadensis in Chronico anni 1080. Idemque Helmhodus**

dus prolixè refert ca. 32. & 33. quomodo auctore  
 Papa Henrici filius Henricus in partem insurre-  
 xerit, & acie fufum cepert. At senex Imperator,  
 (inquit Helmoldus) *mortuus est Leodij, stetitq; cor-  
 pus eius inhumatum in capella quadam quinque annis.*  
 Tanta enim seueritate Dominus Papa & ceteri aduer-  
 sarij eius in ipsum vsi sunt, vt mortuum vel humari nō  
 sinerent. Lege Auentinum in historia Boiorum li.  
 5. Paulum Langium in Chronico Citizenfi ad  
 annum 1105. Facisculum rerum expetendarum  
 fol. 49. & 50. Vpbergenfem, & alios.

Longum esset memorare quæ Fredericus Oe-  
 nobarbus à Pontificibus pertulit. Coronatio eius  
 sic est facta, referente eodem Helmoldo cap. 81. *Vide*  
 libri i. Slauonicæ Historiæ. Veniente Adriano Papa *Naucler.*  
 in castra Rex festinus occurrit, & descendentem de equo *Gener.*  
 strepam tenuit, duxitque per manum eum in tentoriū, *39. Bar-*  
 facto autem silentio locutus est Dominus Bauenber- *num de*  
 gensis Episcopus. Summa orationis erat petitio co- *vitis Pō-*  
 ronæ Imperialis per manus Papæ. Ad hac Dominus *tificij.*  
 Papa respondit, verba sunt frater quæ loqueris: dicis  
 Principem tuum condignam beato Petro exhibuisse re-  
 uerentiam. Sed beatus Petrus magis videtur inhonora-  
 tus: denique cum dextram deberet tenere strepam, tenuit  
 sinistram. Hac cum per Interpretem Regi nunciata es-  
 sent, humiliter ait. Dicite ei quia defectus hic non fuit  
 deuotionis, sed scientiæ. Non enim tenendus strepis ma-  
 gnopere studium dedi: enimvero ipse primus est cui tale  
 obsequium dependi. Cui Dominus Papa, si quod facilli-  
 mum fuit, propter ignorantiam neglexit, qualiter pu-  
 tatis expediet maxima: Tunc Rex aliquantisper motus,  
 vellem melius instrui, vnde mos iste inoleuerit, ex

*beneuolentia, an ex debito? &c. Diu itaque atque acriter disputatum est. Postremo discesserunt ab inuicem sine osculo pacis. Timentes ergo illi qui columna regni esse videbantur, ne sorte rebus inactis frustra laborassent, multa persuatione euicerunt cor Regis, ut Dominum Papam reuocaret in castra. Quem redeuntem suscepit Rex integrato officio. Omnibus autem exhilaratis & conuentioni adgaudentibus, dixit Dominus Papa, Adhuc superest quod facere debeat Princeps vester, Requirit beato Petro Appuliam quam Vuillemus Siculus per vim possidet. En benignitatem Episcopalem, en humilitatem Apostolicam. Facile est barbato imponere Regi.*

Eiusdem Friderici Imperatoris clarissimi ceruicem esse conculcatam Venetiis super gradibus Templi S. Marci, inspectante vniuerso populo additis his vocibus, *Super aspidem & basiliscum, &c.* restantur tam multi historici, ut mirum sit quenquam posse contra ire. Hieronymus Bardi in victoria nauali. Nauclerus generatione 40. Iacobus Bergomensis in supplemento. Petrus Iustinianus li. 2. rerum Venetarum. Alphonsus Ciacconus de vitis Pontificum in Alexandro 3. & innumer alij. Quin & videre est historiam illam Venetiis pictam in Atrio Scrutiniij & magni consilij; cuius tabulæ recensentur ab Hieronymo Bardi qui tractatum de his edidit.

Innocentius IV. Fredericum II. in Concilio Lugdunensi diris percussit & Principes Germaniæ ad rebellionem sollicitauit, cumque ei negotium parum procederet, ipsum Soldanum Sarracenum conatus est in eum concitare, teste



ste Alberto Abbate Stadenſi in Chronico his verbis, *Etiam ad Soldanum Papa nuntios deſtinavit, eum intendens à familiaritate abſtrahere & amicitia Frederici quondam Imperatoris. Sed Soldanus religioſior, ſuaſorem perfidiæ abominatus, cum Frederico pacem & concordiam coluit.*

Huic ſucceſſit Henricus V I. qui à nonnullis quintus dicitur, Venit is ad Papam Celeſtinum III. utque erat coronatus Papæ pedibus aduolutus eſt. Ibi quid Celeſtinus egerit diſcimus ex Baronio, qui ad annum 1191. hæc citat ex Annalibus Rogerij. *Dominus Papa (inquit) ſtatim percuffit cum pede coronam Imperatoris & deiecit eam in terram, ſignificans quod ipſe poteſtatem eijciendi eum ab Imperio habet, ſi ille demeruerit. O fatalem Chriſtiano orbi principum illius cui vecordiam. Sed alia videamus.*

Liber primus Sacrarum Cæremoniarum Sectione 5. cap. 3. refert qua pompa Imperator Romanum ingreditur, qua humanitate à Papæ excipitur. In phano (inquit) ſupra gradibus baſilica ante primam porticum ad dextram aſcendentibus, erigitur Suggreſtus ornatus cum throno Pontificali & ſedibus Cardinalium, Prælatorum, & Officialium. Supra quem ſuggreſtum Pontifex pluuiali & mitra precioſis indutus, aſcendit cum ordinibus curiæ paulo antequam Caſar appareat. Electus Imperator cum ſuis omnibus ſervato ordine, ut equum deſcendit, per gradus aſcendit ſuggreſtum. Et ut primum Pontificem videt detecto capite illum gena tangens terram veneratur. Et iterum cum appropinquat ad gradus ſedis genu ſtegit, demum ad Pontificis pedes pervenit, illos in roue-

*rentiam Saluatoris deuotè osculatur. Pontifex hilari vultu Casarem afficiens, ad osculum manus & oris recipit. Tum Casar iterum genu flexus auri massam ad pedes Pontificis offert, habetque verba ad Pontificem gratias agens pro honore suscepto, &c. Hoc si vocari debet humilitas aut benignitas, non scio equidem quid sit superbia & tyrannis. Nam ne quidem maximus Regum Christianorum sic agit cum vilissimis mancipiis.*

Neque hæc ciuiliora, quæ leguntur capite 3. secundæ Sectionis eiusdem libri. *Cum Papa per scalam quam superius diximus ascendit equum, maior Princeps qui praesens adest, etiam si Rex esset, aut Imperator, stapham equi papalis tenet, & deinde ducit equum per frangum aliquantulum. Si Imperator aut Rex soli essent, id est, non esset alius Rex, soli equum ducerent cum dextra manu. Sin vero esset alius Rex, dignior à dextra, alius à sinistra frangum teneret. & paulo post. Si vero Pontifex non equo sed sella reheretur, quatuor maiores Principes, etiam si inter eos Imperator aut quiuus maximus princeps adesset in honorem Saluatoris Christi sellam ipsam cum Pontifice humeris suis portare aliquantulum debent. Sequenti sectione Imperator aut Rex dat Papæ aquam manibus, idque genu flexo: Primum ferculum infert mensæ: datur tamen hoc dignitati Imperiali quod culinam non ingreditur: Inter accumbendum, Reges post primum Cardinalem confidunt. His omnibus substernitur regula quæ in hac fastuosa disciplina eodem loco habetur quo inter Philosophos prima principia. Quod Pontifex Romanus nemini reuerentiam faciat libro 3. Sectione 1. cap. 2. Atque horum omnium haud dubiè*

dubiè Christus auctor & Apostoli.

Ex hoc sublimi potentiae culmine cudentur fulmina in Reges & regna, quibus confossus Iohannes Rex Navarrae regnum amisit, quod absente Iohanne inuasit Ferdinandus Rex Castillae, non alio iure quam quia sic Iulio II. Pontifici placuit, non enim deerant legitimi heredes qui aduersus Papam arma non mouerant. Sic Alexander VI. quasi erciscundorum toto orbe regnorum à Deo datus arbiter, Lusitanis Indos Orientales, Hispanis Occidentales attribuit, frustra exostulante Atabalippa Rege Peruuianae, & petente quid hominis esset iste Papa qui sic daret non sua. \* Nouissimè Pius V. Regnum Angliae Elizabethae ademptum Philippo Hispaniarum Regi dono dedit, nimirum eo modo quo dantur quae tradi non possunt, & quae iubentur ueripi. Et Rex noster Henricus III. à Sixto V. diris impetratus, & Regno exutus, primo fidem subditorum, post etiam vitam amisit.

Quid quod nullum est in Occidente regnum quod non Papa asserat esse feudum sedis suae? nullus Rex quem non sibi vassallum & feudatarium asciscat, quasi qui ab ipso regnum feudi & beneficii loco acceperit? Habes huius usurpationis titulos & instrumenta apud Steucum Bibliothecarium Papae libro de donatione Constantini, in quibus Reges Angliae, Arragoniae, Dalmatiae, Daniae, Poloniae, Hungariae, &c. agnoscunt suum regnum esse feudum Ecclesiae Romanae, eoque nomine Papae praestant ho-

\* Genebrard<sup>us</sup> in Chronico ad annū 1569.

Pius V. regnum Angliae proscripsit, praedamque exposuit. Et anno 1572.

Anglia Regina excōmunicatur & proscribitur à Pontifice, à quo anno 1569.

haeretica fuerat denūtiata, ut inde omni dominio & potestate in Catholicos excideret: Ipsi quae adeo in illā ut Ethnicā & publicanam se posse insur-

*gere, nec* magium vt vassalli & feudatarij: Addito insuper *illis m̃a* tributo quod tenentur pendere: Enimuero à *dati &* Gregorij VII. temporibus Pontifices in eo toti *legibus* sunt vt ipsi soli regnent, Reges vero & Impera- *deinceps* tores sint Reges titulo tenus. *teneri in-*

*telligerēs.* Sed ad rem præsentem nihil tam est accom- *pag. 117.* modatum quam historia Anglicana, in qua vi- demus Reges Angliæ, tam indigne & turpiter habitos vt ad extremam seruitutem nihil desi- deretur.

Matthæus Paris monachus Benedictinus, au- thor summa fide & diligentia, memorat anno 1170. Henricum II. satisfaciens Thomæ Archiepiscopo Cantuariensi, bis equo defiliisse, bis frænum equi Archiepiscopalis tenuisse. Quin & miseri Regis tergum virgis concisum, cadente monachorum mandra, quorum alij ternos, alij

*† Le quali cose furono da Henrico accettate, & fortomossi, a quel giudicio vn tanto Re, che oggi in huomo priuato si vergogna rebbe a sottomerterfi. tãto le cose che payono sono piu da disco- sto che d'appres- so remu- te.* quinosictus eius tergo infixerint. Neque sic Papæ satisfactum; nam insuper iussit Regem mittere in Palestinam manum ducentorum militum, & deinceps pati vt Angli qui in Anglia causa cecidissent, possent Romam prouocare. Quam Regis patientiam Machiavellus libro primo Historiæ Florentinæ sic miratur vt magis irrideat. † *Et his quidem* (inquit) *Henricus assensus est, subiecitque se Rex tantus isti iudicio, cuius hodie puderet quemlibet priuatum.* Quin & addit id factum illo ipso tempore quo Romani Papam infestabant & male multatum non sæpe vrbē excedere compulerant. *Vsq̃ue adeo* (inquit ille) *remota creduntur in maius, & quæ ad mota contemnuntur, remota metuuntur.*

Huic Henrico successit Ricardus, quem idem  
Papa

Papa iussit in Syriam nauigare, quo mortuo frater Iohannes regnum capessit. Hic Iohannes conquerebatur Romanis artibus emungi Anglos argento, & plus pecuniæ ex Anglia sola quàm ex vlla cis Alpes prouincia colligi. Huic, quia liberratis Ecclesiæ (sic vocant vsurpationes Papales) dicebatur aduersus, Innocentius III. regnum abrogat, translato regno ad Philippum Augustum Galliarum Regem. Verba Matthæi Paris hæc sunt. *Papa ex consilio Cardinalium, Episcoporum & aliorum virorum prudentium sententialiter definiuit vt Rex Anglorum à solio deponeretur. Ad huius quoque sententiæ executionem scripsit Dominus Papa potentissimo Regi Francorum Philippo quatenus in remissionem suorum peccaminum hunc laborẽ assumeret. Quo metu & domesticis motibus Iohannes adactus est ad conditiones accipiendas quas Pandulphus Innocentij Legatus voluit. Conditiones fuerunt vt Iohannes ad obtinendam remissionem peccatorum, coronam suam traderet Legato in manus, & sua regna Angliæ & Hiberniæ Papæ dederet, & subiecta esse pateretur, & tanquam de feudis Ecclesiæ Romanæ, homagium Papæ exhiberet, mille marcas argenti annuas penderet Pontifici, saluis insuper denariis beati Petri qui quotannis pendebantur in capita. Paruit Rex inuitus, quin & ipse pactam pecuniam ad Legati pedes deposuit, qui eam pedibus conculcauit, quasi rem indignam, simul innuens regem & regnum, Papæ pedibus esse suppositum.*

Mat. Paris p. 215.  
& 223.

At Rex tam graue iugum iniquo animo tolerabat: Quin & proceres Regni proditam ab eo



regni dignitatem, & scdè mancipatam indignabantur, & res nouas non obscurè affectabant. Nec minus interea Romani æruscatores sub religionis obtentu, Angliam exhauriebant. Denique Rex ad extremas redactus incitas, mitius secum actum iri credidit si se & sua Mahumetanis traderet. Misit ergo Legatos in Mauritaniā ad Amiralium Murmelinum Mauritanie & Bæticæ Regem, se suāsque fortunas omnes Regi Mahumetano oblaturos, dum eius opē à Papæ tyrannide liberaretur. Renuit Rex barbarus, & Legatos re infecta dimisit. Vnde aucta regni seruitus, & durius actum cum miserrō Rege: Nam & repetitum est seruitutis iureiurandum, & diplomate firmatum, quod non cera vt ante, sed auro signatum est, & pro mille marcis duodecim millia extorta. Ex eo Anglia facta est pars dominij papalis & patrimonium Petri. Philippoque interdictum ne in Angliam exercitum transmitteret.

*Formam  
diploma-  
tis habes  
apud Mat-  
thæū Pa-  
ris. anno  
1214. p.  
234.*

Huic Iohanni ex ægritudine animi mortuo successit filius Henricus III. qui sine cunctatione iurauit in verba Pontificis, & homagium de suis regnis exhibuit, & tributum exoluit, manente insuper capitatione annua denariorum Petri. Ad eum Innocentius IV. Papa Otho- nem Cardinalem allegat; cui Rex factus obuiam ad genua vsque Legati caput submisit, Ac sibi quidem Regis nomen seruauit, vim vero & potestatem omnem Legato concessit. Vsq̃ adeo vt in conuiuio sedem regiam superbissima bellua occuparet, rege in inferiorem locum reiecto. Verba Matthæi Paris hæc sunt. *Rex in am-  
pliori*

pliori regia VVestmonasterij pransurus Legatū quem *Pag. 530.*  
 inuitauerat in eminentiori loco mensa scilicet in regali  
 sede, quæ in medio mensa erat non sine multorum ob-  
 liquantibus oculis collocauit. Iamque ornabat Le-  
 gatus profectionem suam in Scotiam, plenus  
 spei, & expectans paria Scotorum obsequia, sed  
 ingressu in Scotiam prohibitus est à Rege di-  
 cente, *se non meminisse Legatum in terra sua uidisse,*  
*neque opus esse.* Interea Romanæ harpiæ religio-  
 nem miro modo cauponabantur, & mille rei  
 faciendæ artes commiscebantur, frustra gemen-  
 te populo, & medullas ipsas sibi exugi conque-  
 rente. Vsq̃ue adeo vt idem author in historia  
 anni 1241. loquens de reditu Othonis, dicat eum  
 plus extrulisse argenti ex Anglia quam reliquis-  
 se, quæ instar vitis ab apris depastæ & concul-  
 catæ, in pace grauiora quam in bella patiebatur.  
 Neque vero id obscure fert Bellarminus, aut v-  
 surpatam in Anglia dominationem dissimulat,  
 In libro enim cui Torti nomen præfixit, hæc ait,  
*Rex Anglorum duplici iure subiectus Papæ, vno com-* *Pag. 19.*  
*muni omnibus Christianis ratione Apostolica potesta-*  
*tis quæ in omnibus extenditur, iuxta illud Psalmo 44.*  
*Constitues eos Principes super omnem terram, altero*  
*proprio, ratione recti Domini &c.* Et nouissime in  
 Apologia sua aduersus Regem cap. 3. *Constât ab*  
*Hadriano IV. Pontifice datam fuisse Hyberniam*  
*insulam Henrico II. Regi anno 1156. sub conditioni-*  
*bus multis quas Reges Angliæ minimè seruauerunt.*  
 Netnpe tunc Papa dat regna, quando alicui au-  
 thor est inuolandi alienam possessionem. At  
 tot bella Anglis depugnata in Hibernia, satis ar-  
 guunt Anglos debere hanc insulam suæ virtuti,

80 DE MONARCHIA TEMPORALI  
non cuiusquam largitioni. Neque video quæ  
hæc sit liberalitas iubere aliquem per vim rape-  
re aliena: maxime vero quando potens est pos-  
sessor & qui se possit armis tueri. Sic quando  
Pius V. dedit Philippo Hispano regnum An-  
glia, poterat Philippus par pari referre, salutando  
Papam Archiepiscopum Armeniæ, aut digni-  
tatem Muphti, summi inter Turcas præsulis, ei  
conferendo.

*Toletus  
instructio  
ne Sacer-  
dotum li.  
I. c. 53.*  
Hæc quidem erat facies Angliæ, tunc cum nox  
atra errorum Latinis Ecclesiis incumberet: ne-  
que esset qui contra hiscere auderet. In qua ser-  
uiture illud erat sæuissimum, & maxime misera-  
bile, quod simul ac aliqua regio Papali interd-  
icto fuerat subiecta, aut Rex Regisque fautores  
anathemate percussi, templorum valuæ occlu-  
debantur, sacra omnia cessabant, campanis ipsis  
indictum silentium, passim proiecta cadauera  
sine honore sacræ sepulture, quia profanam gen-  
tem sepelire erat religio sacerdotibus. Pluri-  
mum ergo debet Anglia prædicationi Euange-  
lij, quæ una cum veritate attulit libertatem, & v-  
na cum errore abstulit seruitutem. Possunt uti-  
que Reges Angliæ usurpare illud Christi, Io-  
hannis cap. 8. *Cognoscetis veritatem & veritas vos in  
libertatem vindicabit.* Satan enim dum tundit  
hanc incudem, & Papalis Imperij fundamenta  
ponit, eiusque incrementa sollicitat, offudit po-  
pulis densas tenebras ignorantie, ne peruideret  
sua consilia, & sacræ scripturæ lucernam sub mo-  
dio linguæ peregrinæ occultauit.

Interea nemo non videt quantum in Occi-  
dentali plaga immutata sit facies Ecclesiæ. Nam  
quæ



quæ maior immutatio quam vertere Ecclesiani in Monarchiam, & Regnum Christi spirituale in dominationem temporalem? Est enim erectum nouum Imperium Rom. quod sub titulo religionis, veteris Romani Imperij amuletur splendorem, & formam imitetur: qua de re posthac plenius.

Neque vero Papa segnior est verbis quam factis, nec minus loquitur grandia quam facit atrocit. Distinctione 22. Canone Omnes, Nicolaus Papa sic loquitur: *Christus beato Petro aeternæ vitæ clauigero terreni simul & celestis Imperij iura commisit.* Si huic creditur, Petrus erat Imperator in terris. Inde & sequitur Romanos Imperatores antequam Petrus esset Romanus Episcopus nullum habuisse superiorem in terris, postquam autem Petrus cœpit esse caput Ecclesiæ, cœpit Imperator (si Papæ creditur) habere in temporalibus superiorem. Mirum vero quod Christus dederit Petro ius Imperij terreni, vires vero hâc potestatem exercendi non dederit: Imperium enim sine viribus res est titulo tenus. Mirum quoque quod saltem Neroni non fuerit ab Apostolis aut ab Ecclesia significatum, Petrum datum ei esse à Deo superiorem in temporalibus; cui obsequi teneretur, ne ignorantia excusationem posset prætexere. Nam Nero non obsequens Petro, non potest dici peccauisse, quia datum esse hoc ius in Imperium Petro ignorauit; immo ne de nomine quidem Petrum cognouit. Nec minus mirum est quod veterum nemo, saltem inter amicos, conquestus est Episcopos Romanos fraudari suo iure, nec eis permitti Imperato-

82 DE MONARCHIA TEMPORALI  
res deponere, aut exauكتورare, aut Imperium  
transferre.

*De sent. & re iudicata.* In Clementina Pastoralis, Clemens V. sic  
buccas inflat. *Nos tam ex superioritate quam ad Im-*  
*perium non dubium est nos habere, quam ex potestate*  
*in quam vacante Imperio Imperatori succedimus, &c.*  
Ibidemque Siciliae Regem vocat suum subditum,  
*hominem ligium & vassallum.* Et cap. fundamenta  
de electione in 6. *Constantinus in ipsa vrbe vtrius-*  
*que potestatis Monarchiam Romanis Pontificibus de-*  
*clarauit.* En Papas duplici nomine Monarchas.  
Cui decretali, nescio qua fronte ausi sint docto-  
res canonici glossam hanc apponere: *Roma fan-*  
*data à Prædonibus adhuc de primordijs retinet, dicta*  
*Roma quasi rodens manus.* Quin & additur hic ver-  
sus, *Roma manus rodit quos rodere non valet o-*  
*dit.* Vsq; adeo ipsis Romanis canonistis vi-  
sa est intolerabilis huius decretalis arrogan-  
tia, vt voluerint eam hac glossa quasi obelo con-  
fodere.

Capite Venerabilem de electione Innocen-  
tius III. sic loquitur: *Sedes Apostolica Romanum*  
*Imperium, in persona magnifici Caroli, à Græcis tran-*  
*sulit in Germanos, & paulo post Ius & auctoritas e-*  
*xaminandi personam electam in Regem & promo-*  
*uendam ad Imperium ad nos spectat.*

Sic Pius V. in ferali illa bula quâ in Elizabe-  
tam Reginam *maximè* detonuit, ait se *Solum à*  
*Deo constitutum principem in omnia Regna, vt eucl-*  
*lat, destruat, perdat, dissipet, & planter.* Satis qui-  
dem pro Imperio; At cum relego epistolas Pe-  
tri Apostoli cuius hic se successorem venditat, ni-  
hil tale inuenio, neque enim iactat suos titulos,  
neque

neque contorquet fulmina, nec Reges de folio præcipitat, sed meram humilitatem spirans, totus est in cohortationibus ad fidem, ad patientiam, morésque compositos.

Concilium Lateranense sub Leone X. Papam nuncupat totius orbis Principem, Sess. 1. & *Sacerdotem ac Regem*, sess. 3. & *Imperium sanctitatis vestrae*. Tum Regale pontificum Romanorum genus. Vnde & mitra triplex qua redimitur vulgo vocatur REGNUM, neque aliter appellatur toto libro sacrarum Cereemoniarum.

Circunferuntur Theses excusæ Neapoli, Papæ nunc regnanti inscriptæ cum hoc Elogio, *Paulo V. vicedeo, Reipublicæ Christianæ Monarchæ, Pontificiæ omnipotentie assertori inuictissimo*. Ibi dem habes instar Pontificis, cui circumpectæ sunt coronæ imperiales, & Regales, Ducisque Veneti pileus corniculatus: Immo & Turcici Imperatoris apex turbinatus, quasi loquente pictura, hæc omnia pendere de Papæ nutu & subesse eius iurisdictioni.

Qui volet plura alia exempla videre consimilis modestiæ, legat caput tertium Concilij Lateranensis sub Innocentio III. vbi Principum sibi Immorigerorum ditiones iubet ab aliis Principibus Catholicis vsurpari. Et caput ad Apostolicæ. De sententia & re iudicata, vbi Innocentius IV. in Concilio Lugdunensi Fridericum II. fulmine amburit, Imperio exuit, subditos Sacramento fidelitatis absoluit, verbis tumidis, & stilo virulento. Et Caput *solita benignitatis* Tit. 33. vbi cum Innocentius III. Papam Soli, Imperatorem Lunæ comparasset, glossa sic rem

explicat. Igitur cum terra sit septies maior luna, Sol autem octies est maior terra, restat ergo ut Pontificalis dignitas quadragies septies sit maior Regali dignitate. Inficetus Glossator rationem magnitudinum nihilo plus calluit quam sensum scripturæ: Sed hæc in libro tantæ authoritatis, & qui decreta Ecclesiæ Romanæ continet legi & ferri sanè mirandum est.

Ex his omnibus puto satis supérque constare quæ sit mens Paparum, & quantum sibi iuris & potestatis arrogent, ne quis apud rerum imperitos producat Papam loquentem ficta modestia. Quod sane facit Cussetellus, asserens Papam nihil sibi iuris tribuere in temporalia: Qui dum Papas inuitos vult docere humilitatem, apud suos fidem non inuenit, & sibi apud ipsum Papam & Iesuitas multam cōflauit inuidiam. Dum enim hæc scribit in Gallia, ab ipsa vrbe ἐπιστολῶν Bellarminus conscio Papa, ideoque probante, edidit aduersus Barklauium librū exitialem Regibus, qui totus in eo est ut probet Papam posse Regna dare, adimere, transferre, & Reges non aliter accipere, quam opilio arietem furiosum aut cornupetam. Idemque posse Papam in Reges malos quod Sacerdos Ioiada in Athaliam Reginam, quam idem Pontifex non modo regno, sed & vita priuauit. Nam (inquit) cap. 27. Cum Papa iudicat Regem, vel etiam deponit, nihil àgit contra ius diuinum, quoniam superior inferiorē indicat, Pastor ouem, Pater filium, Præpositus subditum. Addit paulo post, Securus affirmo potuisse Dominum nostrum Iesum Christum tempore mortalitatis sue disponere de temporalibus omnibus, & Reges ac Principes

*Principes Regnis Dominijque priuare: & hanc potestatem sine dubio Vicario suo concessisse.* Notabit Lector, Nam non est dubium quin Christus in terris agens potuerit Reges omnes deiicere solio, sed & necare: In hanc potestatem si Papa successit, certum est omnium Regum fortunas, immo & vitam esse in manu Pontificis. Hic tamen vnum est discrimen quod Christus potestate quam habuit vti noluit, ne quidem cum inter duos super diuidenda hereditate electus esset arbiter: At Papa vult vti potestate quam non habet: Nam si Papa est Christi Vicarius, certum est non esse ei datam omnem potestatem quam Christus habuit, sed eam quam exercuit & Apostolis disertè tradidit.

Tam sceleratæ doctrinæ substernit fundamentum impium, capite 21. *Dispensat (inquit) Pontifex in votis & iuramentis quæ Deus ipse iussit reddi, & quorum solutio est de iure diuino, vt non mirum sit si Papa liberat populos ab obedientia Regibus debita, quam Bellarminus ait esse de iure humano, cum etiam gratiam facit iuris diuini, & (vt loquuntur) dispenset à Dei obsequio.*

Quid quod ipsos infideles & eorum Regna Papæ subiicit. *Supra, inquit, docuimus cum S. Thoma posse à summo Pontifice priuari quoscunque infideles dominio quod habent super fideles.* Cum ergo Turca inuaserit dominationem in Ecclesias Syracas, Græcas, & Aegyptiacas, potest à Papa, aut toto hoc Imperio, aut Imperij parte multari. Cur ergo in re tam salutari Papa non vtitur sua potestate? an erga Imperatorem non pessimum tam-

gitur misericordia, & vitur clementia? An & bene sperat de eius resipiscencia? An potius fidem Turcæ datam religiosè seruat: quia Turca non est hæreticus, sed tantum infidelis, & huic quidem fides seruanda est, illi vero non item?

Sed nihil est tam indignè ab eo dictum, neque in Principes tam sæuum, quam quod dicit cap.31. ubi loquens de sententia qua Papa Regem aliquem iniuste deposuerit, (nam & hoc posse fieri fatetur) sic ait. *Quod autem dicis iniustam sententiam non laderè eum in quem fertur, verum est quando is in quem fertur eam humiliter tolerat & obseruat, donec iniustitia vel potius nullitas eius manifeste se prodat.* Et cap.17. *Si forte Princeps spiritualis (id est Papa) abutatur potestate sua iniuste excommunicando Principem temporalem, vel eius subditos sine iusta causa ab obedientia eius absoluendo, & eo modo perturbet statum Reipublicæ temporalis, peccabit Princeps spiritualis, sed non poterit tamen Princeps iudicium sibi sumere de spiritualibus rebus, aut spiritualem Principem iudicare.* Nempe vult Principem abdicatum iniuste à Pontifice, parere iniustæ sententiæ, nec contra hiscere, nedum acta eius rescindere: Proh Dei atque hominum fidem, eo ne homines deuenisse stuporis & vecordiæ vt ferant, immo & laudent homines qui volunt Reges vnctos Domini, & summos in terris Ministros accipi vt vilissima pecora, & iniuste damnatis nequidem fieri conquerendi copiam, aut contradicendi, aut rescindendi acta istius Principis spiritualis iniuste attreçantis spiritualia? Cedant loco Principes, renuntient vltro regno, quan-

quancquam iniuste damnati à Papa, ad cuius nutum debent regnare Principes: non quidem vt vox *nutus* (ait Bellarm. cap. 19.) significet assensum, sed eo sensu quo poeta ait de Ioue

*Annuuit & nutu totum tremefecit olympum.*

## CAP. VI.

*Nouem temperamenta quæ affert Bellarminus, ad molliendam huius doctrinæ asperitatem.*



VDIT Bellarminus huic doctrinæ parata multorum odia, & Principum offensionem. Idcirco quibusdam distinctionibus conatur mitigare rei asperitatem, & præfractam illam Papæ in Reges dominationem ex abrupto in planum deducere. Distinctiones istæ seu temperamenta, numero sunt nouem: quæ quia passim infercit, & nullibi non ingerit, liber hic ponere omnia sub aspectum, & singula seorsim expendere.

I. Prima & sexcenties ab eo repetita distinctio hæc est. Papam non habere dominationem directam in temporalia, & in regna, sed tantum indirectam: Atque ea in re non dubitat opponere se Canonistis, & multis huius æui scriptoribus, vt Pesantio, Bosius &c. qui Papam volunt directum esse Dominum totius orbis & omnium temporalium.

At profecto sub specie agendi cum regibus clementius, eis manifestè illudit: quâdoquidem

potestas illa indirecta tantundem habet virium ad deturbandos reges, & transferenda sceptrâ quàm si directa vocaretur. Habebunt ergo Reges (si Deo placet) quo gaudeant, & se abunde solentur. Nam si diris papalibus fuerint pulsi Regnò, id non fiet directe, sed tantum indirectè. Ita si fontem ad capitis pœnam in publicum productum astans sacrificulus ita compellet; sis bono animo mi homo, non enim decollaberis ense, sed tantum acinace, mitigauerit proculdubio fontis dolorem non mediocri solatio. At Regi exuto & pulso difficile est satisfacere distinctiunculâ. Perinde enim est ei quanam ratione spoliatur imperio, quandoquidem seu directa potestate id fiat seu indirecta, semper regnû amittit. Neque vero existimo rem quæ fit iniuste viâ directâ posse fieri iuste viâ indirectâ. Nec si tu non debes in ea rapere directe, credibile est te iure id facere indirectè. Nec si quis obrotto collo trahatur in carcerem, melius cum eo agitur si obliquâ viâ trahatur quam si rectâ. Nec si brachiò solo trahatur quam si impellatur roto corpore. Quid quod Cardinalis indirectam istam Papæ in regna potestatem fulcit argumētis quibus conficitur esse omnino directam? Sic cum asserit Papam à Christo accepisse eam potestatem in Reges & regna quam Christus habuit cum esset in terris, nonne (si hæc ratio valet) oportet Papæ potestatem in regna esse directam, quippe cum Christus iam tunc fuerit & sit directus Dominus omnium regnorum? Quid autem sibi vult simile illud de pastore abigente aut egregante arietem vitiosum? Sane si Papa habet



bet in reges eandem potestatem quam Pastor in arietem, oportet sit directa Papæ potestas, talis enim est potestas opilionis in arietem.

2. Huic temperamento affine est alterum, eoque pariter fraudulentum, cum dicit Papam habere potestatem in temporalia, quatenus attingunt spiritualia, & ad spiritualia ordinantur. Sed per id nihil minuitur de absoluta Papæ potestate in omnia temporalia. Immo nihil est in civili societate tam sordidum, aut tam alienum à cognitione Ecclesiastica, quod non per hanc distinctionem Papæ subiiciatur: nihil enim est temporale quod non aliquo modo pertineat ad spiritualia. Est enim Christiani officium, & pars pietatis, agere bona fide & conscientia in pactis & conuentis, in emendo, vendendo, contrahendo, possidendo, regendo Rempublicam aut familiam. In his omnibus opus est bona conscientia; quod certe spirituale est. Si ergo in his omnibus Papa est Iudex, nihil erit quod non sit Pontificiæ cognitionis, & sub obtentu itrogandi pœnas ob peccata, poterit Papa res alienas interuerrere, pecunias, fundos, domos ad se trahere. Et hoc facto causari se attrectare temporalia respectu ad spiritualia, potestare non recta, sed indirecta. Sic Papæ erit recidere pretia mercimoniis, hoc enim pertinet ad iustitiam. Figere leges sumptuarias, id enim est temperantiæ: & datis arbitris lites componere, hoc enim pertinet ad charitatem, semperque in omnibus malefactis peccatur aduersus aliquam virtutem Christianam, quæ sane est res spiritualis, & pertinet ad conscientiam. Enimvero, Pontifex voce ista spiritualitatis ad se trahit

temporalia : & sub titulo spiritualis potestatis vsurpat temporalem. Atque ideo vocis istius facta est latior significatio, vt quasi sagena latior plura conuertat. Nam felici hoc sæculo spiritualia dicuntur non tantum Dei dona cælestia aut virtutes Christianæ, sed & fundi & prouentus Ecclesiastici. Hoc pacto temporalibus accreuit dignitas dum fiunt spiritualia. Nec deerunt Papæ artes per quas quæcunque sunt sub sua diuisione temporalia fiant spiritualia. Sed ne his immorer, dico ego Bellarminum hac sua distinctione eo prolabi quod vitat cum maximè ; & Papæ adimere omnem potestatem Reges deponendi : nam si Papa non habet potestatem in temporalia, nisi quatenus attingunt spiritualia, clarum est Papam non posse Dominos temporales punire aliis pœnis quam spiritualibus. Qualis enim est cuiusque potestas, tales pœnæ quas irrogat.

III. Iam audi aliam distinctionem quæ mihi non videtur ad fidem, sed ad risum comparata. Capite 12. libri in Barklaium, & sæpe alibi hæc dicit. *Quando proprie loquimur, dicimus Pontificem habere potestatem in temporalibus, non autem habere potestatem temporalem qua Pontifex est.* Tum illud, *Iure diuino potestas in Reges non proprie temporalis, sed quæ se extendat ad temporalia, Pontifici Christi Vicario attributa est.* Dignam sane laude modestiam, & egregium temperamentum quod sic minuit Papæ potestatem vt magis augeat. Idem enim de Deo dici potest; Est enim Dei potestas non temporalis, sed tamen habet potestatem in temporalia. Durum vero post res regibus ereptas, eos

vocare ad litigandum de vocibus, & reges fraudibus circumuentos distingere Grammaticalibus distinctionibus, non vt recuperent amissa, sed vt sciant quem titulum debeant inscribere suæ calamitati, an scilicet id fecerit Papa potestate suâ temporali, an potestate in temporalia, an directâ, an vero indirectâ. Mihi profecto si vlla superest gutta sensus communis hæc videntur ad ludibrium dicta, & maiorem contumeliam. Nâ Cardinalis fatetur Reges habere summam potestatem temporalem, quam tamen eis mox adimit, dum facit Papam habere summam potestatem in temporalia. Vtrique nemo dixerit Regi esse summam potestatem in temporalibus, qui potest alterius iudicio temporalibus exui. Quæ admodum igitur dicere Alexandrum esse hominem, sed non esse animal rationale; implicat contradictionem: Ita dicere aliquem esse summum Principem temporalem, sed subesse alteri in temporalibus, plane est *ἀντισέως*, & secum pugnans. Non enim alia de causa aliquis dicitur esse summus Dominus temporalis, quam quia summè dominatur in temporalia. Quid quod ipsi Pontifices non modo agnoscunt Reges non habere Dominum aut Principem temporalem se superiorem, sed & eos non habere superiorem in temporalibus? Capite *Per venerabilem, qui filij sunt legitimi*, vbi Papa dicit, *Regem non habere superiorem in temporalibus*, & ibidem disertè dicitur Regem Francorum nullum in temporalibus superiorem agnoscere. Debuerat Innocentius dicere Regem Francorum nullum agnoscere superiorem Principem tempora-

lem, non vero nullum superiore in temporalibus. Sed nullus erat tunc Bellarminus, nullus Iesuita, qui bifurcatis distinctiunculis oculos conficeret.

IV Eiusdem farinae est distinctio quam Bellarminus affert cap. 3. in Barklauium ubi populum respondentem Papae & negantem esse penes Papam eximere populum à Regis obedientia, Papa sic increpat. *Iam indocilem omnino te praebeas cum ad eadem semper reuolueris: Non ego tibi gratiam facio praecepti naturalis vel diuini cum ab obedientia vinculo te absoluo, non enim permitto vt Regi non pareas quod esset contra ius diuinum: Sed facio vt ille qui tibi rexe- rat non sit tibi deinceps Rex.* Magnam vero Papae benignitatem, si ad perdendos Reges non *αὐτοῖς*, & vno impetu, sed per gradus accingitur, exau- ctorando prius regem, deinde populum absol- uendo ab obedientia iureiurando promissa. Sed Bellarminus petit *ἡ ἐκ ἀρχῆς* assumens vt conces- sum id quod praecipue controuertitur, Papam nimirum posse facere vt qui est hodie rex, cras non sit. Nam quomodo potuit Henrico auferre regnum quod ei non dederat? Eripiat Papa quae ipse dedit: At quae sunt diuini muneris accedente insuper consensu & Sacramento populorum at- tentari & violari à Papa sine flagitio non possunt. Nam ubi aut quando Deus hanc potestatem Pa- papae concessit? ubi est vel minimus apex hac de re in Scriptura? Quid simile vnquam factum ab Apostolis aut eorum discipulis, maxime cum de- terrima monstra & belluae magis quam homines tenerent tunc temporis gubernacula generis hu- mani? Neque vero mirum si Papa faciat regem non

non esse regem, cum etiam faciat coniugem quāvis fidam & non adulteram, non esse coniugem; separans legitima coniugia Deo auctore & teste contracta, contra Christi mandatum, vetantis, *Mat. 19. vers. 6.* ne quod Deus iunxit homo separet. Pari audacia facit filium non censeret filium, immo & peccatum non esse peccatum, ut dicit idem Bellarminus c. 31. *In bono (inquit) sensu dedit Christus Petro potestatem faciendi de peccato non peccatum, & de non peccato peccatum.*

V. Idem Bellarminus ne Papa soluens vincula fidelitatis Iureiurando sancitæ, videatur pugnare cum iure diuino, subinde hanc distinctionem affert. *Non ignorabam (inquit) seruire, & obedire regi, esse iuris diuini, sed dixi esse iuris humani habere hunc aut illum Regem.* Hanc distinctionem quis sedulo perpendet, facile animaduertet Bellarminum, fateri quidem in genere obsequium erga Regem esse iuris diuini, sed id mox negare in singulis: ut si fateret hominem quidem esse rationalem quod ad speciem, mox tamen id negarem de singulis indiuiduis. Enimuero si hæc distinctio admittitur nunquam obedientia erga Regem erit de iure diuino, quia subditi nunquā iurant in verba Regis in genere, sed Henrici aut Ludouici. Quod si obsequi Regi est de iure diuino, ergo & obsequi Henrico aut Ludouico, quia hi sunt Reges. Nam pari ratione dicerem fidem quidem seruare esse iuris diuini, at non seruare Titio aut Mæuio. Hic color adhibitus viam sternit ad omnem perfidiam, non enim ineuntur pacta cum genere aut Idea, sed cum singulis hominibus. Quod si quis Bellarminum afficeret

contumelia, non opinor admitteret se excusantem isto modo, & causantem, Deum quidem vetuisse noceri proximo, at non Roberto Bellarmino. Quod si cui probatur tam putidum effugium, cur non idem liceat dicere de pontifice: fac enim sit Apostolus, fac Petri successor, dicam tamen Christum quidem iussisse nos dicto audientes esse Pastoribus, at non Clementi aut Bonifacio: quos ut habeamus Pontifices iuris est humani, non diuini. An putamus Deo putidis distinctionibus posse fucum fieri? aut pellucete hac nebula eius oculis offusâ, posse regi subditorum erga Reges perfidiam? Nouit enim Deus populum Sacramento esse obstrictum, non regi indefinitè, sed huic Regi: quo superstitè non potes sine flagitiis in eum rebellare. Faciat ergo Papa ne hic Rex sit hic homo, tunc demum fatebimur posse Papam soluere vinculum obedientiæ promissæ non tantum huic Regi, sed & huic homini. Sublato vero Henrico aut Ludouico quo modo fides debita Regi in genere manebit illibata, cum nullus alius sit Rex in Gallia? Cum enim Gallia non possit esse sine rege, & ipsa mors regis defuncti proximum sanguine, illo ipso momento vestiatur Imperio, dicat mihi Cardinalis quis post exauctoratum à Sixto V. Henricum III. esset Rex in Gallia, aut quem in eius locum suffecerit, Nam adimere Galliæ suum Regem, nec alium sufficere certissima est rerum euersio. Tunc ergo scire vellem cui regi obsequi, vel iure humano, vel diuino Galli tenebantur.

In his omnibus tanta est veritatis *iniplex*, ut Bel-



Bellarminus secum ipse dissidens, postquam concessit obsequium erga Reges esse iuris diuini, id mox neget. Probat enim Thomæ sententiam, sic loquens cap. 21. in Barklauium. *Quare idem sanctus Thomas loco citato 2. 2. q. 10. art. 10. & qu. 12. art. 2. tanquam rem certam & exploratam ponit dominia & Principatus politicos non esse de iure diuino : sed de iure humano, cui nemo doctus contradicit.* Atque in hac tota quæstione ita cessim pugnat & timide, ita parum se explicat, ut aut sibi ipse non credere, aut sensus suos ultro inuoluere videatur. Inde est quod declinans quæstionem, & astute flexo sermone, dicit esse iuris humani ut hunc aut illum Regem habeamus: quod sane est extra rem: Nam quæstio non est de habendo rege, sed de obsequendo regi cum habeas.

VI Hoc quoque est inter temperamenta quibus Bellarminus Papæ potestatem mollire conatur. *Potest (inquit) Pontifex alteri regnum conferre, non pro arbitrio tamen cui libuerit : sic enim verè precario reges regnarent, sed cui iure debetur, siue successio, siue electio locum habeat.* Et si forte nemini debeatur, cui ratio dictauerit esse tribuendum : libri in Barklauium c. 12. Hoc quidem tu contra historiarum fidem, & noua experimenta, opinor etiam contra tuam ipsius mentem. Nonne Bonifacius VIII. conatus est regnum Galliæ Philippo pulchro ademptum ad Germanum Imperatorem transferre, cum tamen Philippus haberet filios & agnatos complures ? Super hac re habeo diserta verba Pauli Æmilij lib. 8. *Iam Bonifacius Pulchrum hostem iudicarat, Franciæ Sacris interdixerat, Francorum regnum velut solio vacuo iuri*

*ditionique Imperij Augustorum attribuere adiudicare-  
que ac addicere se effatur. Idemque auctor eodem  
libro dicit Martinum Papam attribuisse Carolo  
Valesij Comiti regnum Tarraconense, quod ta-  
men satis constat nullo iure ad eum pertinuisse.  
Quid memorem Carolum Andegauensem quē  
Clemens quartus ex Gallia exciuit ad inuaden-  
dum regnum Neapolis atque Sicilia? An habuit  
Papa rationem proximitatis? aut quonam iure  
potuit Carolo regnum Neapolitatum deberi?  
Sic Innocentius III. regnum Angliæ ereptum Io-  
hanni dedit Philippo Augusto Regi Fræcorum;  
cum tamen haberet Iohannes Henricum filium  
admodum puerum, paternorum criminum (si  
tamen erant crimina) plane infontem. Sic Iulius  
II. regnum Nauarra Iohanni ereptum transtulit  
non ad filios aut agnatos qui erant multi: sed ad  
Regem Castiliæ nullo consanguinitatis vincu-  
lo Iohanni deuinctum. Idem fecit Pius V. Eliza-  
bethæ Reginæ Angliæ, cuius regnum dedit Phi-  
lippo Hispaniæ regi; nulla habita ratione legiti-  
morum successorum. Quid? cū Papa Regnum  
aut Rempub. subiicit interdicto, & obicit primō  
cuique rapienti, an transfert regnum ad eum qui  
iure electionis per comitia, aut sanguinis proxi-  
mitate ad regnum vocatur? Perrara sunt exempla  
translationis regni à patre in filium aut in proxi-  
mum sanguine, nisi cum Papa geminato scelere  
& violatione ipsius naturæ, filium in patrem cō-  
citauit, vt factum esse ab Henrico V. quem Papa  
in patris perniciem instigauit; supra memorauim-  
us. Transfert ergo Pontifex regna pro arbitrio;  
non habita ratione eius cui vel ex consanguini-  
tate,*



tate, vel per electionem regnum debetur; Neque id negat Bellarminus; addit enim *aut si forte regnum nemini debeat, ei confert regnum cui ratio dictauerit esse tribuendum.* At hæc ratio quid est nisi Papæ voluntas? qui pro sua sapientia iudicat & decernit de causis abdicationis, & de eo ad quæ regnum sit transferendum? Eligit autem non eum cui debetur regnum iure successionis, sed eum cui plus virium, & cui Rex legitimus minus pos-  
*Libro in Barklaij*  
*c. 12.*  
 fit resistere; ut fatetur ibidem Bellarminus, *Leonem tertium Imperium Occidentale à Græcis ad Francos transtulisse, quoniam ipsi in Occidente potentissimi erant.*

VII. Nihilo verius est quod ait Bellarminus eodem in Barklaium libro, c. 7. *Summi Pontifices (inquit) consueverunt Principes ista ratione coercere. Ipsorum mos est primum paterne corripere. Deinde per censuram Ecclesiasticam Sacramentorum communione priuare. Denique subditos eorum à iuramento fidelitatis absolvere, eosque dignitate regia, si res ita postulat, priuare.* At hunc ordinem non seruari à Papa certo certius est: Nam nec Elizabetham vnquam paternè admonuit, Nec vlla eius memoratur ad Regem Atabalippam paterna commonefactio. Nec Chilpericus ante Sacramentorum communione priuatus quam regno eiectus. Immo Gregorius VII. qui primam & acerrimam huic sæuitiæ facem prætulit, ante priuauit Henricum IV. Imperio quam sacra communione. Id testantur bullæ fulminantis verba, apud Platinam in Gregorio VII. *Henricum qui audacter nimium & temerarie in Ecclesiam manus iniecit, Imperatoria administratione Regiâque deicio & Christianos omnes impè-*

98 DE MONARCHIA TEMPORALI  
rio subiectos iuramento illo absoluo, quo fidem veris re-  
gibus prestare consueverunt. Tum addit, *Præterea*  
*eum anathematis vinculo colligo, &c.*

VIII. Nunc audi aliud temperamentum Pa-  
palis potentia, cuius acumen est ioculare, & fa-  
ceta modestia. Cap. 3. in Barklaium, subiicit prin-  
cipes infideles Pontifici, asserens Papam habere  
à Deo auctoritatem eos priuandi dominio quod  
habent in fideles. Quia tamen hoc abhorret à  
sensu communi, nec facile est percipere quid au-  
thoritatis habet Papa in Turcam à quo sibi ma-  
le metuit, sententiam duriores mollit Cardina-  
lis hac distinctione, *Etiamsi absolute non pertinet ad*  
*Pontificem de his qui foris sunt iudicare, neque habeat*  
*Pontifex in illos ordinariam potestatem cum ad gre-*  
*gem sibi commendatum non pertineant nisi in potentia:*  
*tamen in ordine ad conseruationem fidelium habet à*  
*Deo auctoritatem priuandi principes infideles dominio*  
*quod habent super fideles.* Nempe sic agit, vt si latro-  
ni dicerem: non est quidem mihi vlla in tuum  
caput potestas, habita tamen ratione boni publi-  
ci possum te in crucem agere. Sic quæ per ludi-  
brium porrigit, mox ad se retrahit, vt fit pueru-  
lis, & nescio quibus dilutis distinctionibus à se  
orsa detexit. Nam quid refert quem ob finem  
Papa possit Turcæ aut Sinarum Regi abrogare  
Imperium si re vera potest? talibus offuciis bonus  
Cardinalis nobis imponit, nec dici potest quan-  
tùm sibi promittat de stupore lectoris cui sic im-  
pune illudit.

IX. Vnum restat temperamentum Papalis  
potentia quod habetur, ca. 21. in Barklaium his  
verbis. *Dispensat Pontifex in votis & iuramentis quæ*  
*Deus*

Deus ipse iussit reddi, & quorum solutio de iure diuino est. Dispensat autem non quod sit ipse super ius diuinum, sed quia interpretatur Deo placere vt in tali vel tali casu iuramentum aut votum relaxetur. Nempe percallet Papa Dei mentem, habetque secreta cum eo colloquia. Quapropter etsi Deus hoc aut illud iubet, faciet tamen Papa nobis istius obsequij gratiam. Non quidem quod sit supra legem Dei, sed quia interpretatur Deo non placere, vt hac in re ei pareamus. Poterit ergo Papa permittere alicui parricidium, periurium, idololatriam. Non quidem quod sit supra legem Dei hac ventantem, sed quia interpretatur Deum nolle sibi hac in re morem geri. De quibus interpretationibus sic pronunciant Canonistæ, in Glossa Canonis sunt quidam Causa 25. Quæst. 1. *Papa dispensat in Euangelio interpretando ipsum.* Et titulo 8. de concess. proband. cap. Proposuit vbi Papa dicit se posse de iure supra ius dispensare. Glossa annotat. *Papa contra Apostolum dispensat, item contra vetus Testamentum.* Nempe hoc est clare loqui, & sine circuitione: Merito ergo hic ambigas, maiorne sit, aut horum hominum impietas, aut populi fatalis stupor, aut Dei patientia. Quanquam & hic aliqua est Bellarmini modestia. Cum enim Papa dicat se dispensare de iure supra ius, hunc Cardinalem puduit sic loqui. Veruntamen dum negat Papam esse supra ius diuinum, re tamen ipsa facit eum Deo ipso superiore. Nam plus est sic esse interpretem quam legislatorem, si quidem non standum est verbis legis, sed Papali interpretationi.

## CAPVT VII.

*Causa abdicationis Imperatorum & Regum.*

**S**IT Iusti Iudicis & boni attemperare pœnas peccatis, nec nisi grauiſſimis ſcleribus grauiſſimas pœnas infligere. Cum autem nulla ſit grauior pœna quam Regem anathemate conſoſſum præcipitare de ſolio quiſquis de Papa bene ſentiet, ſibi perſuadebit eum non id facere niſi grauiſſimis de cauſis & ob horrenda facinora. Quæ ſint iſtæ cauſæ, quæ ſclera, operæ pretium eſt cognoscere.

Quatuor apud Bellarminum & alios cauſas inuenio, ob quas Papa in Reges ſtringit excommunicationis telum, & ab vno in alium transfert imperium: 1. Ingenij tarditatem. 2. Imminutionem libertatis & priuilegiorum Eccleſiæ. 3. Hæreſim. 4. Tyrannidem. De ſingulis pauca.

*Tarditas ingenij.*

Prima eſt tarditas Ingenij, quam nos Incapacitatem dicimus. Canon, *Alius Cauſa 15. Quæſt. 6.* hæc habet *Romanus Pontifex Zacharias Regem Francorum non tam pro ſuis iniquitatibus, quam pro eo quod tanta poteſtati erat inutilis depoſuit.* En cauſam deſtitutionis tarditatē ingenij. Ergo ſitne Rex regio idoneus & par moli negotiorum, penes

penes Papam erit Iudicium. Mittet, opinor, cognitores qui de Regis prudentia aut cerebri firmitate cognoscant. Mirum ergo quod cum noster Carolus VI. in phreneridem incidit, aut cum sub stirpe Merouingorum Reges tam multi essent distincto ingenio atque dissoluto, aut cum inter Imperatores Græcos & Reges Gottorum, & Longobardorum multi fuerint Semibelluæ, Papa de transferendo in alterum regno nunquam cogitauerit. Illud quoque obseruet Lector quod si quis priuatus furiosus sit aut decoctor, non idcirco exuitur bonis, sed relegatur ad agnatos & gentiles, & curator ei datur qui eius vice curam gerat rei familiaris: Non enim leges puniunt morbos, sed scelera. Cum Rege qui non quidem sit furiosus, sed tantum obefioris naris, & minus solertis ingenij, cur durius agatur non video. Cum enim possit dari Regi administrator quem nos Regentem vocamus, & cum sacer senatus sustineat molem negotiorum, nulla ratio est cur non subueniatur Regi infirmo, nec æquum est ut ob cerebri imbecillitatem auito regno spoliatur, eiusque liberi aut agnati fraudentur paterna successione; quod tamen in Chilperico factum à se esse Papa gloriatur.

*Imminutio priuilegiorum Ecclesiæ.*

Secundam causam destitutionis regum affert Bellarminus, ex Gregorio I. qui Abbatia S. Medardi hoc priuilegium concessit, ut si quis seu Rex seu Prælati seu quicumque alius, Abbatem S. Medardi loco mouerit, aut accusationem

in eum mouerit sub testibus paucioribus quam duodecim præter accusatores, dignitate sua cadat, & omni honore priuetur: Magnum vero crimen & piandum Regis abdicatione. Ita nempe istius Cœnobij Abbatibus *parta est impunitas, & summa peccandi licentia.* Becani Iesuitæ, libro de controuersia Anglicana pag. 127. hæc sunt verba, *Reges & Principes qui violauerint priuilegia (Monasterij) à Pontifice concessa, excommunicandos & sua dignitate priuandos esse.* Neque aliam ob causam Imperatores Germani, & Reges Angliæ, & Philippus Pulcher Rex Francorum diris Papalibus fuerunt confossi, quam quia *ex hoc sensus* seu inuestituras & collationes beneficiorum à maioribus suis possessas retinere conabantur. Fuitque inter hos Principes & Papam controuersia non super fide, sed super rebus temporalibus & pecuniariis: Pontificibus obtestantibus rationes suas à Regibus minui, & libertates quas vocant Ecclesiæ violari. Non arguebantur hi Reges Atheismi, aut (quod grauius putatur) hæreseos, immo nec crudelitatis in subditos innocentes: Sed rei haud dubiæ grauioris, nempe quod Imperij sui Maiestatem collabentem aduersus nouas vsurpationes Paparum tutarentur, & Ecclesiæ rationibus aduersarentur: Nam Ecclesiæ nomine non iam amplius cœtus fidelium, sed Clerici & proventus Clericorum significantur: libertasque Ecclesiæ non est amplius pax conscientiæ, aut libertas à Satanæ seruitute, sed exemptio à Regum subiectione, & indigna regalis potestatis decurtatio.

Hic subit mirari quid factum fuerit, ut cum  
Gen-

Genfericus Rex Arrianus inuasit Hispaniam & deinde Africam, & de Prouincia amplissima per vim occupata, fidem Catholicam expulit, Episcopus Romanus qui procul aberat nec sibi à Genferico tunc metuebat, non strinxerit fulmen in hæreticum tyrannum, nec ei abrogauerit Imperium. Nunc vero si Rex quantumcunque bonus & clemens fundos & prædia sui regni velit esse sui beneficij, & se dante ab Episcopis possideri, aut si in Abbatem, reum veneficij aut parricidij, sub vndecim tantum testibus, voluerit lege agere, illico stringitur telum excommunicationis, & priuatur Rex misellus imperio. Sic nempe habentur Reges sub ferula vt pueri, sic precario tantum regnant obnoxij durissimæ tyrannidi. Sed de his immunitatibus & priuilegiis postea plenius. Vbi & docebimus priuilegium illud S. Medardi esse eumentum, & summo stupore confectum.

Nec omittendum Papas hac in re solere onerare Reges fictis criminibus, nec quicquam minus optare quam vt Reges se insones probent. Vnum exemplum è multis proferam ex Helmoldo presbytero c. 32. Circumsteterunt Henricum IV. iam pene à suis desertum Moguntinus, Coloniensis, & Wormatiensis Episcopi, missi à Principibus coniuratis, eumque sic sunt affati: *Fac nobis reddi coronam, annulum, & purpuram cateraq; ad Inuestituram Imperialem pertinentia filio tuo deferenda. Illo percunctante deiectionis suæ causam, responderunt dicentes; Quid quæris quæ tu optime nosti? Meministi qualiter vniuersa Ecclesia tui causa maximo Schismatis errore multis iam annis laborauerit? Qua-*

liter Episcopatus, Abbatias, prater ea omnia Ecclesia regimina fecisti venalia, nec fuit in constituendis Episcopis vlla legitima electionis facultas, sed sola pecunia ratio. Pro his & aliis causis sanxit authoritas Apostolica, favitq; Principum vnanimitas, te non solum regno, verum etiam Ecclesiastica communione priuandum. Quæ contra Rex ait. Dicitis quia spirituales dignitates precio vendiderimus, vestra quidem potestas est, tale crimen nobis impingere. Dic ergo Moguntine, dic adiuratus per nomen aterni Dei, quid exegimus, aut recepimus, quando te Moguntia præsecimus? Tu quoque Coloniensis, per fidem te contestamur quid nobis dedisti pro sede cui nostra munificentia præsidet? Illi satentibus nihil pecunia huius rei gratia aut oblatum aut acceptum, Rex ait Gloria Deo quia vel in hac parte fideles inuenti sumus. Certè dignitates ea duæ præstantissima sunt, & magnum quæstum Camera nostra referre poterant. Porro Dominus Wormatiensis qualis a nobis susceptus ad quid promotus, scilicet pietate vel quæstu erga ipsum vsi fuerimus, nec vos nec ipsum latet. Condi gnæ ergo beneficiis nostris rependitis gratiam. Nolite quasो fieri participes eorum qui leuauerunt manus aduersus Dominum & Regem suum, & temerauerunt fidem & iuramentorum Sacramenta. Ecce iam defecimus, parùmque nobis via restat senio & labore confectis, sustinete modicum, & nolite gloriam nostram confusione terminare, &c. Hæc frustra causantem Imperatorem, & surdis canentem fabulam, circumstant properi, de folio deturbant, eripiunt coronam, detrahunt purpuram, filius inuadit Imperium sic statuente Pontifice. Mortuusque senex miserabilis præ dolore, non habuit qui honore sepulturæ corpus exanime prosequeretur,

ne



ne Papæ, etiã in cadauer irati & vltra mortem  
sæuientis indignationem incurreret. En causas  
abdicationis; en benignitatem Apostolicam, cer-  
tè talis est historia quæ vel durissimis animis la-  
crymas excutiat.

### *Hæresis.*

Tertium crimen & longe grauissimum est  
hæresis. Nam præ hac labe Atheismus res est le-  
uis & digna venia, ideòque abdicationis causis  
non annumeratur. Sic & Iudæi Romæ viuunt  
summa libertate, & Christum impunè vocant  
Impostorem, & planum : hoc enim est inter ca-  
pita Iudaicæ religionis. At si quis sacram Scri-  
pturam lingua vernacula legere ausus fuerit, aut  
aliquid mutire contra Purgatorium aut caupo-  
nationem indulgentiarum, statim vt piacularis  
victima destinatur ignibus, & inquisitorum iu-  
dicio exquisitissimis cruciatibus necatur.

Hic vero præcipue res Regum & Imperato-  
rum sunt iniquissimè comparatæ, cum enim Põ-  
tiffices sibi in controuersis de fide arrogant sum-  
mum iudicium, & de quo nefas sit ambigere, is  
demum erit hæreticus quem Papa notauerit hæ-  
reseos. Vnde fit vt idem Papa sit actor & iudex.  
Cum enim notum sit quanta ex regnorum trãsc-  
lacione & Regum abdicatione ad Papam re-  
dundet vtilitas (fit enim per hoc Rex regum, &  
vnicus supra omnia imperia Monarcha) prom-  
ptum erit affingere Regi crimen hæreseos aut  
fautoris hæreticorum.

Quin & nomen hæreseos video à Pontifici-  
bus tam laxè accipi, vt vix vllus sit hodie Ponti-

ciorum, qui Papa ipso iudice, crimen hæreseos effugiat. Guaginus refert Philippum Pulchrum declaratum esse hæreticum à Bonifacio VIII. quod Papæ in bello Ierosolymitano opem ferre recusaret. Altera actedebeat causa quod Philippus, beneficiorum collationem sibi vindicaret. Auentinus lib. 3. Historiæ Boiorum refert Virgilium Episcopum Iuuanensem, qui Diuus habebatur, Sacerdotio & Ecclesia pulsus, quod Philosophus esset, & Antipodes esse doceret habentes nobis aduersa vestigia. Rem illo æuo ridiculam & incredibilem.

Tom. 4.  
Concili-  
orum.

Æneas Syluius qui & Pius II. in Bulla recognitionis qua agnoscit se in tenebris ambulasse, & procul à vera luce recessisse quando credidit Concilium esse supra Papam: *Contra Concilij* (inquit) *dignitatem mutire crimen hæresis fuit.* Hoc si ita est, quotquot sunt in Gallia Pontificij, paucis demptis, sunt hæretici, quippe apud quos parua est Tridentini Concilij auctoritas: neque enim à Regibus & Parlamentis impetrari potuit ut in Gallia obtineret. Sic & dicendi erunt hæretici quotquot non probant tertiū Caput Cōcilij Lateranensis sub Innocentio III. quo Papa sibi arrogat potestatem regna adimendi, & ad alios transferendi. Erunt & hæretici qui non assentiuntur Concilio Niceno secundo dicēti Angelos esse corporeos, & imagines esse sacris Euāgelis æquiparandas, & maiorem esse imaginem oratione. Hæretici quoque dicendi erunt qui malunt credere synodo Laodicensæ à tot sequētibz Synodis generalibus approbatæ quæ liberos Maccabeorum ex Canone exterminat, quā

Con-

sess. 4. &  
6. & 7.

Concilio Tridentino quod libros istos Canonicos esse decernit. Quid quod Concilium Constantiense sess. 13. fatetur à Christo institutâ Eucharistiam sub vtraque specie, & ita peragi solitam à veteri Ecclesia, nihilo secius tamen audet eos pronuntiare hæreticos qui calicem esse ademptum laicis conqueruntur? Parum absuit quin Christum hæreticum venerandi Patres dixerint. Sic & hodie hæresis est credere cum Paulo Apostolo Episcopum debere esse vnus vxoris virâ, aut satius esse in Ecclesia proloqui quinque verba lingua intelligibili, quam decem milia linguâ ignorâ. Denique habes in bulla *Exurge* quæ est ad calcem vltimi Concilij Lateranensis hæreses Lutheri longâ serie per textas, atque inter has hæc duo documenta, *Certum est* (inquit Lutherus) *in manu Ecclesie aut Papæ prorsus non esse statuere articulos fidei*. Tum istud. *Optima penitentia, noua vita*. En hæreses horrendas, & in Rege vindicandas priuatione regni, ac proinde & morte: nam quotusquisque regum amisit imperium nisi cum vita?

Quod si ob hæc dignus est Rex qui regno mul-  
 tetur, at certe non æquum est vt ab eo iudicetur  
 qui ipse sit hæreticus, quales fuisse multos Papas  
 constat. Iohannes XXI II. negabat immortalitatem  
 animarum, & hoc Synodus Con-  
 stantiensis sess. 11. dicit *teneri, credi, reputari pu-*  
*blicè, palam & notoriè*. Eo igitur sedente si ali-  
 quis Rex fuisset insimulatus hæreseos, qua fron-  
 te aut quo iure homo in quo ne gutta quidem e-  
 rat religionis, potuisset de tali Rege ferre senten-  
 tiam? Mirum vero cum inter Imperatores Græ-

*Editionis  
 Colonië-  
 sis Tomo  
 3. p. 814.*

costam multi fuerint hæretici vt Constantius, Valens, Basiliscus, & ipse Iustinianus qui in senectute in Aphthartodocitatum hæresim prolapsus est, cur nulla extet in eos Pontificium Romanorum abdicationis sententia: nonne Reges Vandalorum in Africa, Gotorum, & Longobardorum in Italia, Visigotorum in Hispania, erant Arriani, eorūque maxima pars parū formidabilis Pontifici: neque tamen vnquam Papa exemit subditos eorum ab obediētia iurata, neque eorum vllum anathemate aut fulmine perculit. Nouissimis sæculis Papa vsurpauit hanc tyrannidem, & colores hos quæsiuit hæreseos aut stuporis quos suæ tyrannidi prætexeret. Et nouissimis experimentis compertum est, probis & piis regibus affingi crimen hæreseos, vt assuefcent subditi inquirere in mentem & conscientiam suorum Regum, quorum oderunt Religionem quia oderunt dominationem: nec aliud hodie certius argumentum pietatis & probitatis, quam hæreticum appellari.

### *Tyrannis.*

Superest tyrannis, crimen vsitatissimum & latissimè patens; in cuius vocis significatione quia sic luditur, vt etiam optimi quique Principes à Iesuitis tyranni appellentur: quid sit tyrannus necesse est cognoscere.

Notum est vel pueris tyranni nomen olim pro quolibet Rege aut Reipublicæ Principe fuisse vsurpatum. Violenta & inciuis Regum dominatio vocem honestam in odium vertit. Duo autem sunt tyrannorum genera, alij sunt tyranni

tyranni vſurpatione, alij adminiſtratione. Tyrannus vſurpatione eſt qui Imperium inuaſit in aliena Republica, aut in ſua. Tales in Dei populo Abimelech & Athalia, Athenis Piſiſtratidæ, & quos longum eſſet referre: quos quidem iure occidi poſſe quando in alienam poſſeſſionem irrumpunt, & quandiu per vim aliena poſſident, conſtans eſt prudentium ſententia. Neque hic expectanda eſt Papæ, aut cuiuſquam externi Principis ſententia. *In reos Maiestatis & publicos hoſtes omnis homo miles eſt*, ait Tertullianus Apol. cap. 2. At ſi regnum iniuſtè partum iuſtè adminiſtrent, vt Cypſelus & Periander Corinthi, Orthagoræ ſtirps Sicyone, Gelon & Hiero Siraculiſis, & deſit legitimus ſucceſſor, & inuaſor alieni regni non amplius imperet inuitis ſed volentibus, ac in eius verba populus, & regni ordines, & magiſtratus, non coacti ſed ultro iurauerint, eiufmodi ſeu Regem ſeu tyrannum tollere de medio nō puto fas eſſe aut piū. Sunt enim hodie regna non pauca florentiſſima & bene conſtituta, quibus tamen initium dedit non ius, ſed vis, bellique fortuna: nam ſi res à prima memoria repetas, inuenies effuſos in alienum ſolū barbaros, alleſtos cupiditate prædæ, fuſas acies, victorūque fortunas ceſſiſſe victoribus in præmium victoriæ. Non quidem quod putem poſſe aliena regna vſucapi, aut locum hic eſſe certæ præſcriptioni, ſed quia exiſtimo voluntatem populorum, fidemque datam, legesque non per vim, ſed ex æquo & bono conſtitutas, ius acquirere nouo regi, & maximū eſſe regiæ poteſtatis firmamentum. Adde quod non

secus ac procerę arbores suo casu multas in ambitum arbusculas obterunt, ita Regum quantumlibet iniustorum casus multos innocentes pari ruina inuoluit, nec semel bene constituta Respublica potest per vim mutare dominum sine publica pernicie. Qua de re habes insignem locum Augustini in Psal. 124. *Aliquando (inquit) iniusti perueniunt ad honores saculi, cum peruenerint & facti fuerint vel iudices vel Reges, quia hoc facit Deus propter disciplinam populi sui, non potest fieri nisi ut exhibeatur illis honos, debitus potestati.*

Alterum genus est tyrannorum quod non inuasit alienum Imperium, sed abutitur suo.

*Arist Ni  
comach.*

Differt hic Tyrannus à Rege, quod hic (ut alt li. 8. c. 12. Philosophus) imperat ad subditorum vtilitatem, ille ad suam. Rex suos mores ad leges exigit, Tyrannus leges ad suos mores. Ille amari studet, hic metui. Ille timet subditis, hic subditos. Ille conatur relinquere successoris Rempublicam tranquillam, hic vsurpat illud tyrannicum

*ἀρχήαν.*

*Suetonius in  
Nerone.*

*Εὐθ' ὁ τῶντος γὰρ μὴ ἴτω πνεύ.*

Nero addebat ἀλλὰ ἐμὴ ζώντης. Aristoteles tertio Politicorum cap. 14. addit, Regem habere custodes corporis, ciues: At Tyrannum peregrinos. Quippe qui habet praesidium non ex subditis, sed contra subditos. A qua regula debent excipi Reges qui inter praetorias cohortes habent aliquas ex vicinis populis, non ob metum suorum, sed ad foederis & pacis cum vicinis firmitamentum.

Neque vero ideo aliquis tyrannus censendus

dus est quod durius imperet subditis, & sic agat  
 cum eis vt Dominus cum seruis. Si enim *δυνα-*  
*στεύον* Imperium fuerit legibus stabilitum, & accef-  
 serit consensus populorum: tum si Rex herili il-  
 la potestate vtatur ad bonum subditorum, non  
 erit quidem ille tyrannus, sed leges fortasse ty-  
 rannicæ, eritque culpa non hominis, sed legum,  
 aut populorum, quorum ingeniis hæc regni for-  
 ma est accommodatior: aut qui ita sunt cerebro-  
 si & præfractis animis vt non possint aliter in  
 officio contineri. Tale est Imperium quod Ari-  
 stoteles vocat *βασιλευσία*. Tum potestas Æsym-  
 netarum quæ apud priscos Græciæ populos ob-  
 tinuit, quæ erat *αἰφύνη τῶν πολιτῶν*, tyrannis ultro de-  
 lara à populo: Nec dissimulandum multa in hac  
 aut illa gente haberi ciuilia quæ alibi essent ty-  
 rannica: multasque virtutes posse desiderari in  
 Principe, quem tamen nequeas merito Tyrân-  
 num appellare. Sunt Principes in quibus repre-  
 hendas *τὴν ἀποστήγειν*, & asperitatem *δυσέπειαν*  
 vt in omnibus Regibus Parthorum notat Tacitus:  
 aut sordes Principe indignas vt in Alexandro  
 Mammææ, sed sine rapina: aut indiscretam li-  
 beralitatem vt in Alexandro Magno, qui tamen  
 cetera sunt boni & amantes æqui, & erga subdi-  
 tos paterno affectu. At si quis potestate legibus  
 concessa ad libidinem abutitur, & subditorum  
 pascitur sanguine, suorum damnis insultans, hic  
 sine dubio est tyrannus.

Aristoteles  
 Polit.  
 3. cap. 14.

Tacitus  
 Annal.  
 li. 2. prom-  
 prii ad-  
 iutus, obuia  
 comitas,  
 ignota  
 Parthis  
 virtutes,  
 noua vi-  
 tia.

Eiusmodi hominem fas ne sit regno pelle-  
 re, controuertitur. Ego quidem hac in re pu-  
 to adhibendam distinctionem. Sunt enim Re-  
 ges quidam *ἀντιμονάρχαι*, & veri Monarchæ, qua-

les sunt Reges Galliæ, maioris Britannię, Hispanię, addo etiã Turcicum Imperatorem, Æthiopem, Moscouitam, &c. Horum scepra aut vitæ attingere nulla lex, nulla ratio subditis permittit, vtcunque tyrannicè se gerant: Monere quidem fas, & sacris arcere, & quodcumque imperauerint iniusta, & à Deo disertè prohibita non obsequi, & quacunque ratione legibus cõcessa, furentes, in gyrum rationis reducere; stat enim firma illa regula, Deo potius obsequendum quam hominibus. At sunt quædã Regna in quibus Reges sic creantur electione optimatum, aut ordinum Regni, vt summa potestas penes optimates & ordines maneat, electi nimirum sub certis conditionibus; quibus violatis non teneatur Populus obsequi. In his Regnis non dubium est quin possit cum scelerato Rege, legum & pietatis euerfore lege agi, & quin iidem quicui hanc potestatem contulerunt, possint eripere: aut si contra arma moueat, contra armis rem gerere. Sic à Spartanis Agelilaus multatus, Agis & Pausanias occisi: erant enim Spartani Reges a *ὑπὸ δούλοις*, magis que eorum munus erat *ὑπὸ δούλοις*, quam regia dignitas. Domi vero vis ipsa & robur Regni erat penes Ephoros. Quamquam prudentiæ est non venire ad hæc vltima remedia nisi in vltimis malis: semper enim sacrum est nomen Regis: quod cum Deus ipse sibi tribuat, metuendum est ne in homine Rege, regis cœlestis Maiestas violetur.

Id quoque addendum, alias esse partes boni viri, alias boni Regis, vtcunque inter se conspiciant & se iuuent inuicem. Quibusdam peccatis

*a Obnoxij  
reddenda  
rationi.  
b Milita-  
re Impe-  
rium per  
petuum.*



tis committitur in officium Christiani aut hominis, quibusdam in officium Principis. Nec desunt exempla pessimorum virorum sub quorum tamen Imperio fluxerunt anni felices, & pax ac Iustitia floruit, & qui magno Reipublicę dispendio sunt mortui: in publico quidem graues & iusti & amantes pacis, at domi occultæ ganeæ indulgentes, libidinibus fædi, abscondentes impietatem, conscientia pariter & ignauia timidi: ob hæc nemo potest dici tyrannus, nec cum eo potest agi vt cum tyranno, est enim tyrannis vitium Regis, qua Rex est, non qua homo: nam et si habet Deum ultorem criminum, plurimum tamen ei debet Respublica.

Hæc sane sunt apprime notanda, ne quis tyranni vocem ad alia trahens confingat causas Regis exauكتورandi, aut subditos in Principem suum concitandi. Quod sane video fieri à Papis & Papæ Emisariis Iesuitis. Neque enim tyrannum vocant tantum eum qui in alienum Regnum irrumpit, sed & eum qui Pontificum libidini & auaritiæ non satisfacit, aut qui Papæ decreto Regno exutus, conatur illud armis omnique ope & opera retinere, quod Henrici IV. Imperatoris exemplum abunde docet. Nempe idcirco Mariana Henricum III. vocat tyrannum, Ribadenera etiam Machiauelistam, quia Papali fulmine ambustus Regni tamen gubernacula retinebat, *clauumque affixus & hærens Nunquam amittebat*, cum tamen ingenio esset vt quisquam alius facili, & bono, nec vllum eius extet sæuius factum, nisi ad quod necessitate compulsus est. Sic & noster Henricus IV. à Cardinali BarONIO

*Ribadenera Iesuita lib. de religione & vir tutibus Principis. lib. I. c. 15. Æneid. li. 5.*

in Epistola ad Panigarolam suis annalibus Volusianis præfixa, vocatur impius Benadab, cum tamen non ut Benadab alienum regnum infestaret sed suum tueretur. Quod si Rex fuerit aut subiecto igne diffusus aut immixtis Sicariis confossus, statim audies non Regem occisum, sed tyrannum: Non enim esse Regem cui Papa imperium abrogauerit, eoque ipso esse tyrannum. Frustra ergo tam operose quæritur quæ sit natura, qui mores; quot genera tyrannorum, una hæc definitio sit longæ tractationis instar, *Tyrannum esse qui Papa quocunque modo aduersatur*. Certe pronuntiari tyrannum hoc nomine prima tyrannis est.

## CAP. VIII.

*Quibus se locis Scriptura Papa Bonifacius & Bellarminus in hac causa tueantur.*

*Bonifac.  
VIII. c.  
licet de  
Constitu-  
tionibus  
in 6.*



ONTIFICES gloriantur se habere omnia iura in scrinio pectoris. In eandemque sententiam Iesuitæ constanter docent, Papam loquentem ut Papam, non verò ut Clementem errare non posse in fide. Hic ergo audiamus Papam ipsum fundentem oracula, & proferentem scripturæ loca quibus fulciat potestatem suam in temporalia. Habemus hac de re extrauagantem, *Vnam sanctam*, quæ est Bonifacii VIII. tunc factam, cum Bonifacius assereret Philippum Pulchrum Galliarum Regem sibi subesse in

se in temporalibus, hic autem contra pertenderet, usque adeo ut scriptis ad Bonifacium litteris eum fatuum & dementem appellaret. Litterarum tenor hic est, Philippus Bonifacio salutem mandicam, aut potius nullam. Sciat tua maxima fatuitas, in temporalibus, nos alicui non subesse, aliquarum Ecclesiarum & prabendarum vacantium collationem ad nos iure regio pertinere, & fructus earum vacatione durante nostros facere. Collationes à nobis factas & in posterum faciendas fore validas, & illarum vigore possesores contra omnes nos tueri. Secus autem credentes fatuos & dementes reputamus. Quem Bonifacius ut vlcisceretur, regnum Galliarum dat Alberto Imperatori Germaniarum, omnes indulgentias Gallis datas reuocat, Regem anathemate notat. Insuper cudit Bullam extrauagantem cuius rationes libet hic proponere.

Nicolaus  
Egidius.

Guagninus, Pan-  
lus Æmi-  
lius & a-  
lij.

I. Dominus (inquit) dicit Petro, pasc oves meas. meas, inquit generaliter, non singulariter has vel illas: per quod sibi commississe intelligitur vniuersas. Siue ergo Graci, siue alij se dicant Petro eiusque successoribus non esse commissos, fateantur necesse se de ouibus Christi non esse; dicente Domino in Iohanne vnam ouile & vnicum esse Pastorem. Quo etiam argumento Belarminus frequenter vtitur.

Respondeo cū Augustino c. 30. de Agone Christiano. Cū Petro dicitur, ad omnes dicitur, Amas me, pasc oves meas. Neq; enim dicit Pascere sol' oves meas sed tātū Pascere oves meas. Nā cura pascendarū omniū ouīū Christi non soli Petro, sed omnib' Apostolis fuit demādata. Eos enim sine discrimine sic affatur Christus, Profecti docete omnes gētes Mat. 28. Inde est qđ Paulus 2. Cor. 11. dicit se gerere solli-

citudinem omnium Ecclesiarum, quod certe est pascere omnes oues Christi. Quod si cura pascendi oues Christi non pertinuit ad ceteros Apostolos, immerito Pastores appellantur. Petrum autem peculiariter Christus cōpellat, quia solus Christum negauerat, vnde & causa erat cur putaretur suo munere cecidisse: quocirca toties in munus restituitur quoties Christum negauerat, & triplici abnegationi opponitur triplex cōfessio, vt docet \* Augustinus tractatu 123. in Iohannem & Ambrosius in Apologia. David cap. 6. Fac tamen soli Petro esse cōmissas oues Christi, quid hoc ad monarchiam Papæ temporalem, & vibranda in Reges fulmina, & regna danda & eripienda? Pastores enim Ecclesiæ dicuntur pascere cū docent Ecclesiam, & animabus suppeditant pabulum spirituale, non vero cū eripiunt fundos, aut domos, aut regna; Hanc acceptionem vocis pascendi nunquam Ecclesia agnouit. Quis fando vnquam audiuit Dei verbum tanta libidine contorqueri? Res quidem esset leuis barbarè loqui, & dignior risu quam odio, nisi sub corruptione vocum glisceret corruptio doctrinæ & per nouam Grammaticam occultè stabiliretur noua Theologia. Fingamus tamen his verbis dari Petro potestatem in Cæsarem, & totius orbis imperia, an idcirco Bonifacius quod vult obtinet? Cur enim ad Episcopum Romanum esset hæc potestas potius deuoluta quam ad sedem Antiochenam & Alexandrinam, quas esse Petri sedes, & earum sedium Episcopos esse Petri successores ipse Gregorius I. Episcopus Romanus agnoscit, epistola

\* Reddi-  
tur nega-  
tioni tri-  
na trina  
confessio,  
ne minus  
amori in  
qua ser-  
uiat, quā  
timori.

37. libri sexti: *Cum ergo* (inquit) *vnus atque vna sit sedes cui ex auctoritate diuina tres nunc Episcopi praesident, quicquid ego de vobis boni audio, hoc mihi imputo. Si quid de me boni creditis hoc vestris meritis imputate.* Nempe si Petrus fuit Episcopus Romanus, qui ei successerunt Romę dum doctrinam à Petro traditam sunt secuti, fuerunt successores Petri in Episcopatu Romano, at non in Apostolatu: non secus ac Ierosolymitani Episcopi erant successores Iacobi Apostoli in Episcopatu Ierosolymitano, at non in Apostolatu. Idemque censendum de Episcopo Antiochię vbi Petrus toto septennio docuisse, & ibi successores reliquisse, perhibetur.

II. Bellarminus capite 25. in Barklaium ex hoc eodem loco sic argumentatur. *Cum Petro dictum est Pasce oves meas data est illi facultas omnis quę est Pastori necessaria ad gregem tuendum: At Pastori necessaria est potestas triplex, vna circa lupos, vt eos arceat omni ratione qua poterit. Altera circa arietes, vt si quando cornubus ledat gregem, possit recludere (incluere voluit dicere.) Tertia circa oves reliquis vt singulis tribuat conuenientia pabula. Ergo hanc triplicem potestatem habet summus Pontifex.*

Huius Syllogismi maior falsa est, multa enim sunt necessaria ad tuendum gregem quę tamen noluit Deus esse in potestate pastorum: sic omnes assaultus diaboli & tentationes prohibere, aut euertere regnum Principis mundi, non est penes pastores, sed in solius Dei manu: Ita nec penes eosdem Pastores est Reges inimicos Ecclesię trucidare, aut solio detrudere. Sed quemad-

liter Episcopatus, Abbatias, prater ea omnia Ecclesia regimina fecisti venalia, nec fuit in constituendis Episcopis vlla legitima electionis facultas, sed sola pecunia ratio. Pro his & aliis causis sanxit authoritas Apostolica, favitq; Principum vnanimitas, te non solum regno, verum etiam Ecclesiastica communione priuandum. *Quæ contra Rex ait.* Dicitis quia spirituales dignitates precio vendiderimus, vestra quidem potestas est, tale crimen nobis impingere. Dic ergo Moguntine, dic adiuratus per nomen æterni Dei, quid exegimus, aut recepimus, quando te Moguntia præsecimus? Tu quoque Coloniensis, per fidem te contestamur quid nobis dedisti pro sede cui nostra munificentia præfides? Illis fatentibus nihil pecunia huius rei gratia aut oblatum aut acceptum, Rex ait Gloria Deo quia vel in hac parte fideles inuenti sumus. Certe dignitates ea duæ præstantissimæ sunt, & magnum quæstum Camera nostræ referre poterant. Porro Dominus Wormatiensis qualicū nobis susceptus ad quid promotus, scilicet pietate vel quæstu erga ipsum vsi fuerimus, nec vos nec ipsum latet. Condi-gnam ergo beneficiis nostris rependitis gratiam. Nolite quæso fieri participes eorum qui leuauerunt manus aduersus Dominum & Regem suum, & temerauerunt fidem & iuramentorum Sacramenta. Ecce iam defecimus, parūque nobis via restat senio & labore confectis, sustinete modicum, & nolite gloriam nostram confusione terminare, &c. Hæc frustra causantem Imperatorem, & surdis canentem fabulam, circumstant properi, de solio deturbant, eripiunt coronam, detrahūt purpuram, filius inuadit Imperium sic statuente Pontifice. Mortuusque senex miserabilis præ dolore, non habuit qui honore sepulturæ corpus exanime prosequeretur,

ne

ne Papæ, etiam in cadauer irati & ultra mortem sæuentis indignationem incurreret. En causas abdicationis; en benignitatem Apostolicam, certæ talis est historia quæ vel durissimis animis lacrymas excutiat.

### *Hæresis.*

Tertium crimen & longe grauissimum est hæresis. Nam præ hac labe Atheismus res est leuis & digna venia, ideoque abdicationis causis non annumeratur. Sic & Iudæi Romæ viuunt summâ libertate, & Christum impunè vocant Impostorem, & planum: hoc enim est inter capita Iudaicæ religionis. At si quis sacram Scripturam lingua vernacula legere ausus fuerit, aut aliquid mutire contra Furgatorium aut cauponationem indulgentiarum, statim vt piacularis victima destinatur ignibus, & inquisitorum iudicio exquisitissimis cruciatibus necatur.

Hic vero præcipue res Regum & Imperatorum sunt iniquissimè comparatæ, cum enim Pontifices sibi in controuersis de fide arrogant summum iudicium, & de quo nefas sit ambigere, is demum erit hæreticus quem Papa notauerit hæreseos. Vnde fit vt idem Papa sit actor & iudex. Cum enim notum sit quanta ex regnorum translatione & Regum abdicatione ad Papam redundet utilitas (fit enim per hoc Rex regum, & vnicus supra omnia imperia Monarcha) promptum erit affingere Regi crimen hæreseos aut fautoris hæreticorum.

Quin & nomen hæreseos video à Pontificibus tam laxè accipi, vt vix vllus sit hodie Ponti-

ciorum, qui Papa ipso iudice, crimen hæreseos effugiat. Guaginus refert Philippum Pulchrum declaratum esse hæreticum à Bonifacio VIII. quod Papæ in bello Ierosolymitano opem ferre recusaret. Altera actedebeat causa quod Philippus, beneficiorum collationem sibi vindicaret. Auentinus lib.3. Historiæ Boiorum refert Virgilium Episcopum Iuuanensem, qui Diuus habebatur, Sacerdotio & Ecclesia pulsus, quod Philosophus esset, & Antipodes esse doceret habentes nobis aduersa vestigia. Rem illo æuo ridiculam & incredibilem.

Tom. 4.  
Conci-  
liorum.

Aeneas Syluius qui & Pius II. in Bulla recognitionis qua agnoscit se in tenebris ambulasse, & procul à vera luce recessisse quando credidit Concilium esse supra Papam: *Contra Concilij* (inquit) *dignitatem mutire crimen hæresis fuit.* Hoc si ita est, quotquot sunt in Gallia Pontificij, paucis demptis, sunt hæretici, quippe apud quos parua est Tridentini Concilij auctoritas: neque enim à Regibus & Parlamentis impetrari potuit ut in Gallia obtineret. Sic & dicendi erunt hæretici quotquot non probant tertiū Caput Cōcilij Lateranensis sub Innocentio III. quo Papa sibi arrogat potestatem regna adimendi, & ad alios transferendi. Erunt & hæretici qui non assentiuntur Concilio Niceno secundo dicenti Angelos esse corporeos, & imagines esse sacris Euāgelis æquiparandas, & maiorem esse imaginem oratione. Hæretici quoque dicendi erunt qui malunt credere synodo Laodicensæ à tot sequētibz Synodis generalibus approbatæ quæ liberos Maccabeorum ex Canone exterminat, quā Con-

sess. 4. &  
6. & 7.



Concilio Tridentino quod libros istos Canonicos esse decernit. Quid quod Concilium Constantiense sess. 13. fatetur à Christo institutâ Eucharistiam sub vtraque specie, & ita peragi solitam à veteri Ecclesia, nihilo secius tamen audet eos pronuntiare hæreticos qui calicem esse ademptum laicis conqueruntur? Parum absuit quin Christum hæreticum venerandi Patres dixerint. Sic & hodie hæresis est credere cum Paulo Apostolo Episcopum debere esse vnus vxoris virū, aut satius esse in Ecclesia proloqui quinque verba lingua intelligibili, quam decem milia lingua ignotâ. Denique habes in bulla *Exurge* quæ est ad calcem vltimi Concilij Lateranensis hæreses Lutheri longâ serie pertextas, atque inter has hæc duo documenta, *Certum est* (inquit Lutherus) *in manu Ecclesie aut Papæ prorsus non esse statuere articulos fidei.* Tum istud. *Optima penitentia, noua vita.* En hæreses horrendas, & in Rege vindicandas priuatione regni, ac proinde & morte: nam quotusquisque regum amisit imperium nisi cum vita?

Quod si ob hæc dignus est Rex qui regno mul-  
 teretur, at certe non æquum est vt ab eo iudicetur  
 qui ipse sit hæreticus, quales fuisse multos Papas  
 constat. Iohannes XXI II. negabat immor-  
 talitatem animarum, & hoc Synodus Con-  
 stantiensis sess. 11. dicit *teneri, credi, reputari pu-  
 blicè, palam & notoriè.* Eo igitur sedente si ali-  
 quis Rex fuisset insimulatus hærescos, qua fron-  
 te aut quo iure homo in quo ne gutta quidem e-  
 rat religionis, potuisset de tali Rege ferre senten-  
 tiam? Mirum vero cum inter Imperatores Græ-

*Editionis  
 Colonie-  
 sis Tomo  
 3. p. 814.*

costam multi fuerint hæretici vt Constantius, Valens, Basiliscus, & ipse Iustinianus qui in senectute in Aphthartodocitatum hæresim prolapsus est, cur nulla extet in eos Pontificum Romanorum abdicationis sententia: nonne Reges Vandalorum in Africa, Gotorum, & Longobardorum in Italia, Visigotorum in Hispania, erant Atriani, eorūque maxima pars parū formidabilis Pontifici: neque tamen vnquam Papa exemit subditos eorum ab obediētia iurata, neque eorum vllum anathemate aut fulmine perculit. Nouissimis sæculis Papa vsurpauit hanc tyrannidem, & colores hos quæsiuit hæreseos aut stuporis quos suæ tyrannidi prætexeret. Et nouissimis experimentis compertum est, probis & pijs regibus affingi crimen hæreseos, vt assuefiant subditi inquirere in mentem & conscientiam suorum Regum, quorum oderunt Religionem quia oderunt dominationem: nec aliud hodie certius argumentum pietatis & probitatis, quam hæreticum appellari.

### *Tyrannis.*

Supereſt tyrannis, crimen vsitatissimum & latissimè patens; in cuius vocis significatione quia sic luditur, vt etiam optimi quique Principes à Iesuitis tyranni appellentur: quid sit tyrannus necesse est cognoscere.

Notum est vel pueris tyranni nomen olim pro quolibet Rege aut Reipublicæ Principe fuisse vsurpatum. Violenta & inciuilis Regum dominatio vocem honestam in odium vertit. Duo autem sunt tyrannorum genera, alij sunt tyrann-

tyranni vſurpatione, alij adminiſtratione. Tyrannus vſurpatione eſt qui Imperium inuaſit in aliena Republica, aut in ſua. Tales in Dei populo Abimelech & Athalia, Athenis Piſiſtratidæ, & quos longum eſſet reſerre: quos quidem iure occidi poſſe quando in alienam poſſeſſionem irrumpunt, & quandiu per vim aliena poſſident, conſtans eſt prudentium ſententia. Neque hic expectanda eſt Pappæ, aut cuiuſquam externi Principis ſententia. *In reos Maieſtatis & publicos hoſtes omnis homo miles eſt*, ait Tertullianus Apol. cap. 2. At ſi regnum iniuſtè partum iuſtè adminiſtrent, vt Cypſelus & Periander Corinthi, Orthagoræ ſtirps Sicyone, Gelon & Hiero Siracufis, & deſit legitimus ſucceſſor, & inuaſor alieni regni non amplius imperet inuitis ſed volentibus, ac in eius verba populus, & regni ordines, & magiſtratus, non coacti ſed vltro iurauerint, eiufmodi ſeu Regem ſeu tyrannum tollere de medio nō puto fas eſſe aut piū. Sunt enim hodie regna non pauca florentiſſima & bene conſtituta, quibus tamen initium dedit non ius, ſed vis, bellique fortuna: nam ſi res à prima memoria repetas, inuenies effuſos in alienum ſolū barbaros, alleſtos cupiditate prædæ, fuſas acies, victorūque fortunas ceſſiſſe victoribus in præmium victoriæ. Non quidem quod putem poſſe aliena regna vſucapi, aut locum hic eſſe certæ præſcriptioni, ſed quia exiſtimo voluntatem populorum, fidemque datam, legesque non per vim, ſed ex æquo & bono conſtitutas, ius acquirere nouo regi, & maximū eſſe regiæ poteſtatis firmamentum. Adde quod non

secus ac procerę arbores suo casu multas in ambitum arbusculas obterunt, ita Regum quantumlibet iniustorum casus multos innocentes pari ruina inuoluit, nec semel bene constituta Respublica potest per vim mutare dominum sine publica pernicie. Qua de re habes insignem locum Augustini in Psal. 124. *Aliquando (inquit) iniusti perueniunt ad honores saculi, cum peruenerint & facti fuerint vel iudices vel Reges, quia hoc facit Deus propter disciplinam populi sui, non potest fieri nisi ut exhibeatur illis honos, debitus potestati.*

Alterum genus est tyrannorum quod non inuasit alienum Imperium, sed abutitur suo.

*Arist. Nicomach. li. 8. c. 12.* Differt hic Tyrannus à Rege, quod hic (ut ait Philosophus) imperat ad subditorum utilitatem, ille ad suam. Rex suos mores ad leges exigit, Tyrannus leges ad suos mores. Ille amari studet, hic metui. Ille timet subditis, hic subditos. Ille conatur relinquere successori Rempublicam tranquillam, hic usurpat illud tyrannicum.

*ἀρχὴν αὐτῶν.*

*Suetonius in Nerone.*

*Εὐς θανόντος γὰρ μὴ ἦτο πνεῖ.*

Nero addebat *ἀλλὰ ἐμὴ ζῶντος.* Aristoteles tertio Politicorum cap. 14. addit, Regem habere custodes corporis, ciues: At Tyrannum peregrinos. Quippe qui habet præsidium non ex subditis, sed contra subditos. A qua regula debent excipi Reges qui inter prætorias cohortes habent aliquas ex vicinis populis, non ob metum suorum, sed ad fœderis & pacis cum vicinis firmitermentum.

Neque vero ideo aliquis tyrannus censendus

dus est quod durius imperet subditis, & sic agat  
 cum eis vt Dominus cum seruis. Si enim *δυνα-*  
*στεύον* Imperium fuerit legibus stabilitum, & acce-  
 serit consensus populorum: tum si Rex herili il-  
 la potestate vtatur ad bonum subditorum, non  
 erit quidem ille tyrannus, sed leges fortasse ty-  
 rannicæ, eritque culpa non hominis, sed legum,  
 aut populorum, quorum ingeniis hæc regni for-  
 ma est accommodatior: aut qui ita sunt cerebro-  
 si & præfractis animis vt non possint aliter in  
 officio contineri. Tale est Imperium quod Ari-  
 stoteles vocat βαρβαρικόν. Tum potestas Æsym-  
 netarum quæ apud præfatos Græciæ populos ob-  
 tinuit, quæ erat αἰσὴν τυραννίς, tyrannis vltro de-  
 lata à populo: Nec dissimulandum multa in hac  
 aut illa gente haberi ciuilia quæ alibi essent ty-  
 rannica: multasque virtutes posse desiderari in  
 Principe, quem tamen nequeas merito Tyrân-  
 num appellare. Sunt Principes in quibus repre-  
 hendas τὸ ἀποσπένδειν, & asperitatem δούρτυκτον  
 vt in omnibus Regibus Parthorum notat Tacit-  
 us: aut sordes Principe indignas vt in Alexan-  
 dro Mammææ, sed sine rapina: aut indiscretam li-  
 beralitatem vt in Alexandro Magno, qui tamen  
 cetera sunt boni & amantes æqui, & erga subdi-  
 tos paterno affectu. At si quis potestate legibus  
 concessa ad libidinem abutitur, & subditorum  
 pascitur sanguine, suorum damnis insultans, hic  
 sine dubio est tyrannus.

Aristote-  
 les Polit.  
 3. cap. 14.

Tacitus  
 Annal.  
 li. 2. prom-  
 prii adi-  
 tus, obuia  
 comitas,  
 ignota  
 Parthis  
 virtutes,  
 noua vi-  
 tia.

Eiusmodi hominem fas ne sit regno pelle-  
 re, controuertitur. Ego quidem hac in re pu-  
 to adhibendam distinctionem. Sunt enim Re-  
 ges quidam αὐτοκράτορες, & veri Monarchæ, qua-

les sunt Reges Gallia, maioris Britannia, Hispania, addo etiā Turcicum Imperatorem, Æthiopem, Moscouitam, &c. Horum sceptrum aut vitam attingere nulla lex, nulla ratio subditis permittit, utcunque tyrannicè se gerant: Monere quidem fas, & sacris arcere, & quodcunque imperauerint iniusta, & à Deo disertè prohibita non obsequi, & quacunque ratione legibus concessa, furentes, in gyrum rationis reducere; stat enim firma illa regula, Deo potius obsequendum quam hominibus. At sunt quædam Regna in quibus Reges sic creantur electione optimatum, aut ordinum Regni, ut summa potestas penes optimates & ordines maneat, electi nimirum sub certis conditionibus; quibus violatis non teneatur Populus obsequi. In his Regnis non dubium est quin possit cum scelerato Rege, legum & pietatis euersore lege agi, & quin iidem qui ei hanc potestatem contulerunt, possint eripere: aut si contra arma moueat, contra armis rem gerere. Sic à Spartanis Agésilæus multatus, Agis & Pausanias occisi: erant enim Spartani Reges <sup>a</sup> *ὑπὸ δυνάμει*, magis que eorum munus erat <sup>b</sup> *στρατηγία αἰείστος*, quam regia dignitas. Domi vero vis ipsa & robur Regni erat penes Ephoros. Quamquam prudentiæ est non venire ad hæc vltima remedia nisi in vltimis malis: semper enim sacrum est nomen Regis: quod cum Deus ipse sibi tribuat, metuendum est ne in homine Rege, regis cœlestis Maiestas violetur.

Id quoque addendum, alias esse partes boni viri, alias boni Regis, utcunque inter se conspicerent & se iuuent inuicem. Quibusdam peccatis

<sup>a</sup> *Obnoxij reddenda rationi.*  
<sup>b</sup> *Militare Imperium perpetuum.*

tis committitur in officium Christiani aut hominis, quibusdam in officium Principis. Nec desunt exempla pessimorum virorum sub quorum tamen Imperio fluxerunt anni felices, & pax ac Iustitia floruit, & qui magno Reipublicę dispendio sunt mortui: in publico quidem graues & iusti & amantes pacis, at domi occultę ganeę indulgentes, libidinibus fædi, abscondentes impietatem, conscientia pariter & ignauia timidi: ob hæc nemo potest dici tyrannus, nec cum eo potest agi vt cum tyranno, est enim tyrannis vitium Regis, qua Rex est, non qua homo: nam et si habet Deum ultorem criminum, plurimum tamen ei debet Respublica.

Hæc sane sunt apprimè noranda, ne quis tyranni vocem ad alia trahens confingat causas Regis exauetorandi, aut subditos in Principem suum concitandi. Quod sane video fieri à Papis & Papæ Emisariis Iesuitis. Neque enim tyrannum vocant tantum eum qui in alienum Regnum irrupit, sed & eum qui Pontificum libidini & auaritiæ non satisfacit, aut qui Papę decreto Regno exutus, conatur illud armis omnique ope & opera retinere, quod Henrici I V. Imperatoris exemplum abunde docet. Nempe idcirco Mariana Henricum I I I. vocat tyrannum, Ribadenera etiam Machiauelistam, quia Papali fulmine ambusus Regni tamen gubernacula retinebat, *clauumque affixus & harena Nunquam amittebat*, cum tamen ingenio esset vt quisquam alius facili, & bono, nec vllum eius extet scelerius factum, nisi ad quod necessitate compulsus est. Sic & noster Henricus I V. à Cardinali Baronio

*Ribadenera Iesuita lib. de religione & viri-  
tutibus Principis. lib. I. c. 15. Eneid. li. 5.*

in Epistola ad Panigarolam suis annalibus Volusianis præfixa, vocatur impius Benadab, cum tamen non vt Benadab alienum regnum infestaret sed suum tueretur. Quod si Rex fuerit aut subiecto igne dissilatus aut immixtis Sicariis confossus, statim audies non Regem occisum, sed tyrannum: Non enim esse Regem cui Papa imperium abrogauerit, cõque ipso esse tyrannũ. Frustra ergo tam operosẽ quæritur quæ sit natura, qui mores; quot genera tyrannorum, vna hæc definitio sit longæ tractationis instar, *Tyrannum esse qui Papa quocunque modo aduersatur*. Certe pronunciari tyrannum hoc nomine prima tyrannis est.

## CAP. VIII.

*Quibus se locis Scripturæ Papa Bonifacius & Bellarminus in hac causa tueantur.*

*Bonifac.  
VIII. c.  
licet. de  
Constitu-  
tionibus  
in 6.*



ONTIFICES gloriantur se habere omnia iura in scrinio pectoris. In eandẽque sententiam Iesuitæ constanter docent, Papam loquentem vt Papam, non verò vt Clementem errare non posse in fide. Hic ergo audiamus Papam ipsum fundentẽ oracula, & proferentem scripturæ loca quibus fulciat potestatem suam in temporalia. Habemus hæc de re extrauagantem, *Vnam sanctam*, quæ est Bonifacij VIII. tunc factam, cum Bonifacius assereret Philippum Pulchrum Galliæ Regem sibi subesse in



PONTIFICIS ROMANI. 115  
 se in temporalibus, hic autem contra pertende-  
 ret, vsque adeo vt scriptis ad Bonifacium litteris  
 eum fatuum & dementem appellaret. Littera-  
 rum tenor hic est, Philippus Bonifacio salutem ma-  
 dicam, aut potius nullam. Sciat tua maxima fatui-  
 tas, in temporalibus, nos alicui non subesse, aliquarum  
 Ecclesiarum & præbendarum vacantium collationem  
 ad nos iure regio pertinere, & fructus earum vacatione  
 durante nostros facere. Collationes à nobis factas & in  
 posterum faciendas fore validas, & illarum vigore pos-  
 sessores contra omnes nos tueri. Secus autem credentes  
 fatuos & dementes reputamus. Quem Bonifacius  
 vt ulcisceretur, regnum Galliæ dat Alberto Im-  
 peratori Germaniæ, omnes indulgentias Gallis  
 datas reuocat, Regem anathemate notat. Insu-  
 per cudit Bullam extrauagantem cuius rationes  
 libet hic proponere.

Nicolaus  
 Egidius.

Guagni-  
 nus, Pan-  
 lus Æmi-  
 lius & a-  
 lij.

I. Dominus (inquit) dicit Petro, pascce oues meas.  
 meas, inquit generaliter, non singulariter has vel illas:  
 per quod sibi commississe intelligitur vniuersas. Siue er-  
 go Græci, siue alijs se dicant Petro eiusque successoribus  
 non esse commissos, fateantur necesse se de ouibus Christi  
 non esse; dicente Domino in Iohanne vnum ouile & v-  
 nicum esse Pastorem. Quo etiam argumento Bel-  
 larminus frequenter vtitur.

Respōdeo cū Augustino c. 30. de Agone Chri-  
 stiano. Cū Petro dicitur, ad omnes dicitur, Amas me,  
 pascce oues meas. Neq; enim dicit Pascce sol<sup>o</sup> oues meas  
 sed tātū Pascce oues meas. Nā cura pascendarū om-  
 niū ouiū Christi non soli Petro, sed omnib<sup>9</sup> Apo-  
 stolis fuit demādata. Eos enim sine discrimine sic  
 affatur Christus, Profecti docete omnes gētes Mat. 28.  
 Inde est qđ Paulus 2. Cor. 11. dicit se gerere solli-

citudinem omnium Ecclesiarum, quod certe est pascere omnes oues Christi. Quod si cura pascendi oues Christi non pertinuit ad ceteros Apostolos, immerito Pastores appellantur. Petrum autem peculiariter Christus cōpellat, quia solus Christum negauerat, vnde & causa erat cur putaretur suo munere cecidisse: quocirca toties in munus restituitur quoties Christum negauerat, & triplici abnegationi opponitur triplex cōfessio, vt docet \* Augustinus tractatu 123. in Iohannem & Ambrosius in Apologia. David cap. 6. Factamen soli Petro esse cōmissas oues Christi, quid hoc ad monarchiam Papæ temporalem, & vibranda in Reges fulmina, & regna danda & eripienda? Pastores enim Ecclesiæ dicuntur pascere cū docent Ecclesiam, & animabus suppeditant pabulum spirituale, non vero cū eripiunt fundos, aut domos, aut regna; Hanc acceptionem vocis pascendi nunquam Ecclesiā agnouit. Quis fando vnquam audiuit Dei verbum tanta libidine contorqueri? Res quidem esset leuis barbarè loqui, & dignior risu quam odio, nisi sub corruptione vocum glisceret corruptio doctrinæ & per nouam Grammaticam occultè stabiliretur noua Theologia. Fingamus tamen his verbis dari Petro potestatem in Cæsarem, & totius orbis imperia, an idcirco Bonifacius quod vult obtinet? Cur enim ad Episcopum Romanum esset hæc potestas potius deuoluta quam ad sedem Antiochenam & Alexandrinam, quas esse Petri sedes, & earum sedium Episcopos esse Petri successores ipse Gregorius I. Episcopus Romanus agnoscit, epistola

\* Redd-  
itur nega-  
tioni tri-  
na trina  
confessio,  
ne minus  
amori in  
gua ser-  
uiat, quā  
timori.

37. libri sexti: Cum ergo (inquit) vnus atque vna sit sedes cui ex auctoritate diuina tres nunc Episcopi praesident, quicquid ego de vobis boni audio, hoc mihi imputo. Si quid de me boni creditis hoc vestris meritis imputate. Nempe si Petrus fuit Episcopus Romanus, qui ei successerunt Romę dum doctrinam à Petro traditam sunt secuti, fuerunt successores Petri in Episcopatu Romano, at non in Apostolatu: non secus ac Ierosolymitani Episcopi erant successores Iacobi Apostoli in Episcopatu Ierosolymitano, at non in Apostolatu. Idemque censendum de Episcopo Antiochię vbi Petrus toto septennio docuisse, & ibi successores reliquisse, perhibetur.

II. Bellarminus capite 25. in Barklaium ex hoc eodem loco sic argumentatur. Cum Petro dictum est *Pasce oues meas data est illi facultas omnis quę est Pastori necessaria ad gregem tuendum*: At Pastori necessaria est potestas triplex, vna circa lupos, vt eos arceat omni ratione quę poterit. Altera circa arietes, vt si quando cornubus ledat gregem, possit recludere (includere voluit dicere.) Tertia circa oues reliquas vt singulis tribuat conuenientia pabula. Ergo hanc triplicem potestatem habet summus Pontifex.

Huius Syllogismi maior falsa est, multa enim sunt necessaria ad tuendum gregem quę tamen noluit Deus esse in potestate pastorum: sic omnes assultus diaboli & tentationes prohibere, aut euertere regnum Principis mundi, non est penes pastores, sed in solius Dei manu: Ita nec penes eosdem Pastores est Reges inimicos Ecclesię trucidare, aut solio detrudere. Sed quemad-

modum pastoris est Satanæ technas ante prospicere, & in eius insidias digitum intendere, & dare operam ut Ecclesia eius impetum corpore excipiat & bonis, conscientiam vero seruet illibatam: Sic & eorundem Pastorum est obfirmare suum gregem aduersus tyrannorum minas atque sæuitiam. Multa sunt ad salutem & tutelam Ecclesiæ necessaria quæ Deus sibi reseruauit. Estque plane falsum, immo & impium, quod ait Bellarminus in responsione ad tractatum Gersonis de validitate excommunicationis: ubi cum dixisset Papam merito Deum dici, & habere omnem potestatem in cælo & in terra, addit summum Pontificem posse efficere totum illud quod est necessarium ad perducendas animas in paradysum, & posse omnia impedimenta remouere, quæ mundus, aut demon cum omnibus suis viribus & astutiis opponere possunt. Quid? an Papa potest dare fidem aut pœnitentiā? an incredulitatem & vitia euellere de cordibus? an illustrare mentes luce diuinā? at hæc omnia necessaria sunt ad salutem animarū. Cur autem patitur tam multas animas perire, tam multas superstitiones & hæreses grassari, tam atram noctem errorum terris incumbere, si potest omnia impedimenta obstruenda paradisi introitum remouere? Quod si potestas data fuit Petro abigendi lupos, & arietes cornupetas incurfantes Ecclesiam cur non fecit? Cur Imperatores impios horribili seuitia grassantes in Ecclesiam non abegit, aut Imperio exiit? Facultas sine viribus res est titulo tenus & inutilis, quas tamen vires defuisse priscæ Ecclesiæ ipse Bellarminus fatetur. Quod si ita est, dicendum erit Episcopos  
Roma-

Romanos huius æui magis esse Pastores Petro Apostolo, quippe qui habent ista tria, facultatem abigendi lupos, & ligandi arietes furiosos, & pascendi oves: At Petrus eiusque successores per multa sæcula duo priora non habuerunt, contenti munere pascendi.

III. Hæc quidem luce ipsa sunt clariora. Quapropter Cardinalis Baronius videns his verbis Christi, *Pasce oves meas*, non posse tam multa superstrui, huic loco scripturæ alterum adiungit, in Epistola qua Papam in Venetos incitat, ubi sapienter obseruat non tantum dictum esse Petro, *Pasce oves meas*, sed & *occide, & manduca*: Per apposite sane & ingeniose. Conatur quidem rem duriusculam mollire commoda explicatione. Sed quantuncumque æstuet, nunquam tamen efficiet his verbis *occide, & manduca*, ullam potestatem dari Petro in temporalia: Immo nec in spiritualia. His enim verbis Deus nihil dabat Petro auctoritatis aut potestatis, sed scrupulosam ciborum distinctionem antiquabat; Merito ergo tanta seu supinitas seu deprauatio scripturæ, à sapientissimo Rege in sua præfatione sugillatur. Nunc ad Bonifacium redeamus.

IV. Addit igitur *In hac ( Ecclesia ) eiusque potestate duos esse gladios, spirituales videlicet & temporalem*. Evangelicis dictis insinuatur. Nam dicentibus Apostolis ecce gladij duo, hic in Ecclesia scilicet, cum Apostoli loquerentur, non respondit Dominus nimis esse, sed satis. Potens sane demonstratio & scientifica: Nempe ubi loca diserta desunt, ad allegorias confugitur. Locus est Lucæ 22.

vbi cum Christus iussisset discipulos sibi habere crumenam & peram, tunicamque vendere, vt esset vnde ensemerent, mox ei à discipulis duo enses ostenduntur. Si ergo gladius hic significat Imperium Papale, quid erit tunica, quid pera, quid crumena? Habent ergo quo se tueantur qui Papatum emunt, siquidem iubetur emi hic gladius: Ita se hi homines suis compungunt aculeis.

V. Pari acumine Bonifacius paulo post citat illud Christi ad Petrum, *Conuertere gladium tuum in vaginam*, vt inde probet gladium temporalem esse in potestate Papæ.

VI. Hæc loca tam præclara cum sufficerent ad profligandam questionem & iugulandos hæreticos, sua tamen sanctitas addit alia auctarij vice. Cum (inquit) dicat Apostolus, *non est potestas nisi à Deo: quæ autem à Deo sunt, ordinata sunt: non essent autem ordinata nisi gladius esset sub gladio*. Hinc proculdubio sequitur Papam posse Reges exauktorare, & potestatem habere in omnia temporalia. O rem ridiculam Cato & iocosam. Mitto quod locus Apostoli corrumpitur, qui dicit potestates esse à Deo constitutas, non vero ordine digestas.

VII. Idem probat ex decimarum solutione, benedictione, & sanctificatione. Quæ ratio si est alicuius ponderis ad subiicienda regna & omnia temporalia Pontifici, singuli presbyteri & paræciarum Curiones eandem sibi in reges & regna potestatem vindicabunt.

VIII. Pudet referre quæ sequuntur. Dicit Deus Ieremiæ cap. i. *Ecce constitutus te hodie super gentes,*  
*& re-*

& regna. Hoc Bonifacius quasi de se dictum ad se trahit, cum tamen totum contextus filum hæc dici Ieremiæ manifeste euincat. Sane debuit aliquis alius à Papa esse interpres huius sententiæ: Nec ipse in rem suam Scripturas ex sua libidine interpretari.

IX. Eiusdem farinae est quod affert ex prima ad Corinth. c. 2. *Spiritalis homo iudicat omnia, ipse autem à nemine iudicatur.* Hic homo spiritualis, Petrus est, eiusque successores. Vbi frons aut conscientia? Apostolus spiritualem hominem opponit animali & carnali, c. 2. v. 14. & 15. & ca. 3. v. 1. Si ergo solus Petrus est homo spiritualis, ceteri Apostoli & omnes fideles erunt carnales & animales: at Galatæ fideles, vocantur spirituales. c. 6. v. 1. Non ergo solus Petrus. Neque vero de Petro aut eius potestate toto illo capite, aut alibi vsquam facit mentionem Apostolus. Nec quisquam veterum, immo & nouorum ante Bonifacium hunc locum sic intellexit. Thomas commentario in hunc locum: *Spiritalis iudicat omnia quia scilicet homo habens intellectum & affectum ordinatum, per Spiritum sanctum, de singulis quæ pertinent ad salutem rectum iudicium habet.*

X. Succedit locus vsitatissimus & frequenter usurpatus à Bellarmino. *Dixit Dominus Petro, quodcumque ligaueris in terra, erit ligatum in Cælis: & quodcumque solueris in terra erit solutum in Cælo.* Hoc loco abutuntur Bonifacius & Bellarminus ad probandum licere Pontificiis non solum soluere peccata per remissionem peccatorum, sed etiam soluere obstrictos voto aut iuramento: & populos liberare à debita suis Regibus obedi-

les sunt Reges Galliæ, maioris Britannia, Hispaniæ, addo etiã Turcicum Imperatorem, Æthiopem, Moscouitam, &c. Horum sceptrum aut vitam attingere nulla lex, nulla ratio subditis permittit, vtcunque tyrannicè se gerant: Monere quidem fas, & sacris arcere, & quodocunque imperauerint iniusta, & à Deo disertè prohibita non obsequi, & quacunque ratione legibus cõcessa, furentes, in gyrum rationis reducere; stat enim firma illa regula, Deo potius obsequendum quam hominibus. At sunt quædam Regna in quibus Reges sic creantur electione optimatum, aut ordinum Regni, vt summa potestas penes optimates & ordines maneat, electi nimirum sub certis conditionibus; quibus violatis non teneatur Populus obsequi. In his Regnis non dubium est quin possit cum scelerato Rege, legum & pietatis euersore lege agi, & quin iidem qui ei hanc potestatem contulerunt, possint eripere: aut si contra arma moueat, contra armis rem gerere. Sic à Spartanis Agelilaus multatus, Agis & Pausanias occisi: erant enim Spartani Reges <sup>a</sup> *ἀντιδυνεῖς*, magisque eorum munus erat <sup>b</sup> *στρατηγία αἰείδος*, quam regia dignitas. Domi vero vis ipsa & robur Regni erat penes Ephoros. Quamquam prudentiæ est non venire ad hæc vltima remedia nisi in vltimis malis: semper enim sacrum est nomen Regis: quod cum Deus ipse sibi tribuat, metuendum est ne in homine Rege, regis cœlestis Maiestas violetur.

Id quoque addendum, alias esse partes boni viri, alias boni Regis, vtcunque inter se conspicerent & se iuuent inuicem. Quibusdam peccatis

<sup>a</sup>Obnoxij  
reddendæ  
rationi.  
<sup>b</sup>Milita-  
re Impe-  
rium per  
petuum.



tis committitur in officium Christiani aut hominis, quibusdam in officium Principis. Nec desunt exempla pessimorum virorum sub quorum tamen Imperio fluxerunt anni felices, & pax ac Iustitia floruit, & qui magno Reipublicę dispendio sunt mortui: in publico quidem graues & iusti & amantes pacis, at domi occultę ganeę indulgentes, libidinibus sædi, abscondentes impietatem, conscientia pariter & ignauia timidi: ob hæc nemo potest dici tyrannus, nec cum eo potest agi vt cum tyranno, est enim tyrannis vitium Regis, qua Rex est, non qua homo: nam et si habet Deum ultorem criminum, plurimum tamen ei debet Respublica.

Hæc sane sunt apprime notanda, ne quis tyranni vocem ad alia trahens confingat causas Regis exauktorandi, aut subditos in Principem suum concitandi. Quod sane video fieri à Papis & Papæ Emislaris Iesuitis. Neque enim tyrannum vocant tantum eum qui in alienum Regnum irrupit, sed & eum qui Pontificum libidini & auaritiæ non satisfacit, aut qui Papę decreto Regno exutus, conatur illud armis omnique ope & opera retinere, quod Henrici IV. Imperatoris exemplum abunde docet. Nempe idcirco Mariana Henricum III. vocat tyrannum, Ribadenera etiam Machiauelistam, quia Papali fulmine ambustus Regni tamen gubernacula retinebat, *clauumque affixus & hærens Nunquam amittebat*, cum tamen ingenio esset vt quisquam alius facili, & bono, nec vllum eius extet sæuius factum, nisi ad quod necessitate compulsus est. Sic & noster Henricus IV. à Cardinali Baronio

*Ribadenera Iesuita lib. de religione & virtutibus Principis. lib. I. c. 15. Æneid. li. 5.*

114 DE MONARCHIA TEMPORALI  
 in Epistola ad Panigarolam suis annalibus Vo-  
 lusianis præfixa, vocatur impius Benadab, cum  
 tamen non ut Benadab alienum regnum infe-  
 staret, sed suum tueretur. Quod si Rex fuerit aut  
 subiecto igne diffusus aut immixtis Sicariis con-  
 fossus, statim audies non Regem occisum, sed ty-  
 rannum: Non enim esse Regem cui Papa impe-  
 rium abrogauerit, cõque ipso esse tyrannũ. Fru-  
 stra ergo tam operose quæritur quæ sit natura,  
 qui mores; quot genera tyrannorum, vna hæc  
 definitio sit longæ tractationis instar, *Tyrannum  
 esse qui Papa quocunque modo aduersatur*. Certe pro-  
 nuntiari tyrannum hoc nomine prima tyran-  
 nis est.

## C A P. VIII.

*Quibus se locis Scripturæ Papa Bonifacius & Bellar-  
 minus in hac causa tueantur.*

*Bonifac.  
 VIII. c.  
 licet. de  
 Constitu-  
 tionibus  
 in 6.*



ONTIFICES gloriantur se habere  
 omnia iura in scrinio pectoris. In  
 eandemque sententiam Iesuitæ  
 constanter docent, Papam loquẽ-  
 tem ut Papam, non verò ut Cle-  
 mentem errare non posse in fide. Hic ergo au-  
 diamus Papam ipsum fundentẽ oracula, & pro-  
 ferentem scripturæ loca quibus fulciat potesta-  
 tem suam in temporalia. Habemus hæc de re ex-  
 traugantem, *Vnam sanctam*, quæ est Bonifacij  
 VIII. tunc factam, cum Bonifacius assereret  
 Philippum Pulchrum Galliæ Regem sibi subef-  
 se in

se in temporalibus, hic autem contra pertenderet, usque adeo ut scriptis ad Bonifacium litteris eum fatuum & dementem appellaret. Litterarum tenor hic est, *Philippus Bonifacio salutem magnam, aut potius nullam. Sciat tua maxima fatuitas, in temporalibus, nos alicui non subesse, aliquarum Ecclesiarum & prabendarum vacantium collationem ad nos iure regio pertinere, & fructus earum vacatione durante nostros facere. Collationes à nobis factas & in posterum faciendas fore validas, & illarum vigore possesores contra omnes nos tueri. Secus autem credentes fatuos & dementes reputamus. Quem Bonifacius ut vlcisceretur, regnum Gallia dat Alberto Imperatori Germaniæ, omnes indulgentias Gallis datas reuocat, Regem anathemate notat. Insuper cudit Bullam extrauagantem cuius rationes libet hic proponere.*

*Nicolaus  
Ægidius.*

*Gagninus, Pan-  
lus Æmi-  
lius & a-  
lij.*

I. Dominus (inquit) dicit Petro, *pasce oues meas.* *meas, inquit generaliter, non singulariter has vel illas: per quod sibi commississe intelligitur vniuersas. Siue ergo Græci, siue alij se dicant Petro eiusque successoribus non esse commissos, fateantur necesse se de ouibus Christi non esse; dicente Domino in Iohanne vnum ouile & vnicum esse Pastorem. Quo etiam argumento Belarminus frequenter vtitur.*

Respōdeo cū Augustino c. 30. de Agone Christiano. Cū Petro dicitur, *ad omnes dicitur, Amas me, pasce oues meas.* Neq; enim dicit *Pasce sol' oues meas* sed *tātū Pasce oues meas.* Nā cura pascendarū omnīū ouīū Christi non soli Petro, sed omnib<sup>9</sup> Apostolis fuit demādata. Eos enim sine discrimine sic affatur Christus, *Profecti docete omnes gētes* Mat. 28. Inde est qđ Paulus 2. Cor. 11. dicit se gerere solli-

citudinem omnium Ecclesiarum, quod certe est pascere omnes oues Christi. Quod si cura pascendi oues Christi non pertinuit ad ceteros Apostolos, immerito Pastores appellantur. Petrum autem peculiariter Christus cōpellat, quia solus Christum negauerat, vnde & causa erat cur putaretur suo munere cecidisse: quocirca toties in munus restituitur quoties Christum negauerat, & triplici abnegationi opponitur triplex cōfessio, vt docet \* Augustinus tractatu 123. in Iohannem & Ambrosius in Apologia. Dauid cap. 6. Fac tamen soli Petro esse cōmissas oues Christi, quid hoc ad monarchiam Papæ temporalem, & vibranda in Reges fulmina, & regna danda & eripienda? Pastores enim Ecclesiæ dicuntur pascere cū docent Ecclesiam, & animabus suppeditant pabulum spirituale, non vero cū eripiunt fundos, aut domos, aut regna; Hanc acceptionem vocis pascendi nunquam Ecclesia agnouit. Quis fando vnquam audiuit Dei verbum tanta libidine contorqueri? Res quidem esset leuis barbarè loqui, & dignior risu quam odio, nisi sub corruptione vocum glisceret corruptio doctrinæ & per nouam Grammaticam occultè stabiliretur noua Theologia. Fingamus tamen his verbis dari Petro potestatem in Cæsarem, & totius orbis imperia, an idcirco Bonifacius quod vult obtinet? Cur enim ad Episcopum Romanum esset hæc potestas potius deuoluta quam ad sedem Antiochenam & Alexandrinam, quas esse Petri sedes, & earum sedium Episcopos esse Petri successores ipse Gregorius I. Episcopus Romanus agnoscit, epistola

\* Redd-  
itur nega-  
tioni tri-  
na trina  
confessio,  
ne minus  
amori in  
gua ser-  
uiat, quā  
timori.

37. libri sexti: *Cum ergo* (inquit) *vnus atque vna sit sedes cui ex auctoritate diuina tres nunc Episcopi praesident, quicquid ego de vobis boni audio, hoc mihi impuro. Si quid de me boni creditis hoc vestris meritis imputate.* Nempe si Petrus fuit Episcopus Romanus, qui ei successerunt Romę dum doctrinam à Petro traditam sunt secuti, fuerunt successores Petri in Episcopatu Romano, at non in Apostolatu: non secus ac Ierosolymitani Episcopi erant successores Iacobi Apostoli in Episcopatu Ierosolymitano, at non in Apostolatu. Idemque censendum de Episcopo Antiochię vbi Petrus toto septennio docuisse, & ibi successores reliquisse, perhibetur.

II. Bellarminus capite 25. in Barklaium ex hoc eodem loco sic argumentatur. *Cum Petro dictum est Pasce oues meas data est illi facultas omnis quę est Pastori necessaria ad gregem tuendum: At Pastori necessaria est potestas triplex, vna circa lupos, vt eos arceat omni ratione qua poterit. Altera circa arietes, vt si quando cornubus ledat gregem, possit recludere (incluere voluit dicere.) Tertia circa oues reliquis vt singulis tribuat conuenientia pabula. Ergo hanc triplicem potestatem habet summus Pontifex.*

Huius Syllogismi maior falsa est, multa enim sunt necessaria ad tuendum gregem quę tamen noluit Deus esse in potestate pastorum: sic omnes assaultus diaboli & tentationes prohibere, aut euertere regnum Principis mundi, non est penes pastores, sed in solius Dei manu: Ita nec penes eosdem Pastores est Reges inimicos Ecclesię trucidare, aut solio detrudere. Sed quemad-

modum pastoris est Saranæ technas ante prospicere, & in eius insidias digitorum intendere, & dare operam ut Ecclesia eius impetum corpore excipiat & bonis, conscientiam vero seruet illibaram: Sic & eorundem Pastorum est obfirmare suum gregem aduersus tyrannorum minas atque sauitiam. Multa sunt ad salutem & tutelam Ecclesiæ necessaria quæ Deus sibi reservauit. Estque plane falsum, immo & impium, quod ait Bellarminus in responsione ad tractatum Gersonis de validitate excommunicationis: ubi cum dixisset Papam merito Deum dici, & habere omnem potestatem in cælo & in terra, addit summum Pontificem posse efficere totum illud quod est necessarium ad perducendas animas in paradysum, & posse omnia impedimenta remouere, quæ mundus, aut demon cum omnibus suis viribus & astutiis opponere possunt. Quid? an Papa potest dare fidem aut pœnitentiā? an incredulitatem & vitia euellere de cordibus? an illustrare mentes luce diuina? hæc omnia necessaria sunt ad salutem animarū. Cur autem patitur tam multas animas perire, tam multas superstitiones & hæreses grassari, tam atram noctem errorum terris incumbere, si potest omnia impedimenta obstruenda paradisi introitum remouere? Quod si potestas data fuit Petro abigendi lupos, & arietes cornu peras incurfantes Ecclesiam cur non fecit? Cur Imperatores impios horribili seuitia grassantes in Ecclesiam non abegit, aut Imperio exiit? Facultas sine viribus res est titulo tenus & inutilis, quas tamen vires defuisse priscæ Ecclesiæ ipse Bellarminus fatetur. Quod si ita est, dicendum erit Episcopos  
Roma-

Romanos huius æui magis esse Pastores Petro Apostolo, quippe qui habent ista tria, facultatem abigendi lupos, & ligandi arietes furiosos, & pascendi oves: At Petrus eiusque successores per multa sæcula duo priora non habuerunt, contenti munere pascendi.

III. Hæc quidem luce ipsa sunt clariora. Quapropter Cardinalis Baronius videns his verbis Christi, *Pasce oves meas*, non posse tam multa superstrui, huic loco scripturæ alterum adiungit, in Epistola qua Papam in Venetos incitat, ubi sapienter observat non tantum dictum esse Petro, *Pasce oves meas*, sed & *occide, & manduca*: Per apposite sane & ingeniose. Conatur quidem rem duriusculam mollire commoda explicatione. Sed quantuncumque æstuet, nunquam tamen efficiet his verbis *occide, & manduca*, ullam potestatem dari Petro in temporalia: Immo nec in spiritualia. His enim verbis Deus nihil dabat Petro auctoritatis aut potestatis, sed scrupulosam ciborum distinctionem antiquabat; Merito ergo tanta seu supinitas seu depravatio scripturæ, à sapientissimo Rege in sua præfatione sugillatur. Nunc ad Bonifacium redeamus.

I V. Addit igitur In hac ( Ecclesia ) cuiusque potestate duos esse gladios, spirituales videlicet & temporalem Evangelicis dictis instruimur. Nam dicentibus Apostolis ecce gladij duo hic in Ecclesia scilicet, cum Apostoli loquerentur, non respondit Dominus nimis esse, sed satis. Potens sane demonstratio & scientifica: Nempe ubi loca diserta defunt, ad allegorias confugitur. Locus est Lucæ 22.



vbi cum Christus iussisset discipulos sibi habere crumenam & peram, tunicamque vendere, vt esset vnde ense emerent, mox ei à discipulis duo enses ostenduntur. Si ergo gladius hic significat Imperium Papale, quid erit tunica, quid pera, quid crumena? Habent ergo quo se tueantur qui Papatum emunt, siquidem iubetur emi hic gladius: Ita se hi homines suis compungunt aculeis.

V. Pari acumine Bonifacius paulo post citat illud Christi ad Petrum, *Conuertere gladium tuum in vaginam*, vt inde probet gladium temporalem esse in potestate Papæ.

VI. Hæc loca tam præclara cùm sufficerent ad profligandam questionem & iugulandos hæreticos, sua tamen sanctitas addit alia auctarij vice. Cum (inquit) dicat Apostolus, *non est potestas nisi à Deo: quæ autem à Deo sunt, ordinata sunt: non essent autem ordinata nisi gladius esset sub gladio*. Hinc proculdubio sequitur Papam posse Reges exautorare, & potestatem habere in omnia temporalia. O rem ridiculam Cato & iocosam. Mitto quod locus Apostoli corrumpitur, qui dicit potestates esse à Deo constitutas, non vero ordine digestas.

VII. Idem probat ex decimarum solutione, benedictione, & sanctificatione. Quæ ratio si est alicuius ponderis ad subiicienda regna & omnia temporalia Pontifici, singuli presbyteri & paræciarum Curiones eandem sibi in reges & regna potestatem vindicabunt.

VIII. Pudet referre quæ sequuntur. Dicit Deus Ieremix cap. i. *Ecce constitui te hodie super gentes,*  
*& re-*



& regna. Hoc Bonifacius quasi de se dictum ad se trahit, cum tamen totum contextus filum hæc dici Ieremiæ manifeste euincat. Sane debuit aliquis alius à Papa esse interpres huius sententiæ: Nec ipse in rem suam Scripturas ex sua libidine interpretari.

IX. Eiusdem farinae est quod affert ex prima ad Corinth. c. 2. *Spiritalis homo iudicat omnia, ipse autem à nemine iudicatur.* Hic homo spiritualis, Petrus est, eiusque successores. Vbi frons aut conscientia? Apostolus spiritualem hominem opponit animali & carnali, c. 2. v. 14. & 15. & ca. 3. v. 1. Si ergo solus Petrus est homo spiritualis, cæteri Apostoli & omnes fideles erunt carnales & animales: at Galatæ fideles, vocantur spirituales. c. 6. v. 1. Non ergo solus Petrus. Neque vero de Petro aut eius potestate toto illo capite, aut alibi vspiam facit mentionem Apostolus. Nec quispquam veterum, immo & nouorum ante Bonifacium hunc locum sic intellexit. Thomas commentario in hunc locum: *Spiritalis iudicat omnia quia scilicet homo habens intellectum & affectum ordinatum, per Spiritum sanctum, de singulis quæ pertinent ad salutem rectum iudicium habet.*

X. Succedit locus vñtatiſſimus & frequenter vsurpatus à Bellarmino. *Dixit Dominus Petro, quodcumque ligaueris in terra, erit ligatum in Cælis: & quodcumque solueris in terra erit solutum in Cælo.* Hoc loco abutuntur Bonifacius & Bellarminus ad probandum licere Pontificiis non solum soluere peccata per remissionem peccatorum, sed etiam soluere obstrictos voto aut iuramento: & populos liberare à debita suis Regibus obedi-

tia. Deus bone, siccine impune illudi tuo verbo sacrosancto? nam hæc non posse extendi vsque ad solutionem fidelitatis Regibus debita, cuiuncunt voces istæ *Solutum erit in Cælis*. Christus dicit. *Quodcunque soluere in terra erit solutum in Cælis*. Huic sententiæ sensus hic ridiculus ab his hominibus affingitur. *Subditi qui per vestram dispensationem non tenebuntur obsequi in terra suis Regibus, neque tenebuntur eisdem obsequi in Cælo*. Sic cum Christus hic agat de solutione quæ fit in terris, vtuntur tamen hoc loco ad astruendam solutionem quam volunt fieri sub terra, id est in purgatorio, vt non mirum sit si pari libidine hunc locum trahunt ad solutionem vinculi fidelitatis.

Quod si vocem hanc, *quodcunque*, sic vrgent vt velint ad omnia sine exceptione extendi, ergo & per hunc locum poterit Papa soluere omnia matrimonia, omne æs alienum, omnia vincula captiuorum. Immo & ipsa Dei mandata vt docet Glossa Canonis. *Sunt quidam* Causa 25. quæst. 1. *Papa dispensat in Euangelio interpretando ipsum*. Cuius potestatis habes experimentum dum potestas soluendi peccata data Apostolis, praua interpretatione torquetur ad soluenda vincula fidei & iureiurandi, & facultas peierandi atque fallendi conceditur, efficiendo ne peccatum sit peccatum, ne Rex sit Rex: cur non etiam ne Deus sit Deus? Nimirum vt cimba Petri nunc adhibetur ad faciendam mercaturam, & retia eius piscatoria ad irretiendas Regum & populorum fortunas, & clauis Petri ad scrutandos loculos & apertienda scrinia, ita facultas soluendi conscientias à reatu peccati improbè traducitur ad soluenda fide-

fidelitatis vincula. Mitto quod verba illa *Quodcumque solueris, &c.* dicuntur omnibus Apostolis Matthæi ca. 18. v. 18. ac proinde & omnibus successoribus Apostolorum, quales sunt omnes fideles & pii Episcopi insisterites vestigiis & doctrinæ Apostolorum. Vnde fieret, omnes fideles Episcopos posse gratiam facere seruandæ fidei, quod tamen Papa vult sibi esse peculiare. Neminem enim in societatem tam impiæ societatis admittit.

XI. Nunc audi prodigiosi argumenti mirificum acumen. Bonifacius lic probat vnicum esse rerum omnium caput, nempe Romanum Pontificem. *Fingere* (inquit) *duo principia falsum & hereticum iudicamus, quia testante Moyse, non in principis, sed in principio cælum Deus creauit & terram.* Hoc vnicum principium vult esse Pontificem. Cui tam præclaro argumento, affluit hoc *ἄντινομ.* Porro subesse Romano Pontifici omni humanæ creaturæ, dicimus, desinimus, & pronuntiamus omnino esse de necessitate salutis. Satis quidem pro Imperio. Est vero quod miremur stuporem hominum tam operosè conquirentium loca Scripturæ quibus Papæ Monarchia fulciatur, cum statim in limine & in ipsa prima linea sacre Scripturæ occurrat tam insignis demonstratio. Hæc profecto argumenta non debent proponi nisi ab armato, tantum enim creduntur, quantum timetur qui ea profert: Immo & apud ignauissimos homines paratos ob quæstum quidlibet credere vix fidem inueniunt: Merito igitur Rex Serenissimus apologum Æsopi hic adhibet, *Cum* (inquit) *afelli aurículas leo vellet pro cornibus accipi, idem*

*omnes sentire oportebat* : Veniet aliquis Papa qui Gedeonis lagenis aut Samsonis vulpibus abutetur ad astruendam Pontifici in temporalibus Monarchiam, & hæc probationes vt semel ex cathedra fuerint prolatae pro oraculis habebuntur.

1. Pet. 2.  
Apoc. 1.

XII. His nihilo meliora addit Bellarminus. Adducit versum 17. Psalmi 45. *Pro patribus tuis nati sunt tibi filij, constitues eos Principes super omnem terram.* Hos principes super omnem terram Bellarminus vult esse Apostolos & Pontifices Romanos. At Psalter hoc Psalmo agit de Christi cū Ecclesia vnione, quam similitudine coniugij adumbrat : Quo ex coniugio nati liberi, non sunt soli Apostoli, sed quotquot Christo nomen dederunt & in Dei filios per Christum adoptantur, qui quidem in Scriptura reges & regale Sacerdotium non semel vocantur. Si cui tamen placet hos Principes esse apostolos non pugnabo vehementer; modo de Principatu spirituali intelligatur, non de temporali. Cuius principatus portio aliqua ab Apostolis ad omnes suos successores est deriuata. Sunt autem successores Apostolorum quotquot sunt Pastores boni, & fideles Episcopi, veram fidem docentes, & doctrinam Apostolicam.

XIII. Pudet referre quod profert Bellarminus cap. 15. in Barkl. ex Numer. cap. 27. vbi ait dici, *ad verbum Pontificis Eleazar, tam Iosue ipsum quam omnem populum ingredi & egredi debere.* Hæc enim falsa ab eo dicuntur : & hæc autoritas datur nō Eleazaro, verum Principi Iosue. Sed corrumperetur Scripturam huic Iesuitæ familiare est.

XIV.

XIV. Marilius Parauinus 2. Parte defensoris pacis ca. 3. profert quædam loca quibus Sophistæ sui temporis, Papæ potestatem coactiuam, & ius in temporalia tuebantur. Matth. 11. *Omnia mihi tradita sunt à patre meo.* Et c. 28. *Data est mihi omnis potestas in cælo & in terra.* Vnde volunt confici Papam Petri & Christi vicarium habere potestatem in omnia temporalia. Tum illud Marci 5. *Si eiicis nos, mitte nos in gregem porcorum.* Ergo Christus disponebat de temporalibus: suillum plane acumen, & quo vel Crassus disumpatur risu. Quale etiam illud ex Iohannis, 12. *Si exaltatus fuero, omnia traham ad me.* Ergo Papa in sublimē euectus, ad se trahit omnia temporalia. Quo argumento vsus est Iacobus de Terrano, libro qui inscribitur Monarchialis tractatus. Addit Marilius, alia non minoris acuminis. Quale est illud Christi Matth. 21. & Luc. 19. *Inuenietis pullum asina alligatum, soluite, & adducite mihi.* Et illud Pauli 1. Cor. 6. *Nescitis quoniam Angelos iudicabimus, quanto magis secularia?* Et c. 9. *Nunquid non habemus potestatem manducandi.* Ergo Papa habet potestatem in temporalia. Hæc quidem refellere est hominis otiosi, quemadmodum proponere vecordis est & improbi.

XV. Bellarminus lib. 5. de Romano Pontifice c. 7. & in Barklauium c. 21. abutitur loco Pauli 1. ad Cor. ca. 6. hoc modo. *Quod Christiani olim non deposuerunt Neronem, Diocletianum, &c. id fuit quia deerant vires temporales.* Nam quod alioqui iure potuissent id facere, patet ex Apostolo, 1. Cor. 6. *vbi iubet constitui novos iudices à Christianis, ne cogerentur Christiani causam dicere coram iudice Christi perse-*

*cutore. Sicut enim noui Iudices constitui potuerunt; ita & noui principes propter eandem causam, si vires adfuissent.*

Syllogismus talis est, Qui potest constituere nouos Iudices, potest & nouos Reges.

At populus Corinthi potuit constituere nouos Iudices. Vt docetur 1. Cor. 6.

Ergo Populus Corinthi potuit constituere nouos Reges.

Primò. Conclusio talis est quæ nec ab aduersariis ipsis creditur. Vtraque vero propositio falsa est. Et maior quidem, quia inueniuntur Regis Ministri quibus data est potestas à Rege iudices per prouincias, pagos, & oppida deponendi & alios sufficiendi, qui tamen non possunt Regem abdicare, aut alium in Regis abdicati locum surrogare. Minor verò manifeste falsa est, nam iudices de quibus hic agit Paulus, meri fuerunt arbitri dati litibus componendis: Neque enim plebs potest spretis aut exauctoratis magistratibus regis, alios sibi legere ad libitum. Hoc si fecissent Corinthij fuissent rei Maiestatis: Neque Ethnicus cum Christiano litigans, vnquam potuisset adduci vt se sisteret coram eiusmodi tribunali. Ipse Bellarminus c. 21. in Barkl. faterur hos Iudices non habuisse vim coactiuam, id est, non potuisse plectere capite, aut damnare carcere, aut multas pecuniarias irrogare, quibus sublati, sententia iudicis mere est arbitraria, quippe cuius executio pendet à voluntate litigantium. Quod si Bellarminus vult, eosdem Christianos qui poterant creare nouos iudices, potuisse quoq; creare nouos Imperatores, necessarium est vt quales pote-

poterant eligere Iudices, tales quoque eligerent Imperatores. At per Bellarmini confessionem Iudices tunc lecti à Christianis non habebant vim coactiuam, Ergo Imperatores quoselegissent non habuissent vim coactiuam, ac proinde non fuissent Imperatores.

At (inquit Bellarminus) arbitri eliguntur à personis litigantibus, hi vero constituebantur auctoritate publica multitudinis. Idque probat Pauli Apostoli verbis, sed à se confectis. *Vos congregati in vnum constituite vobis Iudices.* Hæc inquam verba commentus est Bellarminus, nuspiã enim extant, ne quidem in versione vulgata, vt mirum sit vnde illa Bellarminus hauserit.

Frustra vero contendit Paulum ibi agere de vero Iudicio; nam quis negat arbitros vere esse Iudices? Nec magis est ad rem quod asserit debuisse litigantes parere sententiæ istorum iudicum, hoc quidem nemo nescit. Sed si quis noluisse acquiescere latæ ab eis sententiæ, nulla fuisset pœna ciuilis in eum constituta. Ratio vero Apostoli est multo potentior, si hic per iudices intelligantur meri arbitri, Nam si iudicaturi sumus Angelos cum auctoritate, cur non poterimus iudicare de rebus terrenis iudicio arbitrario?

Quod si Apostolus dat Corinthiis potestatem destituendi Iudices ab Imperatore constitutos, & alios sufficere, det nobis Bellarminus testẽ qui id à Corinthiis aut ab aliis Christianis factũ testetur, & proferat aliquid ex veteri illa memoria, quo pateat fideles vsos esse potestate illa quam ait ab Apostolo Corinthiis concessam.

Nunquam faciet. Nam quo pacto id posset, qui capite 3. in Barklaium fatetur per annos à Christo septingentos summum esse ea de re silentiū. Atqui audi quam mollem & languidam excusationem obtendat. *Pontifices* (inquit) & *scriptores Ecclesiæ prioris temporis, ut non affirmarunt ita & nō negarunt esse in Apostolica sede potestatem aliquam disponendi de temporalibus.* At certe si Episcopus Romanus prisco illo æuo habuisset hanc potestatem disponendi de regnis & Imperiis, extitisset tamen aliquis qui causas attulisset cur data sibi à Christo potestate abstineret, aut qui se iure suo prohiberi quereretur. Nec defuisset Christiani qui ad Episcopum Romanum confugisset implorantes eius opem, & alium sibi dari ab eo Imperatorem postularent minus grauem Ecclesiæ aut saniozem in fide. Nec credibile est datam esse à Christo Episcopis Romanis potestatem quæ per tot sæcula esset inutilis. Aut tunc primum Pontifices cœpisse intelligere sensum verborum Christi quando facti sunt opulenti: Aut Ecclesiæ causam à veteribus Episcopis Romanis esse proditam, cum Ecclesia premeretur iugo sauiissimorum Tyrannorum.

XVI. Idem Cardinalis li. 5. de Pontifice c. 7. & in Barklaium ca. 20. sic argumentatur. *Cap. XVII. Deuteronomij prohibetur populus eligere regem qui non sit de fratribus, id est, non Iudaum, ne videlicet pertrahat Iudeos in Idololatriam, ergo etiam Christiani prohibentur eligere Regem non Christianum.* Respondeo nihil hoc facere ad quæstionem præsentem, in qua non quæritur, qualis Rex sit eligendus, sed an liceat in regem legitimum quem vel **genus**



nus & hæreditaria successio vel etiam electio de-  
derit, rebellare Papa auctore, sub obrentu hære-  
seos vel tarditatis ingenij, vel tyrannidis, vel vio-  
latorum priuilegiorum monasterij. Additigitur  
Bellarminus, *eiusdem periculi esse eligere, non Chri-  
stianum & non deponere non Christianum. Ergo te-  
nentur Christiani non pati super se Regem non Chri-  
stianum si ille conetur auertere populum à fide.*

Prius quam respondeo lector monendus est  
hanc obiectionem si quid habet virium tantum  
valere in Regem non Christianum aut idolola-  
tram, non vero in tardos ingenio, aut Tyrannos,  
aut minuētes priuilegia Monasteriorum. Est  
quoque notandum hanc obiectionem eo qui-  
dem pertinere vt Populo liceat rebellare in Prin-  
cipem non Christianum, at non tribuere Ponti-  
fici potestatem Reges loco mouendi & exau-  
thorandi; Neque enim si populo fas rebellare  
certis de causis, idcirco ad rebellandum authori-  
tas Papæ expectanda est. Nam si mulieri non li-  
cet eligere tibi virum hæreticum, non tamen in-  
de sequitur Papam posse soluere matrimonium  
orthodoxæ cum hæretico. Ita nec si Christiani  
non debent sibi eligere Regem hæreticum, se-  
quitur Papam posse liberare fideles subiectione  
regis infidelis. Ad argumentum vero dico, en-  
thymema esse cuius maior suppressa est data o-  
pera à Bellarmino, ne eius salutas appareat. Hac  
enim est integra ratiocinatio.

*Quæcunque sunt pariter periculosa sunt pariter il-  
licita.*

*At eligere Regem non Christianum, & ferre re-  
gem non Christianum pariter sunt periculosa.*

*Ergo hæc pariter sunt illicita.*

Maior falsa est: multa enim sunt pariter noxia & periculosa, quorum tamen alterum fit licitè, alterum illicitè. Vt si venenum propinetur ab homine inscio, non minus est periculosum quàm si à sciente, in vno tamen scelus est, in altero casus sine culpa. Et vt vtr exemplo quo Bellarminus ipse vitur. In muliere peccatum est grauissimum adiungere se viro hæretico: cum vero habet virum hæreticum omnino ferendus est, nec tantum licitum est cum eo viuere, sed & necessarium: & tamen vtrobique idem est periculum. Quod enim addit Bellarminus non licere fideli cum infideli perseuerare falsissimum est, & contra Apostolum 1. Cor. c. 7. v. 12. & 13. *Si quis frater habet uxorem infidelem, & ea consentit habitare cum eo, ne relinquat eam, &c.*

Cum autem addit Bellarminus, *Sicut nunquam licet adire periculum salutis æternæ amittendæ, ita nunquam licet perseuerare in simili periculo, modo possit illud vitari*, opinor eum loqui de vitando hoc periculo via honesta & legitima: non enim adhibenda sunt illicita remedia, nec periculis per scelera occurrendum est. At rebellionem & perfidiam in Regem nego esse legitimum remediũ ad vitandum periculum. Idcirco Bellarminus videns suam causam hic labascere, statum quæstionis callide immutat, sic loquens ibidem: *Disputamus de eo qui studiose adit periculum, & studiose in eo perseuerat.* At certe non hic agitur de eo qui vltro in periculo perseuerat, sed de eo qui cum videat periculum, non videt tamen legitimam viam occurrendi malo, aut vitandi periculum.

Ta-

Tales sunt subditi fideles sub Principe legitimo; sed infideli, quem sciunt se non posse sine scelere occidere, aut regno depellere: tales olim Christiani sub Imperatoribus Ethnicis, quos quidem dum religiose cauent attingere suorum Principum vitam aut coronam, non est credibile latoros hoc malo, aut ultro in periculo perseuerare voluisse.

XVII. Idem Cardinalis in Barklaium c. 17. sic argumentatur: *Habuisse Apostolos potestatem aliquam disponendi de temporalibus in ordine ad spiritualia, vel ex eo constat quod statuerunt ut populi Christiani predicatorum Evangelij ex facultatibus suis alerent; idq. iusta ordinatione Domini: ut patet in Apostolo in priore ad Cor. c. 9.* Hæc ille. At certe eiusmodi locorum coaceruatio, est confessio evidens erroris, oportet enim sit valde destitutus argumentis bonis & accommodatis qui tam infirma & remota conquirat.

Respondeo igitur præceptum de subueniendo pastoribus, nihi lo plus esse præceptum Apostolorum, quam præceptum de amando Deo, aut colendis parentibus. Lex enim ista iam erat sancita sub veteri testamento, & omnino ex quo fuerunt Pastores in Ecclesia. Hoc iure vivebant Leuitæ in Dei populo, nectamen idcirco sibi ullam potestatem vendicabant in temporalia aliarum tribuum. Neque hoc in solum Petrû quadrat, sed & in omnes Pastores. Quin & pari ratione quotquot sunt mercenarij, immo & tortores ipsi possent sibi arrogare potestatem in regum aut populorum temporalia: possunt enim mercedem suo labori pactam meritò exigere.

XVIII. Denique sic argumentatur Bellarminus ex Apostolo Paulo cap. 22. in Barklaium. *Cur non potest liberari populus fidelis à iugo Regis infidelis, & pertrahentes ad infidelitatem, si coniux fidelis liber est ab obligatione manendi cum coniuge infideli, quando ille non vult manere cum coniuge Christiana?*

Respondeo, 1. Similibus nihil probari. 2. Adde quod, quemadmodum vxor fidelis non teneatur adhærere viro infideli inuito, nec eum sequi si ille prior eam deserat, ita lubens agnosco subditos non teneri adhærere regi, qui vltro se abdicat, & subditos suos deserit regno renunciâns: nec aliud ne fidiculis quidem ex hoc loco expresferis. 3. Quid, quod hoc simile nobis clare adiudicat victoriam? Paulus enim ait diserte. *Si qua mulier habet virum infidelem, & hic consentit habitare cum illa, ne deserat eum. Et nos ergo dicamus. Si quis populus habet Regem infidelem, & hic consentit regnare in eos, non deserat suum Regem, nec ab eo deficiat.* Hæc certe dici *xp̄i nō dicitur*, & insistendo vestigiis Apostoli nemo non videt. 4. Quo magis miror Bellarmini vel indiligentiam, vel potius audaciam, affingentis Apostolo contrarium sensum, & ex his eius verbis colligentis, *in matrimonio contracto inter infideles cum alter eorum conuertitur ad fidem fidelem liberum esse à cohabitatione & à iugo coniugis infidelis.* O quam multæ mulieres Ethnicæ fide tranſuiſſent ad fidem Christianam, vt hoc pacto à iugo asperioris aut senioris mariti liberarentur. 5. Denique separationem istam viri ab vxore Apostolus non dicit fieri debere authoritate Romani Pontificis. Proferat enim Bellarminus

nus

nus ex tota antiquitate aliquem qui sedem Romanam adierit ad obrinendum diploma *ab uxore infideli*. Quod si Paulus separationem istam vxoris à viro relinquit in vxoris voluntate, nec vult à Petro aut eius successoribus peti permissionem, qua fronte audet Bellarminus hoc loco abuti ad probandum penes Papam esse soluere subditos à Regum legitimorum Imperio & vinculo fidelitatis iureiurando firmatæ?

XIX. Rationibus ductis ex scriptura Bellarminus addit aliquot exempla ex veteri testamento, c. 37. in Barklaium, *Si (inquit) ob lepram corporalem poterat Sacerdos olim Regem iudicare & regno priuare, quare id non poterit nunc ob lepram spiritualem, id est, propter hæresim &c. Atqui Sacerdos olim priuauit Regem Osiā regno ob lepram corporalem vt docetur 2. Paralip. c. 26. Ergo, &c.*

Mira sane horum hominum solertia, quæ vel in scabie & lepra inuenit præsidia Papalis potentia. Sed ad rem: Dico minorem huius argumenti esse falsam, neque enim Osiā Regno vnquam priuatus fuit. Nam capite 15. libri secundi Regum, commate 2. disertè dicitur Osiā, qui & Azarias, orsus regnum suum anno ætatis decimo sexto, & regnasse annos quinquaginta duos: vixit ergo annos sexaginta octo, & regnauit vsque ad mortem. Percussus lepra ob vsurpatum sacerdotium, vixit in seducto, vitans hominum frequentiam. Inter hæc Iotham eius filius gubernauit palatium, vt habet vulgata versio, vt vero Pagninus, fuit *præfectus pratorio*: Regis vero titulum nisi mortuo patre nunquā vsurpauit, & mortuo

demum patre regnum capefcit. Nam verſibus 32. & 33. tunc dicitur *capiffe* regnare, nec regnauiſſe ultra annos ſexdecim. Cumque iudice Bellarmino, excommunicatio debeat præcedere de poſitionem Regis, non legitur Oſias excommu- nicatus. Nec dubium quin filius geſſerit Reipublicæ curam patre ſic volente: fuiſſet enim ſcelus, patrem punire per filium: nec filius, vir appri- pius & ſanctus, tantum in ſe facinus admiſiſſet vt viuo & vidente patre & fruſtra obteſtante, im- perium eius inuaderet. Ipſe Bellarminus fatetur Oſiæ relictum nomen & titulum regis uſque ad mortem cum tamen Regi diris Papalibus con- ſoſſo, Papa nolit nomen Regis relinquere. Ne- que vero retinuit Oſias nomen Regis ſine re, Scriptura enim dicit eum non modo regem fuiſſe, ſed & regnaſſe annos quinquaginta duos. Nec fuit Oſias damnatus à Sacerdote ob cri- men, ſed iudicatus ob lepram, iuxta legem Le- uit. 13. Neque vt reus, ſed vt æger; Nam leproſos excidiſſe rerum ſuarum dominio nuſpam legi- tur: cumque ante & poſt Oſiam fuerint alij Re- ges legitimi longe deteriores Oſia, nunquam ta- men Pontifices eos Regno aut vita priuarunt;

\* *Antiq.*  
*li. 9. c. 11.*

*Aliquã-*  
*din. vi-*  
*xit extra*  
*ciuitatē*  
*priuatā*  
*vitam*  
*viuens.*

\* *Priua-*  
*tima c. 11.*

Iosephi quidem hæc ſunt verba: \* *χρόνον μὲν ὡς ἀνθρώπου ζωῆς πολλῆς, ἰδιώτην δὲ πρὸς ὅν βίον.* Sed non eſt cum Dei verbo comparanda Iosephi auctori- tas, qui & eodem capite multa infercit fabuloſa: neque neceſſe eſt per *βίον ἰδιώτην* intelligere vi- tam priuatam ſine regia poteſtate, ſed vitam \* *κατ' ἰδίαν*, & ſeductam à turba, vt fit in morbo contagioſo.

XX. Alterum exemplum Bellarminus affert

cx

ex libro 2. Paralip. c. 23. *Vbi (inquit) narratur Athalia* Libro in  
liam reginam fauentem Idololatriæ à Ioiada Pontifice Barklaii  
regno & vita fuisse priuatam, & Ioas Regem in eius lo-  
c. 38.

*cum institutum.* Eodem exemplo pugnant Sanderus, Becanus, & alij, vtunturque hoc argumento ad probandum idem licere Pontifici Romano, quod liquit Ioiadæ: at Ioiada Athalia regno depulit, & iussit occidi: sæua sane in miseros reges sententia, siquidem Papæ iussu possunt capite plecti, & non secus ac vilissima fontium capita ad supplicium produci. Prò Dei atque hominum fidem! Hæccine impune dici & ab ipsis regibus probari?

Sed vt veniam ad Athalia, dico ego hoc exemplum alienum esse à præsentî quæstione: hic enim agimus de depositione Regum legitimorum, non vero de eiectione tyranni, qui alienum regnum per vim occupat, populo non probante, & legitimo hærede superstite. Talis Athalia, quæ excisa stirpe regia, vno puerulo excepto, post occupatum regnum, non aliter regno quam læna prædæ, incubabat. Accedit quod omnibus nota erat Dei voluntas Deu. 17. quæ alienigenam verabat regnare in Dei populû; Athalia autem erat filia Amri regis Samariæ, 2. Paral. 22. v. 2. Adde quod Deus sanxerat & per Prophetas sæpe declarauerat se velle Regnum Iudæorû I. Reg. 11.  
36. proprium esse domui Dauidis: Regnabat ergo Athalia contra disertum Dei mandatû. Maximè cum præsto esset Ioas puer de Dauidis prosapia, quem è latebra extractum simulac vidit populus omnino debuit suum regem agnoscere. Sed nec Ioiada Athalia authoritate Pontificali

deposuit aut iussit occidi, neque enim vlla super hac re est instituta cognitio aut lata sententia; sed clam facta militum manu, centuriones & milites in verba regis legitimi adegit, & ducem se præbuit conspirationi in foeminam quæ vel à privato poterat iuste occidi. Neque id ab eo factum, ut à Pontifice, cuius non est ducere armatam manum, sed ut à viro optimate, qui idcirco dicitur præcepisse militibus quid & quomodo essent facturi, quia in coniuratione, omnes consocij expectant imperia ducis coniurationis. Neque vero si Ioiada inunxit Ioas in regem, idcirco ei regnum dedit: non secus ac si Præsul aliquis Regem Francorum inungit, non idcirco putandus est Rex isti Præsuli regnum debere; quod quidem debent reges nostri suis maioribus, fortique nascendi. Alioqui & Hostiensis Episcopus dicendus fuisset conferre Papatum, quandoquidem ad eum Papæ consecratio diu pertinuit. Qui peragit ritum inaugurationis, non facit Regem, sed consecrat. Sed neque si Ioiada authore, populus templum Baal evertit, & templi Sacerdotem occidit, idcirco Ioiada erat Rege maior, aut habebat ordinariam potestatem in vitam Iudæorum & in bona temporalia, nam & idem ab Elia factum legimus, 1. Regum c. 18. vbi Prophetæ Baal ad torrentem Cison, Eliæ iussu necantur. Quem tamen ciuilia non attrectasse, nec habuisse aliquam potestatem in Reges Samariæ aut vitam subditorum satis constat, Multa in Scripturis leguntur facta impulsu diuino, quæ trahi ad exemplum sine imperitia non possent, immo nec sine scelere.

Quam



Quam parum autem Bellarminus fidat his exemplis Pontificum veteris testamenti, ipse satis docet cap. 15. in Barklaium his verbis: *Non est improbabile in testamento veteri regem absolute maiorem fuisse Pontifice: tum quia ita docet S. Thomas in lib. 1. de Regimine principum cap. 14. tum quod in veteri testamento promissiones essent temporales &c.* Quo dicto fatetur quoque non esse improbabile regem Ioas fuisse absolute maiorem Pontifice Ioiaa, ac proinde se parum probabiliter argumentari, quando Ioiaa exemplo Paparum auctoritatem in caput & fortunas regum conatur astringere.

XXI. Vnum superest exemplum ex veteri testamento allato à Bellarmino cap. 3. in Barklaium. Cum (inquit) post diuisionem regni Salomonis in Regnum Israelis & Regnum Iuda, inter Reges Israel nullus fuerit pius, sed omnes impij & idololatrae, cur aliis multis toleratis Propheta Domini vnixerit Iehu in Regem, & iusserit vt Regem Ioram cui fidelitatem iurauerat, interficeret, quod ille continuo fecit & laudatus à Deo fuit vt habemus 4. Reg. 9. & 10. Respondetur opinor sic placuisse Deo cuius iudicia inscrutabilia sunt.

Equidem non video quid hoc exemplum faciat ad asserendam Papæ auctoritatem in Regibus creandis aut exauctorandis & occidendis. Hic enim Propheta non erat Pontifex, idque fecit inconsulto summo Pontifice. Quod si quis alius Episcopus vellet reges aut creare, aut destituere, violari iura sua Pontifex conquereretur. Quam verò sit abhorrens à ratione, extraordinariam & miraculosam prophetæ missionem tra-

here in exemplum:& quia aliquis propheta singulari & inusitato exemplo aliquid olim fecit, velle Papam Romanum idem posse ordinari nemo non videt. Cur non ergo sic argumentatur Bellarminus? Elias Propheta ignem de cœlo deduxit, Ergo Papa idem potest. Elia verante toto triennio non pluit, & terra sitiens alto puluere incanduit. Ergo Papa idem potest.

Sed Bellarminus non intellexit quid istis verbis *ungere in regem* significetur: quorum sensus petendus est ex primo Regum, c. 19. versibus 15. & 16. vbi iubetur Elias ungere Hasael in regem Syriæ, & Iehu in regē Israel. Nemo, opinor, tam est rudis historiæ, vt credat Prophetas aut etiam Pontifices Iudæorum habuisse ius ordinarium creandi aut destituendi Reges Syriæ, qui erant Ethnici & inimici Ecclesiæ. Sed iubetur Propheta inungere Hasaelem in regem Syriæ, id est, significatione voluntatis diuinæ ad spem regni eum erigere, addita aliqua ceremonia quæ verbis adderet pondus, & pignus esset missionis Prophetæ. Idem de inunctione Iehu dicendum est, quem non dubium est postquam factus est compos rerum, noua inauguratione constitutum esse Regem.

Interim perpendet Lector, quo pertineant verba illa Bellarmini, *Iehu iussu esse à Propheta vt Regem Ioram cui fidelitatem iurauerat, interficeret: quod ille continuo fecit, & laudatus à Deo fuit.* Nam Cardinalis quasi aliud agens, hæc instillat, & obiter eiusmodi sententias inspergit, quibus cædes regum, vt iure factas laudat, vt regum vitam non tanti esse Lectori persuadeat.

Hæc

Hæc sunt quæ Bellarminus affert ex Sacra scriptura, quæ quia in opere suo aduersus Barklauium nullo ordine proponuntur, & sæpiùs inculantur inutili repetitione, visum est ea collecta & ordine digesta in vnum caput coniicere, & sub oculos ponere.

## C A P. I X.

*Argumenta Bellarmini ex ratione ducta diluuntur.*



ELLARMINVS locis Scripturæ contra rationem allatis, attexit quasdam rationes sine Scriptura.

I Capite septimo libri quinti de summo Pontifice primo loco ponit hanc argumentationem quæ sic formatur in syllogismum.

*Omnis superior imperare potest inferiori: Atqui potestas spiritualis superior est potestate civili. Ergo, &c.*

*Resp.* Maior non est vniuersaliter vera: non enim superior potest imperare Inferiori in omnibus, sed in iis tantum rebus in quibus est superior. Non si præceptor imperat discipulo in iis quæ pertinent ad eam disciplinam quam docet, ideo ei potest imperare in cæteris, puta in ducenda vxore, in fundo emendo, in adeunda hæreditate, &c. Par infirmitas minoris. Neque enim spiritualis potestas superior est potestate civili in re de qua agitur, nempe in rebus civilibus.

Demus tamen utramque propositionem esse veram, & potestatem spiritualement imperare ciuili: quid hoc aduersus nos, aut ad præsentem questionem, in qua non quaeritur an illa potestas huic imperet, sed an possit eam punire pœnis ciuilibus seu temporalibus? Neque enim si Pastor regit Magistratum, quatenus Magistratus est Christianus, idcirco exemptus est subiectione Magistratus, quatenus Magistratus est: Dum patet Principem ut Pastor, est tamen subditus quæ ciuis. Sic Princeps discens ab equifone artem frangendi equum in gyros, debet quidem obsequi docenti in rebus quæ ad eam artem pertinent: Idem tamen imperat equifoni in cæteris. Sic Rex æger subditus est medicorum voluntati, non quidem ut Rex, sed ut æger: at quatenus Rex imperat medicis, non quidem ut medicis, sed ut ciuibus, & subditis. Par ratio Regis & Pastoris.

Id vero quod infercit Bellarminus, potestatem spiritualement & temporalem esse partes eiusdem Reipublicæ, additum est ad fatigandum lectorem & offundendas tenebras, nihil enim facit ad rem, siue hæc sint partes eiusdem Reipublicæ, siue sint diuersæ Reipublicæ. Nam ex diuersitate partium non colligitur utra alteri imperet. Nec si altera alteram regit vna in re putatur in rebus sacris, idcirco regit in omnibus. Errat tamen Bellarminus cum dicit potestatem spiritualement & ciuilem partes esse Reipublicæ. Non enim munera ipsa sunt partes reipublicæ, sed homines. Cui lapsui si ignosceremus, non tamen idcirco verum esset, politiam & Ecclesiam partes

tes esse distinctas Reipublicæ. Sic enim Ecclesia non esset de politia, nec Respublica politica esset de Ecclesia. Dicendum potius vnum & idem regnum seu Rempublicam vocari Ecclesiam quatenus constat Christianis, Regnum vero aut Rempublicam qua constat ciuibus. Nunc vero ut res sunt sub Romano imperio Papali, sub quo per Ecclesiam soli clerici vulgò intelliguntur, certum est Ecclesiasticos diuersam plane Rempublicam constituere in aliena Republica, quippe qui alium agnoscunt Monarcham quam Regem, habentque suos Iudices seorsum, suos carceres: nec tenentur legum ciuiliū subiectione, nec solutione tributorum.

II. Hanc primam suam rationem mutantem Bellarminus suffulcit aliis ratiunculis: hoc modo

*Vt subordinantur fines, ita subordinantur facultates, ut ait Aristoteles Eth. I. cap. I.*

*At finis temporalis subordinatur fini spirituali.*

*Ergo & facultas temporalis subordinatur spirituali.*

*Respond.* Maior quidem vera est, etsi Aristotelis locus falsò citatur. Sed Syllogismus peccat fallacia quæ vulgò vocatur Ignoratio Elenchi: Conclusio enim nihil facit ad rem præsentem, neque sententiam nostram impugnat. Et quam falsa est, potest tamen sine periculo concedi. Demus enim facultatem regalem, id est scientiam regnandi, subordinari scientiæ pascendi & regendi Ecclesiam, an inde fiet pastores posse multare principes principatu aut vita? Sic Aristoteles primo posteriorum capite 7. dicit

Opticam subordinari Geometriæ; an ideo Geometra poterit Opticum expellere domo; aut multare exilio? An si ars arte superior est, idcirco homo homine? An quia ars Pharmacopolarum subordinatur arti Medicorum, idcirco Medicus ius habet in fortunas aut vitam Pharmacopolarum? Apage tam puridam subtilitatem. Sciat quoque Bellarminus aliter subordinari potestatem potestati, aliter facultatem facultati. Potestas subordinatur potestati, quando superior inferiorem includit: Sic potestas Iudicum ordinum aut delegatorum includitur in potestate regia, eoque illi subordinatur. At facultas subordinatur facultati quando scientia aliqua sic mutuatur ab altera sua principia: ut quæ sunt conclusiones in superiori scientia sint principia seu propositiones in inferiori: Exempli gratia, Medicina docet vulnera rotunda esse curatu difficillima, quia vulneris labra ægre coeunt: Huius assertionis probatio non petenda est à Medicina, sed à Geometria: ideoque hac in re Medicina Geometriæ subordinatur. Aut quando alicuius artis finis inseruit fini alterius artis nobilioris: veluti *χαλινοπικτική* inseruit arti equestri, & hæc bellicæ. Vnde patet quanta fraude Bellarminus hæc nectat, ex subordinatione finium inferens subordinationem potestatum: cum tamen hæc roto cælo distent.

*Ars cude-  
di frana.*

Observabit autem Lector quā benigne Bellarminus agat cū Regibus. Libro enim in Barklaium capite 3. docet artem regiam subordinari arti Ecclesiasticæ eo modo quo ars sculptoria subordinatur regiæ. Mirum vero cur non pro  
scul-

sculptoria dixerit fulloniam, aut sutoriam. No-  
uerint ergo Reges quantum intersit inter Pa-  
pam & Reges, nempe quantum inter Reges &  
Sculptores.

Sed & in hoc frustra est Cardinalis, dum pu-  
tat artes quæsturias subordinari facultati re-  
gnandi : neque enim hæ artes petunt sua prin-  
cipia à scientia regnandi, nec finis sculptoris qua  
sculptor est, salus est Reipublicæ aut isti subor-  
dinatur. Verum quidem est posse regem e-  
dicere sculptori ne quid faciat quo societas ciui-  
lis lædatur, aut mores corrumpantur, sed non id  
facit quia ars sit subordinata arti, sed quia ho-  
mo subditus homini. Neque paret sculptor re-  
gi qua sculptor, sed qua ciuis aut subditus. Nam  
antequam sculptoriam faceret pari subiectione  
tenebatur.

Nec leuius allucinatur Cardinalis, dum ait  
facultatem temporalem subordinari spirituali,  
id est scientiam regendi populum scientiæ re-  
gendi Ecclesiam. Sunt enim plurima in scientia  
regnandi, quæ nihil plâne habent commune  
cum facultate spirituali, vt Tactica, & Poliorce-  
tica, & pacta à Rege inita cum redemptoribus  
uestigialium. Immo & sunt multa quæ Theolo-  
gus à Politico mutuatur, & in quibus Theologia  
subordinatur Politicæ. Nec defunt exempla pes-  
simarum Rerumpublicarum in quibus vera fi-  
des obtinet, vicissim semper extiterunt aliquæ  
Respublicæ florentes, quæ pacem & ciuilem iu-  
stitiam coluerunt, insuper habita religione: quas  
tamen veras fuisse Respublicas nemo ambigit.

Quod si in Rebus publicis Christianis, finis temporalis, id est, pax, & concordia, & leges bonæ & iustæ pertinent ad finem spiritualem: Ita & vicissim Dei cultus & pietas plurimum confert ad finem temporalem, id est, ad concordiam ciuium, & publicam tranquillitatem: pax enim & concordia est pietatis furculus, & actiones ciuilitè honestæ ex vero Dei cultu efflorescunt.

Solet quidem Bellarminus passim inculcare potestatem spiritualem esse nobiliorem temporali. Sed hoc asserit præter rem. Non enim si aliqua facultas, alterâ est præstantior, idcirco necesse est ut qui nobiliorem artem profitentur imperent profitentibus inferiorem. Nec si Medicus est dignior aratore aut coquo, idcirco habebit potestatem in fortunas, famam, aut caput aratorum aut coquorum. Quin & sæpe inferiorum artificum honestior est & lautior conditio. Quid splendidius publicanis? quid tenuius philosopho? Et ciniflonis aut cupedenarij honestiora sunt nomina in aulis quam Grammatici.

III. Addit Bellarminus eodem capite 7. libri 5. de Pontifice. Reges (inquit) & Pontifices, Clerici & Laici non faciunt duas Respublicas sed vnâ, id est vnâ Ecclesiam, sumus enim omnes vnum corpus. Rom. 12. & 1. Corinth. 12. at in omni corpore membra sunt connexa, & dependentia vnum ab alio, non autem recte asseritur spiritualia pendere à temporalibus. Ergo temporalia à spiritualibus pendent, atque subijciuntur.

Resp. Hæc argumentatio informis, & incondita,



data, etsi multa habet falsa & ambigua, potest tamen sine periculo concedi. Conclusio enim quæstionem non attingit, neque enim quæritur an potestas temporalis sit subdita spirituali, sed an sit subdita in temporalibus: & an potestas spiritualis possit infligere pœnas temporales, puta ademptionem regni, aut fundi, aut pecuniæ, aut vitæ. Quod nos pernegamus, Bellarminus vero non probat. Hic ergo peccat rursus ignoratione Elenchi.

I V. Eodem vitio laborat argumentum sequens. *Si (inquit) temporalis administratio impedit spirituale bonum, omnium iudicio tenetur Princeps temporalis mutare illum modum administrandi, etiam cum detrimento temporalis boni, Ergo signum est subiectam esse temporalem potestatem spirituali.*

*Respond.* Hæc ratio, quæstionem non attingit, nam de subiectione hic non quæritur, sed de genere pœnarum. Sane si Reges in Deum grauitur peccauerint, pastorum est eos mone-  
re sedulo, quin & arcere sacra communione vt Theodosium Ambrosius, quanquam id non nisi in grauissimis criminibus & publicis, idque semper seruato honore & reuerentia ac fide quam subditus debet legitimo Principi. Vt quisque pastorum vitiis principis minime adblanditur, ita maxime erit fidus & obsequens; & aliis ad eandem fidelitatem præbit exemplo: Seruabitque temperamentum inter proiectam adulationem, & cerebrosam impudentiam. Non erit canis mutus, sed nec bellua indomita, quam necesse sit compescere vel vinculis, vel gladio.

V. Pugnāt Bellarminius alio argumento, hoc modo, *Respublica Ecclesiastica debet esse perfecta & sibi sufficiens in ordine ad suum finem. Tales enim sunt omnes Respublice bene institutae. Ergo debet habere omnem potestatem necessariam ad suum finem consequenda, sed necessaria est ad finem spiritualem potestas utendi & disponendi de temporalibus rebus, quia alioqui possent mali Principes impune fouere hereticos, & euertere religionem, igitur & hanc potestatem habet.*

*Respond.* Hæc quidem ratio non modo infirma est; sed & impia: Arguit enim imperfectionis Ecclesiā veterem cui hæc potestas defuit. Cumque Bellarminius cap. 15. in Barklauium dicat non esse improbabile in Testamento veteri regem absolute maiorem fuisse Pontifice, ac proinde Pontificem non habuisse potestatem Regis exauctorandi, eiusque sententiæ Thomam laudet authorem, inde sequitur probabile esse Bellarmino Ecclesiam veteris Testamenti non fuisse perfectam nec bene institutam. Adde quod reges possunt detorquere in Papas idem argumentum, dicendo suam potestatem fore imperfectam si eis deessent vires disponendi de spiritualibus, & coercendi improbam malorum Pastorum libidinem: quibus alioqui impune liceret esse sceleratis, cuiusmodi homines, sedes Roma-

*Ad annū* na plurimos habuit, farente ipso Baronio, plurima monstra sedem Romanam insedissee. Perfectio Ecclesię constat, non robore, & potestate in temporalia, sed puritate doctrinæ, & integritate morum, atque disciplinæ: non secus ac perfectio Philosophiæ constat certitudine & perspicuitate ac

*912. Art.*  
*8.*

te ac textura demonstrationum, non vero præsidis aut armis quibus contra sentientes malè multentur, aut obturbantes cōhibeantur. Deus qui nunquam Ecclesiam suam hæreticorum veneno passus est totam penitus infici, idem quoque efficiet ne tyrannorum violentiâ aboleatur, nec deseret gregem tanto pretio redemptum, quem qui tangit, tangit pupillam oculi sui. Abunde cauit Deus Ecclesiæ suæ firmitati addito Christo defensore & duce, & appositis Angelis custodibus. Ipse Bellarminus lib. 4. de Ecclesia capite 6. dicit persecutionibus Ecclesiam non modo non destrui, sed & illustrari. Quod si ad perfectionem Ecclesiæ necesse est ut Pastores possint disponere de regno & fortunis & vita tyrannorum, dicam quoque ad eandem perfectionem necesse esse ut iidem Pastores possint debellare Satanam, & in Tartara mergere, & peccata omnia funditus abolere, in quibus certe plus est necessitatis quam in regnis dandis & eripiendis, Sunt enim Satanæ assaultus longe periculosiores sequitia tyrannorum. Denique quamcunque necessitatem obtendas, nihil unquam tam erit necessarium quam Deo obsequi qui differtè iubet obedientiam erga Principes & fidem, ut docebitur capite vndecimo. Nulla unquam potest esse necessitas peccandi aut peierandi, aut aliena iniuste rapiendi.

V I. Urget Bellarminus hoc modo. *Potest qualibet Respublica, quia perfecta & sibi sufficiens esse debet, imperare alteri Reipublica non sibi subiecta, & eam cogere ad mutandam administrationem, immo etiam deponere eius principem, & alium instituere,*

*quando non potest aliter se defendere ab eius iniuriis. Ergo multo magis poterit spiritualis Respublica imperare temporali Respublica sibi subiecta, & eam cogere ad mutandam administrationem, & deponere principes, atque alios instituere, quando aliter non potest bonum suum spirituale tueri.*

Resp. Respondeo non mirum esse, quando opponuntur arma temporalia armis temporalibus, si Rex victus suis temporalibus excidat, at cum tyrannidi temporali opponuntur arma spiritualia, non possunt nec debent eadem effecta consequi, regis nempe regniue euersio. Addo, Bellarminum fingere quæ nunquam fuerunt, necerunt, videlicet vt altera Respublica ad suas res tuendas cogatur Regem vicini regni deponere, & aliû sufficere: nam Respublica quæ hoc potest eadem quoque facilitate inuadet regnum vicinum, & sibi subiiciet, nec potest hic esse fructus victoriæ, vt victus cogatur alium sibi Regem eligere. Accedit quod si Respublica aliqua, aliquid à vicina Republica postulet, & passa repulsam, infesta arma ostendet, aut bellum indicat, non hoc vocatur imperare (vt loquitur Bellarminus) sed precibus minas addere adhibendo *minas solum*, quod faciunt qui postulant minitabundi. Denique si Papa hoc exëplo tuetur suam potestatem dandi & eripiendi regna, certum est eadem quoque ratione confici Papam posse per vim rapere aliena, & in regnum alienum infesta arma mouere, quod certe non est Pastoris, sed Bellatoris, aut Imperatoris. Immo & eadem ratione possunt Reges sibi tribuere potestatem abdicandorum pastorum, quando non possunt aliter

ter se defendere ab eorum iniuriis.

V II. *Præterea* (inquit Bellarminus) *tolerare Regem hæreticum, vel infidelem conantem pertrahere homines ad suam sectam, est exponere religionem evidentiſſimo periculo.* Idque probat exemplis Imperatorum hæreticorum, nec non Regum qui nostra memoria sua regna traxerunt ad defectionem ab Ecclesia Romana; Cui obiectioni iam rursus satisfactum est. Verum quidem est quod paulo post subdit Cardinalis, esse de iure diuino seruare veram fidem & religionem: At non est de iure diuino perfide agere, aut patrare paricidia, & sub zeli erga religionem titulo omnia susque deque inuertere. Non sunt facienda mala vt eueniant bona.

V III. Pergit Bellarminus. *Quando* (inquit) *Reges & Principes ad Ecclesiam veniunt vt Christiani fiant, recipiuntur cum pacto expresso vel tacito, vt sceptrum sua subiiciant Christo, & polliceantur se Christi fidem seruatuſſimos & defensuſſimos, etiam sub pœna regni perdendi: ergo quando sunt hæretici, aut religioni obſtunt, possunt ab Ecclesia iudicari, & etiam deponi à principatu, &c.*

*Resp.* Hic vero errat Cardinalis non vno modo. Nam primo falsum est, Reges sub hac pacto in Ecclesiam admitti. Neque credibile est Clodouæum qui fidem Christianam princeps in regiam familiam intulit, cum iam ante per annos quindecim regnasset, ea lege & conditione factum esse Christianum vt regno priuaretur si à fide descisceret. Quod si quis Rex veteri memoria à paganismo ad fidem conuersus, promisit se Religionem Christianam defensu-

rum, non idcirco iurauit in verba Papæ Romani cuius in Gallia sub primis Regibus nulla erat authoritas. Sic nec Britannię Reges primitus se ad Christianismum aggregarunt vt subessent in temporalibus Romano Pontifici: immo nec in spiritualibus, sed soli Christo. Quapropter si tunc Ecclesia Anglicana habuisset potestatem regnū abrogandi regibus hæreticis, nihil tamen hoc ad Papam Romanum pertinuisset. Fateor quidem cū Bellarmino, regem infestum fidei Christianę dignum esse qui regnum amittat, nec esse idoneum Sacramento baptisimi qui non est paratus Christo seruire: At abdicationē illam debere fieri iudicio Ecclesiæ, aut Papæ, id vero pernegamus, neq; scriptura dicit, neq; prisca Ecclesia vnquam sibi hoc ius vendicauit, aut cum deessent vires se suo iure fraudari vnquam conquesta est. Cum verò Princeps inauguratur in hæc verba. *Tunc ego regnum aut vitam amittam si Ecclesiam fefellerō, aut deseruero*, His verbis vindictam Dei in caput suum imprecatur, non vero Ecclesiam aut Papam in suum caput armat. Quod si quis ad regnum admitteretur sub tali pacto expresso, vt regno caderet si fidem desereret, hanc potestatem in suum regnum aut caput vellet esse in manu optimatum aut ordinū regni, eorūque qui eum ad regnum vocarunt, non vero in manu Pontificis, qui Reges quos non creauit nō potest deponere, nec eripere quæ non dedit, nec super hac re vllam à Deo potestatem accepit. Et profecto nihil esset tam vietum & fluxum, quam regum potestas, si esset penes Papam, conficto (vt solet) obres minimas hæreseos crimine Reges diris percussos

cussos deiicere rerum culmine. Tum certe Regibus tutissimum esset nihil scire in religione, ne hereseos possent arcessi. Debent ergo plurimum Pontifici, qui ne quid in religione scirent cauit sedulo.

IX. Ex illo, *Pasce oues meas*, ducit tria argumenta. Quorum primum est

*Lupi sunt haeretici,*

*Pastor potest arcere Lupos:*

*Ergo Pastor potest arcere haereticos.*

Vnde infert si Princeps ex oue fiat lupus, id est ex Christiano haereticus, Pastorem posse eum abigere, ac proinde priuare dominio in subditos.

*Resp.* Huius Syllogismi quanquam maior non est vniuersaliter vera, potest tamen sine periculo totus Syllogismus admitti, Nec negamus Pastorem posse arcere sacris Principem haereticum in fidei fundamentis, aut insigniter sceleratum, & impœnitentem, Ac inde sequi eum posse priuare Regem dominio, hoc vero pernegamus, neque Bellarminus vnquam probauit. Nec si faceret, tamen hoc magis ad Episcopum Romanum, quam ad Antiochenum aliósque Petri & Apostolorum successores pertineret.

X. Alterum argumentum ex eodem loco ductum tale est.

*Potest pastor arietes furiosos destruentes ouile separare & recludere:*

*Princeps autem Catholicus fide, sed adeo malus vt obsit religioni, est aries furiosus.*

*Ergo poterit pastor Ecclesia eum recludere vel redigere in ordinem ouium.*

*Resp.* Stilus barbarus, ratio incondita, termini

quinque. Conclusio extra quæstionem. In maiori *Pastor*, sumitur propriè, in conclusione figuratè, eadèmq̃ue ambiguitas in voce *Arietis*. Niti-  
tur autem hic Syllogismus totus falsa suppo-  
sitione, quæ talis est. *Quacunque potest pastor ouium  
in grege, eadem potest pastor animarum in Ecclesia.*  
Hoc principium falsum est. 1. Nam pastor o-  
uium potest arietem vincere aut abigere, aut e-  
tiam necare: quia emit, & quia idem qui gregi  
addidit arietem ductorem, potest adimere. At  
Papa non emit Reges, nec habet eos sibi nexu  
aut mancipio addictos, nec eos addidit ducto-  
res populo, nec habet in eos vitæ & necis pote-  
statem. Iam antequam dominationis papalis no-  
men Galliæ innotuisset, habebat Gallia suos Re-  
ges, vt mirum sit vnde Reges facti sint arietes  
huius noui Pastoris, qui eos potest includere, a-  
bigere, necare. 2. Hoc quoque addendum, non  
mirum esse si Pastor corporeus infligat pœnas  
corporeas, at vt Pastor spiritualis (qualem se Pa-  
pa perhibet) puniat pœnis corporeis res est ab-  
horrens ab omni ratione. 3. Dico tertio pasto-  
rem propriè dictum nullatenus esse subditum a-  
rieti, nec de iure, nec de facto, at Episcopos Ro-  
manos de facto diu subditos fuisse Imperatori-  
bus & Regibus, etiam Christianis, Bellarminus  
non negat. Nec inuenietur pastor ouium qui se  
indignum seruum arietis profiteatur, qualem se  
Gregorius I. nominat, scribens ad Mauritium  
Imperatorem, vt docebitur plenius capite se-  
quenti 4. Quid quod in Papas potest retorqueri  
hoc argumentum, quos monstra & belluas Ba-  
ronius ipse & Platina, & alij Pontificij frequenter  
appel-



appellant: tunc ergo includendi aut abigendi ab iis quibus Deus omnem animam, ac proinde Episcopos voluit esse subditos. 5. Obseruabit quoque Lector hanc obiectionem perinde esse accommodatam ad probandum Papam posse Reges occidere, ac ad probandum posse eum Reges solio detrahere, Pastor enim in arietem vtrumque potest.

XI. Tertia eius ratio ex eodem loco ducta sic formatur.

*Omnis Princeps tenetur Deo seruire.*

*At Pastor potest cogere Principem ad id omne quod tenetur.*

*Ergo, Pastor potest cogere Principem Deo seruire.*

*Resp.* 1. Negamus assumptionem. Princeps enim, non secus ac subditi, ad multa tenetur ad quæ non potest cogi ab vilo homine, veluti ad amandum Deum toto corde, & Proximum tanquam se, & fidem locandam in Christo. 2. Immo nec si Bellarmino totum Syllogismum concederemus, haberet tamen quod intendit, nam ipse addit paulo post Principem debere cogi per commodas rationes, inter quas nego esse abdicationem Regis, aut instigationem subditorum in suum regem legitimum.

XII. Capite quinto in Barklaium Bellarminus hæc habet: *Cum dicimus ex Pontificum sententia regum terrenorum potestatem esse à Deo, non intelligimus esse à Deo immediate, quomodo est à Deo potestas summi Pontificis, sed esse à Deo, quia Deus voluit esse in genere humano politicum regimen, & ideo institutum quendam naturalem dedit hominibus, vt eligant Magistratus à quibus regantur.* Addit ibidem. Deus

*non dedit Immediatè regnum huic aut illi, sed dicitur potestas regum esse à Deo, quia Deus voluit inter homines esse potestatem politicam.*

*Resp.* Hæc à Cardinali dicuntur ad eleuandam & minuendam Regum dignitatem. Sed hæ nebulæ nullo negotio diffillantur. Cum enim dicimus Reges à Deo immediatè esse, non sic intelligimus, quasi Deus de Cælo immediatè detonerit & cœlesti oraculo hunc aut illum regem pronuntiauerit. Hoc sensu ne quidem Romanū Pontificem esse à Deo nec Bellarminus ipse affirmauerit: tota enim electio suffragiis hominum transigitur, qui suam vocem alicui, precio addixerunt. Si tamen Bellarminus contendit ad electionem huius aut illius, mentes Cardinalium diuino spiritu afflari, Deūque tantis discordiis & anxietate discipline, venalibusque suffragiis interesse, & efficere vt horsum aut illorsum inclinent, cur non nobis quoque fas erit dicere regum inaugurationem fieri Deo auspice & ductore? maximè cum regum Christianorum alios natura ipsa, ac proinde Deus dederit, alios \* *ἐκ τῶν κληρικών*

\* *Ex priuatis euehat ad regnum optimatum electio?* idq; multo maiori grauitate & integritate quam electio Pontificum?

Quisquis ergo vult scire quo sensu Reges dicantur esse immediatè à Deo sic habeat, id dicit quia Deus in verbo clarè & disertè iubet nos esse obsequentes regibus, vnde fit vt eorum auctoritas non humana opinione nitatur, sed auctoritate diuina, Tum quia perfidia & violatio iusiurandi & parricidium sic verantur in Dei verbo, vt ab hac lege nulla lex humana possit nos exime-

mere. Rex igitur quantumvis electus mediantibus hominibus, tamen ut semel in eius verba iuratum est, Deum habet immediate suæ potestatis assertorem. Vbi obiter fraus Bellarmini notanda, dum de regibus eligendis loquitur, non enim quæstio est de electione regis, quem satis constat non immediate à Deo eligi, sed de autoritate & potestate Regis quem iam habeas. Neque vero quia instinctus datus est hominibus ad eligendos sibi magistratus, idcirco sequitur magistratus esse à Deo mediatur: nam pari ratione paterna autoritas, aut vinculum coniugale non essent à Deo immediatur, quia ad colendos parentes & ad coniugale vinculum homines feruntur propensione naturali. Immo vero cum ad hunc instinctum non facti, sed nati, non instituti, sed imbuti sumus, certum est Magistratus autoritatem Deum unum habere authorem. Quod ut Deus palam faceret, primos suæ Ecclesiæ Reges Saullem & Dauidem oraculo suo & cœlesti electione voluit consecrari: quibus adde si vis Regem Iehu unctum à Propheta extraordinariatur unctio: unde & Reges dicebantur Uncti Domini, quippe Deo auctore & auspice inaugurati. Frustra ostenditur Saullem sorte ad regnum vocatum, Nam ut ait per apposite Rex in sua præfatione. *Si electio per sortes non est immediate à Deo, ergo nec* AA. 1. *Matthias, qui eodem modo ad Apostolatum promotus est à Deo immediate electus est, ex quo sequitur & Iulium qui sedem Apostolicam occupat, sine rubore non ausurum se immediate à Deo constitutum predicare: cum & Matthias ipse in locum Iudæ susceptus, & Apostolis annumeratus, non immediatur sit electus.*

Hæc & plura alia in eam sententiam Rex sapientissimus, quibus demonstrat eiusdem esse impietatis negare Saulem à Deo immediate esse lectum, & negare Matthiam à Deo immediate esse allectum Apostolis; Est enim insignis super hac re Salomonis sententia Prouerbiorum 16. *Sortes mittuntur in gremium, euentus autem est à Domino.*

Quod si ad eligendos Reges, Deus utitur hominum operâ, non idcirco minor est regum auctoritas: non secus ac si quid Rex per facialem aut accensum de nuntiat, non minus dicitur esse à Rege, quam si Rex ipse coram proloqueretur. Ac profecto nihil est hoc dogmate pestilentius, nec vlla capitalior doctrina quam hæc quæ ad id vnum est comparata, vt de animis populorum euellatur reuerentia erga Reges & religiosus metus. Tolle enim hanc opinionem, Regum sceptra esse à Deo immediate, simul & funditus sustuleris omne obsequium & fidem subditorum, & per hoc pacem in rebus humanis atque concordiam. Sed interest Pontificis despiciatam habere regiam potestatem, quandoquidem ex eius ruinis Pontificia dignitas extruitur.

XIII. Placet sibi Bellarminus in hoc simili quo Ecclesiasticam auctoritatem comparat spiritui, temporalem verò carni. Vnde colligit temporalem potestatem debere gubernari à spirituali, id est (vt ipse intelligit) à Papa. Egregia sane probatio. *Spiritus imperat carni, ergo Papa Regibus.* Carnis vero nomine non intelligit corpus, sed facultatem animalem & non regeneratam, per spiritum verò animum regeneratum Dei spiritu,

ritu, quem Paulus solet vocare nouum hominem.

*Resp.* Hoc quidem simile haberet aliquem colorem, si quemadmodum spiritus seu nouus homo semper pronus est ad bona, & nihil nisi iusta suggerit, ita potestas Ecclesiastica nunquam iuberet praua, & nullâ corruptione inquinaretur. At non desunt exempla in eadem Republica optimorum Regum & pessimorum Episcoporum, ita penes Reges spiritus, penes Episcopos esset caro. Quocirca multi Reges sæpe politiam spiritualementem sustentarunt, aut perturbatam ordinauerunt, aut vitiatam emendauerunt: vt Daud, Iosaphat, Ezechias, Iosias. Nam in homine fideli, caro nunquam regit spiritum, etsi sæpe obturbat. At in Republica potestas temporalis sæpe gubernauit spiritualem, nõ tantum in temporalibus vt semper, sed in spiritualibus vt sæpe.

2. Quid quod hoc simile perit iugulum Bellarmini, nam quemadmodum cum caro deliquit, spiritus carnem non occidit, nec aliam in eius locum sufficit, ita nec si Rex peccauerit potest Pastor alium Regem loco eius statuere, aut regnum transferre, aut de Regis capite vel dignitate decernere.

3. Denique pars ista Christiani quæ spiritus seu nouus homo nuncupatur, additur à Deo carni vt rector & dominus, ideoque in hac vita est sine carne, vtpote ad id vnum datus vt carnem regat. At potestas spiritualis sæpe non habet Magistratus temporales quos regat vt tempore Apostolorum, & sub veteri Ecclesia, & tamen erat vera potestas spiritualis. Denique dici non potest quantum claudicat hoc simile, Quæ

138 DE MONARCHIA TEMPORALI  
vitia frabessent, notum est tamen similibus nihil  
probari.

XIV. Capite 27. in Barklaium sic disputat.  
*Cum Papa iudicat Regem vel etiam deponit, nihil a-  
git contra ius diuinum, quoniam superior inferiorem  
iudicat, Pastor ouem, Pater filium, Præpositus subdi-  
tum.*

*Resp.* Multa hic petuntur, & præcario suppo-  
nuntur. Primo Papam esse Pastorem, Tum esse  
bonum pastorem. Tum reges ei esse subditos.  
Quæ sunt maxima *assumpta*, non secus ac si quis  
supponeret circulum habere angulos. Fac tamen  
hæcita sint. An si Reges sunt subditi Papæ vt  
principi spirituali, idcirco potest eos exuere do-  
minio temporali? Immo vero cum potestas eius  
sit mere spiritualis, non alias potest irrogare pæ-  
nas quam spirituales.

XV. Eodem capite extremo sic loquitur. *Se-  
curus affirmo potuisse Dominum nostrum Iesum Chri-  
stum tempore mortalitatis suæ, disponere de temporali-  
bus omnibus, & Reges ac Principes Regnis Dominiisque  
priuare, & hanc potestatem vicario suo sine dubio con-  
cessisse, vt ea vtatur quando necessarium iudicauerit ad  
salutem animarum.*

Syllogismus talis est,

Quamcunque potestatem habuit Christus  
tempore mortalitatis suæ eam reliquit Vi-  
cario suo Papæ.

At potestatem disponendi de omnibus tem-  
poralibus, habuit Christus cum esset in  
terris.

Ergo, &c.

*Resp.* Hoc argumentum si quas habet vires,  
non

non solum probat Papam posse priuare Reges regno, sed & vita, vtrumque enim Christus pariter poterat. Sed & inde pariter posset confici Papæ datam esse à Christo potestatem suscitandi mortuos, sanandi ægros, sedandi tempestates. Maiorem igitur huius Syllogismi contendimus falsam esse ac temerariam. Et contra pertendimus Papam si esset Vicarius generalis Christi in terris, non tamen habiturum omnem potestatem quam Christus habuit, sed eam tantum qua Christus usus est & quam diserte suis Vicariis ( si qui sunt) tradiderit. At Christus nunquam usus est hac potestate in Reges, vltroque abstinuit, nempe quia hoc quidem erat potestatis suæ, sed non muneris, quippe ad hoc non missus: vsque adeo vt in ciuili causa super erciscunda hæreditate vocatus arbiter, adesse noluerit: & subinde inculcasset, regnum suum non esse de hoc mundo. Sed nec hinc excedens cuiquam tradidit hanc potestatem, qui in regnis adimendis & dandis vices suas obiret. Non si quis Regis est legatus aut Vicarius, parem habet auctoritatem cum Rege, sed eam solum quam Rex voluerit eum habere & certis limitibus circumscripserit. Hic ergo habemus insigne discrimen inter Christum & Papam: Quod Christus dum esset in terris vires quidem & potestatem habuerit Reges abdicandi, & regno ac vita priuandi, sed non munus, nec voluntatem vtendi ista potestate. At Papa vires non habens, munus tamen sibi arrogat.

Adhibet Bellarminus hunc colorem: hoc fieri à Papa quando iudicat necessarium esse ad salutem animarum, quasi vero non fuerit par ne-

cellitas, immo maior quando Imperatores Ethnici Ecclesiam ferrent, agerent, discerperent: nec tamen tunc Papæ hac potestate utebantur. Ane rat necessarium ad salutem animarum, ut regnū Franciæ à Philippo Pulchro ad Imperatorem Germaniæ transferretur? Aut ut Rex Castiliæ Ferdinandus regnum Nauarræ inuaderet auctore Iulio II. in fraudem Iohannis Regis Nauarreni? Aut ut Henricus III. Pontifici addictissimus regno Galliæ excideret?

Interea notabit Lector quam non dissimulanter, & sine circuitione Bellarminus hic asserat, *Papam posse disponere de omnibus temporalibus*, id est de omnibus fundis, pecuniis, muneribus & dignitatibus ac regnis totius orbis. Quæ quidem ab aliis miseris homuncionibus tantisper possidentur, donec Papæ visum fuerit, his erepta ad alios transferre. Hoc certe est esse absolutè dominum & Regem totius mundi.

XVI. Capite 21. in Barklaium Bellarminus agnoscit obsequium filiorum erga parentes, & obseruationem iuramenti & voti esse iuris diuini. Asserit tamen Papam in his dispensare, & iuramenti ac voti implendi gratiam facere: eadēq; potestate Papam soluere subditos sacramento fidelitatis erga Principes. Id vero quomodo fieri possit, docet exemplo à legibus ciuilibus petito. Est (inquit) *iuris naturalis à Deo confirmati, & ab Apostolis declarati: (ad Ephes. 6.) ut filij obediant parentibus & serui Dominis: & tamen filij emancipari, & serui libertate donari possunt, & per hoc fieri potest ut nec illi parentibus, nec isti dominis obedire teneantur.* At Bellarminus hic frustra est: neque enim vnquam



quam emancipantur filij, vt eis liceat, in patrem rebellare, aut alium patrem sibi eligere pulso priori. Non ergo facit hoc exemplum ad prætendendam rebellionem subditorum in Principes. Tum si quis filius aut seruus emancipatur, id fit à proprio patre aut Domino. At Papa subditos emancipat inconsultis Principibus & inuitis. Sed rædet tam vana & futilia diutius persequi. Stercus fodit gladio qui cum tam putidis argumentatiunculis diutius confligit.

## CAPVT X.

*Exempla à Bellarmino ex Historiis prolata, partim esse falsa, partim inutilia.*

**P**ROBERT Bellarminus aliquot exempla ex Historiis, quibus Papa potestatem in Regibus abdicandis astruere conatur.

Primum exemplum est Ambrosij Mediolanensis Episcopi <sup>I.</sup> *Exemplum.* qui Theodosium Imperatorem excommunicauit propter cædem Thessalonicae factam, eumque coegit legem ferre, ne sententiæ latæ de cæde aut publicatione bonorum essent ratæ ante triginta dies à pronuntiatione sententiæ. Vnde colligit ab Episcopo posse iudicari Imperatorem, quod si ab Episcopo, quanto magis à Papa?

*Resp.* Hoc quidem exemplum non bona fide profertur à Cardinali, neque enim Ambrosius coegit Imperatorem hanc ferre legem, sed im-

rator suadēti Ambrosio ultro assensus est. Quod si Theodosius noluisse Ambrosio hac in re obsequi, non erant in manu Ambrosij pœnæ temporales, quibus Theodosium vel cogēret, vel viceretur. Post patratam Thessalonicae eadem Imperator Ecclesia abstinuit, neque ei Ambrosius ullam pœnam nisi spirituales irrogauit. Octauo demum mense cum Imperator venisset ad Ambrosium poscens solui excommunicationis vinculum, tantum absuit ut Ambrosius vel minaretur se soluturum subditos sacramento fidelitatis, vel ei abrogaturum Imperium, ut ultro se ad eadem offerret, sic loquens, ut refert Theodoretus, εἰ ὃ εἰς τυραννίδα τῶ βασιλέως μεδίστησι, δίζομαι καὶ αὐτὸ μεθ' ἑδονῆς τῶ σπαχλῶ. *Si regnum flectit in tyrannidem, en me paratum occidi.* Idem vir sanctus, cum Ariani, sic volente Valentiniano, vnam de Basilicis Mediolanensis Ecclesiæ vellent occupare, & iam vela suspenderēt: obstitit Ambrosius & plebs catholica, sed ea modestia quæ subditos decet, & supplicantium verbis. *Rogatus Auguste, non pugnamus. Non timemus, sed rogamus.* Denique se mactandum potius offerebat Ambrosius quā Basilicam hæreticis traderet. *Si patrimonium impetitur* (inquit) *inuadite: si corpus, occurrā. Vultis in vincula rapere? vultis in mortem? voluptati est mihi.* Tantum ergo aberat à multando Valentiniano bonis, aut parte Imperij, ut suis ipse bonis paratus esset cedere, immo & vita: hæc habes epistola 33. Idem Præful in Apologia David cap. 10. *Rex utique erat David, nullus ipse legibus tenebatur: quia liberi sunt Reges à vinculis delictorum: neque enim vllis ad pœnam vocantur legibus tuti Imperij potestate.* Ho-  
mi-

*mini ergo non peccauit, cui non tenebatur obnoxius: Sed quamuis tutus imperio, deuotione tamen ac fide erat Deo subditus.* Sciebat ergo Ambrosius Reges etsi legi diuinæ subiectos, pœnis tamen ciuilibus non teneri, eosque non habere Iudicem superiorem inter homines qui eos pœnis aut abdicatione coerceat. Nec putauit minorem esse potestatem Theodosij, aut ius deterius quam Dauidis.

Sed mihi videtur Bellarminus hoc exemplo plurimum suæ causæ officere, & peccare in Papæ commoda. Nam Ambrosius non erat Episcopus Romanus. Ausus est tamen stringere censuram Ecclesiasticam in Theodosium inconsulto Romano Episcopo. Qua in re si non peccauit Ambrosius, non dubium est quin idem possit quilibet Episcopus. Quod si sit, non video quid Papa plus habiturus sit quam cæteri Episcopi. Neque sane Papa hodie ferret Episcopum Parisiensem, aut Lugdunensem, qui se incio aut non iubente Regem excommunicaret, aut Imperio exueret.

Secundum exemplum est Gregorij I. in priuilegio quod concessit Monasterio Suessionum, *Exemplum:* S. Medardi, quod priuilegium assutum est fini epistolæ Gregorij: summa priuilegij est, ne possit ob crimen capitale Abbas S. Medardi deponi nisi in Concilio, vbi se sistant accusatores, quorum vnusquisque duodecim testes secum habeat. Si quis Rex contra hæc iuerit, iubetur sua dignitate priuari.

*Resp.* Hoc priuilegium, aio, non modo esse iniustum, sed & falsum & supposititium. Iniusti-

Hæc & plura alia in eam sententiam Rex sapientissimus, quibus demonstrat eiusdem esse impietatis negare Saulem à Deo immediate esse lectum, & negare Matthiam à Deo immediate esse allectum Apostolis; Est enim insignis super hac re Salomonis sententia Prouerbiorum 16. *Sortes mittuntur in gremium, euentus autem est à Domino.*

Quod si ad eligendos Reges, Deus utitur hominum operâ, non idcirco minor est regum auctoritas: non secus ac si quid Rex per facialem aut accensum de nuntiat, non minus dicitur esse à Rege, quam si Rex ipse coram proloqueretur. Ac profecto nihil est hoc dogmate pestilentius, nec vlla capitalior doctrina quam hæc quæ ad id vnum est comparata, vt de animis populorum euellatur reuerentia erga Reges & religiosus metus. Tolle enim hanc opinionem, Regum sceptra esse à Deo immediate, simul & funditus sustuleris omne obsequium & fidem subditorum, & per hoc pacem in rebus humanis atque concordiam. Sed interest Pontificis despiciatam habere regiam potestatem, quandoquidem ex eius ruinis Pontificia dignitas extruitur.

XIII. Placet sibi Bellarminus in hoc simili quo Ecclesiasticam auctoritatem comparat spiritui, temporalem verò carni. Vnde colligit temporalem potestatem debere gubernari à spirituali, id est (vt ipse intelligit) à Papa. Egregia sane probatio. *Spiritus imperat carni, ergo Papa Regibus.* Carnis vero nomine non intelligit corpus, sed facultatem animalem & non regeneratam, per spiritum verò animum regeneratum Dei spiritu,

ritu , quem Paulus solet vocare nouum hominem.

*Resp.* Hoc quidem simile haberet aliquem colorem, si quemadmodum spiritus seu nouus homo semper pronus est ad bona, & nihil nisi iusta suggerit, ita potestas Ecclesiastica nunquam iuberet praua, & nullâ corruptione inquinaretur. At non desunt exempla in eadem Republica optimorum Regum & pessimorum Episcoporum, ita penes Reges spiritus, penes Episcopos esset caro. Quocirca multi Reges sæpe politiam spirituales nutantem sustentarunt, aut perturbatam ordinauerunt, aut vitiatam emendauerunt: vt David, Iosaphat, Ezechias, Iosias. Nam in homine fideli, caro nunquam regit spiritum, etsi sæpe obturbat. At in Republica potestas temporalis sæpe gubernauit spirituales, nō tantum in temporalibus vt semper, sed in spiritualibus vt sæpe.

2. Quid quod hoc simile petit iugulum Bellarmini, nam quemadmodum cum caro deliquit, spiritus carnem non occidit, nec aliam in eius locum sufficit, ita nec si Rex peccauerit potest Pastor alium Regem loco eius statuere, aut regnum transferre, aut de Regis capite vel dignitate decernere.

3. Denique pars ista Christiani quæ spiritus seu nouus homo nuncupatur, additur à Deo carni vt rector & dominus, ideoque in hac vita est sine carne, vtpote ad id vnum datus vt carnem regat. At potestas spiritualis sæpe non habet Magistratus temporales quos regat vt tempore Apostolorum, & sub veteri Ecclesia, & tamen erat vera potestas spiritualis. Denique dici non potest quantum claudicat hoc simile, Quæ

158 DE MONARCHIA TEMPORALI  
vitia frabessent, notum est tamen similibus nihil  
probari.

XIV. Capite 27. in Barklaium sic disputat:  
*Cum Papa iudicat Regem vel etiam deponit, nihil a-*  
*git contra ius diuinum, quoniam superior inferiorem*  
*iudicat, Pastor ouem, Pater filium, Præpositus subdi-*  
*tum.*

*Resp.* Multa hic petuntur, & præcario suppo-  
nuntur. Primo Papam esse Pastorem, Tum esse  
bonum pastorem. Tum reges ei esse subditos.  
*Quæ sunt maxima animæ, non secus ac si quis*  
*supponeret circulum habere angulos. Fac tamen*  
*hæc ita sint. An si Reges sunt subditi Papæ*  
*principi spirituali, ideo potest eos exuere do-*  
*minio temporali? Immo vero cum potestas eius*  
*sit mere spiritualis, non alias potest irrogare pœ-*  
*nas quam spirituales.*

XV. Eodem capite extremo sic loquitur. *Se-*  
*curus affirmo potuisse Dominum nostrum Iesum Chri-*  
*stum tempore mortalitatis suæ, disponere de temporali-*  
*bus omnibus, & Reges ac Principes Regnis Dominiisque*  
*priuare, & hanc potestatem vicario suo sine dubio con-*  
*cessisse, ut ea utatur quando necessarium iudicauerit ad*  
*salutem animarum.*

Syllogismus talis est,

Quamcunque potestatem habuit Christus  
tempore mortalitatis suæ eam reliquit Vi-  
cario suo Papæ.

At potestatem disponendi de omnibus tem-  
poralibus, habuit Christus cum esset in  
terris.

Ergo, &c.

*Resp.* Hoc argumentum si quas habet vires,  
non

non solum probat Papam posse priuare Reges regno, sed & vita, vtrumque enim Christus pariter poterat. Sed & inde pariter posset confici Papæ datam esse à Christo potestatem suscitandi mortuos, sanandi ægros, sedandi tempestates. Maiorem igitur huius Syllogismi contendimus falsam esse ac temerariam. Et contra pertendimus Papam si esset Vicarius generalis Christi in terris, non tamen habiturum omnem potestatem quam Christus habuit, sed eam tantum qua Christus usus est & quam discrete suis Vicariis ( si qui sunt) tradiderit. At Christus nunquam usus est hac potestate in Reges, vltroque abstinuit, nempe quia hoc quidem erat potestatis suæ, sed non muneris, quippe ad hoc non missus: vsque adeo vt in ciuili causa super eriscunda hæreditate vocatus arbiter, adesse noluerit: & subinde inculcasset, regnum suum non esse de hoc mundo. Sed nec hinc excedens cuiquam tradidit hanc potestatem, qui in regnis adimendis & dandis vices suas obiret. Non si quis Regis est legatus aut Vicarius, parem habet auctoritatem cum Rege, sed eam solum quam Rex voluerit eum habere & certis limitibus circumscripserit. Hic ergo habemus insigne discrimen inter Christum & Papam: Quod Christus dum esset in terris vires quidem & potestatem habuerit Reges abdicandi, & regno ac vita priuandi, sed non munus, nec voluntatem vtendi ista potestate. At Papa vires non habens, munus tamen sibi arrogat.

Adhibet Bellarminus hunc colorem: hoc fieri à Papa quando iudicat necessarium esse ad salutem animarum, quasi vero non fuerit par ne-

cessitas, immo maior quando Imperatores Ethnici Ecclesiam ferrent, agerent, discerperent: nec tamen tunc Papæ hac potestate utebantur. An erat necessarium ad salutem animarum vt regnū Franciæ à Philippo Pulchro ad Imperatorem Germaniæ transferretur? Aut vt Rex Castiliæ Ferdinandus regnū Nauarræ inuaderet auctore Iulio II. in fraudem Iohannis Regis Nauarreni? Aut vt Henricus III. Pontifici addictissimus regno Galliæ excideret?

Interea notabit Lector quam non dissimulanter, & sine circuitione Bellarminus hic asserat, *Papam posse disponere de omnibus temporalibus*, id est de omnibus fundis, pecuniis, muneribus & dignitatibus ac regnis totius orbis. Quæ quidem ab aliis miseris homuncionibus tantisper possidentur, donec Papæ visum fuerit, his erepta ad alios transferre. Hoc certe est esse absolutè dominum & Regem totius mundi.

XVI. Capite 21. in Barklauium Bellarminus agnoscit obsequium filiorum erga parentes, & obseruationem iuramenti & voti esse iuris diuini. Asserit tamen Papam in his dispensare; & iuramenti ac voti implendi gratiam facere: eadēmq; potestate Papam soluere subditos sacramento fidelitatis erga Principes. Id vero quomodo fieri possit, docet exemplo à legibus ciuilibus petito. *Est (inquit) iuris naturalis à Deo confirmati, & ab Apostolis declarati: (ad Ephes. 6.) vt filij obediant parentibus & serui Dominis: & tamen filij emancipari, & serui libertate donari possunt, & per hoc fieri potest vt nec illi parentibus, nec isti dominis obedire teneantur.* At Bellarminus hic frustra est: neque enim vnquam



quam emancipantur filij, vt eis liceat, in patrem rebellare, aut alium patrem sibi eligere pulso priori. Non ergo facit hoc exemplum ad prætexendam rebellionem subditorum in Principes. Tum si quis filius aut seruus emancipatur, id fit à proprio patre aut Domino. At Papa subditos emancipat inconsultis Principibus & inuitis. Sed rædet tam vana & futilia diutius persequi. Stercus fodit gladio qui cum tam putidis argumentariunculis diutius configit.

## CAPVT X.

*Exempla à Bellarmino ex Historiis prolata, partim esse falsa, partim inutilia.*



ROBERT Bellarminus aliquot exempla ex Historiis, quibus Papa potestatem in Regibus abdicandis astruere conatur.

Primum exemplum est Ambrosij Mediolanensis Episcopi <sup>I.</sup> *Exemplum.* qui Theodosium Imperatorem excommunicauit propter cædem Thessalonicae factam, eumque coegit legem ferre, ne sententiæ latæ de cæde aut publicatione bonorum essent ratæ ante triginta dies à pronuntiatione sententiæ. Vnde colligit ab Episcopo posse iudicari Imperatorem, quod si ab Episcopo, quanto magis à Papa?

*Resp.* Hoc quidem exemplum non bona fide profertur à Cardinali, neque enim Ambrosius coegit Imperatorem hanc ferre legem, sed Im-

rator suadēti Ambrosio ultro assensus est. Quod si Theodosius noluiſſet Ambrosio hac in re obsequi, non erant in manu Ambrosij pœnæ temporales, quibus Theodosium vel cogeret, vel vicisceretur. Post patratam Theſſalonicæ cædem Imperator Ecclesia abstinuit, neque ei Ambrosius ullam pœnam nisi spiritualem irrogauit. Octauo demum mense cum Imperator venisset ad Ambrosium poscens solui excommunicationis vinculum, tantum absuit vt Ambrosius vel minaretur se soluturum subditos sacramento fidelitatis, vel ei abrogaturum Imperium, vt ultro se ad cædem offerret, sic loquens, vt refert Theodoretus, εἰς τὴν τυραννίδα πάλιν βασιλεύει μεδίτης, δέξομαι καὶ ἄλῳ μὲθ' ἡδονῆς πάλιν σπαραλῶ. *Si regnum flecīt in tyrannidem, en me paratum occidi.* Idem vir sanctus, cum Ariani, sic volente Valentiniano, vnam de Basilicis Mediolanensis Ecclesiæ vellent occupare, & iam vela suspenderēt: obstitit Ambrosius & plebs catholica, sed ea modestia quæ subditos decet, & supplicantium verbis. *Rogamus Augūste, non pugnamus. Non timemus, sed rogamus.* Denique se mactandum potius offerebat Ambrosius quā Basilicam hæreticis traderet. Si patrimonium impetitur (inquit) inuadite: si corpus, occurrā. *Vultis in vincula rapere? vultis in mortem? voluptati est mihi.* Tantum ergo aberat à multando Valentiniano bonis, aut parte Imperij, vt suis ipse bonis paratus esset cedere, immo & vita: hæc habes epistola 33. Idem Præful in Apologia David cap. 10. *Rex vtrique erat David, nullus ipse legibus tenebatur: quia liberi sunt Reges à vinculis delictorum: neque enim vllis ad pœnam vocantur legibus tuti Imperij potestate.* Homi-

mi-

*mini ergo non peccauit, cui non tenebatur obnoxius: Sed quamuis tutus imperio, deuotione tamen ac fide erat Deo subditus.* Sciebat ergo Ambrosius Reges etsi legi diuinæ subiectos, pœnis tamen ciuilibus non teneri, eosque non habere Iudicem superiore in inter homines qui eos pœnis aut abdicatione coerceat. Nec putauit minorem esse potestatem Theodosij, aut ius deterius quam Dauidis.

Sed mihi videtur Bellarminus hoc exemplo plurimum suæ causæ officere, & peccare in Papæ commoda. Nam Ambrosius non erat Episcopus Romanus. Ausus est tamen stringere censuram Ecclesiasticam in Theodosium inconsulto Romano Episcopo. Qua in re si non peccauit Ambrosius, non dubium est quin idem possit quilibet Episcopus. Quod si fit, non video quid Papa plus habiturus sit quam ceteri Episcopi. Neque sane Papa hodie ferret Episcopum Parisiensem, aut Lugdunensem, qui se incio aut non iubente Regem excommunicaret, aut Imperio exueret.

Secundum exemplum est Gregorij I. in priuilegio quod concessit Monasterio Sueffionum, *Exemplum* S. Medardi, quod priuilegium assutum est finiepistolæ Gregorij: summa priuilegij est, ne possit ob crimen capitale Abbas S. Medardi deponi nisi in Concilio, ubi se sistant accusatores, quorum vnusquisque duodecim testes secum habeat. Si quis Rex contra hæc iuerit, iubetur sua dignitate priuari.

*Resp.* Hoc priuilegium, aio, non modo esse iniustum, sed & falsum & supposititium. Iniusti-

ria patet, quia aduerfatur Apostoli præcepto. 1. Tim. 5. 19. vetantis admittere accusationem aduerfus presbyterum, nisi sub duobus aut tribus testibus. Si ergo fuerint duo aut tres testes, potest admitti accusatio, & facti cognitio institui. Quod si quis non potest accusari nisi sub duodecim testibus præter accusatores, vix vnquam poterit in eum vlla moueri quæstio, aut in eius mores inquiri: cum paucissima crimina fiant sub oculis tot restium, & sæpe qui viderunt, nolint testes adesse in iudicio. Neque video cur hi Abbates fruantur hoc priuilegio, alij verò non fruantur. Sed de huius priuilegij seu potius prauilegij iniustitia pluribus actum est c. 7.

Idem priuilegium falsum esse & ementitum multa euincunt. Ibi enim possessiones & villæ vocantur *mausi*. Ibi dem fundi domini regij appellantur *fisci regij*. Et Sanctus Medardus vocatur *Dominus Medardus*. Denique tota oratio redolet stylum Capitularium Caroli aut Ludouici, magisque accedit ad Francicam barbariem posterioris æui quam ad Italicam venam. Quid quod isti priuilegio subscribunt Alexandrinus & Carthagenensis Episcopi, quibus non credibile est Abbatiam Sueffionum ne de nomine quidem notam fuisse? An Patriarcha Alexandrinus emensus est tot maria, vt Romam veniret & priuilegium S. Medardi subsignaret? At saltem delatus ei fuisset hic honos, vt inter primos subscriberet, non verò in turba, & post vulgus Italarum Episcoporum. Vltimus omnium subscribit Rex Theodoricus, tunc apprime puer, nondum habens tunc temporis Sueffiones sub sua ditione.

ne. Sed nec annus quadrat, nec annotatio temporis: quæ talis est, *Datum VII. Cal. Iunij, Anno ab incarnatione Domini 593. Indictione XI. falsa omnia,* nam annus Christi 593. erat indictio decima; neque tunc temporis mos adhuc inoleuerat numerandi per æram Christi, Neque Epistolæ Gregorij per æram Christi vnquam notantur, sed per indictiones.

Maxime vero arguunt falsitatem istius priuilegij, verba illa fastuosa quibus Gregorius sibi in Reges & regna potestatem arrogat, quasi in manu eius esset reges spoliare imperio. Nihil enim tam alienum fuit à mente Gregorij & forma qua solet Imperatores in suis epistolis alloqui, Nam in Epistola 6. lib. 3. sic affatur Mauritium. *Ego autem indignus pietatis tuæ seruus.* Et paulo post, *Ego vero hæc Dominis meis loquens, quid sum nisi puluis & vermis?* Ipse serenissimus Rex in Apologia pro iuramento fidelitatis citat Gregorium sic loquentem Mauritio, super lege quadam, ne reciperetur miles in Monasterium nondum expleta militia. Vbi postquam se indignum famulum pietatis Imperatoriæ appellauit, tandem hæc subdit. *Ego quidem iussioni subiectus, eandem legem per diuersas terrarum partes transmitti feci. Et quia lex ipsa omnipotenti Domino minime concordet, ecce per suggestionis meæ paginam serenissimis Dominis nunciaui. Vtrobique ergo quæ debui exolui, qui & Imperatori obedientiam præbui, & pro Deo, quod sensi minime tacui.* Hæc habentur Epistola 61. libri secundi.

Succedit Gregorius II. qui (si fides Bellarmi-  
no, Leoni Imperatori Iconomacho à se excom-  
III. Exem- plum.

municato prohibuit vectigalia solui ab Italis, ac proinde cum Imperij parte multauit.

*Resp.* Hoc exemplum si verum est, nihil tamen ad rem facit. Cum enim hæc prohibitio vectigalium contigerit anno circiter 726. à Christo: parum est auctoritatis in exemplo. Iam enim fluxerant septem sæcula à Christo nato, iã multa ab Imperatoribus erant facta improbè & in Ecclesiam iniustè: neque tamen tale quid vnquam fuerat tentatum ab Episcopis Romanis, nec tot retro seculis ausi fuerant violare iura Imperatorum, aut auertere vectigalia. Sed cum vires Imperatorum in Occidente essent fractæ, in Oriente à Sarracenis attritæ, Italiam vero totam Longobardi excepto Exarchatu Rauennæ & Ducatu Romano occuparent, & Imperatores Sarracenicis bello impliciti Italiam quasi pro derelicto haberent, Papis aucta est libertas sub debilibus dominis; iidemque rerum secundarum allabente æstu subiecti, cum quærerent occasionem rebellandi, ecce opportunè sese obtulit controuersia super imaginibus, quo colore vsus Gregorius, populos ad defectionem ab Imperatore sollicitauit, Quæ artes illi tam prosperè cesserunt vt Romam & Italiæ partem ad se traxerit, & ex Episcopo factus sit Princeps temporalis, teste Sigonio his verbis. *Ita Roma Romanusq; Ducatus à Græcis ad Romanum Pontificem, propter nefandam eorum heresim impietatemque peruenit.* Nouum sane genus censuræ Pastoralis, irruptio in bona aliena, & ereptio alieni dominij. Non secus ac si presbyter in pœnitentiam peccati, eriperet pallium, aut secaret crumenam peccatori, Eleuant ergo

ergo auctoritatem huius exempli, fructus & opes quæ ad Papam hoc facto perueniunt. At si Imperatorum in Italia fuissent vires integræ, Papa non modo non fuisset incentor rebellionis, sed & imagines euertisset, iubente Augusto, secutus exemplum Gregorij I. qui legem quam ipse censebat iniustam, promulgauit tamen, ut Imperatori morem gereret, & se indignum Imperatoris seruum, ac puluerem & vermiculum (ut ante Gregorius) appellasset.

Hic tamen apprime notandum, Papam non prohibuisse vectigalia solui ut Iudicem, aut ut habentem potestatem in Imperatorem, sed ut suaforem facti & instigatorem. Nullam enim super hac re pronuntiata est sententia, aut instituta cognitio. Vis non facit ius: nec si quis faciem præfert rebellionis, dicendus est id facere ut iudex, aut ut dominus, legitimam habens potestatem aliena rapiendi. Quod si Gregorius II. vi istius potestatis quam Papa sibi in Reges arrogat, sententiam condemnationis tulisset in Leonem, non modo eum Italiæ vectigalibus, sed & toto imperio spoliasset. Non enim Leo magiserat Tyrannus in Italia quam in Græcia, aut Asia, ubi in Iconolatræ asperius sæuebat. Et profecto, quam nostro tempore Papæ vires sunt longe maiores quam tempore Gregorij II. si tamen Regi nostro vellet adimere solam Picardiam aut Occitaniam, reliquum vero regnum ei per Papalem indulgentiam concederet, se regibus & populis ridendum sine dubio propinaret. Nec tamen ideo Gregorius post hanc rebellionem desuit se Imperatoris subditum agnoscere & profi-

teri. Nam Gregorius III. successor huius Gregorij Leonem suum Dominum agnoscit, & suis Epistolis annum Imperij Dominorum suorum adnotat. Extant eius duæ Epistolæ ad Bonifacium insertæ secundo tomo Conciliorum, quarum hæc est clausula, *Data 10. Cal. Decembris. Imperante Domino piissimo Augusto Leone à Deo coronato, magno Imperatore, anno decimo Imperij eius, &c.* His similia habet sequens Epistola.

IV.  
Exem-  
plum.

Subiicit Bellarminus exemplum Zachariæ Pontificis, qui rogatus à primoribus Franciæ Childericum deposuit, & in eius locum Pipinum Caroli Magni patrem creari iussit.

*Resp.* Respondeo non magni esse momenti sitne hoc exemplum verum an falsum. Plus enim potest Dei verbum, Christi que ac Apostolorum exempla, totiusque veteris Ecclesiæ per septingentos annos consensus, quam quæ à Pontificibus recepta sunt nouissimis sæculis. Dico tamen hoc exemplum non fideliter à Bellarmino proferri. Nam antequam Pipinus, Papa suadente, regis nomen sumeret, iam re ipsa Rex erat, penesque eum erat totius regni potestas. Est enim constans historicorum testimonium, Merouingios quorum Childericus ultimus fuit tunc temporis nomine tenus Reges fuisse. Aimoinus li. 4. ca. 61. ait, *Nomen tantum Regis, sed nullam potestatem Regiam habuisse.* Abbas Vtspergenensis in Chronico ad Annum 753. *Hildericus vero qui falso Regis nomineungebatur, tonsa capite in Monasterium missus.* Eadem habent Sigebertus Abbas Stadenensis, Eginardus, & alij. Facile ergo fuit Pipino regis nomen



men laruæ umbratili eripere, & nomen sumere cum rem possideret. Titulum autem Regis assumpsit, non quidem eligente Papa, sed eligentibus Francis, Childerici vecordiam petentis, Papa vero suadente, non autem iubente. Testis Ado Viennensis isti seculo proximus. *Franci* (inquit) *per consilium legatorum & Zacharia Pontificis, electum Pipinum sibi regem constituunt.* Trithemius in compendio Annalium. *Hildericus Rex Francorum tanquam inutilis regno, de vnanimi omnium procerum consensu, Zacharia quoque Papa Romano præstante consilium, à regno deijcitur.* Eadem habet Gotfridus Viterbienlis Chron. part. 17. Guaguinus in Pipino. *Per Ricardum Archiepiscopum Bituricensem & Furdum presbyterum domesticum & familiarem requisivit consilium Papa Zacharia. Vter regum aptior esset ad gubernandam Rempublicam, &c.* Hoc vero consilium petebatur à Pipino magis dicis causa quam quod ita opus esse crederet, sed ad pellendum Childericum vel leuiculus color querebatur. Cum enim in Gallia summa inoleuisset barbaries, & Episcopi plerique essent milites & duces copiarum, iudicisque rerum civilium, nec vlla esset in Galliis Academia, nulla Theologiæ facultas, aut cætus Doctorum, facile Pontifex Romanus præ cæteris eminebat, maximè cum post recens occupatum Ducatum Romæ, non parum creuissent eius opes, & per opes auctoritas. At si Papa iussisset Pipinum, aut aliquem alium Regem amatum à suis regno cedere, exceptus fuisset Francorum risu, nec expertus fuisset eos obsequentiores quàm cum multis post sæculis Bonifacius Philippum

V.  
Exem-  
plum.

Profert quoque Bellarminus capite 4. libri in  
Barklaium exemplum Adriani primi, quem as-  
serit Carolo magno dignitatem Patriciatus con-  
tulisse.

Quicumque nouit quæ fuerit tunc dignitas  
Patricij, nunquam credet hanc dignitatem à Pa-  
pa dari potuisse. Patriciorum sub Imperatoribus  
Græcis summa fuit dignitas. Hi Augusto erant à  
consiliis, dicebanturque Patres Imperatoris &  
per hanc dignitatem patria potestate eximebā-  
tur, vt ait Iustinianus lib. 1. Institutionum Titu-  
lo 12. *Ex constitutione nostra summa Patriciatus di-  
gnitas illico Imperialibus codicillis præstitis filium à pa-  
tria potestate liberat.* Idem habes in Authenticis  
Collat. 6. Tit. 10. Cui honori non absimilis est in  
Gallia dignitas Parium, in Hispania Magnatum  
seu Grandium. Hic honor non poterat deferri à  
quoquam nisi ab ipso Imperatore. Qui enim Pa-  
triciis alligebatur, eum Imperatoria celsitudo si-  
bi in Patrem eligebat, vt habetur eodem Titu-  
lo. An potuit Papa dare inuito Imperatori ho-  
minem qui ei esset à Consiliis, aut eius pater di-  
ceretur? Nam si hoc potuit, cur non etiā nunc  
eligit Pares Galliæ aut Equites Periscelidis Bri-  
tanniæ? Maximè cum Reges Galliæ hodie Pa-  
pis cedant, at Imperatores Romani tunc habe-  
rent Papas sibi subditos? Aut ergo historia illa  
falsa est, aut ( quod potius crediderim ) Patricij  
nomen, iam adulta inter Italos barbarie signifi-  
cationem perdiderat: Et per Patricium Roma-  
num patronus aut defensor Urbis & rei Roma-

niæ

næ intelligebatur. Sub quo titulo Ricimer ante annos trecentos, Imperium occidentale administrauerat. Cum enim Roma parum sibi præsidij esse aduersus Longobardos in Imperatore esse experiretur, Caroli Francorum Regis patrocini-um sibi asciuit. Nec tantum eum voluit sibi protectorem: sed & ius eligendi Pontificem, & Ecclesiam ordinandi ei concessit; vt testatur Sigonius lib. 3. de Regno Italiæ. *Italia* (inquit) *vn- uerso procerum consentiente conuentu, decretum vt Cærolus Patricius Romanus esset, per singulas prouin- cias Archiepiscopos & Episcopos institueret, ita vt nisi ab eo laudarentur & instituerentur à nemine sacra- rentur.* Et vt Pontificem eligeret, sedemque Apostoli- cam ordinaret. Eadem habes Can. Adrianus dist. 63. *Adrianus autem Papa cum vniuersa Synodo tra- diderunt Carolo ius & potestatem eligendi Pontifi- cem, & ordinandi Apostolicam sedem, dignitatē quo- que Patriciatus ei contulit.* Et Otto Frisingensis lib. 1. cap. 28. *Carolus acclamante populo vniuerso Pa- tricius Romanorum appellatur.* Vbi vides dignita- tem istam non à Papa solo, sed à Synodo & Po- pulo esse collatam. Et Patricij dignitatem non fuisse Patriciatum Imperij Romani, sed electum fuisse Patricium Romanorum, id est, vrbis Ro- manæ, vt dignitas ista tantum ad tutelam vrbis extenderetur.

Succedit Leo III. quem Bellarminus ait Im- perium à Græcis ad Latinos transtulisse. Ex eo VI.  
Exem-  
plum. ait Imperatorem Germanorum teneri præstare iuramentum fidelitatis Papæ.

Ioculare sane commentum, & mira fingendi audacia. Nam quid est Imperium transferre ab

vno in alterum, nisi ereptum vni, dare alteri? An ergo Leo papa exuit Irenem aut Nicephorum, Carolo *suus*, imperio, aut imperij titulo? Fabulæ. Dicit fortasse Bellarminus, non quidem ereptum esse Imperatori Græco, Imperium Orientis, sed Occidentis: Sed neque hoc verum est, nam Imperatores Græci pridem amiserant Imperium Occidentale. Non potuit ergo ipsis eripi quod non habebant. Quod si Papa fecit Carolum Imperatorem peto an dederit ei Imperium ipsum, an titulum Imperatoris? Imperium certe non dedit, nam ex eo Carolus nihilo factus est ditior, nec teruncio vno locupletior, nec per id vlla vrbs aut prouincia in potestatem eius concessit. Restat ergo vt Leo merum titulum Imperatoris Carolo detulerit. Nempe post tam multas pugnas depugnatas, post tot labores exantlatos, post subactam Germaniam, Pannoniam, Italiam, & Hispaniæ partem, facile fuit eum vocare Imperatorem qui iam in manu sua haberet vires Imperij. Sic si noster Rex hodie subigeret Hispanias, & à Toletano Præsule Rex Hispaniæ proclamaretur, non idcirco titulum illi deberet Toletano Archiepiscopo, sed suæ virtuti. Quanquam & falsum est titulum illum à Papa delatum esse Carolo. Sed cum Romanum imperium in Occidente pro derelicto haberetur, Romani procures & populus titulum Imperatoris Carolo obtulerunt, quem vel eis inuitis capere potuisset. Sigebertus, ad annum 801. *Romani vno omnium consensu, Carolo regi Imperatorias laudes acclamant, eumque per manus Leonis Papæ coronant Cæsarem & Augustum appellant.* Marianus

Sco-

Scotus lib. 3. Chron. *Carolus hoc tempore à Romanis Augustus appellatus est.* Et Platina à Leone II. Carolum ait inauguratum populi Romani scito & precibus. Sigonius libro quarto. *Carolo Imperatorius titulus à populo confirmatus est,* Onuphrius. *Senatus Populique suffragio Carolus Magnus Imperator & Augustus appellatur.* Quod si Carolus Papæ debuisset Imperium, non dubium est quin illico pedibus eius aduolutus obedientiam & fidelitatem ei iurasset, quod tantum abest vt factum sit, vt Carolus ipse fuerit à Leone adoratus. Ado author illi æuo proximus, *Perfectus laudibus à Pontifice more principum antiquorum adoratus est.* Paulus Petavius vir clarissimus, in suprema curia Parisiensi Senator præfixit Chronico Eusebij, Hieronymi & Sigeberti, tractatum eruditum de Epocha incarnationis, in quo citat historicum sic loquentem. *Cum facta oratione Carolus surgeret, Leo Papa coronam capiti imposuit, & à cuncto populo acclamatum est, Carolo Augusto, à Deo coronato, Magno & Pacifico, Imperatori Romanorum vita & victoria. & post, ab Apostolico more Romanorum principum adoratus est.* Fuitque tam tenuis potestas Papæ in vrbe Roma præsentem Carolo, vt non habuerit potestatem vitæ & necis in quēquam, ne quidem in eos qui Papam ipsum verberibus concisum, & lingua naribusque truncatum, indignis modis acceperant. Addit enim Ado. *Hic postquam Romam ingressus Imperatoris & Augusti nomen sumpsit, iussit eos qui Pontificem Leonem tam inhonestè deponendo contumeliauerant sibi exhiberi & quaestione de eis habita lege Romana, vt rei maiestatis capite damnati sunt. Pro quorum tamen vita Ponti-*

*fex benignissime interceſſit: Cuius precibus Imperator eis vitam & membra perdonauit, in exilium tamē pro facinoris multitudine pulſi ſunt. Quid quod Ludouicus Caroli Magni pronepos Imperium adeptus eſt Romanorum fauore, inuito Iohanne Papa, qui Imperium ad Ludouicum Balbum Franciæ Regem transferre conabatur, vt teſtatur Sigebertus ad annum 878. Addit Platina, in hac concertatione, Papam à Romanis captum & in vincula coniectum fuiſſe. Quocirca Sigebertus, agens de Imperatoribus qui Romæ imperium ſuſceperunt, non dicit eos à Papa coronam aut imperium ſed benedictionem accepiffe: vide annos 882. & 912. & 937. & 963.*

Cætera exempla quæ Bellarminus attexit, Gregorij V. & Gregorij VII. &c. petita ſunt ex vltimorum ſæculorum ſece, iam adulta tyrannide, mille & eo amplius annis poſt Chriſtum: id eoque indigna ſunt quæ memorentur. Nam ſi exempla hæc falſa ſunt non debuerant à Bellarmino proferri. Si vera, quid aliud quam accuſant vetetes Papas vecordiæ, qui gladium iſtum temporalem vnco appenſum paſſi ſunt per tot ſæcula rubigine confici? Donec Gregorius aliquis arreptum ſtrinxit, & rem per tot ſæcula inauditam primus aggreſſus eſt? Non enim veteribus Pontificibus deſuerunt occaſiones, ſed ius, & voluntas. At Papæ recentiores quotidianis incrementis alleuati, & uſi Principum ignorantia ad res ſuas conſtabiliendas, auſi ſunt tandem, quæ nec credi vnquam nec expectari potuiſſent.

CAP.

## CAP. XL

*Veritas defenditur autoritate sacra Scriptura.*



Ac in controuersia si Scripturæ, id est Dei, iudicio statur, tam clara est veritas, vt Solis radio scripta videatur.

I. Plena est Scriptura exemplis obsequij exhibiti non modo piis regibus, sed & impiis & persecutoribus. Israelitę in Ægypto parebant Pharaoni, & quanquam Deo miraculis extraordinariis, quasi extento brachio eis opem ferente, noluerunt tamen egredi Ægypto nisi Pharaone annuente & permittente.

II. Siccum Achaz & Manasse Reges Iuda <sup>2. Reg. c. 16. & 21.</sup> Dei cultum euertissent, & templum ipsum idolis polluisent, non idcirco Pontificum decreto hi Reges pulsi sunt, nec populus ad rebellionem instigatus.

III. Nebucadnezar Iudæam vastauerat, Ierosolymam ceperat, templum & urbem solo æquauerat, omnia cæde compleuerat, reliquias populi captiuas abduxerat, captiuos ad Idolum adorandum vi cogebat, vt habetur Danielis cap. 3. Nihilominus tamen Ieremias iubet populum ei esse subditum, cap. 27. *Submittite colla vestra iugo regis Babylonij, & seruite ei populoque eius.* Et cap. 29. *Querite pacem eius ciuitatis ad quam ego vos transtuli, & orate Dominum pro ea, quoniam cum*

*pace eius coniuncta erit pax vestra.*

I V. Cum esset promulgatum edictum quo Iudæi omnes per totum Imperium iussu Regis Assueri trucidari oportebat, promptum erat Mardocheo suadere Reginæ Ester vt Regem tolleret veneno vel gladio: at illis nihil tale in mentem venit, sed potius conuersi sunt ad preces atque ieiunium.

V. Quid tetrius Domitio Nerone, qui Ecclesiam in ipsis pene cunabulis voluit suffocare? Nihilominus Paulus Apostolus ad Rom. capite 13. com. 5. iubet Christianos *ei esse subditos non tantum ob iram, id est, metu pœnæ, sed & ob conscientiam.* Nempe quia vel malis Principibus obsequentem esse in rebus ciuilibus, pars est pietatis erga Deū, & conscientiæ. Idem Actorum 25. vers. 11. ad Cæsarem vt ad suum legitimum iudicem prouocat. Nec toties fuissent ab eo implorata ciuitatis Romanæ iura nisi se subditū Imperatoris agnouisset; vt Rex obseruat in sua præfatione. Nec dubium est quin cause quæ agebatur fuerit cognitionis Cæsaris, cum Paulus tractus esset in ius ob crimen confictum motæ seditionis, cap. 24. vers. 5. non vero tantum ob controuersiam de religione, vt fingit Bellarminus:

VI. Petrus 1. Epist. cap. 2. *Subiecti estote cuius humana creatura propter Dominum, siue Regi tanquam præcellenti, siue præsidibus vt qui per eum mittuntur ad vltionem quidem nocentium, &c.* Mirum sanè quod Petrus iusserit Christianos obsequentes esse impio Imperatori: Cur non potius tam fœdā belluam fulmine percussam deiecit Imperio? cur non Imperium transtulit ad meliorem

virum?



virum? At deerant vires, inquit Bellarminus; Nempe (si huic creditur) Petrus hortatus est Christianos ad obsequium exhibendum Principi infideli, non quod ita sentiret, sed metu, adactus; aliter loquuturus si vires adfuissent, ne quis hæc Petri documenta imputet humilitati aut fidelitati, sed necessitati. Hoc certe nescio quid possit dici improbius, aut magis ad sancti huius Apostoli contumeliâ: quam malo Regis ipsius verbis quam meis refelleré. *Omnino* (inquit) *humilitatis ac patientiæ splendorem illum qui in primâ illa & adhuc Oriente Ecclesiâ, ac præsertim sub persecutionum sauitia nituit*, Bellarminus fœda turpique labe maculat, si hæc ingens Marcyrij & Christiana patientiæ gloria, non demissioni animi spontanea, sed necessitati ascribatur: quod aut viribus aut animis defecti (instita Iudaorum aut Turcicorum mancipiorum) fortioribus aduersarijs cederent, contra SS. Pauli Petrique præcepta, qui propter conscientiam subditos esse iubent: contra illam etiam Tertulliani pro Christianis Apologiam, & antiquorum patrum apertam professionem & ubique repetitam. Sed bene cum illorum temporum Christianis, qui sub Imperatoribus Ethnicis degebant, actum est, quod hac noua insolensque doctrina nondum emerferat; Alioqui funditus extirpati sublatique, ne suis quidem malis aliquos ingemiscientes inuenissent. Cum periculosa in Republ. factio atque secta iure videri posset, quæ veller parere duntaxat, donec auctis viribus Imperium excutere aut inuadere potuisset. Grauißima fane oratio, & cui Bellarminus nihil habuit quod opponeret.

VII. Daniel sic affatur Regem Nebucad-  
M

nezar cap.2.com.37. *Tu Rex Regum es, & Deus cæli regnum, potentiam, robur, & decus tibi dedit.* In eandemque sententiam Ieremias capite 27. *Nunc autem tradidi omnes regiones istas potestati Nebucadnezar Regis Babilonis serui mei.* Concinit Paulus ad Rom. cap.13. *Non est potestas nisi à Deo: quæ vero sunt potestates, ordinata sunt à Deo.* Itaque quisquis resistit potestati, Dei ordinationi resistit. Quo loco certum est Apostolum agere de potestatibus temporalibus, addit enim, *Non frustra gladium gestat.* Et paulo post, *Propter hoc etiam vectigalia soluitis.* Constat autem nullum Apostolum tunc temporis gessisse gladium, aut exegisse vectigalia. Hæc ergo potestas si à Deo est, non potest à Papa auferri. Quod Deus dedit non est hominis eripere. Neque refert sitne hæc potestas à Deo immediatè an mediatè. Nam Deo quocumque modo iubenti obsequendum est. Si Rex aliquid per internuncium mihi imperat, non minus debeo obsequi quam si ipse coràm mihi loqueretur. Veruntamen potestatem Regiam à Deo esse immediatè abunde docuimus, cap.9.

VIII. Quid quod ipse Christus, Matth. 22. prolato denario cui imago Cæsaris erat impressa, iubet reddere Cæsari quæ sunt Cæsaris, eique solui vectigal? quin & ipse soluit τὰ δίδραχμα, Matt. 17. quamvis Imperator esset Ethnicus, & ipse esset filius Dei, eoque maior Imperatore. Tantùmque abfuit à suadenda rebellione, aut concitanda seditione, aut ferenda sententia de regnis adimendis & transferendis, ut delatum arbitrium diuidundæ hereditatulæ recusauerit. Respondet Bellarm. in Barklaium c.3. *Imperato-*

*res tunc temporis non coegisse Iudæos ad Idololatriam.* At iam dixi Nabucadnezar voluisse cogere Iudæos ad Idololatriam, cui tamen Ieremias voluit Iudæos esse subiectos. Idem factum à multis Imperatoribus Romanis & Regibus Persarum, in quos tamen Christiani nunquam rebellarunt. Bellarminus addit, *Imperatorem tunc nondum fuisse depositum ab vlla legitima potestate.* At quænam ista erat legitima potestas? hic tacet Cardinalis: Eum enim puduit dicere Tiberium potuisse à Pontifice Anna aut Caipha deponi, aut Imperio exui.

I X. Habemus & regulam Matthæi 5. & sæpe alibi, quæ iubet seruare iusiurandum, & vetat periuria. Subditi ergo iuramento obstricti ad fidele obsequium, omnino debent liberare fidem, nec possunt vllius autoritate hoc vinculo exolui. Oportet enim maior sit Deo qui gratiam facit obsequendi Deo. Quod si Papa fateretur hoc aut illud quidem lege Dei imperari, attamen Deum nolle sibi in hac re aut illa morem geri, quomodo poterimus scire Papam hac in re mentem Dei pernosse? & Papæ declarationi potius standum quam mandato legis diuinæ? Quoniam pacto Papa nobis fidem faciet id sibi à Deo reuelatum? Nam si Papa aliquē regem odit, quid facilius ei quam fingere sibi à Deo reuelatum, non esse fidem seruandam huic regi, nec ibi habendam esse rationem legis diuinæ? Non absimili scelere inter Canonistas disputatur an soluenda sit pecunia debita excommunicato. Habes in Glossa Causæ 15. Quæst. 6. in Canonem *Alius*, præclaram hac de re Canonistarum sententiam.

*Probabiliter dici potest quod excommunicato non sit soluendum, cum nemo debeat participare cum eo.* Præclara religio. Periculum enim est ne soluendo quod debes hæreticis, hæretico polluaris afflatu. At debuerat par religio eos incessere quando hæretici iis soluunt quod debent aut quando alicuius bona rapiuntur in pœnam hæreseos.

X. Non leue est quod Christus ait *Regnum suum non esse de hoc mundo.* Iohan. 18. 36. Quæ quidem est illa præclara confessio quam Paulus 1. Timoth. 6. ait factam à Christo coram Pilato, quæ quomodo possit vsurpari à Papa non video.


X I. Confer autem humilitatem Apostolorum, cum Regali splendore Pontificis. Illorum pedum cum huius triplici corona. Illos multo labore prædicantes Euangelium, cum hoc obtinente terrenum Imperium. Illos dura passos ab Imperatoribus, cum hoc premente pedibus ceruicem Imperatoris, & pedis ictu decutiente Imperialem coronam. Illos perdentes res suas, cum hoc inuadente alienas. Christum pendentem tributum Imperatori, cum Papa capiente tributum ab Imperatore. Christum lauantes pedes discipulis, cum Papa porrigente pedem osculandum regibus. Christum recusantem arbitrium de diuidenda hæreditacula, cum Papa iudicante de rebus omnibus ciuilibus. Hæc quisquis inter se contulerit, facile comperiet non serio, sed ad maius ludibrium Christi nomen obtendi, & sub specie obeundi vices Christi in terris, Christum conspui. *Reges gentium dominantur*

tur eis, & qui obtinent potestatem in eas, benefactores vocantur, vos autem non sic. Luc. 22. Sed hæc Christi verba iam pridem fidem amiserunt. Conferatur Epistolarum Petri simplex & zelo ardens doctrina cum tumore decretalium & Bullarum Păpalium, titulos grandes, & terrificas minas crepantium. Ne viam si nox diei magis est absimilis.

XII. Quod si Papa vicem Christi in terris sustinet, cur ea facit quibus Christus sedulo abstinuit? Aut si Papæ munus latius patet quam officium quod Christus in terris habuit, proferat titulos, & instrumenta istius potestatis; doceat ubi, aut quibus sacrę scripturę verbis data ei sit ista facultas, & in temporalia potestas. Certe de hæc in scriptura summum silentium.

## CAP. XII.

*Idem probatur ratione.*

I.  RINCIPIO mihi Bellarmi-  
nus videtur causam suam a-  
perte prodere, dum asserit  
Papam eadē potestate qua  
liberat subditos ab obedi-  
entia Principum suorum, libe-  
rare quoque filios ab obedientia parentum, & soluere matrimonia rite sociata, & dispensare in votis & iuramentis, ut loquuntur Canonistę. Nimirum ut Reges sciant pari scelere suam dignitatem violari quo paterna autoritas, & fides

*Bell. li. in*

*Barkl. c.*

*21. Dispē*

*sat Pon-*

*tifex in*

*votis &*

*iuramē-*

*tis qua*

*Deus ipse*

*iussit red-*

*di, & quo*

*rum so-*

*lutio est*

*de iure*

*diuino.*

182 DE MONARCHIA TEMPORALI  
coniugalis, & iureiurandi religio proculcarur.

II. Adde quod nihil tam dedecet iudicem spiritualem & Ecclesiasticum, quam infontem punire ob fontis culpam. At nunquam Papa eripuit regnum patri quin id fieret in fraudem filij, aut eius agnatorum. Erat Henricus infans nec paternæ culpæ affinis, quando Innocentius II. regnum Iohanni ereptum dedit Philippo Gallie regi. Quod si Henricus fuisset adultus, & culpa carens, non potuisset tamen Pontifex sine scelere, filium armare in patrem, & culpam patris punire parricidio.

III. Accedunt experimenta. Nam quotiescunque Papa voluit regnum ab vno in alterum transferre, aut frustra fuit, populis flocci facientibus bruta eius fulmina, aut nemine auso rebelare in suum principem, vt docent exempla Philippi Pulchri, Caroli V. Ludouici XII. Elizabethæ Reginae Angliæ, quibus adde Florentinos, qui diras Sixti IV. bello vlti sunt, vt narrat Volaterranus libr. 5. Geogr. Ipse Hildebrandus, qui primus Imperatoribus hanc telam orsus est, temeritatis suæ pœnas commeritas luit. Mortuus enim est Salerni exul, ex animi egritudine: Cùmque ageret animam, aduocauit, (vt refert Sigebertus ad annum 1085.) Cardinalem sibi præ cæteris charum, & fassus est Sancto Petro & toti Ecclesie, se valde peccasse in pastoralis cura, qua ei ad regendum commissa erat, & suadente diabolo contra humanum genus odium & iram concitasse; Tum emisit suum confessorum ad Imperatorem, & ad totam Ecclesiam vt optaret illi indulgentiam quia finem vitæ suæ aspiciebat. Hæc Sigebertus. Aut si quando eius

eius fulmina non fuerunt irrita, tot tamen cedes, tot rapinæ, tot euersiones populorum & urbium inde secutæ sunt, vt Põtifces ipsos facti pœniteret, & torus orbis Christianus ingemisceret. Est enim grauissima Augustini sententia libr. 3. contra Epistolam Parmeniani cap. 2. *Non potest esse salubris multorum correptio, nisi cum ille corripitur qui non habet faciem multitudinem.* Non debuit ergo Gregorius V II. Henricum IV. nec Alexander I II. Fredericum Oenobarbum excommunicare, quos tot regna, tot exercitus sequebantur. Falsum enim est quod ait Bellarminus in Barkl. c. 9. Gregorium excommunicasse Henricum solum. Verba enim formulæ anathematis, vt recitatur à Platina, hæc sunt: *Ipsum Henricum eiusque fautores Anathematis vinculo colligo.* Denique quid iudicandum sit de regis Henrici III. abdicatione à Sixto V. horribilis per tot annos Galliæ vastitas & desolatio, tot prælia, tot prodictiones, regisque ipsius parricidium abundè docuit. Ne Henricum V. Imperatorem in patris sui caput & dignitatem instigatum, & patris cadauer à filio indigne habitum, & plurima eiusmodi portenta potius quam scelera confitemur.

IV. Quid quod Pontifex in hac potestate exercenda sic se gerit, vt illis ipsis quibus dat regnum alienum, manifestè illudat: & in ipso beneficio plus sit contumeliæ? Nam Papa vel dat alicui quæ iam habet: & liberalis est titulorum erga eos qui rem ipsam possident, vt fecit Pipino, & Carolo Magno: eodem plane modo quo qui æris pulsu laboranti Lunæ auxiliantur,

volūt credi Eclipsim desinere artis suæ ope, cum id fiat causis naturalibus. Vel dat alicui regnum alterius, sed ea lege vt id armis subigat. Quod si res non cesserit, & qui alienam possessionem attentat in cladem inciderit, & vel regnum vel vitam amiserit, nō alia huius obsequij erga Papam merces quam pudor, & clades, & æternum opprobrium. Vt accidit Rudolpho Sueuiæ Duci in Henricum I V. rebellanti, & pluribus aliis. Si vero res prosperè cesserit ( vt Carolo Andegauensi, qui auctore Papa Clemente I V. regnum Manfredi inuasit) tunc Papa vult haberi pro dono, quod quis debet suæ fortitudini, & inuasor alieni regni ex eo fit Papæ cliens, & feudatarius, & tributo obnoxius. Nam ante Carolum Andegauensem, Regnum Neapolitanum, non pendebat tributum Pontifici. Durius actum cum Philippo Augusto, cui Innocentius III. dedit Angliæ regnum. Conscripserat Rex ingētes copias, classem maximam instruxerat, iamque instabat dies profectiois, cum Papa misso prope re legato vetat Philippum Gallia excedere, & quod ei dederat, eripit: Laboris merces nulla, sumptuum nulla restitutio. Sic nostris Regibus illudebatur. Rem sanè fecerit iūstam, qui tali dono auctus à Papa, ei reposuerit par beneficium, ei que vicissim dederit dignitatem Abuna Abyssini, aut Caliphæ Babylonij.

V. Est quoque familiare Pontificibus, si in Imperatoris inauguratione præfuerint cæremoniæ, & coronā imposuerint nouo Principi, gloriari se ei Regnum aut Imperiū detulisse. Quod si iure sibi arrogat, dicendum est Hostiensem Epif-

Anno  
Chron.  
1267.

Math.  
Perij.



Episcopum dedisse Papatum Episcopo Romano, quia ad eum consecratio & coronatio Papæ diu pertinuit. Aut Episcopos Mediolanenses dedisse Imperatoribus regnum Italiæ, quia coronatio eorum in Reges Italiæ diu fuit muneris Mediolanensis Episcopi.

VI. His adde quod notum est omnibus, & docet sensus communis, neminem posse dare quæ non habet. Quomodo ergo Papa potest dare quæ non sunt sua? An Christo recusante regna ei oblata. Matth. 4. v. 9. Papa conditionem accipit? Sic Bellarminus dicit Hiberniam datam esse Regibus Angliæ à Pontifice; at non dicit quis Hiberniam dederit Pontifici. Bella vero à Regibus Angliæ gesta in ista insula, & fractos tot præliis indigenas pro nihilo computat. Mirum veni & ipsam Angliam Papa Regibus dono dedit.

VII. Id quoque scire velim, si Rex innocens Papali fulmine fuerit contractus, regnóque excussus, & rex sibi factam iniuriam conqueratur, quis futurus sit iudex in hac disceptatione? An Papa erit actor & iudex? Et cum ex Regum abdicatione tantum emolumentum ad Papam perveniat, quippe cum per id fiat Rex regum, & regna fiant sua dona, an æquum est ut ipse sit iudex in sua causa? Maxime cum Bellarminus fateatur Papam posse errare in quæstione facti, ac proinde etiam iniuste iudicare, quandoquidem ex factis iura nascuntur? Quæro ergo an Rex iniuste damnatus, possit aut debeat opponere se iniustæ damnationi, & possit invito Papa regnum retinere. Bellarminus negat c. 31. in Barkl. *Quod an-*

nezar cap.2.com.37. *Tu Rex Regum es, & Deus cœli regnum, potentiam, robur, & decus tibi dedit.* In eandemque sententiam Ieremias capite 27. *Nunc autem tradidi omnes regiones istas potestati Nebucadnezar Regis Babilonis serui mei.* Concinit Paulus ad Rom. cap.13. *Non est potestas nisi à Deo: quæ vero sunt potestates, ordinatae sunt à Deo. Itaque quisquis resistit potestati, Dei ordinationi resistit.* Quo loco certum est Apostolum agere de potestatibus temporalibus, addit enim, *Non frustra gladium gestat.* Et paulo post, *Propter hoc etiam vectigalia soluitis.* Constat autem nullum Apostolum tunc temporis gessisse gladium, aut exegisse vectigalia. Hæc ergo potestas si à Deo est, non potest à Papa auferri. Quod Deus dedit non est hominis eripere. Neque refert sitne hæc potestas à Deo immediatè an mediatè. Nam Deo quocunque modo iubenti obsequendum est. Si Rex aliquid per internuncium mihi imperat, non minus debeo obsequi quam si ipse coràm mihi loqueretur. Veruntamen potestatem Regiam à Deo esse immediatè abunde docuimus, cap.9.

VIII. Quid quod ipse Christus, Matth.22. prolato denario cui imago Cæsaris erat impressa, iubet reddere Cæsari quæ sunt Cæsaris, ei que solui vectigal? quin & ipse soluit τὰ δίδραχμα; Mart.17. quamvis Imperator esset Ethnicus, & ipse esset filius Dei, eoque maior Imperatore. Tantùmque absuit à suadenda rebellionem, aut concitanda seditione, aut ferenda sententia de regnis adimendis & transferendis, vt delatum arbitrium diuidundæ hereditatula recusauerit. Respondet Bellarm. in Barklaium c.3. *Imperato-*

res

*restunc temporis non coegisse Iudæos ad Idololatriam.* Atiam dixi Nabucadnezar voluisse cogere Iudæos ad Idololatriam, cui tamen Ieremias voluit Iudæos esse subiectos. Idem factum à multis Imperatoribus Romanis & Regibus Persarum, in quos tamen Christiani nunquam rebellarunt. Bellarminus addit, *Imperatorem tunc nondum fuisse depositum ab vlla legitima potestate.* At quænam ista erat legitima potestas? hic tacet Cardinalis: Eum enim puduit dicere Tiberium potuisse à Pontifice Anna aut Caipha deponi, aut Imperio exui.

I X. Habemus & regulam Matthæi 5. & sæpe alibi, quæ iubet seruare iusiurandum, & veratperiuria. Subditi ergo iuramento obstricti ad fidele obsequium, omnino debent liberare fidem, nec possunt vllius autoritate hoc vinculo exolui. Oportet enim maior sit Deo qui gratiam facit obsequendi Deo. Quod si Papa fatetur hoc aut illud quidem lege Dei imperari, attamen Deum nolle sibi in hac re aut illa morem geri, quomodo poterimus scire Papam hac in re mentem Dei pernosse? & Papæ declarationi potius standum quam mandato legis diuinæ? Quoniam pacto Papa nobis fidem faciet id sibi à Deo reuelatum? Nam si Papa aliquæ regem odit, quid facilius ei quam fingere sibi à Deo reuelatum, non esse fidem seruandam huic regi, nec ibi habendam esse rationem legis diuinæ? Non absimili scelere inter Canonistas disputatur an soluenda sit pecunia debita excommunicato. Habes in Glossa Causæ 15. Quæst. 6. in Canonem *Alius*, præclaram hac de re Canonistarum sententiam.

*Probabiliter dici potest quod excommunicato non sit soluendum, cum nemo debeat participare cum eo.* Præclara religio. Periculum enim est ne soluendo quod debes hæreticis, hæretico polluaris afflatu. At debuerat par religio eos incessere quando hæretici iis soluunt quod debent aut quando alicuius bona rapiuntur in pœnam hæreseos.

X. Non leue est quod Christus ait *Regnum suum non esse de hoc mundo.* Iohan. 18. 36. Quæ quidem est illa præclara confessio quam Paulus 1. Timoth. 6. ait factam à Christo coram Pilato, quæ quomodo possit vsurpari à Papa non video.


X I. Confer autem humilitatem Apostolorum, cum Regali splendore Pontificis. Illorum pedum cum huius triplici corona. Illos multo labore prædicantes Euangelium, cum hoc obtinente terrenum Imperium. Illos dura passos ab Imperatoribus, cum hoc premente pedibus ceruicem Imperatoris, & pedis ictu decutiente Imperialem coronam. Illos per dentes res suas, cum hoc inuadente alienas. Christum pendente tributum Imperatori, cum Papa capiente tributum ab Imperatore. Christum lauante pedes discipulis, cum Papa porrigente pedem osculandum regibus. Christum recusante arbitrium de diuidenda hæreditacula, cum Papa iudicante de rebus omnibus ciuilibus. Hæc quisquis inter se contulerit, facile comperiet non serio, sed ad maius ludibrium Christi nomen obtendi, & sub specie obeundi vices Christi in terris, Christum conspui. *Reges gentium dominantur*

tur eis, & qui obtinent potestatem in eas, benefactores vocantur, vos autem non sic. Luc. 22. Sed hæc Christi verba iampridem fidem amiserunt. Conferatur Epistolarum Petri simplex & zelo ardens doctrina cum tumore decretalium & Bullarum Papalium, titulos grandes, & terrificas minas crepantium. Ne viam si nox diei magis est absumilis.

XII. Quod si Papa vicem Christi in terris sustinet, cur ea facit quibus Christus sedulo abstinuit? Aut si Papæ munus latius patet quam officium quod Christus in terris habuit, proferat titulos, & instrumenta istius potestatis; doceat ubi, aut quibus sacræ scripturæ verbis data ei sit ista facultas, & in temporalia potestas. Certe de hacre in scriptura summum silentium.

CAP. XII.

*Idem probatur ratione.*

I.  RINCIPIO mihi Bellarminus videtur causam suam aperte prodere, dum asserit Papam eadē potestate qua liberat subditos ab obedientia Principum suorum, liberare quoque filios ab obedientia parentum, & soluere matrimonia rite sociata, & dispensare in votis & iuramentis, ut loquuntur Canonistæ. Nimirum ut Reges sciant pari scelere suam dignitatem violari quo paterna autoritas, & fides

*Bell. li. in Barkl. c.*

*21. Dispensat Pontifex in votis & iuramentis qua Deus ipse inquit redit, & quorum solutio est de iure diuino.*

coniugalis, & iureiurandi religio proculcatur.

II. Adde quod nihil tam dedecet iudicem spiritualem & Ecclesiasticum, quam infontem punire ob fontis culpam. At nunquam Papa eripuit regnum patri quin id fieret in fraudem filij, aut eius agnatorum. Erat Henricus infans nec paternæ culpæ affinis, quando Innocentius III. regnum Iohanni ereptum dedit Philippo Gallie regi. Quod si Henricus fuisset adultus, & culpa carens, non potuisset tamen Pontifex sine scelere, filium armare in patrem, & culpam patris punire parricidio.

III. Accedunt experimenta. Nam quotiescunque Papa voluit regnum ab vno in alterum transferre, aut frustra fuit, populis flocci facientibus bruta eius fulmina, aut nemine auso rebellare in suum principem, vt docent exempla Philippi Pulchri, Caroli VI. Ludouici XII. Elizabethæ Reginae Angliæ, quibus adde Florentinos, qui diras Sixti IV. bello vlti sunt, vt narrat Volaterranus libr. 5. Geogr. Ipse Hildebrandus, qui primus Imperatoribus hanc telam orfus est, temeritatis suæ pœnas commeritas luit. Mortuus enim est Salerni exul, ex animi egritudine: Cùmque ageret animam, aduocauit, (vt refert Sigebertus ad annum 1085.) Cardinalem sibi præ cæteris charum, & fassus est Sancto Petro & toti Ecclesiæ, se valde peccasse in pastoralis cura, qua ei ad regendum commissæ erat, & suadente diabolo contra humanum genus odium & iram concitasse; Tum emisit suum confessorum ad Imperatorem, & ad totam Ecclesiam vt optaret illi inaulgentiam quia finem vite sue aspiciebat. Hæc Sigebertus. Aut si quando  
eius

eius fulmina non fuerunt irrita, tot tamen cedes, tot rapinæ, tot euerfiones populorum & urbium inde fecutæ sunt, vt Pōtiffices ipfos facti pœniteret, & totus orbis Christianus ingemisceret. Est enim grauiffima Augustini sententia libr. 3. contra Epistolam Parmeniani cap. 2. *Non potest esse salubris multorum correptio, nisi cū ille corripitur qui non habet faciam multitudinem.* Non debuit ergo Gregorius V II. Henricum IV. nec Alexander III. Fredericum Oenobarbum excommunicare, quos tot regna, tot exercitus sequebantur. Falsum enim est quod ait Bellarminus in Barkl. c. 9. Gregorium excommunicasse Henricum solum. Verba enim formulæ anathematis, vt recitatur à Platina, hæc sunt: *Ipsū Henricū eiusque fautores Anathematis vinculo colligo.* Denique quid iudicandum sit de regis Henrici III. abdicatione à Sixto V. horribilis per tot annos Galliæ vastitas & desolatio, tot prælia, tot prodictiones, regisque ipsius parricidium abundè docuit. Ne Henricum V. Imperatorem in patris sui caput & dignitatem instigatum, & patris cadauer à filio indigne habitum, & plurima eiusmodi portenta potius quam scelera confitemur.

IV. Quid quod Pontifex in hac potestate exercenda sic se gerit, vt illis ipsis quibus dat regnum alienum, manifestè illudat: & in ipso beneficio plus sit contumeliæ? Nam Papa vel dat alicui quæ iam habet: & liberalis est titulorum etga eos qui rem ipsam possident, vt fecit Pipino, & Carolo Magno: eodem plane modo quo qui æris pulsu laboranti Lunæ auxilian-  
 M 4

volūt credi Eclipsim desinere artis suæ ope, cum id fiat causis naturalibus. Vel dat alicui regnum alterius, sed ea lege vt id armis subigat. Quod si res non cesserit, & qui alienam possessionem attemptat in cladem inciderit, & vel regnum vel vitam amiserit, nō alia huius obsequij erga Papam merces quam pudor, & clades, & æternum opprobrium. Vt accidit Rudolpho Sueuiæ Duci in Henricum I V. rebellanti, & pluribus aliis. Si vero res prosperè cesserit ( vt Carolo Andegauensi, qui auctore Papa Clemente I V. regnum Mamfredi inuasit) tunc Papa vult haberi pro dono, quod quis debet suæ fortitudini, & inuasor alieni regni ex eo fit Papæ cliens, & feudatarius, & tributo obnoxius. Nam ante Carolum Andegauensem, Regnum Neapolitanum, non pendebat tributum Pontifici. Durius actum cum Philippo Augusto, cui Innocentius III. dedit Angliæ regnum. Conscripserat Rex ingētes copias, classē maximā instruxerat, iamque instabat dies profectionis, cum Papa misso prope re legato vetat Philippum Gallia excedere, & quod ei dederat, eripit: Laboris merces nulla, sumptuum nulla restitutio. Sic nostris Regibus illudebatur. Rem sanè fecerit iustam, qui tali dono auctus à Papa, ei reposuerit par beneficium, ei que vicissim dederit dignitatem Abuna Abyssini, aut Caliphæ Babylonij.

V. Est quoque familiare Pontificibus, si in Imperatoris inauguratione præfuerint cæremoniæ, & coronā imposuerint nouo Principi, gloriari se ei Regnum aut Imperiū detulisse. Quod si iure sibi arrogat, dicendum est Hostiensē Epif-

Anno  
Chron.  
1267.

Math.  
Perij.



Episcopum dedisse Papatum Episcopo Romano, quia ad eum consecratio & coronatio Papæ diu pertinuit. Aut Episcopos Mediolanenses dedisse Imperatoribus regnum Italiæ, quia coronatio eorum in Reges Italiæ diu fuit muneris Mediolanensis Episcopi.

VI. His adde quod notum est omnibus, & docet sensus communis, neminem posse dare quæ non habet. Quomodo ergo Papa potest dare quæ non sunt sua? An Christo recusante regna ei oblata. Matth. 4. v. 9. Papa conditionem accipit: Sic Bellarminus dicit Hiberniam datam esse Regibus Angliæ à Pontifice; at non dicit quis Hiberniam dederit Pontifici. Bella vero à Regibus Angliæ gesta in ista insula, & fractos tot præliis indigenas pro nihilo computat. Mirum vero ni & ipsam Angliam Papa Regibus dono dederit.

VII. Id quoque scire velim, si Rex innocens Papali fulmine fuerit contractus, regnòque excussus, & rex sibi factam iniuriam conqueratur, quis futurus sit iudex in hac disceptatione? An Papa erit actor & iudex? Et cum ex Regum abdicatione tantum emolumentum ad Papam perveniat, quippe cum per id fiat Rex regum, & regna fiant sua dona, an æquum est ut ipse sit iudex in sua causa? Maxime cum Bellarminus fateatur Papam posse errare in quæstione facti, ac proinde etiam iniuste iudicare, quandoquidem ex factis iura nascuntur? Quæro ergo an Rex iniuste damnatus, possit aut debeat opponere se iniustæ damnationi, & possit invito Papa regnum retinere. Bellarminus negat c. 31. in Barkl. *Quod au-*

*tem dicis iniustam sententiam non lādere eum in quem fertur, verum est quando is in quem fertur, eam humiliter tolerat & obseruat, donec iustitia vel potius nullitas eius manifeste se prodat. Clementer sane & erga Regem benigne, cui non nocebit iniusta sententia abdicationis & excommunicationis dummodo regno patienter cedat & expectet donec inuasor regni, cognita iniustitia sententiæ, eum reuocet & vltro in auito solio collocet, sicut enim bona fide res geruntur inter Principes. Similia habes c. 17. in Barkl. Si forte Princeps spiritualis abutatur potestate sua iniuste excommunicando temporalem Principem, vel eius subditos sine iusta causa ab obedientia eius absoluendo, & eo modo perturbet statum Reip. temporalis: peccabit princeps spiritualis, sed non poterit tamen Princeps temporalis iudicium sibi sumere de temporalibus rebus. Proh Dei atque hominum fidem! Hucine res Regum rediisse, vt durior sit eorum conditio quam seruulorum aut mercenariorum quibus datur actio in dominos, si fuerint pacta mercede fraudati? Nimirum Papa est omni exceptione maior, nec in eum quantumlibet iniuste iudicantem fas est hiscere. At constas semper fuit omnium bonorum sententia; Iniustam sententiam Pastoris non nocere condemnato, & gladium spirituale mucrone arseptum lādere solum tractantem. Augustinus sermone 16. de verbis Domini. Cœpisti habere fratrem tuum tanquam publicanum, ligas eum in terra, sed vt iuste alliges vide. Nam iniusta vincula dirumpit iustitia. Causa 11. Quæst. 3. Can. Cui est. Si sententia iniusta est tanto curare eam non debet quanto apud Deum & Ecclesiam neminem potest grauare iniqua sententia.*

Et

Et Can. *Temerarium*, *Temerarium iudicium plerunq;* nihil nocet ei de quo temere iudicatur, ei autem qui temere iudicat, ipsa temeritas necesse est ut noceat. Et Canone sequenti. *Quid obest homini quod ex illa tabula vult eum delere humana ignorantia, si de libro viventium non deleat iniqua conscientia?* Et mox *seni de Augustino quicquid libet, sola me in oculis Dei conscientia non accuset.* Hæc omnia ex Augustino. Quocirca Ludouicus noster XII. & ante eum Philippus Pulcher ausi sunt contra hoc fulmen oppedere, & in ipsum Papam maiori vi retorquere. Vterque enim effecit ut Papa frequenti Episcoporum suorum conuentu hæreticus pronuntiaretur.

VIII. Neque vero video cur sententia *Nulla* non lædat, at *Iniusta* lædat, cum sæpe iniustitia sit nullitate deterior. Nam nullitas nascitur ex defectu formæ & ordinis legitimi, & sæpe fit ut sententia *nulla*, quod ad rem ipsam sit iusta & æqua, sed inualida. At iniustitia nunquam est sine scelere, nec qualibet formalitate addita potest fieri iusta, quod de sententia *nulla* dici non potest.

IX. Mirum vero cur Papa sibi plus iuris sumpserit in Reges & Principes quam in priuatos. Nam si pater male educat liberos, aut si dominus in seruos læuit inclementius, non idcirco Papa iubet eos rebellare in patrem aut dominum. Tum si quis è populo peccauerit, non solet Pastor illum exuere patrimonio, aut fundis, aut domo. Dicit quidem Bellarminus capitul. 3. in Barklaium, posse priuatos homines cogi ab Episcopis in foro exteriori,

\* *Concilio Lateranense sub Leone X. Sessione IX. multis blasphemiam multa 25. ducatorum.* & multaria pœna pecuniaria, vel etiam carceribus mancipari, idque ait sancitum à Concilio Tridentino Sess. 25. c. 3. Sed hæc sanctio non nititur autoritate Scripturæ, & ab ipsis Pontificiis exploditur: nec in Gallia obseruatur. Nec quidquam est tam abhorrens ab Apostolica illa simplicitate quam castigatio peccatorum per multas pecuniarias, aut carcerem, aut pignoris captionem. Nec credibile Tridentinos parres voluisse hoc decretum in omnes laicos extendi, sed in eos tantum qui subsunt Episcopis in temporalibus. Hinc liquet Papam putauisse suæ esse dignitatis præcipue sœuire in Reges, quia horum casu potestas Papalis in imensum attollitur, nam hoc pacto coronæ & sceptrum fiunt dona, & missilia Pontificis.

X. Qualis cuiusque potestas tales pœnæ quas infligit; At Papæ potestas, fatente Bellarmino, spiritualis est, non autem temporalis. Ergo pœnæ quas infligit debent esse spirituales, non vero temporales.

XI. Immo si fingamus Papam esse caput Ecclesiæ, eoque Regibus superiorem, oportet eius potestas sit superior regali in eadem specie potestatis, id est quatenus est caput Ecclesiæ, & Episcoporum princeps, non vero quatenus Dominus rerum temporalium, seu directe seu indirecte. Non si in naui regenda nauclerus plus habet potestatis quam princeps qui vehitur, idcirco principi reliquisque vectoribus in cæteris imperat. Erit ergo Papa superior Principe in rebus Ecclesiasticis, non vero in temporalibus. Nec dissimulat ipse Papa Innocentius III. Cap. *Per venera-*

*mentia*

*nerabilem , Qui filij sunt legitimi , ubi non modo ait Regem non habere superiorem temporalem, sed ait Regem non habere superiorem in temporalibus.*

XII. Denique hæc doctrina reddit religionem Christianam Principibus odiosam , quippe quæ per hoc dogma fit incentiuium seditionis, & occasio rebellandi. Tum si Rex Ethnicus fidem Christianam amplectatur , hoc ipso diminuitur capite , & cogitur agnoscere dominum in temporalibus, & precario tantum, & ad nutum Pontificis imperare , pellendus illico regno si quid contra Papam aut religionem Romanam peccauerit. Perpauci sane erunt Principes qui sub his conditionibus volent se ad Ecclesiam aggregare.

## CAPVT. XIII.

*Idem probatur testimoniis veteris Ecclesia.*



Ubi si statuitur testimonio Antiquitatis, quæstio hæc penitus est profligata , vel fatente ipso Belarmino, qui à Barklaio prouocatus ad iudicium antiquitatis, cum non haberet quo se tueretur, sic declinat iudicium. *Non recte (inquit) de Ecclesia Christi sentit qui nihil admittit, nisi quod expresse in veteri Ecclesia scriptum aut factum esse legit, quasi Ecclesia posterioris temporis aut desierit esse Ecclesia, aut facultatem non habeat explicandi & decla-*

*randi, CONSTITVENDI etiam & iubendi, quæ ad fidem & mores pertinent.* Quapropter cum in frontem libri sui magnam multitudinem authorum pro se facientium congefserit, antiquissimus tamen eorum est Gregorius VII. qui primus anno Christi 1076. in Imperatorem ferale carmen occinere ausus est. Hæc est illa præclara antiquitas qua nititur Papæ potestas in temporalibus. Habemus ergo hic non modo confitentem reū: sed & conuellentem quæcunque ex Scriptura & Patribus in sua scripta congefserit: Nam quid opusest deinceps conquerere loca scripturæ, aut scrutari Patres aut Concilia vetera si sufficit solam authoritatem Romanæ Ecclesiæ posterioris æui obtrudere? aut si ad tuendam Papæ authoritatem, nuperi authores & Papæ mancipia sunt testes idonei?

At si rem volueris à prima memoria repetere, inuenies veritatem tam claram & perspicuam, ut vel nolentibus oculos feriat. Ecclesia enim per annos fere trecentos passa est sub Imperatoribus Ethnicis decem persecutiones grauissimas, neque tamen ullus Episcoporum Christianos ad rebellandum instigauit, nec Pontifex Romanus vnquam cogitauit de abrogando Cæsaribus Imperio. De summa illa Papæ potestate in temporalia, aut de regnorum translatione nulla apud veteres mentio. Neque vero id factum quia deerant vires, ut vult Bellarminus: erat enim tunc temporis maxima pars orbis Christiana. Testis Tertullianus Apologetici, cap. 37. *Si (inquit) hostes externos, non tantum vindices occultos agere vellemus, deesset nobis vis numerorum & copiarum? Plures*  
ni-

ninurum Mauri, & Marcomanni, ipsiq; Parthi, vel quantacunque, vnius tamen loci & suorum finum gentes quam totius orbis? Hesterni sumus & vestra omnia impleuimus, vrbes, insulas, castella, municipia, conciliabula, castra ipsa, tribus, decurias, palatium, senatum, forum. Sola vobis relinquimus templa. Et paulo post. Si tanta vis hominum in aliquem orbis remoti sinum abrupissemus à vobis, suffudisset vtrique dominationem vestram tot qualiumcunque ciuium amissio, immo & ipsa destituitone punisset. Proculdubio expauissetis ad solitudinem vestram, ad silentium rerum; & stuporem quendam quasi mortuæ vrbis: quæsissetis quibus in ea Imperassetis. Similia dicit Cyprianus ad Demetrianum. Nemo nostrum quando apprehenditur reluctatur, nec se aduersus iniustam violentiam vestram, quamuis nimius & copiosus sit populus vlscitur. Sic nec Christiani in Perside vnquam rebel- larunt aduersus Reges Persas immmaniter sæuien- tes. Nec Orthodoxi in Africa aduersus Reges Vandalos Arianos; Nec quisquam eorum vnquam mouit quæstionem, an fides sit seruanda Regi hæretico, aut an Rex à Papa non probatus iure possit exui regno, aut occidi. Constantius erat Arianus, in quem tamen Liberius Episcopus Romanus nunquam intorsit fulmen, nec aliquem alium imperio induit, sed iubente Con- stantio, Berocam Thraciæ in exilium concessit, obtulit ei Constantius in viaticum (vt ait Theo- doretus lib. 2. cap. 16.) *πεντακοσίαις ὀλοκοτίνας*: quos *Inter-*  
bonus Papa recusauit; tanta fuit Episcoporum *pres ver-*  
Romanorum illo æuo, tum tenuitas tum inno- *tit quin-*  
centia. *gentos*  
*solidos.*

Constantio successit Iulianus, qui nihil inten-

tatum reliquit quo Ecclesiam pessundaret. De quo Baronius ad annum Christi 361. ait cum voluisse sibi Christianorum animos conciliare, quippe quorum magnæ vires essent. Hic lege sanxit vt omnes milites sacrificarent idolis, ciurarentque vel Christi fidem, vel cingulum. Sane si vnquam liquit religionis causa rebellare in Principem, non alia potuit dari causa iustior quàm hæc fuit. Neque vnquam maior fuit facilitas rebellâdi, cum totum fermè imperium esset Christianum, & eius exercitus maxima ex parte constaret militibus Christianis, vt testantur Ruffinus li. 2. c. 1. Theodoretus li. 4. c. 1. Socrates lib. 3. c. 19. Enimvero perempto Iuliano, exercitus ad Iouianum Principem Christianum detulit imperium. Quod ille cum recusaret, causatus se cum Christianus esset nolle Ethnicis imperare, exercitus frequens vno ore conclamauit. *Et nos Christiani sumus.* Versabatur ergo Iulianus inter manus, inter tela Christianorum: Sed eum texit Imperij religio, & sacrum nomē Imperatoris, quod nefas est à subdito attentari. Nempe ( vt habet Canon Iulianus, Causa 11. Quæst. 3. ex Ambrosio) *Iulianus Imperator quamuis esset Apostata habuit tamen sub se Christianos milites, quibus cum dicebat producite aciem cum defensione Recip. obediebant ei: cum autem diceret eis producite arma in Christianos, tunc cognoscebant Imperatorem cæli.* Augustinus in Psalmum 124. de iisdem militibus Iuliani, hoc ait. *Milites Christiani seruierunt Imperatori infideli. Vbi veniebat ad causam Christi, non agnoscebant nisi illum qui in cælo erat. Quando volebat vt idola colerent, vt thurificarent, præponebant illi Deum. Quando autem*



autem dicebat, *producite aciem ite contra illam gentem statim obtemperabant. Distinguebant dominum aeternum à domino temporali, & tamen subditi erant, propter Dominum aeternum, etiam domino temporali. Idem Pater paulo ante dixerat. Aliquando iniusti perueniunt ad honores seculi, cum peruenerint & facti fuerint vel iudices, vel reges, quia hoc facit Deus propter disciplinam plebis sue, propter disciplinam populi sui, non potest fieri nisi ut exhibeatur illis honor deditus potestati. Nimirum velle de Dei manibus eripere fulmen aut flagellum, & legitimum Regem asperius regantem velle de medio tollere, par est crimen, & non absimilis audacia.*

His exemplis adde Valentem Arianum & persecutorem, Cuius cum populus, Duces, officialisque Palatini, maxima ex parte essent Orthodoxi, nunquam tamen populi aut procerum religio in rebellionem cessit.

De Ambrosij obsequio erga Valentinianum Arianum abundè diximus cap. 19. quibus adde eiusdem Ambrosij sententiam, in oratione contra Auxentium quæ est inter Epistolas libri 5. *Volens nunquam ius deseram, coactus repugnare non noui. Dolere potero, potero flere, potero gemere, aduersus arma, milites, Gotthos quoque lacryma mea arma sunt. Talia enim munimenta sunt sacerdotis. Aliter nec debeo nec possum resistere. Vides Ambrosium non modo non potuisse, sed nec debuisse aliter resistere quam precibus & lacrymis, ne Bellarminus dicat, Ambrosio vires, sed non voluntatem defuisse.*

Sub idem tempus Maximus Tyrannus, fide Orthodoxus in Gratianum, mox & in Valenti-

nianum Imperatorem Arianum arma mouet: Iam superauerat Alpes, iam Valentinianum Gallia & Britannia imperio exuerat, princeps alioqui fortis, & Catholicus. Non tamen idcirco Catholici à Valentiniano defecerunt, aut in eum rebellarunt. Immo vero Valentinianus à Theodosio Orthodoxo in Imperium restitutus est, cefo ad Aquileam Maximo, quæ res Valentiniano fuit utilis & ad deponendam hæresim, & ad recuperandum Imperium.

Insignis vero est locus Gregorij I. citatus à Rege in Apologia Iuramenti ex Epist. 1. lib. 7. ubi sic loquitur. *Si in morte vel Longobardorum me miscere voluiffem, hodie Longobardorum gens, nec regem, nec duces, nec comites haberet: atque in summa confusione esset diuisa, sed quia Deum timeo in mortem cuiuslibet hominis me miscere formido.* Vides Gregorio fuisse facultatem perdendi regnum Longobardorum Ecclesiæ Romanæ infestum, quo tamen conatu abstinuit, ne Deum offenderet.

Denique in re tam perspicua superflua est diligentia: Nam quæ alia turpior potest inuri macula priscis Episcopis & populo Christiano, quàm si credatur obsequium illud delatum principibus fuisse simulatum? & ascribendum non virtuti, sed necessitati? Ergo si quæ extant in eorum scriptis sententiæ, testantes obsequium & reuerentiam erga Principes, putandæ erunt fictæ, & extortæ metu, mentieturque Gregorius I. quando Mauricium non modo appellat Dominum, sed & *Dominum suum*, & fatetur se eius iussioni esse subiectum.

Neque vero credibile est Christum dedisse Ec-

Ecclesiæ potestatem quæ per tot sæcula torperet inutilis : quemadmodum si cui darem ense quem nefas esset nisi post mille annos stringere. Multo minus credibile est tunc primum datam Ecclesiæ Romanæ facultatem utendi hac potestate quando interciderunt virtutes, finemque probitatis fuisse initium legitimæ potentie. Nam iam ante Gregorij VII. tempora, collapsam omnem Romanæ Ecclesiæ disciplinam : & omnia luxu, ambitione, avaritia, ac libidine corrupta testantur historiæ, & Baronius ipse lamentatur.

Quod si olim Pontifici Romano in abdicandis principibus non voluntas, sed vires defuerunt, dari posset aliquis Papa qui se hoc iure fraudari conquereretur ; aut qui causam diceret cur aduersis Ecclesiæ temporibus abstineret potestate sibi à Christo concessa. Aut extaret aliquod exemplum alicuius qui Papam cunctantem hortatus esset ad stringendum mucronem temporalem, & liberandam Ecclesiam tyrannide.

Cur autem cum Deus misertus Ecclesiæ dedit Imperatores Christianos & bonos, Constantinum, Gratianum, Valentinianos, Theodosios, Romani Pontifices non renouarunt ius illud suum intermortuum ? & non cauerunt ne potestas illa regna dandi & Imperatores abdicandi obliuione obliteraretur ? Cur non significarunt Imperatoribus clementibus & piis, se quidem nondum usus potestate data à Christo, sic poscentibus rebus Ecclesiæ, at nunc rebus aliter constitutis, vel se porro uti suo iure ? ne forte veteris Ec-

196 DE MONARCHIA TEMPORALI  
 eleſiæ imbecillitas iſſis eſſet fraudi, aut conſue-  
 tudo præſcriptionem induceret?

Quod ſi vires faciunt ius, & hæc non licent ni-  
 ſi cum poſſunt fieri, cur Papa auſus eſt Philippo  
 Pulchro regnum abrogare? cur Ludouico XII.  
 Cur Henrico VIII. Regi Angliæ, cur Elizabethæ  
 Reginæ, in quibus amburendis fulmine, Papa  
 vires ſuas imbecillas expertus eſt?

Denique tempus ipſum quo Papa primum  
 auſus eſt dare regna, & adimere, planè euincit  
 captam ab eo occaſionem ex attritis Imperij Ro-  
 mani viribus, quibus ſtantibus & integris, nun-  
 quam auſus fuiſſet concipere animo tantos ſpi-  
 ritus. Sed quemadmodum ad caſum proceræ ar-  
 boris concurritur, & ſibi quiſque quod poteſt ſe-  
 curi amputat, ita de imperio proſtrato Papa  
 quod potuit ad ſe traxit, & ſedem ſuam quan-  
 tum potuit Imperialibus titulis induit, vt poſtea  
 docebitur.

Aduerſus tantum totius vetuſtatis conſenſum  
 Bellarminus vnum Gregorij Nazianzeni locum  
 obtendit, ex oratione *οὐκ ἐστὶν πολιτὸς ὁ μὲν Νεζαίριος*

*Lex Chriſti ἀρχιεπίσκοπος*; vbi Gregorius Magiſtrum ſic allo-  
 quitur. *ὁ τὸ Χρῆς τὸ νόμος ὑπετίθησιν ὑμᾶς τῇ ἐμῇ δυνα-  
 τεῖ, καὶ τῇ ἐμῇ βίβλῳ, ἀρχιεπίσκοπος καὶ ἀντί. προσδοκῶ ὅτι  
 καὶ τῇ μεῖζονα καὶ τελειότερα ἀρχιεπίσκοπος: ἡ δὲ πρὸς βίβλῳ ὑπο-  
 ὅς μετὰ χρῆσται τῇ οὐκ ἐστὶν: &c.* Reſponſio in promptu eſt,  
 ſedi, nam Gregorio quidem principatum ſpiritualem vi-  
 ſum eſſe digniorem principatu temporali, At nō  
 idcirco putauit principatum ſpiritualem impe-  
 rare temporali in temporalibus. Non ſi Theolo-  
 gus dignior eſt milite, idcirco Theologia militiæ  
 imperat. Sed Bellarminus diſſimulat verba Gre-  
 gorij

gorij præcedentia, quæ sic habent. *Vna est* (inquit) *& perfe-*  
*de nostris legibus optime constitutis à spiritu, qui possi-* *fiorem*  
*bile cum honesto probavit & lege sanxit, ut quemad-* *princi-*  
*modum serui heris, & uxores viris, ut dominis, & di-* *patum.*  
*scipuli pastoribus & doctoribus, ita & subiiciamur o-* *An oportet spiri-*  
*mnibus potestatibus, supereminētibus, non tantum ob i-* *tum ce-*  
*ram, sed & ob conscientiam, quippe* *ὁ πῶτε ἴς φέρει* *ve-* *dere car-*  
*itigales & tributo obnoxij. Quid quod vita Grego-* *ni, &c.*  
*rij operibus eius præfixa testatur eum quamuis*  
*Episcopum, ab Arianis* *\* tractum ad tribunal cō-* *\* συλλα-*  
*sulare; unde dimissus* *μας ἰσθὲν ὑ ἀίνιας χωρὶς* *sine* *ὁ ἰσθὲν ὁ*  
*verberibus & ignominia. Vnde constat eum pœnæ* *αὐτὸν τῶ*  
*corporalis periculum adiuisse? Tantum absuit* *ἡ ἰπατι-*  
*ab Imperatoribus aut Magistratibus exaucto-* *αὐ παρί-*  
*rands, vir zelo quidem ardens, sed quem humi-* *στην βή-*  
*litate & modestia temperabat.* *ματι.*

## CAPVT XIV.

*Imperatores Romanos, & Reges Italia habuisse potesta-*  
*tem in caput, fortunas, & sedem Pontificis Ro-*  
*mani. Papam non ita pridem cœpisse Ro-*  
*nam possidere sub titulo supre-*  
*mi Principis.*



ONSTANTINVS, pace Ecclesiis  
 parta, Episcopos liberaliter ha-  
 buit, Nec dubium est quin Epi-  
 scopum Romanum pari muni-  
 ficentia sit profecutus qua cate-  
 ros. At quo vsque se extenderit  
 eius liberalitas non satis constat. Nam Donatio

Constantini quæ habetur. Dist. 96. Can. *Constantinus*, tam stolidè conficta est, vt nemini possit imponere; nisi qui vltro vult decipi.

1 In ea Constantinus dat Papæ imperium totius occidentis, Romam, Italiam, Hispaniam, &c. diadema aureum, collare Imperatorium, sceptrum imperiale, turmam equitum præcedentem, clerum in equis albis, & quæ piget referre: Res sanè quas nec Constantinus dare potuit, nec Papa vnquam possedit, nec oblatas recusauit.

2 Eiusdem farinae sunt fabulæ ibi insertæ de lepra Constantini, de balneo ex puerorum sanguine, de duodecim terræ cophinis Constantini humeris in templi ædificationem illatis, De Constantino baptisato à Syluestro: Eum enim baptisatum esse sub mortis tempus Nicodemix ab Eusebio Nicomediensi constans est veterum historicorum testimonium Eusebij libro 4. de vita Constantini c. 62. Hieronymi in Chronico. Socratis li. i. c. vlt. Theodoret. li. i. c. 31. Ambrosij de obitu Theodosij.

3 Quid quod in bella ista donatione fit mentio Satraparum Constantini, cum Satrapæ nomen semper fuerit Romanis auribus insolens. Non secus ac si Augusti Cæsaris Marscallos, aut Alexandri Comites stabuli diceres.

4 Tale est quod ibidem dicitur donatio ista facta de sententia totius Senatus, quem tamen Ethnicum fuisse non modo imperante Constantino, sed & vsque ad tempora Gratiani, Theodosij & Arcadij, euincunt Epistolæ Symmachij ad hos Imperatores.

§ Æ-

5 Æque absurdum est quod Constantinus ibi tribuit Episcopo Romano principatū in quatuor præcipuas sedes, Antiochiam, Alexādiam, Ierosolymā, Constantinopolim; Nam sub Syluestro, ne Constantinopolis quidem erat, nec Episcopus Byzantinus viuo Constantino Patriarchæ *ἡγεμονία* vnquam obtinuit.

6 Clauduntur hæc figmenta diro anathemate quo addicitur cruciatibus inferni quisquis contra hæc erit. Ergo Constantinus ipse se hac execratione induit, dum Romam & Occidentis Imperium filio Constantino reliquit testamento. Immo per hoc anathema quotquot Imperatores & Reges ex eo Italiam tenuerunt, ipsique Reges Galliæ & Hispaniæ quotquot fuerunt, præcipitantur in Tartara, vtpote qui possederunt & possident partem Occidentalis Imperij.

7 Et ne quid desit ad summam vecordiam, dicitur donatio illa facta Consularu quarto Constantini filij & Gallicani quos nunquam vna fuisse Consules docet Chronicon Ammiani, Cassidorus in Chronico; Onuphrius in Fastis.

8 Nempe hæc pari acumine & fide conficta sunt, quo dicitur eadem donatio facta sub Melchiade Syluestri decessore, plusculis annis antequam Constantinus fieret Christianus. *Causa 12. q. 1. can. futuram.*

Nimirum hæc plane conficta sunt in nostrorū Regum fraudem & contumeliam, ne Papa eis quicquam debere crederetur. Nam quicquid Papa possidet in Italia, beneficium est Pipini,

Caroli Magni, & Ludouici pij: sed auctor istius præclaræ donationis, voluit altius ducto canali hoc beneficium aliunde deriuare, & eius memoriam auertere. Quæ iniuria ferenda esset, nisi Papa ad tanti beneficij mercedem Francos quotidie emungeret argento, Reges ipsos exauctoraret ad libitum, & diris ac fulminibus in Regum capita intonans, cædibus & seditionibus Galliam impleteret, vsque adeo vt Iulius II. bellum mouens in Ludouicum XII. plenam indulgentiam proposuerit cuilibet qui Gallum occideret. Sic agens vt qui securi amputat ramos arboris cuius fructus carpsit, & cuius vmbra recreatus est. Nota est, Ludouici Pij erga sedem Romanam immensa liberalitas: cuius immemor Gregorius Papa, filios aduersus optimum patrem rebelantes summo scelere adiuuit. Vt testatur Sigebertus ad annum 832. *Gregorius Papa in Galliam veniens, contra Imperatorem cum filiis agebat.*

Non possum tamen non mirari, quo modo pontifices se hac donatione tueantur, quæ eis plurimum obest. Nam si primatum suum habent dono Constantini, qua fronte audent eam asserere ex verbo diuino?

His laruis disiectis quæ aditum obsidebant, historiæ filum persequamur. Augustinus Epistola 162. & Eusebius historiæ lib. 10. cap. 5. referunt Donatistas postulasse à Constantino cognitores suæ causæ. Ille autem dedit Miltiadem Episcopum Romanum, Rheticum, Maternum, & Marinum, quibus iudicibus Donatistæ causa ceciderunt. At illis factam sibi iniuriam cla-



clamantibus, Imperator voluit de eorum causa iterum cognosci in ampliori cœtu : quod & factum Arelatis frequenti Synodo. Neque vero Episcopus Romanus conquestus est latam à se sententiam retractari, aut iniuste facere Constantinum, qui vellet à Papæ Iudicio ad aliorum Episcoporum iudicium prouocari.

Constantini filius Constantius Liberum Pontificem exiit Episcopatu, & Berœam iussit deportari, suffecto in eius locum Felice. Fuit quidem Constantius Arianus & Liberum Athanasio patrocinantem oderat. Sed non ideo damnatur à veteribus quod in Papam sibi assumeret potestatem, sed quod rectæ fidei aduersaretur. Quod si Liberius tunc fuisset Arianus, nemo illum iniuste ab Imperatore pulsum conquestus fuisset.

Sub Valentiniano Primo, anno Christi 367. Damasus & Ursicinus Episcopatum Romanum pari contentione ambiebant : Dùmque vterque suum riualem supplantare summâ ope nitetur, tandem mota seditione ad arma concursus est; Vno die centum triginta septem reperta sunt cadauera peremptorum. Nec finis fuit, donec Damasus victor Episcopatum obtinuit, vt refert Ammianus historiæ lib. 27. Nô multo post Honorius vt talibus in posterum seditionibus iret obuiam, legem sanxit quæ habetur Canone : *Si duo forte Dist. 79. verba legis sunt, Si duo forte contra fas temeritate concertantium fuerint ordinati nullum ex eis futurum Sacerdotem permittimus.* Ipse Bonifacius Episcopus ad eundem Honorium his verbis scribit, *Precamur sacra causa religionis, vt in*

*vrbe vestra mansuetudinis, hoc animo quo postulatis & annuitis, in perpetuum Statui vniuersalis Ecclesia consulatis. Quæ sane fidem faciunt quæ fuerit Imperatoris in Episcopum Romanum & Ecclesiam Romanam potestas, vel fatente ipso Pontifice.*

Anno Christi 420. hinc Bonifacius, illinc Eulalius contrariis populi studiis eliguntur in Papas. Quod vbi renuntiatum esset Honorio qui tunc Mediolani agebat, vtrunque vrbe pellit: mox tamen Bonifacium reuocatum in sedem restituit. Platina, Sigebertus, & alij.

Anno Christi 451. conuocata est Synodus Chalcedonensis iussu Theodosij iunioris, post etiam Martiani Imperatoris, frustra rogâte Leone I. Papa Romano vt in Italia congregaretur. Vt testatur Leonis Epistola 123. At non placuit Imperatori, iussusque est Leo venire Chalcedonem, aut Legatos mittere. Missi Paschasinus & Lucentius, qui quotiescunque alloquuntur, præfides & Patricios quos Martianus voluit Synodo præsidere, non aliter loquuntur, ac subditi, & pendentes ab Imperio præsidum. Sic Actione 16. locuturi veniam sic præfantur. *Si imperat magnificencia vestra habemus quadam referre vobis. Gloriosissimi Iudices dixerunt, quod vultis dicite. Idem Legati addunt, Hesternæ die postquam potestas vestra surrexit, & humilitas nostra vestigia vestra secuta est, &c.* Quanta igitur demissione vti essent erga ipsum Imperatorem?

Non multis post Honorium annis Heruli duce Odoacre, mox Gotthi inuaserunt regnum Italiae sub Rege Theodorico, qui Ioannem I. Papam

pam legatum misit ad Iustinianum Imperatorem, reuersum re male gesta in carcere necauit.

Habes apud Cassiodorum plurimas Epistolas Regis Theodoricæ ad Senatum & populum Romanum in quibus res vrbis ad libitum ordinat: Præfecto vrbis, & Vicario vrbis Romæ formulam administrationis præscribit lib. 6. & 7. Variarum: Episcopo Romano insuper habito, cuius inter tam multas ad Senatum Romanum & Præfectos vrbis, & Vicarios, epistolas, nulla mentio. Vnde patet regimen vrbis ad Episcopum tunc non pertinuisse. Hoc Theodorico regnante Anastasius Papa moritur anno Christi 498. Riuales duo Symmachus & Laurentius de Episcopatu vsque ad cædes & rapinas contenderunt. Quibus malis vt occurreretur, vterque ad Theodoricum Regem, quamuis Arianum, profectus est, qui Symmachum, vt prius electum, Pontificem esse iussit. Sed hic paulo post multorum scelerum coram Theodorico arcessitus vadium obijt. Misit Rex cognitorem Petrum *An. 496.* Alinæ ciuitatis Episcopum, quem Sigebertus vocat visitatorem sedis Apostolicæ. Testes Anastasius, Diaconus, Liber Pontificalis, Platina, & alij. Tantæque erat Papæ tunc temporis tenuitas, vt tertia Synodus Romana sub Symmacho capite 4. adimat Papæ potestatem alienandi vel commutandi vnicum exiguum prædium.

Anno 525. cum Iustinianus in Arianos sæuieret, eaque res Theodoricum male haberet, Iohannes Papa à Theodorico legatus ad Iu-

stinianum mittitur, paruit Pontifex, & Theodorico iubente pro Arianis intercessit. Eundem Theodoricus in Italiam reuersum in carcere necauit. Anastasius, Platina, liber Pontificalis, &c.

Theodorico mortuo succedit Athalaricus puer, qui Iohannem Episcopum Romanum impense coluit, vt testatur eius Epistola quæ est 24. libri 8. Variarum Cassiodori. Vbi vetat clericum Romanum apud Iudicem ciuilem primo conueniri, sed vult Episcopi iudicio rem transigi. Veruntamen addit, *Si forte, quod credi nefas est, competens desiderium fuerit petitoris elusum, tunc ad secularia fora iurgaturus occurrat.* Nimirum causas clericorum permittit cognitio Pontificis, sed ea lege vt inde ad secularia iudicia detur prouocatio. Idem Rex lib. 9. Variarum Cassiodori. Sic alloquitur Papam vt Princeps subditum non suadentis aut iupplicantis voce, sed iubentis. Sic enim loquitur. *Sanctitas vestra statuisse nos presenti definitione cognoscat, quod etiã ad vniuersos Patriarchas atque Metropolitanas Ecclesias volumus pertinere, &c.* Denique prolixè sub grauibus pœnis vetat ne quis affectans Episcopatum Romanum, suffragia cauponetur, & largitione aut sacrorum valorum venditione sacrilegij se alliget.

Athalarico succedit Theodatus anno 536. qui Agapetum Papam à se creatum misit Constantinopolim, acturum cum Iustiniano de conditionibus pacis: Quo, in legatione ipsa mortuo, Theodatus Syluerium per vim in sedem Romanam intrudit, qui biennio post à Belisario duce copiarum Iustiniani loco motus Patara Lycie rele-

relegatur. Vigilius pecunia Pontificatum emit à Belisario. Syluerius quanquam exul Vigilium Anathemate percutit, qui iussu Theodoræ Imperatricis paulo post Constantinopolim vi tractus inter initia quidem honorifice habitus est à Iustiniano, At cum Imperatori & Theodoræ liberius obloqueretur, Ita (vt ait Platina) *caesus est, vt paulum absuerit quin occideretur.* Fugiens itaque in Templum Sanctæ Euphemie quod haud procul aberat inde à grassatoribus trahitur, & iniecto in collum eius fune tanquam latro per totam urbem vsque ad vesperam trahitur. Deinde vero carceri inclusus pane & aqua tantummodo aliquandiu vitam duxit. Hæc Platina.

Recuperata Italia à Belisario & Narsete, iterum Roma eiusque Pontifex in Imperatoris Græci potestatem concessit, Qua veneratione & obsequio Papæ illius æui sint Imperatores profecti, testantur eorum Epistolæ. Præ cæteris vero Epistolæ Gregorij I. ex quibus serenissimus Rex Maioris Britannie in Apologia pro iuramento multa apte & fideliter excerpfit, Epistola 61. lib. 2. scribens ad Mauritium de lege quadam ne reciperetur miles in Monasterium nondum expleta militiâ. *Omnipotenti Deo (inquit) reus est qui serenissimis Dominis in omne quod agit & loquitur purus non est.* Deinde se appellas indignum famulum pietatis eius, Sic Epistolam concludit. *Ego quidem iussioni subiectus eandem legem per diuersas terrarum partes transmitti feci.* Et quia lex ipsa omnipotenti Deo minime concordet, ecce per suggestionis meæ paginam serenissimis Dominis nuntiaui. *Vtrobique ergo quæ DEB V I* exolui, qui & Imperatori obedientiam præbui,

*& pro Deo quod sensi minime tacui.* Qui obediētiam præbuit Imperatori in re quam putabat iniustam, quid fecisset in re quam iustam existimasset? Et Epistola 6. lib. 3. sic affatur Imperatorem. *Ego autem indignus pietatis tuæ seruus.* Et ibidem. *Ego vero hæc Dominis meis loquens quid sum nisi pulvis & vermis?* Vbi non tantum vocat Imperatores Dominos quæ est vox honoris, sed & *suos Dominos*, quæ est vox potestatis. Idem habes Epistola 64. ad Theodorum lib. 2. & li. 8. Epist. 2. Quin & ex prima Epistola lib. 7. liquet Gregorium nequidem ausum ordinare Episcopum nisi consulto Imperatore. Erat autem (vt ait Platina in Seuerino I.) vana tunc temporis electio cleri ac populi, nisi ad Imperatores, aut eorum Exarchi confirmassent.

Anno Christi 654. Constans Imperator Martinum Papam catenis onerat, & Cherſonam in exilium deportari iubet vbi & mortuus est. Platina, Baronius. Sigebertus ad annum 659.

Anno Christi 676. Imperator Constantinus I. V. Sacram mittit ad Donum Episcopum Romanum, qua iubet Papam mittere ad Cōcilium Constantinopolitanum, tres viros selectos. Sic autem loquitur. *Per omnia I. V. B. E. M. V. S. vestram paternam beatitudinem minime effici impedimentum voluntati Dei, sed eos dirigere.* Respondet Agatho Doni successor humilitate qua decuit. *Secundum* (inquit) *pūssimam iussuionem mansuetudinis vestrae, pro obedientia quam debuimus, &c.* Et paulo post. *Flexo mentis poplite suppliciter vestram clementiam deprecamur.* Et paulo post. *Non nobis eorum legatorum scientia confidentiam dedit, vt ad pia vestra vestigia*

*stigia eos auderemus dirigere. Sed hoc Imperialis vestra benignitas clementer iubens hortata est, & nostra pusillitas quod iussum est obsequiter impleuit.* Hęc habentur initio Concilij Constantinop. IV. & Actione IV. ex quibus nemo non perspicit hunc Papam nesciuisse Imperatorem sibi esse subditum, & se posse Cęsari Imperium adimere, aut si fuerit aries furiosus, eum aut vincere, aut iubere occidi.

Et quanquam post annum à Christo septingentesimum debile esset Imperium Romanum in Italia, Longobardis maximam Italię partem tenentibus, & Exarchis ad propulsandos barbaros inualidis, Papa ipso iam res nouas agitante, & defensionem imaginum aduersus Imperatores, suę ambitioni prętexente: Pontifices tamen adhuc appellabant Imperatorem suum dominum, & cęterorum subditorum more, suas Epistolas de anno Imperij suorum Dominorum denotabant, vt fidem facit clausula extrema Epistolarum Gregorij II. & III.

Insignis vero est oratio Hadriani Papę sic compellantis Constantinum & Irenen in fine Epistolę quę inserta est concilio Niceno II. Act. 2. *Hęc (inquit) mitissimis vestris Imperijs legenda tradidimus, obtestantes interim & ex animi feruore vestram mansuetudinem obtestando, & veluti presentes genibus aduoluti, & coram vestigia pedum volutando, ego cum fratribus meis coram Deo supplico, obtestor, adiuro, quo ipsas imagines in pristinum statum restitui & firmari iubeatis. Nempe tunc temporis Papę Imperatorum genibus aduoluebantur, qui postea coacti fuerunt*

lambere Pontificum vestigia.

Et hic quidem status fuit & conditio Pontificis Romani vsque ad Pipini & Caroli Magni tempora.

Nam quod ad Paparum electionem attinet, satis constat eam olim factam suffragiis populi & cleri Romani; accedente Imperatoris consensu. De Theodorico & cæteris Italiæ regibus iam dictum est qua ratione Pontifices exauctoraerint & creauerint ad libitum. Theodoricus autem regnare cœpit anno 493. Ante eum penes Imperatores erat hæc potestas vt testatur Platina in Syluerio. Deletis Gotthis à Narsete, ea potestas ad Imperatores & eorum Exarchos rediit; vt docet Platina in Benedicto II.

Anno Christi 581. Gregorius Archidiaconus à populo Romano & clero ad Tiberium Imperatorem mittitur, causas expositurus cur electus fuerit Pelagius non expectato Imperatoris assensu. Causabatur vias interclusas excursionibus Longobardorum, & inundationibus aquarum.

*Sigeb. ad an. 680.* Idem Gregorius paulo post electus à populo & clero suppliciter postulauit ab Imperatore Mauricio ne electionem suam ratam haberet. Anno 679. Agatho Pontifex obmixe postulat à Constantino Pogonato relaxationem tributi quod Pontifices pendebant Imperatori pro sua inauguratione, vt doctè & vere Rex Serenissimus obseruauit. Summa fuit viginti libræ auri, vt docet *quæritas*. Authentica 123. Iustiniani cap. 3. vbi & discimus eidem taxationi fuisse obnoxias sedes alias Patriarchales, idque ex veteri consuetudine.

Con-



Constantinus quidem abstinuit sua illa potestate, sed beneficium eius fuit in officio sum; quia exercitum Romanum pro se substituit, quippe sanxit ut quem populus, clerusque & exercitus Romanus elegerent, is esset Pontifex, unde turbæ & seditiones circa electionem oriebantur, ad quas compescendas ad Exarchum subinde recurreretur: ut fidem facit electio Cononis I. & Sergij I. annis Christi 686. & 688. Fateor quidem veteres Imperatores Constantinum, Valentinianum, Gratianum, de electione Papæ Romani parum fuisse sollicitos, quando nempe Pontifices sola spiritualia curabant. At ex quo cœperunt immiscere se negotiis temporalibus, & attrectare per ambitionem ciuilia, non mirum est si Imperatores voluerunt habere Papas beneficio sibi deuinctos, & à se in sede collocatos.

Imperio Occidentis vnâ cum Italiæ regio ad Francos translato, Papæ dignitas immensum quantum aucta est liberalitate Caroli Magni & Ludouici Pij: Nihilo secius tamen ius Papæ electum approbandi & confirmandi apud Imperatores mansit. Isque honos vltro delatus Carolo Magno ab Adriano I. ut docetur Canone Hadrianus. Dist. 63. Nec multo post Paschalis I. mittit ad Ludouicum Pium qui causas redderet cur contra morem & ius in sua electione non fuerit expectata sententia Imperatoris. Hunc Ludouicum falso \* perhibent renuntiasse isti potestati. Nam sub idem tempus Gregorius IV. noluit Papatum adipisci, nisi post electionem suam Ludouici assensu firmatam, ut testantur Sigonius

\*Dist. 63.  
Can. Ego  
Ludouici-  
cus.

& Platina qui & idem asserit de Benedicto III. Anno 867. Legati Ludouici intercesserunt electioni Hadriani I. asserentes eum vitio creatum, quod ad eius creationem voluntas Regis nō accessisset : Quo loco obiter notandum quot criminibus falsi fœdatum sit decretum Romanum. Nam in Distinctione 63. Canone *Cum Adrianus*, Papa Gregorius IV. ait Adrianum II. electum absque Imperatoris assensu, at hic Gregorius IV. longe antiquior est Adriano II. nam inter hunc & illum quinque Pontifices intercesserunt. Pari fraude confectus est canon. *Ego Ludovicus*, eadem distinctione, ut ante probauimus. Anno 854. Anastasius Pontificatum inuadit, mox à legatis Lotharij in carcerem compingitur. Sigbertus.

Inter hæc Normanni à Septentrione in Gallias effusi, quasi immanis procella, Occidentale imperium affligerunt : In quibus summouendis Imperatores occupati, facti sunt circa res Italiæ indiligentiores, & Berengariis data facultas inuadendi Regnum Italiæ. Tunc sedes Romana quasi rectore excusso, cædibus, libidinibus, veneficijs impleta est, ipso Baronio teste qui tunc temporis multa monstra sedem Papalem insedissee ultro agnoscit. Igitur Romana Ecclesia in tantis malis, coacta est opem poscere à Rege Berengario. Nec multo post Otho I. Imperator pulso Iohanne XIII. Leonem VIII. laicum Pontificem elegit, & electionem Paparum voluntati Imperatoris in perpetuum submisit, cuius submissionis formulam habes Canon. *In Synodo*, Distin. 63. Addit Sigonius Leonem censuisse

An. 963.

fuisse non sine causa Adrianum I. Carolo Magno tribuisse vt Ecclesiam ordinaret, & Pontificem legeret, libertate populo reddita Romanos in dies deteriores effectos. Idem Otho Leone mortuo elegit Iohannem XIV. vt memorant Sigonius, Platina, & alij. Secutusque exemplum Otho III. anno 995. Gregorium V. creauit, ne quidem expectatis populi suffragiis. Eiusdem autoritate creatus est Syluester II. pactione facta cum Diabolo Papatum adeptus; si fides Sigeberto, Martino Polono, Malmesburiensi, Stellæ, Platina, Bennoni Cardinali in vita Hildebrandi. Anno 1204. factio Comitis Tusculani tunc Romæ præpollēs Iohannem XXI. ad Papatum euexit. Anno 1407. Imperator Henricus II. tres Papas Pontificatu exiit, Benedictum IX. Syluestrum III. Gregorium VI. quos Platina tria monstra appellat vt fideliter notauit Serenissimus Rex. Assentitur Stella Monachus Venetus, Henricus (inquit) Cæsar habita Synodo Benedictum prædictum & Syluestrum & hunc Gregorium, abdicare se Pontificatu, coegit. Idem Henricus Romanos ad renouandum iureiurandum adegit, quo pollicebantur se ne quidem interfuturos electioni sui Episcopi nisi ex Imperatoris mandato. Iuxta hanc legem creati sunt Papæ sequentes Leo IX. Nicolaus II. Honorius II. Sigonius ad annum 1064. refert Hannonem Archiepiscopum grauiter expostulasse cum Papa Alexandro quod in sedem irrepsisset inconsulto Henrico Cæsare, quam (inquit) sedem multos iam per annos nemo nisi à Rege probatus ausus esset attingere. Ipse Gregorius VII. flagellum Imperatorum,

Sigonius  
pag. 372.  
Platina  
in Clemē  
te. II.

an. 1075. ab Hënrico I V. confirmatus est. Ex eo cecidit Imperatorum Maieſtas, qui non modo regno Italiæ à Pontificibus sunt excuſſi, ſed & Imperij titulum non niſi ad Papę nutum, & precario habere, & ad Paparum pedes coronam ſuam ſubmittere coacti ſunt. Quantum in hac contentione fuſum ſit ſanguinis, quot ſtragibus populorum, quot euerſionibus regnorū & Principum mutatio illa conſtiterit, nouit qui hiftorias iſtius æui euoluit. Qua de re operæ precium eſt audire iudicium Sigeberti, qui vixit ſub hoc Gregorio. Is ad annum 1088. ſic loquitur. Nimirum, vt pace omnium bonorum dixerim hac ſola nouitas, ne dicam heresis, nec dum in mando emerſerat, vt Sacerdotes illius, qui dicit Regi Apoſtata, & qui regnare facit hypocritam propter peccata populi, doceant populum quod malis Regibus nullam debeant ſubiectionem, & licet ei Sacramentum fidelitatis fecerint, nullam tamen fidelitatem debeant, &c. Et Benno Cardinalis in vita Hildebrandi, ait, Simul ac ad excommunicandum Caſarem de ſede ſurrexit, ſedem eius Dei nutu terribiliter ſciſſam in plures partes, vt manifeſtè daretur intelligi ſeſſor ille tam periculosa excommunicatione, tanta præſumptione quanta quamque terribilia ſciſmata ſeminaret contra Eccleſiam Chriſti, &c.

Cæterum ipſius vrbiſ Romæ ſummum principatum quomodo Papa adeptus ſit non facile eſt dicere. Nam ante dominationem Gotthorum in Italia, Imperatores Cōſtantinopolitanos Romam tenuiſſe vel pueris notum eſt. Conſtantiuſ ſic affatur Liberium, Nos quod Chriſtianuſ eſſeſ, dignum te iudicauimus Epiſcopatu

V R B I S  
N O -

NOSTRAE. Theodoretus lib.2. historiæ cap. 16. Eodem modo. Dist. 97. Can. *Ecclesia Bonifacius Papa sic alloquitur Honorium. Precamur sacra causa religionis, ut in vrbe vestra mansuetudinis* (Romam intelligit) *hoc animo quo postularis & annuitis, in perpetuum statui vniuersalis Ecclesia consularis.* Sub Gotthis quomodo istius vrbis imperium fuerit penes Reges Gotthos abunde docuimus. Deleto Gotthorum Regno Exarchus in Italia constitutus qui vices Imperatoris in Italia gereret. Sigonius ad annum 687. dicit Exarchos solitos mittere Iudices Romam qui populo Romano ius dicerent. Idem ait Platina in vita Sergij II. qui primus Immutationem nominis in Papatum intulit, cum ante *Os porci* vocaretur. Anno Chr. 677. habita est Synodus Constanti-nopolitana quarta, cuius fronti præfixa est sacra Imperatoris Constantini IV. in qua Donum Papam sic compellat. *Dono sanctissimo ac beatissimo Archiepiscopo NOSTRAE ROMAE.* Cui Epistolæ respondens Agatho Sess. I V. Concilij, postquam dixit, *Studioſa obedientia suum ſamulatum iuſſa Imperatoris impleuiſſe,* subiungit, *personas quasdam de hac ſeruili veſtri Sereniſſimi Principatus Romana vrbe, vel proxima dirigere procu-ramus.*

Nec aliter se res habuit sub dominatione Frâ-corum & Germanorum. Sigonius lib.3. de regno Italiæ. *Carolus Exarchatum Rauennatem, Pen-tapolim, Ducatum Romanum, Tuscum, & Campanū, iure principatus & ditione ſibi retenta Pontifici per-miſit.* Platina in vita Eugenij II. ait Lotharium in Italiam venientem Magistratum delegiſſe qui

populo Romano ius diceret. Sigonij verba difertantur lib. 7. Historiæ de Regno Italiæ ad annum 973. Pontifex (inquit) Romam Rauennamque & ditiones reliquas tenebat auctoritate magis quam Imperio, quod ciuitates Pontificem vt Reip. principem, Regem vero vt Summum Dominum intuerentur, atque ei tributa obsequiaque praberent. Anno circiter millesimo Gerbertus qui & Siluester II. Othonis III. pædagogus voluntate Othonis Papatum adeptus est. Extat decretum imperiale de electione Gerberti sub finem Epistolarum eiusdem Gerberti, in quo Imperator Romam vocat suam regiam urbem; his verbis. *Pontifices non solum qua extra urbem esse videbantur vendiderunt, & quibusdam colluuiis à Lare Sancti Petri abalienauerunt, sed (quod absque dolore non dicimus) si quid in HAC NOSTRA VRBE REGIA habuerunt, vt maiori licentia euagarentur, &c.* Ipse Papa Paschalis anno 1111. ultro agnoscit ad Henricum V. Romanæ urbis coronam & imperium pertinere Sigeb. anno 1111. Anno 1132. erat Romæ Lotharius Imperator vbi & in ipsa vrbe condidit leges Romanis, & valuis templi Beati Petri affixit: quæ leges habentur inter constitutiones Imperiales lib. 1. de feudis Tit. 19. Hæc cum ita sint, velim quidem doceri qua ratione & sub quo titulo summus Principatus urbis & territorij Romani venerit in Papæ potestate. An bello quaesuit? an dono accepit ab aliquo Henrici successore? An pecunia emit, aut permutatione? An vero in vacua venit, & (vt initio orbis fiebat) res possessoribus destituta cessit in potestatem primi occupantis? Aut cur Papa ipse Imperatorem Germa-

Germaniæ vocat Imperatorem Romanū quem Romano principatu expulit. Ego sane pertendo Papam non posse proferre titulos huius possessionis, nec dicere à quo habeat, aut quo iure possideat. Quam vero noua sit hæc possessio, & quomodo sublati Banderetis, Papa sit factus summus Princeps Romanus, qui volet pernosse, legat Volaterranum, Blondum, & Sabellum.

## CAP. XV.

*In qualibet gente Episcopos & Clericos semper fuisse subditos Regibus & Principibus illius gentis.*



D vero quod licuit Imperatoribus in Pontifices Romanos, non dubium est quin in alios Patriarchas & Episcopos licuerit. De Ambrosij electione in Episcopatum Mediolanensem Ruffinus sic loquitur. lib. 2. capite

11. *Disidentis populi subito clamor & vox vna consurgit Ambrosium Episcopum postulantis, baptizari hunc protinus clamant (erat enim catechumenus) & sibi Episcopum dari, nec aliter vnum populum fore atque vnam fidem, nisi Ambrosius sibi daretur sacerdos. Obluctante illo & plurimum resistente, ad Imperatorem relatum Populi desiderium, omni maturitate iubetur impleri. De Nectarij electione in Episcopum Byzantinum Sozomenus hæc refert lib. 7. cap. 8. Cum Sacerdotibus nomina eorum quos*

*Socrates  
Lib. 4. c.  
25.*

ad ordinationem dignos iudicabāt carta inscribere Imperator iussisset, ac sibi ipsi ex ijs omnibus, vnius electionem reseruasset, alij alios in albam retulerunt: Imperator perlecto inscriptorum catalogo, substitit in Nectario, cunctos ordine percurrit, ac Nectarium eligit. Is autem nequidem baptisatus erat: Romani Episcopi nullum hic suffragium, Nicephorus lib. 17. historiæ cap. 26. hæc ait. *Ierosolymis episcopatum administtrauit post Petrum Macarius, cum Imperator nondum Episcopatum eius comprobasset. Quapropter etiam Ecclesiastica deturbatus est Cathedra.* Idem lib. 16. cap. 10. *Zeno Imperator Petrum Cnapheum, vt qui à Basilisco reuocatus esset Antiochia expulit, & Calandioni Stephani successori episcopatum restituit. Paulum item Epheso exegit, Nestorium item Tarso, & Cyrum Hierapoli, Romanum Chalcedone, &c. habes similia exempla eiusdem libri cap. 2. & lib. 6. cap. 29.* Neque tantum in electione aut abdicatione Episcoporum, sed & in tota gubernatione Ecclesiastica magna potestas Imperatorum fuit. Nam & conuocabant concilia; Papa Romano non consulto, aliquando etiam reclamante, vt de Leone I. Papa probauimus, & turbatis rebus Ecclesiæ, autoritate sua res componebant. Superiore capite audiuius Bonifacium suppliciter rogantem Honorium vt Ecclesiæ Romanæ statui prospiceret. Habes in codice Iustiniano Titulos de summa Trinitate, & fide Catholica. De sacrosanctis Ecclesiis. De Episcopis & Clericis. De episcopali audientia. De hæreticis & Manichæis ac Samaritis. Ne sanctum Baptisma iteretur. De Apostatis. De Iudæis & Cælicolis. De paganis sacrificiis, & templis. De iis qui ad Ecclesias



clesias confugiunt, velibi exclamant. De iis qui in Ecclesiis manumittuntur. Tum Nouellæ Iustiani plenæ sunt constitutionibus quibus maxima pars politiæ Ecclesiasticæ ordinatur, ad quas constituendas Papa Romanus nunquam adhibitus est, nec eius Iudicium quæsitum, aut expectatum. Authentica Iustiniani 123. ca. 1. sic loquitur, *Si quis autem extra memoratam obseruationem Episcopus ordinetur, iubemus hunc omnibus modis Episcopatu depelli, Sed etiam illum qui præter hoc presumpserit ordinare segregari vno anno à sacro ministerio, & omnem eius substantiam quæ quolibet tempore aut modo in eius dominium deducta est, propter culpam quam facit, dominio Ecclesiæ cuius est Episcopus vindicari.*

Sic quoque penes veteres Franciæ reges fuisse potestatem in Episcopos & res Ecclesiasticas, infinitis probationibus euincitur, Concilij Aurelianensis l. caput 6. tale est. *De ordinationib. Clericorum id obseruandum esse decreuimus, vt nullus secularium ad clericatus officium præsumat accedere nisi aut cum regis iussione, aut cum Iudicis voluntate. Vbi tunc Papa Romanus? aut quis hodie hæc ferret? Historia Gregorij Turonensis plena est exemplis potestatis regum in Episcopos & Clericos. Li. 4. c. 15. Clotharius sic alloquitur Turonicos. Præceperam vt Cato presbyter illic ordinaretur, & cur est spreta iussio nostra? & c. 18. Pascentius fit Episcopus Parisiensis ex iussu regis Chariberti. Cap. 26. idem rex indignatus Emerium pulsum Episcopatu Xantonensi, presbyterum ad se missum excusandi causa iubet arripi, & plaustro spinis oppletum imponi, & in exilium propere abripi. Li. 6, cap.*

39. Sulpitius in ipsa vrbe Biturigum ad Sacerdotium Cuntramno rege fauente, praeligitur. Nam cum multi munera offerrent, rex episcopatum quarentibus respondisse fertur. Non est principatus nostri consuetudo sacerdotium venundare sub pretio. Lib. 8. cap. 22. Rex data preceptione, iussit Gondecium Sanctonium comitem cognomento Dodonem, episcopum ordinari: gestumque est ita. & cap. 39. Obiit Euantius Viennensis Episcopus, in cuius sedem Virus presbyter de Senatoribus Rege eligente substituitur. Nulla hic mentio Papæ, nec annatarum, nec diplomatis entronistici, seu litterarum inuestituræ. In synodo Francica quæ est Tomo 3. Conciliorum Carlomannus Francorum princeps & Dux sic loquitur. Ex consilio Sacerdotum & optimatum meorum, ordinauimus per ciuitates Episcopos, & constituimus super eos Archiepiscopum Bonifacium qui est missus S. Petri. Statuimusque per annos singulos synodum congregari, vt nobis presentibus canonum decreta & Ecclesia iura restaurentur, & religio Christiana emendetur, Sigonius lib. 3. de regno Italiæ, de Carolo magno loquens. Vniuerso (inquit) procerum consentiente conuentu decretum vt Carolus Patricius Romanus esset, per singulas prouincias Archiepiscopos & Episcopos institueret, ita vt nisi ab eo laudarentur & instituerentur à nemine sacriarentur, & vt Pontificem eligeret sedemque Apostolicam ordinaret. Hac fretus potentia Henricus III. Imperator Anno 1004. Bambergensem Ecclesiam erigit in sedem Episcopalem. Sic & Henricus V. anno 1111. dat Episcopatus & Abbatibus inuestituras per virgam & annulum ipso Papa Paschali annuente & probante, vt prolixè refert Sigebertus in fine suæ historiæ.

*Editionis  
Colon.  
pag. 39.*

*Exempla  
Episcoporum  
abdicato-  
rum à  
Carolo  
Martello  
& Lu-  
donico  
Pio ha-  
bes apud  
Sigebertum  
An.  
723. &  
835.*

Con-

Concilium Moguntinum sub Carolo Magno Anno Christi 813. sic incipit *Carolo Augusto vera religionis Rectori ac defensori sancta Dei Ecclesia*. Similique titulo secundum Concilium Moguntinum insignit Ludouicum Pium. *Ludouico vera religionis serenissimo rectori*. Nec abs re, cum Dauid, cum Iosaphat, Ezechias & Iosias res Ecclesie perturbatas ordinarint, collapsamque disciplinam & verum cultum Dei instaurauerint. Quod nisi Reges vitia Sacerdotum & Pastorum saepe cohibuissent, multis in locis actum fuisset de fide & religione.

At cum Pontifices Regum potentiam accidere ausi, egerunt cum nostris Regibus proteruius, non defuerunt Principes & sapientes viri qui ius suum tueri, & contra hoc fulmen oppedere (quanquam in tenebroso saeculo) ausi sunt. Quae de re Serenissimus rex in sua Praefatione sic loquitur. Ex Francorum (inquit) <sup>Salutem modicam, aut potius nullam.</sup> monumentis primum eruam Philippi (cui Pulchro cognomen fuit) illas celebres ad Bonifacium octauum litteras, quarum (post ridiculam salutationem) initium in hac verba conceptum est. Sciat tua maxima fatuitas nos in temporalibus alicui non subesse, &c.

Ludouicus quoque nonus, qui Sanctus vsurpatur, Anno publica sanctione quam Pragmaticam appellant omnes <sup>1228.</sup> curia Papalis exactiones intra regnum suum prohibuit. Sub initia deinde Ludouici undecimi Pius II. Pontifex sanctionem illam ante tot annos latam agere ferens legatum cum solemnibus publicisque litteris ad Ludouicum transmisit, quibus vehementer efflagitabat illius promissi fidem, quo se Ludouicus cum tantum Delphi-

natus Princeps esset, obstrinxerat, si quando Francico sceptro potiretur, se pragmaticam sanctionem antiquaturum. Rex ad Parisiense Concilium cui rem cognoscendam commiserat Legatum litterasq; reiecit. Vbi cum negotium agitare ceptum esset, Pontificum primum postulatio à Iohanne Romano regis aduocato acriter oppugnata: in cuius sententiam cum Parisiensis Academia iuisset, à Pontificis conatibus ad primum generale Concilium prouocatum est. Ita Cardinalis irarum plenus re infecta discessit. Hæc sapientissimus Rex, qui & hæc addit: Tanto studio à Regis Ecclesiæq; Gallicana partibus Sorbonista steterunt, vt senserint, si Pontifex Romanus Regi de eiusmodi rebus controuersiam mouisset, posse Ecclesiam Gallicanam sibi Patriarcham constituere & à Romana sede deficere. Et Gersonus ille, cætera Romana fidei rigidus propugnator, tantum absuit vt ius istud saculare Pontificibus assereret vt contra de auferibilitate Papa ab Ecclesia librum scripserit, quanto magis à Regum cervicibus?

His adde Carolum V. qui edi curauit librum aduersus technas & tyrannidem Romanam, cui titulus *Somnium Viridarj*, qui etiam nunc legitur. Anno 1400. Rex Carolus VI. obuiam iturus æruscationibus & rapinis Curia Romanæ Galliæ exugentibus, sub titulo annatarum, reservationum, expectatiuarum, & dispensationum, Gallia expulit omnes æruscatores & collectores pecuniæ à Papa missos. Iratus Benedictus maledictionem suam strinxit, Regem, proceres, fautores, sacris interdixit. Quin & libellum conuictorum in Regem misit per hominem qui se tabellarium Tholosanum mentiebat. Sed riserunt Galli brutum hoc fulmen, & diras irritas. Quin & Sena-



natusconsulto libellus iste publice laceratus 4. Idus Iunij, 1401. Decem diebus postquam hæc gesta sunt, consurgente Senatu circa vndecimam marutinam, producti sunt duo bullistæ excommunicationis istius geruli, qui post satisfactionē honorariam super Scalas Palatij, impositi plaustris tortoris, per vrbs compita, mirellari & sædo amictu induti, circumducti sunt, & populi sibilis ac pipulo excepti. At Benedictus nihilo secius corradere nummos, & mille rapiendi artes comminisci. Donec tandem, Rex & Curia Parlamenti, grauissimo Senatusconsulto, quod Arrestum vocant, sub grauissimis pœnis vetuit nummos vltimos Regno efferre sub religionis colore, tum inhibita Annata & tota Romana cauponatio. Hoc Arrestum habes descriptum & notis accuratissimis illustratum à Carolo Molineo in Commentario *Contra paruas Datas, & abusum Curia Romana.*

Exemplum patris secutus Carolus VII. anno 1437. Episcopos suos vetuit ire Ferrariam ad Concilium à Papa Eugenio indictum; Idemque anno sequente, regni sui comitia de more Bituricum conuocauit, quorum consilio & suffragiis Pragmatica sanctio constituta Anno 1440. Regium diploma frequenti Senatu lectum & publicatum, quo cautum erat sub grauissimis pœnis ne vllæ bullæ Papales citationum vel præuentionum, vel censurarum Papalium in Galliam inferrentur. Obtinuitque ista sanctio usque ad conuentionem inter Franciscum I. & Leonem X. qua Rex facilis Papæ quæ voluit indulsit.

Cæterum ne quis Episcopus accitus ad Synodum, eo iret Rege non permittente, iam ante vœtuerat Concilium Agathense II. Can. S. Episcopus. Dist. 18. *Postpositis omnibus (excepta graui infirmitate corporis aut praeceptione regia) ad constitutam diem adesse non differant.*

Annis sunt centum, cum Iulius II. Ludouicum XII. bello adortus Regi optimo regnum abrogauit, & Galliam interdicto subiecit. At Rex regni sui optimatibus, necnon Episcopis ac Prælatibus Turonum conuenire iussis, de re tota ad eos retulit, ibique vnanimi omnium suffragio decretum, licere se opponere Papalibus censuris, quippe nullis & abusiuis, profectis non à capite Ecclesiæ, sed ab hoste Regis & regni. Aliud esse opponere se Iuliano Ruueræ (hoc erat Iulio nomen) aliud Pontifici. Ausus etiam Rex fortissimus percutere monetam aureã, cum hac inscriptione, LVD. XII. D. G. FRANC. REX DVX MEDIOLANI, altrinsecus vero PERDAM NOMEN BABYLONIS, vsque adeo Papæ fulmina, vt aniles bombos, & puerilia *μορμολύχεναι* contemnebar.

Anno 1561. cum quidam Tanquerellus Theologiæ Baccalaureus frequenti Sorbona thesim hanc defendisset. *Regem si deserat fidem Catholicam posse à Papa deponi*; Senatusconsulto iudicatum, propositionem istam falsam esse & temerariam, iussusque Tanquerellus palinodiam canere, fateri errorem, pœnam que deprecari, quanquam profiteretur id à se dictum, *doctrinaliter tantum non iuridicè*, vt scholæ balbutiunt.

No-

Nouissime cum Sixtus V. Henricum III. anathemate notasset & regno exuisset, Curia Parliamenti Turoni congregata, bullam papalem frequenti Senatu damnauit, & accensi manu palam cremari iussit. Hæc quidem erant vltima suspiria morientis libertatis.

Quam in rem obiter notandum nunquam Pontifices talia orfos, nisi rebus Galliæ turbatis, nec ausos in Galliæ Reges de tonare, nisi quando eos viderunt implicitos difficillimo bello ciuili, aut externo, vt res iam turbatas pessundarent, & ruentem Rempublicam impellerent. Confecto vero bello, quotiescunque Papa vidit Regem ictum fulmine, retinere tamen rerum gubernacula, & perrupisse obstantia, præsto semper fuit victori plena indulgentia, & reuocatio ouis errantis, & declaratio nihil per ante acta derogatum esse Regis optimi, & Ecclesiæ filij, potestati & iuri. Cuius rei est insigne exemplum, Extrauagans *Meruit*. Nam cum Bonifacius VIII. à Philippo Pulchro fuisset duriter habitus, & in carcerem compactus, in quo miserabiliter vitam finiit, Rege indignante Bonifacium asserere, Galliæ Reges sibi subesse in temporalibus, & in extrauaganti *Vnam Sanctam* ius summum vtriusque gladij sibi vindicare, Clemens tamen V. Bonifacij successor non modo non vlscitur mortem sui decessoris, sed & aliam Extrauagantem cudit, cuius hæc verba sunt. *Meruit charissimi filij nostri Philippi Regis Francorum illustris sincera affectionis ad nos* Extrau. *Meruit.*  
 & Ecclesiam Romanam integritas, & progenitorum suorum præclara merita meruerunt. Meruit insuper regnicolarum puritas: ac deuotionis sinceritas vt tam

Regem quam regnum fauore beneuolo prosequamur. Hinc est quod nos regi & regno per definitionem & declarationem bonæ memoriæ Bonifacii Papa VIII. pred. nostri quæ incipit, Vnam Sanctam nullum volumus vel intendimus praiudicium generari. Perbenigne sanè: & profecto Rex, etsi læuior paulo, dignuserat misericordia. Quam facile consequuntur qui non ambiunt, aut qui metuuntur.

Habet & Regnum Angliæ sua exempla. De quo quædam proferuntur à Serenissimo Rege ex Archiuis sui Regni. Henricus (inquit) id nominis post Conquestum primus, concessit Episcopatum Wintoniensem Willielmo Gifford, & continuo de possessionibus cunctis ad Episcopatum pertinentibus, contra noui Concilij statuta inuestiuit.

p. 34.  
Matth.  
Parif. in  
Hen. I.  
anno

1100.

Idem i-  
bid. an.

1113.

Idem Henricus dedit Archiepiscopatum Cantuariensem Radulpho Londinensi Episcopo, & illum per anulum & pastorem baculum inuestiuit.

Idem i-  
bid. an.

1119.

Sed & Papa Calixtus Rhemis Concilium tenuit, ad quod Rex Henricus quosdam Angliæ & Normanniæ Episcopos destinauit. Turstanus quoque Archiepiscopus Eboracensis electus, illuc veniendi licentiam à Rege impetrauit, interposita fide, quod benedictionem ab eo non reciperet. Qui ad Concilium veniens Romanos (sicut mos est) in suum fauorem largitatis beneficio transiulit: & per eos ut à Papa consecraretur, impetrauit. Quod ut Regi Anglorum innotuit, omnem ei locum suæ dominationis interdixit.

Ex ar-  
chiuis  
Regni.

Rex Eduuærdus I. Abbati de Waltham, & Decano Ecclesiæ S. Pauli interdixit, ne decimas bonorum cuiusque in Hierosolymitani belli sumptum colligerent, quæquam hanc prouinciã illis Pontifex tribus Bullis demandasset: Decanus vero, Abbate interim mortuo, Regi, Re-



Regioque se stitit consilio , promisitque se , qua erat in Regem obseruantia, nihil vltra , nisi iussu nutuue Regis in eo negotio gesturum. Hic hominem Ecclesiasticum teneo , qui Papa non paruit , vt Regi suo pareret, in rebus quoque Ecclesiasticis: nondum scilicet noua hac Iesuitarum Theologia orbi innotuerat.

Idem ille Eduuardus, diem Decano sacelli de Woluerhampton dici iussit, quod contra Regni priuilegia ex sacelli sui Prabendis vnam , ad Pontificis mandatum, cuidam contulisset. Decanus autem comparuit, culpamque confessus sese Regia clementia permisit. Sed & Dunelmensem Episcopum prerogatiuis ac priuilegiis omnibus idem Rex spoliavit, quod prohibitorio cuidam interdito minime paruisset. Idem palam est, nequaquam illius saculi Principes credidisse, Clericos a sua iurisdictione esse exemptos. Sed nunc sublimior quadam nobis & Seraphica in contrarium doctrina proponitur.

Denique ad pleniorē huius rei fidem faciendam Ioannis de Ibstock accedat exemplum, qui in Carcerem ab eodem Eduuardo coniectus est, quod totos septem annos apud Romana Curia Iudices, super Nuechurchiensis Rectoratu contendisset.

Eduuardus secundus paternis vestigiis insistens, Abbatem de Walden, quod sancti Albani Abbatem cum aliis aliquot ad Romanam Curiam citauisset, primo ad causę dictionem vocari, mox & in custodiam duci iussit.

Eadem ratione, cum Bamburiensis quidam Prabendarius, Beuercotum quendam ad Romanam Curiam traxisset, litterę statim Regia intercesserunt, quibus capi Prabendarius, & custodia mandari iubeatur.

Nec vero Eduuardus tertius ab his Aui, Patrisque

*exemplis abiuit. Cum Lichensis Rector diem Priori sancti Osuualdi dixisset, ut se Pontifici Auenione sisteret, quod apud Iudices in Curia Domini Regis pensionem quandam contra ipsum recuperasset: Rex imperauit, ut in temporalia simul ac spiritualia eiusdem Rectoris bona inuaderetur. Idem cum Haruoden quidam, Pontificiam Bullam contra sententiam à suis Iudicibus latam impetrasset, reum esse, dignumque in quem animaduerneretur, pronuntiavit.*

*Sic & illum qui Pontificiis Bullis fretus seipsum in Barnuellensis Prioratus possessionem miserat deduci in Turrim Londinensem iussit, & in ea custodia Regis arbitrium expectare.*

## CAPVT XVI.

*Papam ius conuocandi concilia, & in eis prasidendi, Imperatoribus & Regibus ademptum, ad se traxisse.*



VÆ sint Concilia vniuersalia seu Generalia, & quid differant à nationalibus & prouincialibus accuratè differere, non est huius loci. Id tàm obiter monendum, maxima illa Concilia Nicenum I. Constantinopolitanum I. Ephesinũ I. Chalcedonense &c. vocata esse Vniuersalia quia constabant Episcopis coactis ex vniuerso imperio Romano; Quod quia maximam partem Orbis noti tunc occupabat, factum est ut hæ synodi Oecumenicę appellarentur: Pari abusu quo  
Epi-

Episcopus Byſantinus ſe Oecumenicū Patriarcham vocabat, vtpote ſedens in vrbe quæ dicebatur Imperare *ἡ οἰκουμένη*; etiam tunc cum Imperium valde eſſet acciſum, & anguſtis limitibus circunſcriberetur. Enimuero Concilia iſta quantumuis magna, non tamen extendebantur extra terminos Imperij Romani: Neque enim ex Perſide, India, Æthiopia, aut intima Arabia veniebat ad iſta Concilia, quia Eccleſiæ illæ non ſubeant Imperio Romano. Immo nec ex Gallia, Britannia, Hiſpania, poſtquam ab Imperio auulſæ in aliorum Principum ſubiectionem conceſſerunt. Ac proſecto magnitudinem veterum conciliorū debemus in magnitudinē Imperij Romani. Inde eſt quod Concilia decreuerunt decreſcente Imperio. Magnitudinem vero Conciliorum æſtimo non ex numero hominum, qui poteſt eſſe maximus, quamuis conuocetur ex anguſto regno: ſed ex terrarum & regionum amplitudine quæ ſubſint Concilio, & de ſuis Cauſis eccleſiaſticis & controuerſiis ad Concilium referant. Non alio ſenſu Concilia dici Vniuerſalia facile credet qui ſciet omnia vetera Concilia ab Imperatoribus fuiſſe conuocata; miſſis quoque verſum epiſtolis ad Episcopos, quas Diuales ſeu Sacras nuncupabant. Imperatores autem ſcripſiſſe ad Episcopos alieni Imperij, & eos iuſſiſſe ad diem & locum præſtitutum ſe liſtere, nec conſentaneum eſt, nec poſſibile: neque id Rex vicinus vnquam paſſus fuiſſet. Maximè cū Imperatores ſoliti eſſent ſuppeditare ſumptus itineris, equos, vehicula, & præſtationes quæ parangariæ appellabantur: Quæ *χορηγία* non fit niſi ſubditis, aut legatis

*Ad. i.  
Concilij  
Chalced.  
Imperatores vo-  
cantur  
Domini  
vniuerſi  
mundi.*

Regum externorum. Hodie Concilia vocantur Vniuersalia quæ conuocata sunt ex Vniuerso Imperio Romano Papali. Nam ex quo Papa inuasis dominationem in Ecclesias Occidentales, & cœpit ad se trahere iura Imperij Romani, ius quoque arripuit concilia conuocandi, & in eis præsidendi: Imperatores vero & Reges cœperunt esse nullo loco neque numero, & esse in conciliis *κατὰ τὴν θέσιν*: nec in alium finem interessse Conciliis per se aut per legatos quam ad amplificandam Papalem auctoritatem professione obedientiæ, & sessione ad pedes Pontificis.

Hæc fieri in fraudem Imperatorum & Regum, ad quos hæc potestas diu pertinuit tam clarum est vt mirum sit quenquam posse contra pertendere.

Eusebius qui synodo Nicenæ interfuit li.3. de vita Constantini c.6. *Σύνδον οἰκουμενικὴν συνεκρότει σπύδον ἀπαντῶν πρὸς ὁπισκόπους χράμματα ὑμνητικῆς προκαλήσει*. *Constantinus generalem Synodum congregauit, litteris honorariis omnes Episcopos, ad properandum instigans.* & Socrates lib.1.c.8. de eodem Imperatore *σύνδον οἰκουμενικὴν συνεκρότει πρὸς πάντας ὁπισκόπους διὰ χράματων εἰς νικαίαν ἀπαντῶν πατρικῶν*. *Synodum Oecumenicam congregauit, Episcopos vndique Niceam conuenire per epistolas iubens.* Et Theodoret. li.1.c.7. *πρὸ πολυθρόνης λαὸν ἐκένω πρὸς τὸ εἰς τὴν νικαίαν συναγχεῖν σὺν δον*. *Celeberrimum illud & fidele Concilium in vrbe Nicena congregauit.* Idem habes in Sozomeno li.1.c.17. & Epiphanius lib.2. hæresi vltima quæ est *αἰρεομασιῶν* hæc habet: *ἡ βασιλεὺς συνεκρότει οἰκουμενικὴν σὺν δον*. *Conuocatum verò Concilium iussu aut auctoritate Siluestri Pon-*

Pontificis tam falsum est, ut ne quidem Silvester tum viueret, si creditur Athanasio in Apol. 2. qui intererat Concilio. Sozomeno li. 1. cap. 17. Nicephoro li. 8. c. 14. Immo & ipsi patres Nicæni in Epistola Synodica ad Ecclesiam Alexandrinam quæ habetur apud Theodoretum li. 1. cap. 9. testantur se iussu Constantini coisse.

Secundum Concilium Generale, nempe Constantinopolitanum primum, à Theodosio seniore indictum est, teste ipso Concilio cuius epistola ad Imperatorem præfixa Canonibus Concilij hæc habet *συνελθόντες εἰς τὴν Κωνσταντινέπωλιν καὶ τὸ χαρμυα τῆς οὐς ἀπεβῆας. Congregati Constantinopoli iuxta tuæ pietatis litteras. Socrates li. 5. cap. 7. μὴδὲν ὁ βασιλεὺς ἵκαρθε δρῶ συνάσαν ὁπισκόπων συγκαλεῖ. Rex nulla mora interposita synodum Episcoporum conuocat. Eadem habent Sozomenus li. 7. c. 7. & Theodoretus li. 5. c. 9. & Nicephorus li. 12. c. 10. Bellarminus li. 1. de Conciliis c. 13. nihil habens quod opponeret commentus est rem summa audacia confictam. Theodoretus (inquit) refert Theodosium non tam illud indixisse, quam literas Pontificis Damasi, quibus Concilium indicebatur ad Episcopos misisse. Sic enim scribunt Episcopi congregati in illo concilio ad Damasum Pōtificem apud Theodoretum li. 5. Hist. c. 9. Mandato literarum superiore anno à vestra reuerentia ad sanctissimum Imperatorem Theodosium missarum, ad iter tantum Constantinopolitanum nos preparauimus. Hæc Bellarminus, sed falsa, & suo more conficta. Nam Epistolæ illæ quarum meminerunt Episcopi Orientales qui erant in Concilio, non sunt Epistolæ Damasi, sed synodi Aquileientis, cui ne quidem Damasus interfuit, Neque Epi-*

scopi orientales scribunt ad Damasum solum, sed ad omnes Episcopos Occidentales. Tum verba hæc quæ profert Bellarminus *Mandato litterarum* &c. sunt conficta, & falso addita à Bellarmino, vt & pleraque illius loci.

Tertia synodus generalis fuit Ephesina prima quæ à Theodosio Iuniore indicta est. Testis Euagrius li. i. c. 2. dicens. \* *νδμιαζ τῆ νέε θεοδοσίου τοῦ ἐν*  
*ἰουnioris* *ἑφῆσῳ* *ἡ ἐφῆσῳ συνόδον ἀνιῶμαι.* Immo & ipsa Synodus, cuius Canones sic incipiunt. *Ἡ ἁγία καὶ οἰκου-*  
*Theodosii* *μενικὴ συνόδος* *ἡ ἐν ἐφῆσῳ συληθεῖσα διὰ τὴν διαπίσμαν-*  
*priorem* *τὴν ἁγίαν ἀπὸ πάντων βασιλέων.* *Sacra & Oecumenica*  
*Ephesi* *Synodus Ephesi congregata mandato piissimorum Im-*  
*Synodum* *peratorum.* Niceph. li. 14. c. 34. Theodosius Imperialibus litteris suis in metropoli Epheso locorum omnium  
*congre-*  
*gata*  
*esse.*

Episcopos conuenire iussit. Eadem dicit Socrates l. 7. c. 31. Quid contra hæc Bellarminus? Prosper (inquit) in Chronico indicat Synodum Ephesinam factam esse Cyrilli industria & Celestini auctoritate. Sed Cardinalis hæc dicit fide qua solet, id est mala. Neque enim Prosper tale quidquam vsquam dicit. Sed tantum ait *Impietati Nestorij obstitisse industriam Cyrilli & auctoritatem Celestini.* Quod subdit Bellarminus, Cyrillum in ea Synodo fuisse legatum Celestini falsum esse facile posset demonstrari, si id esset huius quæstionis, in qua nobis tantum propositum est imperatorum & Regum iura aduersus Pontificum usurpationes defendere.

Quartum Vniuersale Concilium fuit Chalcodonense, quod à Valentiniano primùm, post etiam à Martino conuocatum esse restantur ipsa acta Concilij initio primæ actionis his verbis, *In Chal-*

*Chalcedonenſi ciuitate metropoli prouinciæ Bythinie facta eſt Synodus ex decreto piſſimorum & fidelisſimorum Imperatorum Valentiniani & Martiani. Ipſe Martianus id teſtatur, Lege 4. Cod. de ſumma Trinitate. Quæ nunc de Chriſtiana fide, à Sacerdotibus qui Chalcedone conuenerunt per noſtra præcepta, ſtatuta ſunt, iuxta Apoſtolicæ expoſitiones definita eſſe noſcuntur. Futilia ſunt quæ contra aſſert Bellatminus: Martianum rogäſſe Leonem vt veniret ad Concilium: aut ſi nequeat, per litteras ſignificaret. Quæſi vero non ſolerent Principes loqui verbis rogantis, etiam cum iubent. Profert quoque quandam Epiſtolam Epiſcoporum Moeliæ aut fictam, aut mendacem, nam quis non potius credat ipſis Patribus Concilij quam talibus Epiſtolis quæ poſſunt aſſui conciliis? Maxime cum ipſe Papa Leo ſupplex petierit ab Imperatore ne fieret Concilium alibi quam in Italia, nec potuerit impetrare, vt mox docebimus.*

Concilium Conſtantinopolitanum II. quintum ponitur inter Generalia. Hoc Concilium indixit Imperator Iuſtinianus. Id teſtatur Nicephorus li. 17. cap. 27. *Imperator Iuſtinianus Sanctam quintam Oecumenicam Synodum, Epiſcopis Eccleſiarum omnium euocatis coegit.* Ipſe Imperator id teſtatur in Epiſtola ad Synodum quæ inſerta eſt primæ Collationi Synodi his verbis, *Vocauimus vos ad regiam urbem, hortantes, &c.*

*Tomo 2.  
Con. p.  
496. E-  
dit. Co-  
lon.*

De ſexta Synodo Vniuerſali quæ eſt Conſtantinopolitana I II. habes teſtimonium Gratiani Diſt. 16. Can. Habeo librum. *Sancta Synodus Vniuerſalis ſexta poſt promulgatam ab eo definitionem contra Monotheliſas Conſtantino Imperatore qui eam*

*congregauerat non multo post defuncto, &c.* Quin & habes initio Concilij Sacras Imperatoris Constantini ad Donum Episcopum Romanum & ad Georgium Episcopum Constantinopolitanum indicentes concilium & iubentes, vt Episcopi ad condictam diem & locum conuenirent ad Concilium.

*Aetione* Sed & Constantinus & Irene conuocant Concilium Nicenum secundum vt testatur sacra  
*1. Synodi.* ad Synodum. Sic loquens. *Huic igitur petitioni annuere tum visum est meoque nutu iussi conuenire: Immo*  
*Tomo* *vt verius loquar Deo sic volente, nobis verò praeuentibus*  
*tertio* *Concil. e-* *congregaui vos. Ipsa Synodus initio Aetionis Pri-*  
*mae* *hæc habet. Conueniente vniuersali Synodo qua*  
*Colon. p.* *per gratiam diuinam piùmque illorum Imperatorum*  
*51.* *decretum congregata est in clarissima Nicensium Me-*  
*3.* *tropoli.*

Par veterum Imperatorum autoritas in cogendis Synodis particularibus. Theodoretus lib. 1. c. 27. Eusebius & Theogonius persuadent Imperatori vt Synodum cogeret Casarea Palestina. Et paulo post. Habebat fidem illis Imperator vt Sacerdotibus, Imperavitq. fieri quod petierant. Sed non comparente Athanasio iussit Cæsar Synodum transferri Tyrum.

Concilium Sardicense ab huius Imperatoris filiis indictum. Sulpitius Seuerus li. 2. historix. Res ad Constantinum refertur, iubet ex toto orbe apud Sardicam Episcopos congregari. Socrates li. 2. c. 16. Edicitur Concilium Generale vt omnes Sardicam cõmeent, idq. de sententia duorum Imperatorum. Idem testatur Athanasius Apologia secunda. Theodoretus li. 2. c. 4. Constantius indicit Concilium Sardica.

Idem



Idem Constantius indicit concilium Mediolani ait Theodoretus lib. 2. capite 15. Idem paulo post conuocat Concilium Ariminense, cap. 18. Tum aliud Seleuciæ cap. 27. Synodus Aquileiensis sic scribit ad Imperatores Gratianum & Valentinianum. *Iuxta mansuetudinis vestra statuta conuenimus, &c.* Sigeberti verba sunt ad annum 435. Iussu Valentiniani Imperatoris Romæ congregatur Synodus. Nempe in ipsa vrbe Roma Romanus Pontifex non potuit nisi ex Cæsaris Imperio Synodum conuocare.

Tom. 1.  
Con. pag.  
472. editionis  
Col.

Ac ne infinita eiusmodi exempla conſequer, habemus luculentissimum testimonium Hieronymi Apol. 2. aduersus Rufinum, *Responde quaeso Synodus a qua excommunicatus est, in qua vrbe fuit? Dic Episcoporum vocabula: profer sententias subscriptionum, vel diuersitatem, vel consonantiam? Doce qui eo anno Consules fuerunt, quis Imperator hanc Synodum iusserit congregari?*

Hæc quidem à nobis nimia fortasse diligentia prolata sunt. Sed putauì operæpretium palam facere quam contra veritatem historiæ, & suam ipsius conscientiam Bellarminus lib. de Conciliis cap. 13. dicat quæ sequuntur. *Secundo dico posse nos opponere consuetudinem consuetudini, si enim quatuor aut, quinque Cœcilia Imperatores indixerunt plura quam duodecim indixerunt Pontifices, vt aduersarij etiam fatentur.* At hoc nemo nostrum fatetur; Immo nullum inuenietur Concilium alicuius nominis in tota antiquitate quod constet Papæ mandato esse conuocatum. Enimuero cum Imperatores sufficerent sumptus in Synodos, & illi ipsi quos Episcopus Romanus ad Synodos suo

234 DE MONARCHIA TEMPORALI  
nomine mittebat Imperatorum liberalitate alerentur; manifestum est eos ab Imperatore accitos, & eius voluntate retentos aut dimissos.

*Lib. de  
Concil.  
cap. 13. §.  
Habe-  
mus & §.  
Quarto.*

Quapropter Bellarminus victus euidentia veritatis fatetur tandem Concilia ab Imperatoribus indicta fuisse, sed ex Pontificum sententia & consensu.

Non negauerim quidem preces Episcoporum Romani, Alexandrini, Antiocheni, Cōstantinopolitani & aliorum, sæpe impetrauisse ab Imperatoribus vt Concilia conuocarent: sed falsum est consensum Pontificis Romani ad celebrationem Concilij necessarium fuisse. Nam contra videas Episcopos Romanos passim suppliciter petere ab Imperatoribus indictionem Concilij. Sic Liberius apud Theodoretum lib. 2. cap. 16. petit à Constantio vt Concilium velit conuocare. Sed Imperator nequidem vlla responsione super hac re eum dignatus est, Sozomenus lib. 8. cap. vltimo, memorat, Innocentium Episcopum vrbs Romæ, misisse quinque Episcopos Ecclesiæ Romanæ, & Presbyteros duos ad Arcadium & Honorium, vt Synodum, eiusq; definitum locum & tempus impetrarent, sed hi Legati cum contumelia re infecta dimissi sunt. Leo Papa epist. 23. & 31. obnixè petit à Theodosio Synodum eius mandato conuocari in Italia. *Omnes (inquit) mansuetudinem vestram cum gemitibus & lacrymis supplicant Sacerdotes generalem Synodum iubeatis intra Italiam celebrari.* Sed frustra fuit Leo, nec habita est eius ratio, sed coactum est Concilium Chalcedone, ad quod Leo misit qui vices suas implerent, qui Imperatoris  
sum;

sumptibus pro more alebantur. Sic cum Imperatores conuocaturi Concilia, solerent ad omnes Episcopos mittere Sacras, indicentes Episcopis locum & tempus Concilij, frequētes sunt Sacrae ad Episcopos Romanos, quibus iubentur aut venire ipsi, aut subdelegatos mittere. Concilio sexto Vniuersali praefixa est Diualis sacra ad Donum Episcopum veteris Romae, in qua Imperator sic loquitur. *Per omnia IVBEMVS vestram paternam beatitudinem minime effici impedimentum voluntati Dei, sed eos dirigere.* Loquitur autem de mittendis ad Concilium legatis qui Doni vices obirent. Sic Synodo Nicenae secundae praeposita est Epistola Tharasilij Patriarchae Constantinopolitani sic loquens. *In quam Synodum & nos, & Sacerdotes veri Vicarij scilicet Papa veteris Roma, & Orientis summorum Sacerdotum, praeerea Dei amantes Episcopi plurimi secundum mandatum piorum nostrorum Imperatorum conuenimus.* Quin & mandatis Imperatoriis comminationes non raro addebantur. Epistolis Constantini ad Synodum Tyri inserta est haec comminatio. *Quod si quis reiecto & spreto mandato nostro adesse noluerit, delegabimus aliquem qui regia illum authoritate in exilium eiectum docebit hominem minime decere summi Imperatoris praeceptionibus ad tuendam veritatem editis resistere.* Eusebius libro 4. de vita Constantini cap. 42. Parique authoritate Theodosius apud Nicephorum lib. 14. cap. 34. sic scribit ad omnes Episcopos: *Neminem se vel apud Deum vel apud homines excusaturum esse, qui non statim ad designatam Sanctae Pentecostes diem praesto biesset.*

Id vero maxime obseruandum, omnia vetera Concilia Romę habita vix vllius esse ponderis, & vix inter particularia computari. Enimvero in Conciliis vniuersalibus frequens mentio Canonum Synodi Gangrensis, Laodicensis, Neocaesariensis, & Antiochenę, quę fuerunt Synodi particulares. At Romanorum Canonum nulla vsquam recitatio. Nec passi sunt Imperatores vllum Concilium vniuersale haberi Romę nec in Italia. Vnde factum vt Episcopus Romanus priscis Conciliis Vniuersalibus nunquam potuerit interesse, vtpote in quibus sententię dicebantur sermone Gręco, qui ab Episcopis Romanis non intelligebatur. Sic ante Consilium Ephesinum Papa Celestinus prolixę se excusat apud Nestorium, quod eius litteris tardius responderit, plusculum enim temporis abiuisse dum Gręca Nestorij epistola in Latinum Sermonem vertetur. Ipse Gregorius I. quanquam cognomento Magnus, fatetur tamen se nescire Gręce, Epistola 29. libri 6. Erant ergo Legati Romani in Conciliis vniuersalibus *καὶ ἀπὸ τῆς Ῥώμης*, & pedanei iudices: itaque in Concilio Niceno Osius pręfedit. In Constantinopolitano I. Nectarius. In Ephesino primo Anatolius. In Chalcedonensi Cyrillus. In Sexto Concilio Menas & Eutyches. In Niceno II. Tharasius. Sed legatorum Roma missorum, nullę propemodum partes. Pręcipue vero dignum est videre quomodo in Concilio Niceno secundo vnus Tharasius Constantinopolitanus regat Concilium, & omnia moderetur, passim loquens & decernens: at legati Romani sedent propemodum muti, suntque singulare

lare exemplum modestiæ.

His opinor satis probatur, Concilia solita indici ab Imperatoribus non modo sine assensu Pontificis, sed etiam contra eius voluntatem. Causam affert Bellarminus eodem capite 13. lib. i. de Conciliis. *Quartaratio* (inquit) *est quia eo tempore Pontifex etsi in spiritualibus esset caput omnium, etiam Imperatorum, tamen in temporalibus subiiciebat se Imperatoribus, & ideo non poterat inuito Imperatore aliquid agere.* Quin & addit, *Quia Dominum suum temporalem eum agnoscebat, supplicabat ut iuberet conuocari Synodum: At post illa tempora ista omnes causa mutata sunt.* Habemus ergo confidentem reum, & Bellarminum fatentem Imperatores exutos potestate, quam habebant. Quæ si iusta fuit, cur Papa eos spoliavit suo iure? Si iniusta, cur Papa aut aliquis alius eos non monuit, ne iura Papæ Romani inuolarent: & alienam potestatem usurparent? Cur non saltem cum deserunt Imperatores timeri in Italia, Papæ se suo iure hactenus fraudatos conquesti sunt? Est Ergo notatu digna Confessio Cardinalis, hoc tempore omnia esse immutata: Nam quæ maior mutatio quam cum qui seruus erat, fit dominus sui domini?

Erit fortasse qui putet prærogatiuam hanc fuisse veteris Romani Imperij, quæ non possit ab aliis Regibus & Principibus in suis Regnis & Principatibus sine temeritate usurpari. At & hæc historiæ posterioris sæculi fauent regibus. *Quarta Synodus Romana sic incipit. Sancta Synodus apud urbem Romam ex precepto gloriosissimi regis Theodorici diuersis è regionibus congregata.* Nam quæ paulo

*Vide Si-  
geb. ad  
annum  
512.*

post dicuntur ab Episcopis, asserentibus Sym-  
machii fuisse Synodum conuocare, vt dicta à suf-  
fraganeis Episcopi Romani eique obnoxiiis, nul-  
lius sunt momenti. Initio Concilij Aurelianensis  
I. Episcopi Regni Franciæ sic alloquuntur Re-  
gem Clodouæum. *Domino suo Catholica Ecclesia  
filio Clodouæo gloriosissimo Regi, omnes sacerdotes quos  
ad concilium venire iussistis. Aruernense concilium  
non longe ab initio hæc habet. Cum in Dei no-  
mine congregante sancto spiritu, consentiente Domino  
gloriosissimo pioque rege Theodeberto in Aruerniam  
urbem sancta Synodus conuenisset. Aurelianense  
Concilium V. hæc habet. Cum elementissimus  
princeps triumphorum titulis inuictissimus Childeber-  
tus Rex pro amore sacra fidei studio religionis in Aure-  
lianensium urbem congregasset in vnum Sacerdotes.  
Sub eodem Rege Parisiense Concilium sic in-  
cipit. Cum in urbem Parisiensem ad inuitationem Do-  
mini regis gloriosissimi Childeberti venissemus. To-  
letani Concilij I II. primum caput tale est. Cum  
pro fidei sua sinceritate idem gloriosissimus princeps Rec-  
caredus omnes regiminis sui Pontifices in vnum conue-  
nire mandasset. Matifconensis Synodus sic inci-  
pit. Cum ex euocatione gloriosissimi Domini Gun-  
tramni Regis nostra mediocritas conuenisset. Idem-  
que initium Synodi Valentiniæ sub eodem Re-  
ge & Synodi Bracarenensis primæ sub Ariano Re-  
ge Gottho. Longum esset referre Concilia quæ  
Aquisgrani, Parisiis, Francofordi, Moguntię à Pi-  
pino, Carolo Magno, Ludouico Lothario, Ca-  
rolo Caluo &c. conuocata sunt, nulla facta men-  
tione Papalis mandati, immò nec suasionis. Lege  
Sigebertum ad annum 813.*

Quid

Quid quod illo ipſo tempore quo plene reuelatum erat myſteriũ iniquitatis, & Papæ principum capitibus inſultabant, Imperatores tamen & Reges auſi ſunt cogere concilia, non modo ſine Papa, ſed & contra Papam? Sic anno 959. Otho conuocauit concilium Romæ aduerſus Iohannem XII. & Henricus III. ſecutus exemplum, frequenti Concilio tres Papas abdicauit, Benedictum 9. Sylueſtrum 3. & Gregorium 6. quos Platina appellat tria monſtra. Ac ne ſuperuacuis immorer, nouiſſime Ludouicus XII. Galliæ Rex, indiſto Piſis Concilio Iulium II. damnauit.

Aduerſus hæc Bellarminus nihil habet quod ex Antiquitate opponat, niſi quædam canonem quem vocat Antiquiſſimum, verantem celebrare Concilia præter ſententiam Epifcopi Romani. Verba ſunt Iulij I. apud Socratem lib. 2. c. 17. vbi Iulius Synodi Antiochenæ authoritatem conatur infringere quia ipſe non fuerat vocatus ad Synodum τῆ ἐκκλησιαστικῆς κανόνος κελεύοντος μὴ δεῖν παρὰ γὰμιν τῆ ἐπιτοπικῆς ρώμης κανονίζειν τὰς ἐκκλησίας, id eſt, *Ne abſque ſententia Epifcopi Romæ Eccleſiis decreta ſanciantur.* His ſimilia refert Sozomenus libro 3. cap. 9. Quin & Bellarminus citat Synodum Alexandrinam aſſerentem in Epiftoſta ad Felicem id à Concilio Niceno eſſe conſtitutum.

Principio epiftoſta illa ſeu genuina eſt, ſeu ſuppoſititia, pugnat cum veritate. Nam ea de re in Concilij Niceni Canonibus ἐκ τῆς ἱερῆς. De cuius Concilij canonũ numero erſi varie diſceptatur, conſtat tamen non plures quam viginti Ca-

*In verſione eſt caput 13.*

240 DE MONARCHIA TEMPORALI  
 nones de Ecclesiastica politia ibi esse constitu-  
 tos. Teste ipso decreto Romano Dist. 17. Can. Vi-  
 ginti. Theodoretus lib. 1. Hist. cap. 8. *ὅτι τῆς ἐκκλη-  
 σιαστικῆς πολιτείας νόμος ἑστὶν Ἰσραὴλ ἐκείνῃ.* & Concilio  
 Carthaginensi sexto recitantur viginti statuta  
 Niceni Concilij planè similia viginti Canonibus  
 quæ hodie extant. Neque istud Concilium  
 Alexandrinum vsquam extat.

Quanta vero improbitate confictæ sint Epi-  
 stolæ insertæ Tomis Conciliorum, siue sint De-  
 cretales Paparum, siue Epistolæ Concilii assu-  
 ptæ notum est omnibus, & Bellarminus passim ag-  
 noscit. Tum notum est Papas pridem solitos  
 supponere falsos Canones Concilij Niceni, ut  
 patuit in Synodo Africana, ubi Bonifacius & Ce-  
 lestinus conabantur obtrudere Afris fictum Ca-  
 nonem Synodi Nicenæ, ut sub hoc obtentu pro-  
 uocationes Ecclesiarum Africanarum ad se tra-  
 herent. Quam ob fraudem grauius corripitur  
 Celestinus ab Episcopis Afris in Epistola Syno-  
 do Africanæ inserta.

Fac tamen Iulium non mentitum, & fuisse  
 hanc Ecclesiasticam constitutionem: nihil tamen  
 ad rem facit, non enim hoc canone datur autho-  
 ritas Episcopo Romano conuocandi Concilia,  
 sed decernitur tantum non debere sine eo con-  
 cilia celebrari, aut Canones condi: Quod fuit pri-  
 uilegium omnium Patriarcharum, quibus non  
 consuevis & non vocatis non debebat Concilium  
 generale conuocari. Inde est quod Iohannes An-  
 tiochenus ausus est Cyrillum excommunicare,  
 quod se non expectato Synodum Ephesinam in-  
 choasset. Mirum vero quod Synodus Constan-  
 tino-



tinopolitana prima cēsetur Vniuersalis, ad quam tamen Episcopus Romanus non fuit vocatus, nec adfuit, per se, nec per legatos. Neque con-questus est sibi fieri iniuriam & canonem istum violari, qui nondum innotuerat.

Cætera quæ Bellarminus affert, Christū com-misisse Ecclesiam Petro, non Imperatori, & e-iusmodi leuicula, nituntur duabus falsis supposi-tionibus quarum prima est Christum Petro soli commisisse omnes suas oues, cūque habuisse iurisdictionem in cæteros Apostolos. Altera Pa-pam esse successorem Petri non modo in Episco-patu Romano, sed & in Apostolatu, & officio capitis Ecclesiæ, Quæ quia sunt maxima *ai'mpua'la*, & à nobis alibi confutata, nobis hic satis sit hæc simpliciter negare.

Neque vero dici potest, conuocationem Cō-cilij generalis aut nationalis, rē esse mere Eccle-siasticam, ideoque ad Pastorum tantum curam pertinere. Nam etli decernere de Controuer-siis fidei res sit mere Ecclesiastica, designatio ta-men loci & temporis Concilij . res est ciuilis & cognitionis Regiæ. Tum Regis est videre ne sub religionis obtentu ciuilia tractentur, vnde di-gnitas regia aut Reipub. status aliquid detrimen-ti capiat. Adde quod causarum Ecclesiasticarum & politiæ maxima sæpe est cognatio, & breue confinium. Nec omittendum quod in Conciliis subnascuntur iurgia & similitates inter Episco-pos; quæ Principis autoritate sæpe necesse est aut incidi aut solui: quod factum est à Constan-tino in Concilio Nicæno, cum libellos supplices Episcoporum de mutuis iniuriis exposulan-

tium sua manu cremavit. Tum ad ea exequenda quæ à Concilio decreta sunt opus est Magistratus auxilio. Quod si insuper ad synodos habendas ab Imperatore aut Rege sumptus suppeditantur, non mirum est si ad earum conuocationem Principis expectatur Imperium. Certè si vnus aliquis Episcopus iure diuino præesset omnibus Ecclesiis orbis aut Imperij, facilius concedi posset non posse conuocari concilia absque eius assensu aut voluntate: At cum Dei verbum

*Es. 49. 23*

*Epist. 24.*

*ἐχὼ μὲν ἑ-*

*τας, οὐ δὲ*

*ταλὰς*

*γράφας*

*ἡ παρὰ*

*τοῦ Θεοῦ*

*ἐστὶν ἡ*

*πιστις*

*ἡ δὲ*

*ἐκείνη*

*ἐστὶν ἡ*

*ἐκείνη*

*ἐκείνη*

*ἐκείνη*

*ἐκείνη*

nulli pastori det tantam auctoritatem, non alium inuenies cui Deo authore imposita sit cura Ecclesiarum totius Imperij, quam Imperatorem aut Regem, qui cælestis oraculi voce nutricius Ecclesiæ nuncupatur, & cuius fidei & industriæ Ecclesia Dei commissæ est. His omnibus fidem astruit, quod si totam scripturam sacram euoluas, nusquam inuenies imperata Concilia Vniuersalia, quorum etsi magna utilitas (quicquid contra sentiat Naziāzenus) dummodo absit tyrannis, & sacræ Scripturæ iudicio stetur, certum est tamen consuetudinem istam magis niti saluari prudentia quam institutione diuina. Nec si Deus talia concilia diserte iussisset, possent tamen Reges ab eorum conuocatione excludi. Cuicumque soli ad præclarum opus & salutare Ecclesiæ peragendum Deus vires largitus est, debet credere se ad illud præstandum à Deo vocari, nec sibi soli concessas vires Ecclesiam adiuuandi vt torpeant inutiles.

His de causis *ὑποστασία* quam nos præsidendam vocamus concessa est Imperatoribus sine controuerſia in Generalibus conciliis.

Con-

Constantinus præfider Concilio Nicenote-  
ste ipſo Papa Melchiade Can. Futuram. Cauſa  
12. quæſt. 1. *Idem Constantinus præſidens ſancta ſyno-  
do quæ apud Nicæam congregata eſt. Eadẽmque ver-  
ba habentur Can. Continua. Cauſa 11. Quæſt. 1. Id  
ipſum teſtantur geſta à Constantino in Synodo,  
vbi inciuius ſe gerentes repreſſit, diſſidentes  
conciliauit, libellõsque ſupplices Epiſcoporum  
cremauit. Quapropter ab Euſebio vocatur *ὁ πῶς  
ἁνίστατος*, quaſi diceret *Epiſcopum vniuerſalem*. At  
legatos Romani Pontificis Vitum & Vinceni-  
tium in quartum locum reiicit Sozomenus. lib. 1.  
capite 17. Subſcribunt autem ſecundo loco, poſt  
Hoſium, hoc modo*

*Hoſius Epiſcopus ciuitatis Cordubeniſis prouinciæ Hi-  
ſpaniæ dixit, Ita credo ſicut ſuperius ſcri-  
ptum eſt.*

*Victor & Vincentius præſbyteri vrbiſ Romæ: pro ve-  
nerabili Papa noſtro ſubſcripſimus.*

Hoſium vero aſſerere fuiſſe legatum Epiſcopi  
Romani, nullo teſte, ſed ex mera coniectura,  
ſummè eſt temeritatis. Nam nemo veterum hoc  
dicit, Tum ſubſcriptiones non fuiſſent ſeor-  
ſim poſitæ, ſed vno filo ſic ſubſcripſiſſent: *Ho-  
ſius, Vitus & Vincentius legati Papæ Romani ſubſcri-  
pſimus.*

*In Epi-  
ſtola Sy-  
nodica  
Conſtan-  
tinopoli-  
tana Sy-  
nodi ad  
Dama-  
ſum. Am-  
broſium,  
&c.*

Imperator Theodoſius ſenior interfuit pri-  
mo Concilio Conſtantinopolitano: teſtis Zo-  
naras Annal. Tomo 3. & Theodoretus li. 5. capi-  
te 9. vnde iſti ſynodo accreuit authoritas. Cum  
enim eodem tempore Damasus Epiſcopus Ro-  
manus celebraret Concilium in Italia: ad quod  
etiam Epiſcopos Orientales inuitauerat, Sy-

nodus tamen constans solis Episcopis Orientalibus, cui Damascus nec per se interfuit nec per legatos, immo quam Damascus impedire voluit & in Italiam transferre, censetur vniuersalis. Ex aduerso Synodus cui præsuit Damascus vix est allicuius nominis, & est infra plurima Concilia particularia.

*Leo ep.*

*45. Prioris autem Ephesina Synodi cui sancta memoria Cyrillus tunc praesedit, &c.*

Tertię synodo, quę fuit Ephesina. i. Leo Papa Epistola. 45. ait Cyrillum Alexandrinum praesedis- & in Cod. lib. 1. tit. 8. cap. 8. sic scribitur *Ephesina Synodus cui beata memoria Cyrillus praesuit.* Quem honorem cum Leo sciret ultro deberi Cyrillo, viro inter sui æui Episcopos facile Principi, Leo Romanus nouit interesse Concilio, sed astutę Cyrillum rogauit vt partes suas impleret. Imperator vero non interfuit Concilio, sed cum audiret res in Concilio per tumultum geri, euocauit ad se patres Concilij, vt de re tota cognosceret. Nicephor. lib. 14. cap. 35. Sic Augustus quamuis procul ab Epheso, Ephesinę tamen synodo moderabatur.

Secunda Synodus Ephesina vtcunque desierit turpiter, & *λυσειν* dicatur, congregata tamen est legitimę, quippe indicta mandato Imperatoris, & firmata consensu omnium Patriarcharum, qui omnes adfuerunt excepto Leone Romano, qui conscius sibi ignorantię sermonis Gręci, & metuens alteri postponi, Iulium misit qui suas vices obiret. Dioscorus vero Alexandrinus ab absente Imperatore iussus est praesidere Synodo, vt testatur Epistola Imperatoris ad Dioscorum inserta primę actioni synodi Chalcedonen-sis, in qua Imperator sic affatur Dioscorum: *authorita-*

*tem*

tem & primatum tua præbemus magnitudini : Hic vero Bellarminus suo more falsarius est, dum ait Dioscorum extorsisse præfidentiam illam ab Imperatore, idque probat testimonio Zonaræ & Euagrii lib. 1. cap. 10. apud quos hac de re ne verbum quidem.

Synodum Chalcedonensem Marcianus Augustus aperuit, præfatusque est grauitè & sanctè. Idemque Iudices dedit synodo, viros Patricios, Exconsules, Magistros, Comites qui longa serie recensentur initio primæ Actionis, ex quorum auctoritate pendebat Synodus & nihil fiebat nisi cum eorum venia : Iidem tumultuantes Episcopos compescebant. Sic prima Actione cum cuncta clamore confuso peristreperent, *Gloriosissimi Iudices & Amplissimus senatus dixerunt Acclamationes istæ populares neque Episcopos decent, neque partes iuuant, patimini ergo vniuersorum fieri lectionem.* Iidem siquid dubij inciderat, quid fieri aut statui oporteret decernebant. Sic apud Euagrium lib. 2. cap. 4. *οἱ δὲ πρὸ τοῦ σκελῆτος βελῆς ἐψηφίσαντο ταῦτα.* Hi in medio sedebant, pro cancellis facta mensæ seu altaris, confidentibus à læua vicariis Episcopi Romani, & Anatolio Episcopo Constantinopolitano : à dextris vero, (quæ sedes erat dignior læuâ,) Dioscorus Alexandrinus & Iuuenalis Hierosolymitanus. Cæterum ex Actis constat præcipuas partes fuisse Anatolij qui & frequentissimè loquitur, & ante legatos Episcopi Romani.

Concilio Constantinopolitano II. non præfuit quidem Iustinianus, sed voluit Menam Patriarcham Constantinopolitanum ei præf-

se, legatos vero Episcopi Romani ei assistere, vt testatur Actio Prima consilij his verbis. *Post consulatum Clarissimi Flauij Bellisarij pridie Nonas Iunias indict. 14. in Deo amata & regia vrbe Constantinopoli, presidente autem sanctissimo & beatissimo Domino nostro Oecumenico & Patriarcha Mena & à dextera quidem parte confidentibus illi coadiutoribus iuxta pium iussu à Christo amati & Deo custoditi Imperatoris Iustiniani excellentissimis & sanctissimis Episcopis Sabino Cannsij, Epiphanio Esculanorum, &c. ex Italica regione ab Apostolica sede nuper missis.* Frustra veto hic disputatur an hæc synodus inter initia fuerit Vniuersalis, satis nobis est Menam præfuisse, & locum cœpisse ante episcopi Romani legatos, iussu Imperatoris. Nam si Papa est caput vniuersalis ecclesiæ, siue loco depellatur in generali synodo siue in particulari, par est iniuria.

Sextæ synodo Constantinopolitanæ præfedit Constantinus Augustus, vt testatur ipsa synodus Actione prima, *Presidente eodem pijsimo & Christo delecto magno Imperatore Constantino in secretario magni palatij quod cognominatur Trullus.* Eademque verba repetuntur fere in singulis Actionibus statim ab initio. Sed tota Synodo passim loquuntur iudices ab Imperatore electi, & pro suo iure decernunt.

In Nicena quoque Synodo secunda vbique fit mentio Gloriosissimorum Iudicum qui ab Imperatore dati fuerant Synodo.

Synodo Francofurdensi præfedit Carolus Magnus vt testatur ipsius Synodi Epistola ad præsules

præfules Hispaniæ. Anno Christi 693. Otho Magnus Synodum coegit Romæ in qua & præfedit, Testes Lambertus Schafnaburgensis & Regino. Sic & Annales Gallici pleni sunt exemplis Regum præfidentium Synodis. Iohannes Maior secunda parte scismatum dicit sub annum 1226. venisse in Galliam Legatum, cui *Romano* erat nomen, Regisque assensu conuocatam Synodum cui Rex & Legatus præfederunt. Anno 1286. Philippus Pulcher habuit Concilium aduersus Bonifacium VIII. Idem Iohannes Maior docet Ludouicum X I. coegisse Concilium Ecclesiæ Gallicanæ, nec non vniuersitatum in ciuitate Aurelianensi ad explicandam quæstionem de Pragmatica sanctione, eique Concilio Præfuisse Ducem Petrum Burbonium Regis loco. Willelmus cognomento cōquestor Angliæ Rex & Normanniæ Dux, concilium habuit Rotomagi anno 1073. in quo ipse præfedit, testis Mattheus Westmonasteriensis.


Necque vero per hæc facio Reges aut Imperatores summos iudices de capitibus fidei. Aliud enim est præsidere Concilio, aliud iudicare de fide. Potest Princeps moderari Concilio & prouidere vt omnia fiant decenter, & cerebrosiore si qui sunt in ordinē cogere, & ad imitationem Constantini hortari Episcopos vt ex diuinis oraculis dirimant controuersias: nec tamē idcirco ius sibi arrogare decernendi summo iure de articulis fidei, nec sibi tribuere *αἰαμαρτία* vt Pontifex, aut omnia iura inclusa scrinio sui pectoris. Sed neq; video causā cur Rex quo-

248 DE MONARCHIA TEMPORALI  
que non possit in Concilio dicere sententiam  
de Religione, cum & ipse à Deo vnctus sit, &  
Ecclesię cura ei demandata: & probi Reges sub  
veteri Testamento, immo & sub nouo Ecclesiam  
sape ordinauerint & emendauerint, & rectę fi-  
dei sint patrocinati.

---

## C A P. X V I I.

*Concilia posterioris aui, & à veterum Concilio-  
rum forma, & doctrina plurimum abscissi-  
se. Forma & ordo Conciliorum Papalium ex-  
ponitur.*

VOTIESCVNQVE aliqua contro-  
uersia mouetur super capitibus fi-  
dei, & Ecclesia Romana coram  
tribunali sacre scripturę corruptę  
religionis arcessitur, illico Conci-  
liorum Majestas nobis opponitur, quasi caput  
Medusę, quod homines iniecta religione ob-  
stupefaciat, & nos exceptione rei iam iudicatę  
summoueat. Hęc quidem oggeruntur imperi-  
tis, at eadem ab hominibus non plane ignaris an-  
tiquitatis excipiuntur risu. Nam vt vetera Con-  
cilia veneramur, & eorum fidem agnoscimus esse  
consentaneam sacre scripturę. Sic vicissim in  
Conciliis posterioris cui nihil agnoscimus quod  
accedat ad puritatem & simplicitatem Conci-  
liorum antiquorum, siue doctrinam spectes siue  
faciem externam & ordinem.

Atque



Atque vt ordiar à doctrina, Synodus Nicenā *Conti-*  
 affensa est Paphnutio vocanti *συνεσις τῶν πατρῶν* *uentiam*  
*της ιδίας γυναικὸς συνουσία*, & patrocinanti matri- *cum pro-*  
 monis clericorum, vt refert Sozomenus lib. i. c. *priis v-*  
 23. & Socrates lib. i. c. 8. & Nicephorus 8. lib. c. 19. *xoribus*  
 Immo & Decretum Romanum, Dist. 32. Can. *concupi-*  
 Nicenā. *tum.*

Synodus Eliberina Nicenæ *αὐτοχρον* can. 36.  
*Placuit in Ecclesia picturas esse non debere, ne quod a-*  
*doratur in parietibus depingatur.*

Synodi Laodicenæ Canon ultimus, libros  
 Tobiae, Iudith, Maccabæorum &c. ex Canone  
 scripturæ exterminat. Cuius Concilij tanta fuit  
 autoritas, vt eius Canones essent inserti No-  
 mocanoni, qui initio Conciliorum Vniuersa-  
 lium solebat legi. Eadēque Synodus approba-  
 tur à Synodo sexta Vniuersali Trullana.

Synodus Chalcedonenſis Actione 15. decer-  
 nit Episcopum Constantinopolitanum æqualia  
 habere priuilegia cum Episcopo Romano, & æ-  
 qualem ei esse in omnibus rebus, etiam in Eccle-  
 ſiaſticis.

Synodus Carthagenenſis III. Can. 26. hæc ha-  
 bet. *Vt prima sedis Episcopus non appelletur Princeps*  
*Sacerdotum, aut summus sacerdos, aut aliquid huius-*  
*modi, sed tantum prima sedis Episcopus.*

Synodus Carthagenenſis IV. libros Macca-  
 bæorum ex Canone expungit, si fides potius ha-  
 betur Græcis Canonibus editis à Tileto & Balsa-  
 mone quam Tomis Latinis Conciliorum fœde  
 corruptis.

Synodus Africana, cui præfuit Aurelius, in-  
 terfuit Augustinus monet grauissima epistola

Celestinum Episcopum Romanum, ne fumotum typhum seu fastum sæculi in Ecclesiam introduceret: nec causas Africæ ad se traheret, nec Nicenæ Synodo falsos Canones affingeret, malisque artibus ad suam ambitionem velificaretur.

Concilium Mileuitanum in Africa can. 22. agens de iis qui damnati sunt à propriis Episcopis hæc ait. *Quod si & ab eis prouocandum putauerint non prouocent nisi ad Africana Concilia, vel ad Primate Prouinciarum suarum. Ad transmarina autem qui putauerit appellandum à nullo intra Africam in communione suscipiatur.* Per transmarina autem Italiam intelligi nemo ambigit.

Concilium V. & VI. Generale Honorium Episcopum Romanum damnat hæreseos, & ut Monothelitam infamat; iubetque eius nomen eradi ex diptychis.

Concilium sextum, quod Canones in Trullo condidit. Can. 13. sancit & probat coniugia Clericorum, vetatque dissolui, quin & nominatim ac diserte damnat morem Ecclesiæ Romanæ adimentem diaconis & presbyteris coniuges.

Idem Concilium Canone 55. damnat Ecclesiæ Romanæ morem ieiunandi Sabbatho in Quadragesima, iubetque eam discedere à praua consuetudine sub pœnis constitutis Canone Apostolorum sexagesimo quinto. *καὶ δευτέρως* in clerico, *ἀποεισμή* in laico. An hæc Synodus credidit Ecclesiam Romanam errare non posse?

*Depositionis & segregationis.*

Idem Concilium Can. 32. profert canonem Synodi Carthaginensis cuius hæc sunt verba, *In sacris nihil plus quam corpus & Sanguis Domini offertur,*

ratur, vt ipse Dominus tradidit, id est panis & vinum aqua mixtum. At Ecclesia Romana non probat hanc interpretationem verborum Christi in Sacramento.

Concilium Constantinopolitanum IV. 338. Episcopis frequens, Sacramentum quod à fidelibus in Eucharistia accipitur, vocat *Viuiticantis corporis imaginem*, eoque nomine reprehenditur à Pseudosynodo Nicæna II. Actione 6. eadèmq; Synodo damnantur & abolentur imagines. Quod decretum à Synodo Francofordensi sub Carolo Magno, & à Synodo Parisiensi sub Ludouico Pio confirmatum est.

Ac ne singula confectè, Papa & eius adulatōres commenti sunt nouum dogma quo patres omnes veterum Conciliorum stultitiæ & ridiculi stuporis inculantur. Nam si Papa loquens vt Papa & de cathedra Papali non potest errare in fide, quid attinebat tam operosa, tantis sumptibus, concilia conuocare. Et Episcopos per totum Imperium Romanum abstrahere à suis Ecclesiis per plusculos annos, qui in deliberando de rebus fidei insumebantur? Cur non potius simul acenata erat aliqua controuersia, consulebant Papale oraculum & Pontificem his verbis per epistolas compellabant: *Supplices rogamus tua Sanctitatem vt hanc controuersiam nobis enodet, & ad quesita respondeat non vt homo, sed vt Papa, non quidē loquens, è sede priuata, sed è cathedra Pontificali.* Hæc sane via fuisset longe compendiosior, immo & certior. Est enim longe tutius habere vnū iudicē quem scias non posse labi, quam multos quorum singuli sint errori obnoxij, & quos in Concilio

(vt fit) videas plerunque inter se commiffos. Hoc quidem ignorauit antiquitas, nam in Conciliis Legati Epifcopi Romani fententiam ferebant cum cæteris, & Pontificis fui fidem & fenfum exponebant, in quorum fententiam non femper difcedebatur, fed multa decernebantur, inuitis legatis Epifcopi Romani, & contra obteftantibus: vt factum in Synodo Chalcedonenfi & in Africana.

Est quoque *πονηρὸν κόμμα* & in prifca Concilia contumeliofum illud quod magna contentione defenditur, ea demum Concilia effe bona & legitima quæ à Papa fuerint probata, hæc autè approbatio non potefte fieri nifi poft concilium. Ego fane, qui meus eft ftupor, putaueram Papam approbare Concilia quia bona funt. At nunc contra eft: nam bona cenfentur quia Papa ea probauit. Ergo & dicendum erit Concilium errauiffe quia Papa illud improbat, vnde conficitur vt nondum errauerit antequam Papa illud improbare. Ridicule plane. Neque enim approbatio Concilij facta poft Concilium, potefte efficere ne Concilium errauerit. Omnino qui incōfulto Papa conuocat Concilium, non expectat eius approbationem: At iam docuimus pleraque vetera Concilia fuiiffe conuocata ab Imperatoribus, inconfulto Papa, quædam etiam inuito. Neque credibile eft Synodum Sextam vniuerſalem damnantem Honorium Epifcopum Romanū, ab Epifcopo Romano iſtius damnationis approbationem expectauiffe. Aut Papam poſſe aut debere conſtitui iudicem eorum decretorum in quibus Papa dāmnatur, eumque in ſua cauſa de-  
bere

bere esse iudicem. Quod si Papa sit à fide deuus, vt dicitur Can. Si PAPA Distinct. 40. & super hæresi à Concilio damnetur, an hæc sententia tunc demum erit rata, quando Papa ad suam ipsius condemnationem conuocauerit Concilium, & ipse se reum sistere voluerit, & sententiam in se latam probauerit? Longum in tempus expectationem nostram extrahit qui sibi in tam inepta spe blanditur.

Sed neque consentaneum est potius adhibendam fidem vni Episcopo Romano quam Sexcentis triginta Episcopis pijs & probis ex toto Romano orbe conuocatis (totidem enim fuerunt Calcedone:) & cum agitur de ipsius Papæ dignitate, potius credendum soli Papæ quam Concilio vniuersali.

Hæc pauca de doctrina veterum Conciliorum. De forma vero seu ordine externo dictum est abunde capite præcedenti.

Cum his qui contulerit Concilia posterioris æui, quæret Concilium in Concilio, nec quidquam inueniet nisi scædam corruptelam & drama ad Pontificis libidinem confectum. Denique cœtum nihil differentem à Consistorio Papali, nisi quod numerus amplior est, & maior splendor. De doctrina quædam libabimus, post de ordine seu forma externa. Concilium Nicenum II. anno Christi 787. coactum est: in quo Episcopi Romani autoritas parua fuit, sed eo tantum annitente scædi errores sunt stabiliti: Nam in hoc Concilio anathema dicitur hæsitantibus circa adorationem imaginum, & decernitur imagines esse adorandas, & Iconomachorum error pro-

nunciatur pessimus omnium hæreseôn. Aetione quarta imagines asseruntur æquipollere sacris Euangelij, & eadem Sessione Maior est imago quàm oratio. Et Aetione quinta: Ecclesia sentit Angelos non omnino esse corporis expertes & inuisibiles, verum tenui corpore praditos & aëreo siue igneo. En puritatem & sanam fidem Concilij quod Generale vocatur, & probatur ab Ecclesia Romana.

Anno Christi 1215. sub Innocentio tertio Concilium Lateranense Romæ celebratum est, Cuius capite primo asseritur, & credi iubetur transsubstantiatio panis in corpus Christi. Capite tertio eiusdem Concilij tribuitur Papæ potestas liberandi subditos à fidelitate seu subiectione Principum, & tradendi ditionem eorum alteri occupandam. Annexa est Concilio bulla Expeditionis ad recuperandum terram sanctam, cuius hæc sunt verba. *Omnibus qui laborem propriis personis subierint & expensis, plenam suorum peccaminum de quibus liberaliter fuerint corde contriti & confessi veniam indulgemus: & in retributione iustorum salutis aeternæ pollicemur augmentum.* Vir singularis modestiæ, promus condus thesauri cælestis, promittit peregrinis gradum felicitatis supra vulgus sanctorum. Quid quod in ultimo Iudicij die se cum Deo fore iudicem profitetur? Sic enim alloquitur tardos aut ingratos: *Sciant se super hoc nobis in nouissimo die districti examinis Dei coram tremendo iudice responsuros.*

Anno Christi 1414. habita est synodus Constantiæ, In qua damnatus Iohannes XXIII. ob multa crimina, quorum hoc vnum est quod negaret immortalitatem animarum, Sess. XI.  
Idem

Idem Concilium iudicauit fidem datam hæreticis non esse seruandam , crematis per fidem & contra fidem publicam Iohanne Hus & Hieronymo Pragenſi, qui *ad ſciã* ſeu ſaluum cõductum veniendi ad Concilium habebant , interpoſita fide & iuſſurando Imperatoris Sigifmundi : At Concilium cenſuit Imperatorem non debere fidem ſeruare. Decretum concilij ita conceptũ eſt. Sefſ. XIX. *Præſens S. Synodus nullum impedimentum præſtari poſſe ſeu debere declarat, quo minus dicto ſaluo conductu non obſtante, liceat Iudici competenti, & Eccleſiaſtico de huiusmodi perſonarum erroribus inquirere, & alias contra eos debet e procedere, eoſdẽque punire quantum iuſtitia ſuadebit , ſi ſuos errores reuocare pertinaciter reſuſauerint, etiamſi de ſaluo conductu cõfiſi, ad locum venerint iudicij, alias non venturi: nec ſic promittentem cum fecerit quod in ipſo eſt , ex hoc in aliquo remanere obligatum.* Eiufdem Concilij ſeſſione XIII. Concilium agnoſcit Chriſtum ſub vtraque ſpecie adminiſtraſſe ſuis diſcipulis Sacramentum panis & vini , & ita receptum eſſe hoc Sacramentum à fidelibus in primitiua Eccleſia. Nihilo ſecius tamen præclara ſynodus decernit conſuetudinem dandi populo alteram tantum ſpeciem habendam eſſe pro lege , & pertinaciter aſſerentes oppoſitum tanquam hæreticos arcendos & grauiter puniendos, &c. Parum abſuit quin veneranda ſynodus Chriſtum ipſum notarẽt hæreſeos, aut inquisitioni ſubiiceret: ſi quidem Chriſtum imitari eiꝛue obſequi hæreſis eſt plectenda ſupplicio.

Concilium Florentinum Anno Chriſti 1440. ſeſſione vltima decernit Eccleſiam Romanam

posse addere symbolo. Papam obtinere primum in vniuersum orbem, & esse caput totius Ecclesiæ, & Purgatorium esse credendum.

Concilium Lateranense vltimum sub Iulio II. & Leone X. nihil reliqui fecit ad summam impietatem. Sessione prima sacre scripturæ ponuntur ad pedes Pontificis & adhibito iuramento ab officialibus tanguntur. Eadem sessione Papa vocatur *Princeps totius Orbis*, & Iulius dicitur Petri successor, autoritate non minor Petro. Sessione secunda Papa dicitur *Sacerdos & Rex, vniuersis populis adorandus, & Deo simillimus*. Sessione tertia Galliæ regnum interdicto subiicitur à Iulio II. Nundinæ Lugduno Geneuam transferuntur, Res nempe synodalis cognitionis & antiquorum conciliorum imitatio. Sessione quarta pragmatica sanctio aduersa cauponationi Ecclesiasticæ rescinditur, Papa asseritur tenere locum Æterni Regis in terris quanquam Imparibus meritis. Insigne sane exemplum demissionis animi fateri se Deo meritis imparem. Sess. quinta Iulius Moritur, Leo succedit quem affatur synodus per Modrusiensem Episcopum, & hic quidē sic compellat Ecclesiam. *Ne fleueris filia Sion, quia ecce venit Leo de tribu Iuda, radix David*. Ecce tibi suscitauit Deus saluatorem &c. Te Leo beatissime saluatorem expectamus, te liberatorem venturum sperauimus. Sessio VIII. iubet obseruari decreta in synodo sub pœna excommunicationis latæ sententiæ à qua nemo, nisi à Romano Pontifice (excepto mortis articulo) absolui possit. Sessione IX. Leo edicit Imperatori, Regibus &c. ne venientes ad Concilium impediant, *sub diuina (inquit) maiestatis*



*tis & indignationis nostræ incurſu & pœnis &c.* Parū fuerat obtendere diuinam maiestatem, nisi papalis indignatio ad maius pondus adderetur. Eadēque sessione blasphemantibus indicitur pœna his verbis. *Laicus blasphemans, si nobilis fuerit pœna 25. ducatorum multetur, & pro secunda vice 50. Fabricæ basilicæ principis Apostolorum de vrbe applicandis.* Tales pœnas à veteribus inflictas, sane non memini. Eadēque sessione synodus per Antonium Puccium Clericum Cameræ sic affatur Papam. *Diuina Maiestatis tuæ conspectus rutilanti cuius fulgore imbecilles oculi mei caligant. & paulo post. Regale pontificum Romanorum genus.* Tum illud: *In te vno vero atque legitimo Christi & Dei vicario, propheticum illud debuit rursus impleri, Adorabunt eum omnes reges terræ, omnes gentes seruiēt ei.* Quid quod additur, *Non ignari omnem tibi vni in cælo & in terra traditam à Domino potestatem.* Tum Ecclesia inducitur sic alloquens Papam. *Hæcine ergo suauissime sponse, vnica illa dilecta tua atque formosa, quæ iam clamare possum, Noli me considerare quia fuscus sum, &c.* Toto vero concilio nulla deliberatio inter patres, nulla suffragia, sed Manliana imperia Papæ iubentis & decernentis. Initium Decretorum tale est. *Leo Episcopus seruus seruorum Dei ad perpetuam rei memoriam, approbante concilio &c.* Sed Concilij nomen dicis causa additur & tantum ad speciem. Enimvero Concilium Papæ decreta lecta per aliquem ex patribus, nutu approbat dicens *Placet.* Hæcine potest appellari Concilium? aut quid sit ille vnquam factum aut vsurpatum in veteribus synodis? Hæcine nobis Concilia obtrudi! quæ nil nisi bullas cre-

258 DE MONARCHIA TEMPORALI  
pant & fulmina, & horrendas in Deum blasphemias: Sed neque omittenda est Leonis bulla assuta Concilio in qua Lutheri horrendæ hæreses longa serie percensentur, inter quæ duæ sunt quæ summo scelere referuntur inter hæreses. Hæresis Lutheri septima hæc est, *Optima penitentia, noua vita*. Hæresis 26. hæc est. *Certum est in manu Ecclesie aut Papæ prorsus non esse statuere articulos fidei*.

Quid Concilium Tridentinum memorem, quod cœptum est Anno 1545. desit anno 1567? tantum temporis absumptum est in nobis damnandis indicta causa, & texendis articulis ambiguis, & sensum Patrum vltro abscondentibus. Paulus III. indixit hoc Concilium: Bulla indicationis ait concilium indictum ad extirpandas hæreses, sic enim vocat nostram religionem. Vt iam ante concilium adimeretur spes reformationis, & iam ante initam deliberationem prædamnaremur. Quarta de mum sessione attinguntur fidei capita quæ sunt controuersa, ibique statim ab initio nulla disquisitione facta, & sine examine, decernitur *Traditiones pari cum scriptura pietatis affectu & reuerentia suscipiendas & venerandas*. Scripturam quoque non esse interpretandam *contra eum sensum quem tenuit & tenet mater Ecclesia &c.* Denique contra omnem legitimum ordinem conclusio ponitur ante præmissas, & absque examine vlllo confirmatur & probatur doctrina Ecclesiæ Romanæ, & in ipso limine canitur *Omni-vniuers*. Tota vero actio tam tyrannicè gesta est, & tanta versutia sessiones in longum extractæ, vt Nostri Reges & gens tota quanquam Pontifici plus

plus æquo addicta, concilium hoc respuerit, nec potuerint vnquam in Gallia leges istæ perferri.

Hæccine sunt illa Concilia quæ nobis obtruduntur vt exceptione omni maiora & aduersus quæ nefas sit hiscere? Vbi hic frons? Vbi minima pietatis gutta? His quidem mandes si quid recte curatum velis. Ita Deus Ecclesiæ suæ afflictæ faueat, vt hæc Concilia sunt mera aduersus Christum & Euangelium conspiratio.

Quæ vero sit forma horum Conciliorū, quis *Forma*  
ordo seruetur, paucis accipe: Principio à Papa *& ordo*  
concilium indicitur, locus & tempus designatur. *concilio-*  
*rum Pa-*  
In interioribus templi adytis designatur area, *paliū:*  
quæ includitur asseribus: In capite areæ erigitur  
thronus ad quem tribus gradibus ascenditur, cuius  
planum in summo latum est palmos decem,  
longum duodecim. Ibi locatur sedes Papalis; cui  
imminet aureus vmbo: vtrinque scabella duo,  
sedes Diaconorum ministratium Papæ: Ad dextram  
Pontificalis throni locatur sedes Imperatoris,  
nullo vmbone recta, habens præ se scabellum  
exiguum viride: Huius sedis Imperialis summa  
pars ne altior sit pedibus Papæ sedulo vetatur.  
Regibus si qui adsunt, dantur sedes post Imperatorem,  
non splendidius ornata quam sedes Cardinalium.  
Et à dextra quidem longa serie sedens  
Cardinales Episcopi, à læua Cardinales Diaconi;  
sic tamen vt eorū sedes altitudine palmi emineat  
supra sedem presbyterorum, sintq; instratæ pretiosioribus  
pannis: In infima cauea infra omnes Cardinales è regione  
Papæ locatæ sunt sedes quatuor Patriarchales, Patriarchis si qui adsunt

destinatæ. Factum hoc ad Patriarcharum contumeliam, & ad vlciscendos homines qui olim ausi sunt cum Papa de Primatu contendere : nunc enim infra Papæ Ministros detruduntur. Ideoque hæ sedes vt plurimum, sunt vacuæ, nisi cum misellus aliquis Patriarcha imaginarius, ibi locatur, mercede conductus. In medio areæ loco sedent Prælati inferioris notæ, quibus attributæ sunt sedes puræ sine postergali. Principes laici cuiuscunque fuerint dignitatis excepto Imperatore & Regibus post omnes Diaconos sedent.

In hoc Concilio soli Prælati & Abbates dicunt sententiam. Imperator vero & Reges non habent ius suffragij, sed sunt meri auditores & consultores, parati ad obsequium. Nemo in concilium admittitur nisi relatus in Catalogū à Ministris quos Papa ei curæ imposuit. Sedes assignatur singulis à Clericis cæremoniarum.

*Lib. I.  
Sect. 14.*

In omnibus (inquit liber Cæremoniarum factorum) *Si Papa erit præsens ipse erit rector, moderator, ac dispensator, & deputationes, collegia, magistratus, & rerum omnium ordinem pro suo arbitrio constituet.*

Papæ & omnibus Cardinalibus amictus est purpureus. Papa venit ad Concilium insularatus, gerens triplicem illam mitram gemmis coruscantem, quæ *regnum* appellatur.

Post missam spiritus sancti, Papa in folio locatur à Cardinalibus, qui de more ei assurgunt venerabundi. Idque fit initio cuiusque sessionis.

Peractis ritibus quibusdam sacris, quibus Dei fa-

fauor procuratur, prodit Diaconus Cardinalis, legitque clara voce decreta facienda: & primo quidem rogat Papam an placeant, ille placere respondet. Eodémque modo respondent cæteri *Placet*. Tunc protonotarius Apostolicus, & Clerici cameræ referunt decretum in acta, & in formam redigunt, & obsignant sigillo Apostolico, Decreti forma, si Papa est præsens, est eiusmodi. *Martinus Episcopus seruus seruorum Dei, sacro approbante Concilio &c.* Sic factum in Concilio Constantiensi, sic in Lateranensi vltimo. Si Papa abest, decreta concipiuntur in hanc formam. *Sacrosancta generalis synodus in spiritu sancto legitime congregata decreuit, &c.*

Antequam Acta Concilij publicentur, Protonotarij, & Clerici cameræ ac Secretarij Papæ, ea exhibent suæ sanctitati recognoscenda & emendanda, cui curæ Papa delectos & sibi in primis fidos deputat. Confidunt Patres ad summum ter in septimana: sed & sæpe aliquot menses feriati intercedunt sessionibus, vsque adeo vt Concilium Tridentinum ad annos 23. fuerit extractum: Inter quas moras mortui sunt tres Papæ stante Concilio, ad quod non relatum est de electione summi Pontificis, sed facta est à paucis Cardinalibus conclauis inclusis. Sic & Apothecos sanctorum ad Papam & Consistorium pertinet quamuis stante Concilio. Hæc accuratius pertractata vide lib. I. Sacratum Cærem. Sect. 14.

Hæc sunt Generalia Concilia sub papatu: Nam particularium Synodorum Romanorum vsus pridem exoleuit, in earumque locum & ius successit Consistorium Papale.

Hæc tui mihi, sodes, compone cum Synodo Nicena, aut Constantinopolitana, aut Ephesina prima, aut Chalcedonensi, quibus Papa nec interfuit, nec præfuit. In quibus legati Pontificis Romani, si qui erant sententiam suam dicebant inter cæteros, & Iudicum datorum ab Imperatore expectabant imperium, & accepto viatico ab Imperatore, ad sua reuertebantur. Adeone quisquam est perfictæ frontis ut hæc tam impura, & tam noua tueatur veteribus exemplis, & Imperitorum animis obiiciat nomen antiquitatis?

## CAPVT XVIII.

*Ventilatur quaestio de Exemptionibus Clericorum.*



ONCILIVM Constantiense sess. 31. decernit & declarat laicos in clericos nullam habere iurisdictionem & potestatem: Nouissime Concilium Tridentinum sess. 25. c. 20. Personarum Ecclesiasticarum immunitas Dei ordinatione & canonicis sanctionibus instituta est. Plura eius generis vide Causa II. Quæst. 1. ubi deterrimum illud est Bonifacij. Quacumq; contentiones inter Christianos oriuntur, ad Ecclesiam deferantur: & ab Ecclesiasticis viris terminentur, & si obedire noluerint, quousque obediant à liminibus Ecclesiæ excludantur: Voluit vir modestiæ singularis omnes Magistratus ciuiles abrogare, & tribunalia omnia secularia præclaro hoc decre-

creto,deserta reddere.Bellarmini verba hæc sunt § *Tertia.*  
 lib.de Clericis c.28.Clerici non possunt à Iudice poli-  
 tico puniri, vel vlllo modo trahi ad secularis magistra-  
 tus tribunal. Et eodem capite. Summus Pontifex § *Respo-*  
*clericos exemit à subiectione Principum: non sunt am-*  
*plius Reges Clericorum superiores.* Et in Barklaium  
 cap.34.asserit Clericos non solo priuilegio principum,  
 sed etiam decretis summorum Pontificum, & quod  
 maius est,diuino iure exemptos fuisse, ac per hoc exem-  
 ptos fuisse antequam Principum priuilegio eximeren-  
 tur.

Hæc cum fiant in fraudem Regum,& Princi-  
 pum qui inde maximam Imminutionem sui Im-  
 perij patiuntur, Rex Serenissimus in sua præfa-  
 tione monitoria eos prolixè & grauiter sic ad-  
 monet.Si potentissimus quisq; vestrum altè serioq; re-  
 cogitet, pene tertiam Populi soli q; vestri partem, Eccle-  
 sia esse dicatam, nonne illius, quæso, iactura sensus ani-  
 mos vestros percutiet, quæ tantum hominū fundorumq;  
 vestro iuri subtrahat, vt vbiq; Pontifici colonia prouin-  
 ciaq; constituantur? Immo, quantum spinarum & tri-  
 bulorum in medijs vestris ditionibus relinquitur, cum  
 asseratur tam potens hominum factio sub Imperijs ve-  
 stris nasci,educari,opimisq; prædijs frui posse, quæ à ve-  
 stra potestate immunis sit, nec vlllo iure vestris legibus  
 iudiciisq; subiecta? Adeo, vt cum antiquitus Clerici ni-  
 hil vltra decimas appetere, iisque contenti viuerent:  
 nunc Papa Clericorum caput, non nisi tertia ciuium &  
 bonorum ac fundorum parte, in omnibus Regnis & prou-  
 inciis accepta, ac quiescat.

Hæc à sapientissimo Rege merito dici clamat  
 experientia nobis tacentibus. Nam vnum Gallia  
 Regnum habet vltra trecenta hominum millia,

quæ sub obtentu clericatus & monachatus functionisque Ecclesiasticæ iugum Regis excusserunt, aliumque à Rege summum Principem agnoscunt, non modo in spiritualibus, sed & in temporalibus. Hi non possunt coram ciuili iudice conueniri: hi suos habēt iudices peculiare, quos Officiales vocant, suos carceres, suas pœnas, & prouocationes Romam. Quin & liberi, simul ac societati isti Ecclesiasticæ nomen dederunt, excepti sunt à paterna potestate. Hi possident trientem & eo amplius, fundorum & possessionum totius regni sub titulo immunitatis, Neq; enim sunt vectigales, nec pendunt tributa: nec suo Regi laboranti tenentur ferre suppetias, nec debēt nomine fundorum & prædiorum quæ possidēt, suo Regi vlla seruitia personalia, aut adiumenta pecuniaria: vt vetatur Titulo de immunitate Eccles. c. 3. in 6. Tuti quidem Regis præsidio, sed nihil conferētes ad regni tutelam & defensionem Reipublicæ. Quantum autem Rex inde capiat detrimenti hinc constat: quod laicus feudatarius seu Valuasor feudum aliquod possidens, tenetur ad Domini sui defensionem, equos, arma, vitamque ipsam conferre, & Regi vocanti sedulus assistere. Idē si moriatur, vel si fundum suum alteri vendat, & possessio quocunque modo mutet dominum, semper ad Dominum feudale fructus aliquis peruenit, & homagiū sacramentumque fidelitatis renouatur. Domino alioqui non datur inuestituram feudi, nec missuro acquirentem in possessionem rei emptæ. Par ratio in fundis plebeis, seu censualibus, quæ in lodiis & venditionib. fructum afferunt Domino feudali, seu



feu duodecima pars pretij ad eum pertinet, seu quid aliud pro varietate consuetudinum municipalium. Tum si feudum possidens aut Vassallus in Dominum suū deliquerit, si eius vitæ fuerit insidiatus, si in acie vulneratum ab hostibus deseruerit: vel (vt dicitur lib. 1. de Feudis Tit. V.)

Si Dominum cucurbutauerit, id est cum eius vxore aut filia consueuerit, tunc feudatarius aut vassallus possessione sua excidit. At simul ac feudum aut prædium plebeium venit in manus Ecclesiæ, excidit Rex, & quilibet Dominus suo iure, & in æternum dominio suo fraudatur. Nam Ecclesia (sic enim Clericos vocant, quasi ceteri sint extra Ecclesiam) corpus est nunquam moriens, & in cuius manum postquam venerunt possessiones ac feuda, vix vnquam ac ne vix quidem accidit vt Dominum mutent, & in laicorum veniant potestatem. Sed & Ecclesia quæ

feudum acquisiuit nullū eo nomine debet seruitium personale. Quin & per id Rex amittit iura Albinatus, & exhærentiæ, ac Confiscationis. Neque enim potest, Princeps delinquente Abbate, Priore, aut Episcopo, vel in regis ipsius caput conspirante, fundos quos possidet quatenus Abbas aut Episcopus fisco addicere in pœnam criminis, quamuis compertum fuerit prouentus istorum fundorum ad subsidia hostium fuisse conuersos. Quæ res, nisi tempestiuè occurrat, tandem in pestem regni & vltimam perniciem redundabit. Nam Clericorum bona semper augentur. Sic enim vsu venit vt omnium arrium quæ vitis hominum sustentantur, lucrum semper augeatur. At nullius vitij tam propera sunt

*Ius Albinatus in Gallia est quo Rex succedit aduenis & peregrinis. Ius exhærentiæ est quo Rex caducas hereditates sibi vendicat de successu hæreditis.*

Incrementa quam superstitionis, quippe quæ nō aliis finibus includitur quam scrupulosus vulgi timor, & ingeniosa clericorum avaritia : & tanto acrius intenditur, quāto speciosiori religionis titulo prætexitur. Ergo Clericos videas in dies augere rē, prædia opima adipisci, adire amplissima patrimonialia, captare locupletum morientium testamenta. Quibus diuitiis idem accidit quod animantibus euntibus ad specum Leonis ægri, quorum vestigia omnia aduersa ; nulla auersa videbantur. Nam Clerici ad excipiendas

*\* Contra ipsam Romanam Ecclesiā centenaria, vel contra alias Ecclesias quadragenaria præscriptio legitimè sit completa. vide Cod. li. i. Tit. 2. de Sacros. Eccles. l. 2. Et Nouel lā nonam quam tamē Suidas ait per fraudem latā fuisse.*

laicorum fortunas vias habent innumeras, ad reddendas vero & ad refundendum quod acceperint nullam. Quemadmodum igitur turgescere ventre crura & brachia tenuantur, sic in corpore Reipub. nobilitas & populus qui sunt quasi lacerti & crura, concidunt macie, dum Clericale abdomen enormi tumore attollitur. Hinc est quod olim Reges nostri ex Regno longe minori longè maiorem conscribebant exercitum: nam Clerici erant pauci, præ ista infinita multitudo clericorum & monachorum quæ forum, quæ curiam, quæ tabernas, quæ exercitus impleteret: & nobilitas hodie ad minorem numerum redacta & nudata fortunæ quæ ab Ecclesia possidentur, non habet quo debita Regi seruitia obeat.

\* In eundem finem Clerici voluerunt Ecclesiam semper esse pupillam & annis minorem, ut si quid ut sit, in pactis & conuentis ab eis fuerit commissum in suam ipsorum fraudem, semper detur restitutio in integrum. Cūq; vulgo possessio triginta annorum præscriptionem inducat,

cat, aduersus Ecclesiam Romanam opus est centenaria præscriptione, vt habetur Tit. de Præscr. cap. 2. in 6. Eadem fruuntur prærogatiua Templi Equites. Aliæ Ecclesiæ habent quadragenariam præscriptionem. At Concilium Chalcedonenſe canone 17. iubet præscriptionem esse τεσσαρτάκιον, id est, triginta annis definiri.

Neque vero satis fuit Papæ tertiâ Galliæ partem quæ ab Ecclesiasticis possidentur, habere subditam suo imperio, & inde vt ex sua ditione capere amplissima vectigalia sub titulo Annatarum, Datarum, Dispensationum, &c. Sed & ista tertia populi Gallici parte vititur ad alias duas sibi subiiciendas, etiam in temporalibus. Causæ sunt inuentæ & colores sub quorum obtentu laici emunguntur argento, & causæ ciuiles miseræ plebis fiunt Ecclesiasticæ cognitionis. Nam iudicium de causis matrimonialibus Papa ad se trahit; soluens matrimonia contracta, gradus affinitatis aut consanguinitatis vetitos in sacra Scriptura permittens, aut permisos vetans: Sic & absolutionis peccatorum, aut exemptionis, aut commutationis votorum, aut liberationis animulæ alicuius è Purgatorio diplomata petuntur Roma, & certo pretio emuntur: quibus non debuit subscribi *Datum Roma* sed *Venditum*. Hæc quidem confuta sunt admirando artificio, cui quicquid vnquam fuit astutiæ non comparo. Nam quid tam stupendum quam inuenisse viam stabiliendi regnum in alieno regno, idque tam speciosè vt ipse Rex fraudatus, & misere circumductus vl-

268 DE MONARCHIA TEMPORALI  
tro debeat, & beneficium sibi factum existi-  
met.

His æruscationibus ut irent obuiâ nostri Re-  
ges Ludouicus IX. Carolus VI. grauiſſimas le-  
ges fixerunt; & Carolus VII. constituit. Prag-  
maticam Sanctionem ad id comparatam ut pri-  
uilegia Ecclesiæ Gallicanæ manerent illibata.  
Quamquam in ipsa voce priuilegij, seu potius  
prauilegij, contumelia est. Sic enim assuefacti  
sunt nostri Reges agnoscere quicquid Ecclesia  
sui regni habet libertatis, id obtinere non Dei  
dono, sed Papæ priuilegio: Quasi dominum es-  
se rerum suarum priuilegium esset & præroga-  
tiua peculiari. Si ergo de quatuor viatoribus  
tres iugulantur à latronibus, quartus verò parte  
pecuniæ multatus dimittitur, priuilegium est &  
prærogatiua huic beatulo concessa.

Sed & turpius nobis illuditur sub voce pri-  
uilegij: Sunt enim quedam pauca crimina cleri-  
corum, quorum cognitio permittitur ciuili ma-  
gistratui: Cetera crimina clericorum de quibus  
vulgò cognoscit Episcopus, vocantur delicta  
communia. Ioculare sane acumen, & mira vo-  
cum inuersio. Quicquid enim Episcopi habent  
potestatis iudicandi de criminibus clericorum,  
id totum habent priuilegio, & ex principum in-  
dulgencia. At nunc vice versa si in clericorum  
caulis, paucorum quorundam criminum cogni-  
tio permittitur Magistratui ciuili, priuilegium  
vocatur: quasi id non habeat iure, sed tantum  
precario, & concessione liberali Ecclesiasticorum.  
Non aliter ac si quis me spoliatum omnibus for-  
tunis patiatur tamen vnciolam de tota summa  
reti-

retinere, & id vocet priuilegium: Benigne ergo agitur cum Principibus & magistratibus, si potestatis à Deo datę portiūculam priuilegio possideant: veluti regalia quę vocant & prouocationes, vt ab abusu, & collationem aliquorum beneficiorum.

Sed neque hic finis fraudi: nam crimina illa clericorum quorum cognitio Magistratui permittitur, sunt crimina in quibus violatur dignitas Ecclesię Romanę ad quam tuendam Magistratus non tam iudex quam vindex & auxiliator accersitur. Nempe clericum hæreseos infimularum Ecclesia tradit brachio seculari: Tum si quis falsum admisit in litteris Papalibus. Aut si Episcopo intulit contumeliam. His criminibus quia Papę aut Episcopi dignitas imminuitur, adhibetur Magistratus minister potius & vltor quam iudex. At si peccauerit clericus in publicam honestatem, si se furto aut adulterio aut homicidio polluerit, quia his criminibus non tenetur dignitas Ecclesiastica, nefas hic est Magistratui Ecclesiasticos limites irrumpere, aut de vita clerici cognitionem instituere, quandiu est clericus.

Maxime verò perniciosum est, & pessimi exempli in ipsis regni visceribus tot conspici homines exleges & immunes à pœnis lege communi constitutis. Enimuero, si fides Bellarmino, quotiescunque clericus adulterauerit mone-ram, aut Regis latus sica appetierit, si est incendiarius, si veneficus, si occulta habet cum hostibus cōsilia, nefas tamen Principi iniicere manus in hominem, nisi cum Episcopi venia, nec pote-

*Cap. ad abolendā extra. de hereticis. Cap. ad falsario- rū. Extra de crimi- ne falsi. Can. si quis Sa- cerdotis II. Quæst.*

rit puniri nisi placuerit Episcopo eum exaucto-  
ratum clericorum albo expungere. Testis mihi  
illustris Venetorum Respublica; in quam pa-  
rum absuit quin nouissimè Papa detonuerit  
interdicto, vt hac ratione primo occupanti rapien-  
da obiiceretur, idque quia Magistratus ausus  
fuerat lege agere in quosdam clericos, incestæ li-  
bidinis & nefandæ cædis compertos, qui sub tu-  
tela Ecclesiæ impunè lasciuiantes putabant sibi  
nihil non licere.

Vestiuntur hæc omnia titulo libertatis Eccle-  
siæ. Sic enim proteruè illuditur sacræ scripturæ;  
quæ per libertatem nobis à Christo partam nihil  
aliud intelligit quam aut liberationem à maledi-  
ctione, & à Satanæ ac peccati iugo: Aut liberatio-  
nem ab onere cæremoniarum sub quo Ecclesia  
veteris Testamenti quasi sub graui iugo teneba-  
tur. At hodie sacrosanctum hoc beneficium  
tanto pretio emptum, ad immunitatem à tribu-  
tis, & exemptionem à Regum & legum ciuiliū  
subiectione (vnde clericis acquiritur peccandi li-  
centia) improbè traducitur.

Quæ cum ita sint, quis miretur si Rex Opti-  
mus & sapiëntissimus tactus commiseratione er-  
ga Reges vicinos quos videt miserè circumuen-  
tos, & à Papa ex sublimi in planum deductos,  
eos hortatur ad dirumpenda hæc vincula quæ  
possunt solo spiritu diffilare? & stans in ripa ma-  
num porrigit fratribus abreptis èstu prauæ con-  
suetudinis?

Hæc quidem ego loquens, profiteor me non  
loqui de personis clericorum: sed de regulis & le-  
gibus Ecclesiæ Romanæ. Scio quidem inter Gal-  
licos

licos clericos esse non paucos qui pro regis sui salute vltro velint adire capitis discrimen, quibus tonsura clericalis non abstulit Gallicam ingenuitatem, & in quibus amor Regis sui & patrię prior est Italica disciplina. At hoc quicquid est probitatis aut fidei debent suo ingenio, non veto institutis & legibus Ecclesię Romanę,

## CAP. XIX.

*Exemptionem Clericorum aduersari sacra  
Scriptura.*



Ic si audiatur verbum Dei, res cōfecta est. Nam nec Leuitę nec Sūmus Pontifex alio vñ sunt iure in Republicā Israeliticā quam communi. Nec habuerunt Iudices Ecclesiasticos diuerfos à ciuilibus, qui de causis ciuilibus Leuitarum cognoscerent. Nec habuerunt carceres Leuiticos: Nec ius fuit Pontifici quandocūque in Republica esset Rex aut Princeps secularis, pœnas corporeas aut pecuniarias infligere. Tantum vero absuit vt haberent fundos immunes à tributo, vt nequidem haberent portionem in partitione terrę Canaan.

Quod si historię sacrę creditur, Dauid non aliter imperauit Pontificibus quam Rex subditis, ideoque non dubitat Sacerdotem Sadok & Natham Prophetam vocare seruos suos: sic enim eos affatur lib. I. Regum cap. I. *Sumite vobis-*

272 DE MONARCHIA TEMPORALI  
*cum seruos Domini vestri , & rebite Solomonem fili-  
lium meum mula mea , &c.* Ideoque & Solomon  
non modo Sacerdotem Abiathar loco mouet,  
sed & eum declarat reum mortis lib. 1. Regum  
cap. 2. com. 26. Tamen ob nauatam operam Da-  
uidi patri, fatis ei fuit hominem sacerdotio exut-  
tum in agelli sui angustias concludere. Quam in  
rem dici non potest quàm perplexe agat Bel-  
larminus in Barklaium cap. 15. Nam primò fate-  
tur probabile esse tunc Regem absolurè maio-  
rem fuisse Pontifice, vt docet Thomas lib. 1. de  
Regimine Principum cap. 14. Vnde necessariò  
conficitur esse probabile falsa esse quæ còtra hæc  
postea Bellarminus affert. Immò vero hac con-  
fessione enervat quæcunque toto libro differit  
de potestate & eminentia dignitatis spiritualis  
supra temporalem: Nam easdem illas rationes  
quibus hoc tuetur, easdem vires tunc temporis  
habuisse oportuit: potestas enim spiritualis sem-  
per spiritualis est.

Frigidum vero est quod subiicit: Solomò-  
nem hoc fecisse vt Prophetam: Quasi vero iu-  
dicare de pœna fontis muneris esset Propheti-  
ci, aut quasi Prophetam maior esset Rege aut Sa-  
cerdote. Neque consentaneum est cum idem  
Rex vnà cum Abiathar, Adoniam, Semei & Ioab  
eiusdem criminis reos damnauerit, in ceteris Re-  
gem, in hoc vno Prophetam egisse. Demus ta-  
men hac in re Solomonem fuisse afflatum Pro-  
phetico instinctu, an inde sequitur eum in seren-  
da hac sententia non vsum fuisse regia potesta-  
te? An credibile est Abiathar cedentem loco, ob-  
sequutum esse Solomoni vt Prophetæ, non ve-  
ro vt



to vt suo Regi & Domino?

Quocirca Cardinalis videns in hoc effugio parum esse præsidij, eo tandem redit, vt dicat in Scriptura sacra narrari factum Solomonis, sed non definiri iurēne an iniuria id fecerit. Reges multa facere ex pōtestate non ex iustitia. Satis quidem præfidenter. At sacra Scriptura Solomoni hoc testimonium perhibet, eum inter initia regni Deum amasse, & ambulasse secundum documēta quæ à Dauide acceperat 1. Reg. 3.v.3. Nec potuit in eo scelerate agere si (vt vult Bellarminus) ad hanc actionem prophetico afflatu impulsus est.

Ad nouum testamentum si venit, eadem veritas, immo & clarior. Christus Matthæi 17. soluit vna cum Petro τὰ δὲ ὁπᾶρχα. Quæ de re habes Canonem *Magnum quidem*, Causa II. Quæst. 1. ex Ambrosio. *Magnum quidem est & speciale documentum quod Christiani viri sublimioribus potestatibus docentur esse subiecti, ne quis constitutionem terreni Regis putet esse soluendam. Si enim censum filius Dei soluit, quis tu tantus es qui putas esse non soluendum?* Idem sistens se coram tribunali Pilati agnoscit hanc potestatem datam esse Pilato cœlitus. Io. han. 19. 11.

Paulus Apostolus prouocat ad Cæsarem non ad Petrum. At ne quis putet astu declinatum esse ab eo periculum; Lucas Actor. 23. 11. docet id ab eo factum impulsore Spiritu sancto. Agnouit ergo Cæsarem iudicem suum legitimum. Allucinatur enim Bellarminus cap. 3. in Barklaium, vbi asserit causam Pauli fuisse spiritualem, videlicet de resurrectione & ceremoniis, ideoque

eius cognitionem ad Principem Ethnicum non pertinuisse. Aliud enim fuisse caput accusationis, idque præcipuum docent verba Tertulli accusatoris Aët. 24. v. 5. *Inuenimus hunc hominem pestilentem, & mouentem seditionem inter omnes Iudeos toto orbe, &c.* 25. v. 7. *Iudæi multis grauibus criminationibus Paulum onerant, quas non poterant probare.* Ipse Paulus v. 8. sic agit vt in causa ciuili. Neque (inquit) *in legem Iudæorum, neque in templum, neque in Cæsarem quicquam peccaui.* Neque sane credibile est tantum Apostolum qui mortem pro causa Euangelij vltro expetebat, Aët. 20. 24. & cap. 21. 13. voluisse metu mortis declinare ad iudicem illegitimum; & pessimo exemplo Ecclesię commodis præiudicare.

Hoc quoque scire velim qui sint quos Petrus vocat *genus electum, regale sacerdotium, gentem sanctam, &c.* 1. Petr. cap. 2. An hi tituli ad populum solum pertinent? an non etiam ad Pastores Ecclesię? At certe eosdem quos tot titulis insigniuit paulo post sic alloquitur. *Subiecti estote cuius ordinationi humana propter Deum, seu Regi, vt supereminenti: Seu præsidiis vt qui per eum mittantur, tum ad vltionem improborum, &c.* Obserua voces istas propter Deum, ne quis putet id fieri oportere metu hominum.

Sed præcipue diserta sunt verba Pauli Apostoli ad Rom. cap. 13. vbi iubet *omnem animam subijci potestatibus superioribus quia non est potestas nisi à Deo, & quæ sunt potestates sunt ordinatæ à Deo.* Itaque quisquis se opponit potestati, Dei ordinationi resistit, &c. - De potestate autem ciuili seu seculari non vero de Ecclesiastica Apostolum agere sequentia verba

verba indicant, *Non gerit (inquit) gladium frustra: Tum illud: Idcirco soluitis tributa.* Nam Apostoli tempore non alia potestas gerebat gladium, & tributa capiebat, quam ciuilis. Astipulatur Glossa interlinearis, in hæc verba *potestatibus sublimioribus, id est, Secularibus bonis vel malis.* Eundem locum sic interpretatur Chrysostomus homil. 23.

in Epistolam ad Romanos, \* *πῶς ταῦτα διατάσσεται, καὶ ἱερεῖς καὶ μοῦχοις, ὅχι τοῖς βίωτικοῖς μόνον καὶ ἀποστολῇς, καὶ ἐκκλησίαις, καὶ ἐκκλησίαις, καὶ ὅσις ὄν.*

Ac ne Bellarminus regerat parédum fuisse principibus Ethnicis cogente necessitate, ac secus se rem habere sub Principe Christiano, Chrysostomus prior occupat, sic loquens \* *εἰ γὰρ ἐλλύων ὄντων τότε ἢ ἀρχόντων ταῦτα ὁμοσηγήτε, πόσω μάλλον ὅτι ἢ πσιὼν τῶν γινεσθαι χρῆ.*

Concinit Tertullianus lib. de Idololat. cap. 13. hunc locum citans. Et ipse Bernardus in Epistola 42. ad Archiepiscopum Senonensem. Cui honorem honorem, Omnis

anima potestatibus sublimioribus subdita sit, si omnis, & vestra. Quis vos excipit ab vniuersitate? si quis

tentat excipere, conatur decipere. Et paulo post reprehendit eos qui hæc instillabant Archiepiscopo, *Seruate vestra sedis honorem, quasi suæ sedis honore integro non posset magistratibus obsequi.*

Ac ne putetur Apostolus hæc dicere simulatè, & ficta erga Principes Ethnicos reuerentia, non sic locuturus si vires adfuissent ad excutiendum iugum, subdit clausulam quæ omnem dubitationem eximit, cum vult Magistratibus morem geri, non tantum ob iram, sed & ob conscientiam: id est non tantum metu pœnæ, sed & quia

\* *Omnes hac iubet & sacerdotibus & monachis nō tantū secularibus vel si fueris Apostolus aut Euangelista, vel propheta aut alius qui libet.*

\* *Nam si Ethnicis tunc Imperantibus hanc legē sanxit, quanto magis sub fidelibus hac fieri oportet?*

\* *Nam si Ethnicis tunc Imperantibus hanc legē sanxit, quanto magis sub fidelibus hac fieri oportet?*

s. Quinta. & s. Probatur.

hoc etiam pars est pietatis cultusque diuini. Neque vero temerè factum est quod cum hæc regula ad omnes Christianos pertineat, peculiariter tamen ad Romanos scripta sit, quos spiritus sanctus Apostolum afflans, præsciebat in hanc regulam præcipue peccaturos.


Quid quod hic habemus confitentem reum? Nam Bellarminus ipse cap. 28. libri de Clericis hunc locum citat, & fatetur hoc Pauli præcepto clericos astringi, & paulo post sic loquitur. *Nulum potest proferri Dei verbum quo ista exceptio (clericorum) confirmetur: quo dicto ipse refellit exemplum à se paulo ante allatum ex Genes. 47. ubi (inquit) Ioseph subiecit Pharaoni omnes Ægyptios, voluitque eos certum tributum pendere, exceptis solum sacerdotibus quos immunes & liberos debere esse iudicauit.* Nempe quia deerant Cardinali exempla petita ab historia Ecclesiæ, vsus est exemplis Ethnicorum. Quanquam & hoc exemplum falso ab eo citatur. Neque enim Moyses ait Sacerdotum agros fuisse immunes, sed tantum sacerdotes non fuisse coactos per egestatem vendere suos agros, aut eos redimere data Pharaoni quinta parte prouentus annui. Ab omni vero tributo immunes fuisse non dicit. Falsum quoque est Iosephum censuisse illos debere esse immunes; Nunquam enim vir sanctus iudicasset impios sacerdotes dignos esse honore, aut debere mercedem capere sceleris & idololatriæ. An Ioseph putasset ideo debere aliquem prærogatiuis honorari, quia diabolus colit.

Obseruandum quoque quàm parum sibi cõstet Bellarminus (quod accidit loquentibus con-  
tra

tra suam mentem) Cum enim cap. 34. in Barck-  
laium affirmet. *Clericos exemptos esse non solo priui-  
legio Principum, sed & iure diuino: hoc loco fatetur  
nullum posse proferri Dei verbum quo ista exceptio con-  
firmetur.* Agnoscens tacitè Paparum decreta non  
esse verbum diuinum.

## CAP. X X.

*Idem probatur rationibus.*

I.  DDANTVR rationes validæ &  
perspicuæ. Ac primum nulla  
ratio est cur qui Regis curâ, præ-  
sidio, & impensis defenditur,  
non debeat regi obsequium;

An Rex conscribet copias ad protegendos ho-  
mines suo imperio non subditos? Si ergo hostis  
incurset clericorum prædia, si eos cædat, agat, ra-  
piat: nulla est causa cur Princeps teneatur oppo-  
nere se hosti, ad eorum defensionem. Dicit e-  
nim se teneri ad defensionem subditorum: hos  
vero non esse suos subditos. Eis alium esse Prin-  
cipem, nempe Papam, qui ex prædiis & posses-  
sionibus Ecclesiasticis Galliæ magna capiat emo-  
lumenta, ad quem debeant recurrere: Eius esse  
sumptum facere qui fructum percepit.

II. Omnis ciuis Reipubl. necessario aut  
princeps est aut subditus Principi. Clericus  
in Republica non est Princeps; ergo subditus  
Principi.

III. Ipse Bellarminus lib. de Clericis cap. 28. fatetur Clericos esse ciues & partes Reipublice. Quemadmodum igitur nullum est membrum in corpore quod non subsit capiti, Ita non potest dici membrum Reipubl. qui non subest capiti Reipublicæ, id est Regi, aut summo Magistratui.

I V. Quod si Ludouicus est Rex totius Franciæ, nonne necesse est ut omnes Franci eum Regem suum agnoscant, eoque sint ei subditi? An natus in Francia, parentibus Francis, desinit esse Francus ex quo cœpit esse clericus, & per gradum clericalem patriam ac Regem suum eiurauit? Aut quibus vnquam legibus receptum est ut natus in medio regno, & ibidem viuens, ortus parentibus ciuibus, habeat alium Dominum in temporalibus quam Regem suum? & alio iure utatur quam legibus regni & Reipubl. cuius est ciuis?

V. Certè, non secus ac Baptismus ac professio Christianismi non efficit ne sis ciuis, ita nec clericatus, nec te hic titulus plus quam ille liberat subiectione Regis tui legitimi. Maximè cum Christianum esse, sit aliquid maius quam esse Clericum. Nam sine titulo Clerici multi seruantur, sine titulo Christiani nemo. Tum dignitas Clerici cum hac vitâ desinit, at dignitas Christiani est æterna.

VI. Hoc quoque certum est, religionẽ Christianam neminem priuare suo dominio, aut possessione qua fruebatur antequam Christo nomen daret. An quia Mæuius factus est Christianus idcirco domum aut fundum amitteret? An

An Rex cōuersus ad fidem ideo minuserit Rex quam cum esset Ethnicus? sic Clodoueus noster antequam fieret Christianus omnes Francos & omnia Francorum prædia æqualiter habebat sibi subiecta, nullo discrimine Ecclesiastici aut secularis. An igitur aggregatio eius ad fidem eum spoliavit parte regni? Idem dico de regibus Christianis, qui cum laicum habeant sibi seruum & subditum, non est æquum vt Papa eum eripiat suo domino, & priuet Regem suo iure. Hoc enim si ita sit, quemcunque Papa voluerit vertice strictim attonso suum facere, & in suam clientelam recipere, subtrahetur suo Domino naturali. Ita fiet vt Rex nullum habeat subditum nisi precario & quem Papa permiserit. Non mirum ergo si Papa clericos studet esse maximo numero, in eumque finem quotidie noua monasteria, nouique monachorum ordines statuuntur, & inaudita patribus nostris nomina: totidem (vt ait Rex) papalis imperij colonie. Inde est quod monachi qui olim erant laici, nunc accensentur clero. Inde est quod Bonifacius VIII. voluit clericos contrahentes matrimonium, retinere tamen priuilegia clericorum, vetans huiusmodi clericos coniugatos ob crimina trahi ad tribunal seculare. Tit. 2. capite i. de Clericis coniug. in 6. Sic & Clericus qui per vndecim menses fecerit histrioniam retinet tamen priuilegium clericale. Toletus De instructione Sacerdotum libro 1. cap. 33.

Ad hanc obiectionem respōdet Bellarminus cap. 35. in Barklaium, *per exceptionem clericorum non priuari principes iure quod habebant in eosdem*

antequam clerici essent, per se & proprie, sed consequenter & quasi per accidens quemadmodum cum filiusfamilias euehitur ad Episcopale fastigium, eximitur à patria potestate, nec tamen fit iniuria patri, quoniam non priuatur pater iure suo per se, sed consequenter. Non enim intendit Ecclesia priuare patrem iure patriae potestatis, sed euehere personam illam ad gradum quo dignus est, quamuis inde sequatur illa priuatio paterna potestatis. Acute planè, sic enim excusare possis hominem qui Mæuius sit furatus pecuniam quam Titio daret in eleemosynam; non id ab eo factum esse quod intenderet, Mæuius iniuriam facere, sed quia voluit Titij subuenire indigentiæ, factam ergo iniuriam illi non per se & proprie, sed per accidens, & consequenter. At quid refert an Mæuius spoliatur per se an per accidens, si vtroque spoliatur? An cum Rege melius agitur si Papa ei subditos eripit non quidem in Regis ipsius odium, sed in alterius fauorem? An facienda sunt mala vt eueniant bona? Nullane ratione alia potest consuli honori clericorum, quam fraudando laicos suo iure, siue primo & proprie id fiat, siue consequenter? Profecto non abs redubitari potest leuiori ne contumelia reges suis spoliètur quàm tam frigidis distinctionibus post illatam iniuriam eis illudatur. Sic enim ad damnum adiicitur contumelia, & quasi fatuis os sublinitur. Neque credibile est Papam minus ægre laturum, si quis eum Papatu extrudat, non quidem quod ei intendat inferre iniuriam, sed vt detur locus meliori, & hominem de gradu præcipitet non per se, sed per accidens.

Eadem differit Cardinalis prolixius cap. 34.  
ybi



vbi explanat simili quo pacto Papa Clericum eximat à subiectione Regum. *Euehit* (inquit) *Rex priuatum hominem qui subiectus erat Comiti ad Principatum, & consequenter priuat Comitem iure quod in illo habebat, & fortasse Comitem subiiciet illi Principi iam effecto.* Obserua collationem. Comparatur enim Papa summo Principi: Clericus Principi inferiori quem summus Princeps ad eum honorem euexerit. Rex Comiti qui Principe isto inferiore sit factus inferior: Ita Rex in infimum gradum detruditur, & clericus quilibet à Papa supra Regem attollitur. Hæc quidem Romæ tuto dicuntur, vbi reges flocci fiunt: non vero in iis locis vbi Regia potestas nondum concidit.

VII. Hinc vero liquet quanto scelere clerici à subiectione Principum eximantur, quod Bellarminus c. 34. non potuit aliis quam nequissimis exemplis factum illud defendere. Primum exemplum eius hoc est, *Ins habebat maritus infidelis in coniugem infidelem; conuertitur mulier ad fidem, & consequenter liberatur à subiectione viri infidelis, & si-  
ne iniuria vlla lex Christi priuat virum infidelem iure quod in vxorem suam habebat.*

At debuerat Bellarminus proferre ipsa verba Scripturæ, quibus vxor fidelis liberatur iugo mariti infidelis. Nam Paulus contra est 1. Cor. 7. v. 13. *Si qua mulier habet virum infidelem, & ipse consentit habitare cum ea, ne relinquat eum.* Enimuero si vxor fidelis voluerit relinquere maritum infidelem, quid fiet liberis communibus? an vxor fidelis eos vi eripiet patri? an eos relinquet in manu patris infidelis educandos impie, & consecrâdos idolo? Quod si maritus infidelis per inconti-

nentiam non possit carere vxore, nonne vxor fidelis suo discessu causa erit viro se prouoluendi in libidines & adulteria?

*Eodem  
c. 34.*

VIII. Secundum exemplum Bellarmini tale est. Per matrimonium per verba de presenti contractum, acquirit vir Christianus ius in vxorem Christianam: & tamen si intra tempus à iure prescriptum, velit illa ad professionem vitæ altioris ascendere & sanctimonialis fieri, lex Christi priuat virum iure quod acquisierat, non per se, sed consequenter, non enim intendit lex Christi virum illum priuare suo iure, sed seminam ad altiorem gradum euectam honorare.

*Eph. 5.*

Omnino planum fit quid iudicandum sit de exemptione clericorum dum tam sceleratis exemplis defenditur. Nam regula Christi super matrimonio generalis est. Matthæi 19. *Quod Deus coniunxit, homo ne separet.* Ibidem Christus omnem separationem vxoris à viro vetat, excepta causa adulterij: vt mirum sit cur Bellarminus separationem vxoris à viro ob monasticum votum, vocet legem Christi: cum lex Christi sit plane contraria. Cum enim vir & vxor sint caro vna, teste Scriptura, non potest solui nexus tam arctus, & quem Deus vetat ab homine solui, sub obtentu vitæ perfectioris quam scriptura plane ignorat. Quæ perfectio si par esset Angelicæ, non esset tamen ad eam transeundum per violationem præcepti diuini, nec ad bonum finem malis mediis esset perueniendum. Quāquam quæ sit ista perfectio immo quæ labes res ipsa indicat, Vt cumque infletur titulis, dum monachorum alij se Angelos, alij Archangelos, alij Cherubin, alij Seraphin, alij spiritus, alij illuminatos nuncupant, nō tam

tam ad suum honorem quam ad dedecus Angelorum. Qued si in ista vita sanctimoniali tantopere est perfectionis vt ad eam amplectendam rumpenda sint vincula fidei coniugalis, & eo perueniendum sit periurio, quod sit vt Clericis quibusdam Papa permittat adire coniugium, & renuntiare perfectioni Angelicæ? Respondetur, non id concedi nisi viris principibus & potentibus, idque grauissimis de causis. Nempe (si Papæ fides) hoc est priuilegium Principum, facultas renuntiandi perfectioni, & deferendi inceptam sanctitatem.

IX. Tertium exemplum nihilo est honestius. *Euebitur (inquit) filius familias in Episcopum, priuatur Pater ipsius præstate patria, non vt ipse afficiatur iniuria, sed quia non decet Patrem spiritualem subiici potestati parentis carnalis.*

Nempe hæc ideo dicuntur vt sciant Principes eodem scelere clericos suo Imperio eximi, quo violantur filorum erga parentes obsequia. Sane quidem lex illa *Hónora patrem & matrem*, omnes homines astringit, ergo & clericos. Honoris autem nomine etiam obsequium intelligit. Immo si Lex Dei hoc taceret, naturalis tamen instinctus ad id omnes homines formauit. Sic cum in aliis peccatis sit violatio iustitiæ, in rebellione filij aduersus patrem est euersio naturæ. Ibi scelus est, hic prodigium & *μερόμης*. An pietas euertit naturam? An clericalis character pugnat cum lege Dei? An si pater recta iubeat & honesta, filius non tenebitur obsequi, quia clericus est, ideoque patre dignior? An si patri seni & infirmo vnicus sit filius, cuius ministerium & auxilium sit

necessarium patri ad subsidium senectutis, non tenebitur filius patri poscenti opem ferre, quia se filius patre inconsulto aut etiam invito monasterio inclusit? Obserua autem hic ag. de obedientia, quam subditi debent Principi iure diuino, ac proinde etiam de obsequio quod filij debent parentibus iure diuino, alioqui exemplum Bellarmini non esset accommodatum. Quod ideo dico quia in paterna potestate quædam sunt constituta iure diuino, quædam iure ciuili, quib. immutatis ius diuinum & natura non violatur. Næ liberatio à paterna potestate quæ conceditur Episcopis à Iustiniano Nouella Const. 81. ca. 3. non rescindit ius naturale nec ius diuinum, sed per hanc liberationem fit potestas Episcopo contrahendi, testandi, &c. inconsulto patre.

Si quis ergo contendat presbyterum aut monachum liberari ab ea patria potestate quæ est iuris diuini plane pugnabit cum lege Dei. At si agitur de ea potestate quæ est iuris ciuilis, certum est clericum non posse ab ea liberari invito aut inconsulto principe, quia eius potestati ciuilia iura commissa sunt: At Bellarminus in Barklaium. c. 34. affirmat Papam posse liberare clericos subiectione Principum, *Etiam inconsultis Principibus*. Si inconsultis, certe etiam inuitis.

X. Quod ad crimina vero attinet. Cum Princeps debeat reddere Deo rationem populi sibi commissi, quid tam æquum quam ut sit instructus potestate ad coercendos eos qui in sua ditiorne viuentes conantur turbare publicam pacem, aut proterue insultare legibus, aut populum malis moribus corrumpere? Omnino si cui à Deo  
cura

cura rerum ciuiliū demandata est, debet posse coercere peccantes in societatem ciuilem. At cura rerum ciuiliū non est demandata Episcopis, sed regibus. Si ergo Episcopus peccauerit in societatem ciuilem, oportet coerceatur à Rege.

XI. Quod si Episcopus noluerit gradu mouere clericum impurum, aut factiosum, an idcirco impune ei erit vita scelerata? & populi salus sub obtentu honoris Ecclesiastici in periculum adducetur?

XII. Cumque in causis tum ciuilibus, tum criminalibus, pleraque decidentur ex iure ciuili, si talis causa clerico aduersus clericum inciderit, oportet Episcopus sit consultus iuris ciuilis, ad cognoscendum de tali causa. At Paulus Apostolus longa serie recensens virtutes & officia Episcopi 1. Tim. 3. hanc virtutem omisit, nec voluit Episcopum peritum esse rerum ciuiliū, & iuris dicundi. Immo vero 2. ad Timot. c. 2. *Nemo militans implicat se negotiis huius vite, vt placeat* *εραπλογησαι*: eum autem loqui de fidelis Christi ministri militia indicat versus præcedens. *Tu igitur mala perfer, vt strenuus miles Iesus Christi.*

XIII. In genere autem quicquid habent clerici exemptionis, id eos non debere Pontifici, sed meræ Imperatorum & Regum liberalitati, hinc euidentissime constat, quod omnia Paparum Decreta quæ statuunt clericos debere esse immunes, sunt posteriora tempore constitutionibus Imperatorum, quibus Clericis prærogatiuæ tales conceduntur.

## CAPVT XXI.

*Distinctiones & ratiuncula Bellarmini, & aliorum diluuntur.*



VÆ contra hæc affert Bellarminus tam sunt diluta, vt referre pigeat. Coactus enim reieuidētia fateri clericos esse subditos legibus ciuilibus, distinctionunculam puerilem quasi pellucētem nebulam offundit. Nam 28. cap. lib. de clericis dicit clericos esse subditos legibus ciuilibus *obligatione non coactiua, sed directiua*. Tum illud passim inculcat, clericos teneri obsequi *vi rationis, non vi legis*. Quæ tria eo tendunt vt clerici quidem obsequantur legibus ciuilibus, si velint, si vero nolint, non possint cogi, & totum id ab eorum arbitrio & ratione pendeat.

Ego vero nego legem esse legem quæ relinquitur subditorum arbitrio. Eiusmodi lex mera est suasio. Frustra iubet, qui non potest cogere, aut immorigerum vlisci. Futilis est sanctio quæ nullis pœnis sancita est. Omnis enim sanctio pœnam includit. Quod Virgilius voces vsurpans cum delectu innuit hoc versu *Æneid. 12.*

*Audiat hac genitor, qui fœdera fulmine sancit.*

In quem locum Seruius Sanctio vocatur pars *ista legis, quæ eam violentibus pœna præscribitur*. Nihil est autem tam frequens Imperatoribus Romanis quam leges suas *sanctiones* vocare, etiā eas quæ Episcopis & Clericis statuuntur. vt l. 1. & 42.

§ Præ-

§ Præterea Cod. de Episc. & Cler. Quod si Rex leges fert clericis, sed sine pœnis, Legislatoris cōditio sequior erit quam subditi. Ille enim tenebitur iusta suggerere, hic vero non tenebitur obsequi, aut si tenetur, non tamen potest cogi si nolit. Concinit ius ciuile lege 7. D. De legibus. *Legis virtus hac est, imperare, vetare, permittere, punire.* Tolle igitur pœnas, legis virtus concidit.

II. Non minus diluta est altera Bellarmini distinctio, qua ait Clericos debere obsequi *Non vi legis, sed rationis.* Quasi ipsa recta ratio non esset Lex, aut quasi lex vlla esset sine ratione. Quæro tamen cur ratio clericum astringat ad obedientiam? an quia ratio exposcit honestè viuere & iuste? at hoc ipsum lex Dei exposcit, sic ratio ista erit ipsa lex. An ratio ista est opinio mera? at hæc opinio sæpe irrationalis est & contraria rectæ rationi. Neque video quo modo cum Clerico melius agatur si laqueo aut gladio perimatur vi rationis, quam si vi legis. Quod si vis rationis obligat clericum ad subiectionem legi, eadem vis rationis obligabit Principem ad puniendum clericum immorigerum.

III. Sed apprimè digna sunt exempla obedientiæ quam Bellarminus in clerico requirit cap. 28. lib. de Clericis. *Loquimur (inquit) præcipue de legibus politicis quæ dirigunt actiones humanas in rebus temporalibus, ut cum Princeps lege sua constituit præcia rebus venalibus, vel iubet noctu neminem incedere cum armis, aut sine lumine.* At debuisset addere, Vel cum Princeps vetat monetam adulterinam cūdere, aut patriam suam hosti prodere, aut eadem vel patricidium patrare. Timuit Cardia

nalis ne si maioris momenti exempla afferret, aliquid de dignitate clericorum recideretur: quia in his maioribus criminibus velle clericum sub iici legibus, sic tamen ut non possit puniri, summa esset non modo vanitas, sed & scelus. His ergo exemplis sedulo abstinuit. At in emptione panni, aut gestatione laternæ, vult clericum uti iure communi, sic tamen ut si quid peccauerit, non possit coerceri.

§ *Ad  
quintam*

IV. Pari ludibrio ca. 35. in Barklaium, agnoscit Reges esse Reges non modo laicorum, sed & clericorum. At quomodo fit clericorum Rex sic explicat: nempe in eo quod *Clerici leges Regis politicas libere seruant*. Nota vocem *libere*, nam seruare legem Regis libere, id sanè est non esse subditum, sic legem ab aliquo patrefamilias statutam in sua familia possum obseruare in mea, non per subiectionem, sed per imitationem: non vi legis, sed vi rationis, ut ait Bellarminus, & ex meo arbitrio. Non ergo ob id Rex est Rex clericorum, quandoquidem idem potest fieri à peregrino. Addit Bellarminus *Regem esse Regem clericorum, quia causas quas cum laicis habent cum actores sunt, ad tribunal ipsius deferunt, & iudicio ac sententiæ eius in eiusmodi causis acquiescunt*. At hoc idem fit à peregrinis si actores sint in causa aduersus ciuē. Semper enim actor sequitur forum rei. Eiusdem farinae est quod addit *Clericos honorare reges, & pro eis orare*. At hæc etiam fieri possunt & debent à peregrino. Ut iam Regi in clericos nil nisi merum nomen Regis relictum sit. Et sanè assurgere Regi transeunti leuis est remuneratio pro salute sua quam debent Regis curæ, & pro tot opibus quibus



bus Regni robur fractum quasi macie concidit,  
& tabe conficitur.

V. At indecorum (inquit Bellarminus) *Si ovis pastorem suum iudicet*, Respondeo Reges esse Pastores clericorum in temporalibus, vnde & Reges ποιμένες λαῶν apud Homerum. Et Psalm. 78. David Rex ait se à Deo vocatum *ad pascendum Iacob populum suum*. Debuerat Cardinalis addere indignum esse si pastor æger pareat legibus medici.

VI. Addit Cardinalis. *Adhuc absurdius esset, si hodie Prator posset vocari ad tribunal Episcopi, & cras Episcopus ad tribunal Pratoris*. At nihil hic absurdum, dummodo tribunal Episcopi civilibus rebus abstineat, & res est apud nos frequens. Quanquam astute Bellarminus Prætorem posuit pro Rege, quia durius visum fuisset Regem vocari ad tribunal Episcopi: At de Regis potestate hic præcipue agitur: quem Bellarminus non vult posse trahere Episcopum ad suum tribunal. Ambiguitas est quoque in voce *trahendi*, Nam Magistratus non potest trahi vi ad tribunal Episcopi; sed debent adhiberi commonefactiones, & lacra *παρασίχη*, & in extrema peruicacia & contemptu exclusio à communione. At Episcopus potest vi trahi ad tribunal Magistratus, & resistanti possunt manus iniici, & pœnæ infligi, vt ex sacra scriptura & ex historiis docuimus.

VII. *At indecorum* (inquit) *vt terrenus Iudex summi iudicis seruos sacrosque homines capiat vel puniat*: Quali vero Rex non esset seruus summi iudicis & sacra persona. Nam Reges vocare profanos frequens est Bellarmino, qui tamen vñcti

T

290 DE MONARCHIA TEMPORALI  
domini passim vocantur, & consecrati. Ps. 2. com.  
6. Fac tamen sint profani, an ideo indignum est  
clerico iudicari à iudice profano? Nonne clerico  
longe indignius est esse furem quam furti arces-  
si? Non alius Princeps magis meruit dici profa-  
nus quam Nero, attamen Paulus non putauit in-  
dignum si *omnis anima* id est quilibet homo ac  
proinde & clerici ei tributa penderent, & gla-  
dium eius metuerent ob malefacta. Nec quic-  
quam iustius est quam clericum viuentem pro-  
fano more; legibus profanis, sed tamen iustis, pro  
merito puniri. Denique cum Regis dignitas, &  
persona sit sacra, fundi vero & pecuniæ clerico-  
rum sint res profanæ, quid mirum si rei sacræ res  
profana subiicitur?

VIII. Dicit aliquis Ecclesiam cognoscere de-  
bere de omni crimine. Et verè quidem: nihil e-  
nim est in actionibus moralibus de quo Theo-  
logia non definiat, sed eatenus vt declaret quid  
sit peccatum aut non sit, & quibus censuris Ec-  
clesiasticis puniendum, veruntamen si Theolo-  
gus peccauerit in leges ciuiles, poterit à iudice ci-  
uili pœna commerita affici.

IX. Sunt qui victi euidentia veritatis, faten-  
tur exemptionem clericorum non esse iuris diui-  
ni, sed natam esse à Principum indulgentia, &  
priuilegiis pridem concessis, quæ tamen quia vsu  
inualuerunt & vim habent legis non sunt com-  
mouenda, nec minuenda. Quo dicto fatentur  
ius istud singulare esse contra tenorem rationis,  
vt dicitur Dig. li. 1. Tit. 3. §. 16. *Ius singulare est quod  
contra tenorem rationis propter aliquam vtilitatem  
auctoritate instituentium introductum est.*

Hæc

Hæc opinio aduersatur Canonistis omnibus & Concilio Lateranensi vltimo Sess. II. Sic lo-  
 quenti iure tam diuino quam humano laicis potestas <sup>Cap.</sup> *Quam-*  
 nulla in Ecclesiasticas personas concessa est. Et ipsi Pape <sup>qua</sup> *De*  
 Bonifacio VIII. qui asserit clericos iure diuino & <sup>censibus</sup> *in 6.*  
 humano liberos esse ab exactionibus. Bellarmi-  
 nus hic secum ipse dissidet, & sensus suos sic in-  
 uoluit vt videatur noluisse credi, immo nec in-  
 telligi. Nam c. 28. libri de clericis hæc habet. *Ex-* <sup>s</sup> *Quin-*  
*ceptio Clericorum in rebus politicis tam quo ad perso-*  
*nas quod ad bona iure humano introducta est non diui-* <sup>s</sup> *Proba-*  
*no.* Fatetur nullum posse proferri Dei verbum <sup>tur.</sup>  
 quo ista exceptio cõfirmeretur. Immo ibidem im-  
 pugnat exemptionem istam testimonio Pauli  
 Rom. 13. vbi vult illud *Omnis anima* includere  
 clericos. Vnde fit vt talis exemptio sit contraria  
 iuri diuino. Idem tamen eodem capite defendit  
 immunitatem istam ex Geneseos 47. tum dicit  
*Papam exemisse clericos à subiectione principum.* At  
 iis quæ à Pontifice iubentur & definiuntur obse-  
 qui putatur esse iuris diuini. Profert quoq; Con-  
 cilia aliquot in eam rem: At Concilia probata à  
 Papa & Ecclesia Romana pro verbo Dei habentur.  
 Et hæc quidem in rebus politicis seu ciuilibus.  
 At in criminibus iurè diuino an tantum  
 humano nitatur exemptio clericorum, non defi-  
 nit. Verum c. 34. in Barklaium hoc quicquid est  
 priuilegij vult esse iuris diuini, sic loquens, *Respon-*  
*deo Clericos non solo priuilegio Principum, sed etiam*  
*decretis summorum pontificum, & quod maius est di-*  
*uino iure exemptos fuisse, & per hoc exemptos fuisse*  
*antequam Principum priuilegio eximerentur. Qui-*  
*bus in verbis multa notanda sunt. Primo quod*

Decreta Pontificum fatetur non esse iuris Diuini. Secundo quod agnoscit priuilegia Principum, mox tamen ea euerit dum dicit hanc exemptionem esse iuris diuini. Quod enim à Deo datum est, humano priuilegio non potest concedi. Tertio quod ait Clericos exemptos fuisse iure diuino ante priuilegia concessa : Datum ergo est eis priuilegio quod iam habebant. Qui vera diceret, nunquam secum ipse pugnaret, nec tam perplexe loqueretur. Nec post impugnata in rebus ciuilibus exemptionem clericorum testimoniis Pauli Apostoli, diceret istam exemptionem esse iuris diuini.

X. Sed neque verum est exemptionem Clericorum qualis hodie statuitur, nisi priuilegio principum. Nam præterquam quod tota antiquitas reclamatione vt mox docebimus, ratio ipsa aduersatur. Nam certum est Regem nunquam dare priuilegia aduersus seipsum. Potest quidem ad tempus & certis de causis eximere aliquem iurisdictione inferioris magistratus, at non potest liberare obsequio Regi debito, nisi velit legem Dei euertere, & pessimo exemplo iura regni conuellere.

XI. Nec dubium est quin Rex quæ dedit subdito priuilegia possit eripere, si videat subditum, abuti Principis beneficio ad perniciem publicam. Cum enim Princeps possit cuilibet perduelli eripere & fisco addicere bona quæ non dedit, quanto magis quæ dedit? Maximè cum hoc tempore clerici negant se hæc habere beneficio

ficio Principum, sed profiteantur se totum hoc quicquid est, acceptum referre Romano Pontifici, qui, ut ait Bellarminus, potest liberare à subiectione principum *etiam inconsultis principibus*. Quisquis negat se beneficium accepisse cum acceperit, dignus est amittere.

XII. Quod si cui Principi placet liberalem esse erga aliquos subditos, cum imminutione suæ dignitatis, personalis est hæc liberalitas, nec potest successor huius Regis pari lege astringi. Semper fuit penes Principes emendare quæ obesse Reip. experimento compertum est. Neque video cur Principi cui licet augere priuilegia clericorum, non liceat eadem minuere: præcipue si ex concessione præcedenti Reip. aliquid detrimenti capiat.

XIII. Maius est quod dicturus sum. Perendo enim Principes ne quidem si maxime cupiant posse eximere clericos ab omni civili potestate, quandoquidem Deus vult eos potestatibus superioribus subiici. Benefacta quæ sunt contra bonos mores & Dei mandatum, sunt malefacta. Sic pater non potest liberare filium ab obsequio sibi debito, nec gratiam facere obsequij isti mandato quod iubet Honore patrem & matrem, nec improba indulgentia laxare vincula naturalia, aut refigere iura diuina: Emancipatio enim liberorum recepta legibus, non liberat filios à lege Dei, aut iure naturali, sed à civilibus quibusdam constitutionibus quæ adimunt liberis potestatem contrahendi inconsulto patre. Sic cum extaret disertum Dei mandatum de premendis arcta seruitute

194 DE MONARCHIA TEMPORALI  
reliquis Cananæorum ; non potuissent Reges  
Israelis sine scelere eos facere exleges , & plane  
immunes.

XIV. Adde quod Imperatores & Reges  
potuerunt concedere magnas Immunitates clē-  
ricis, paruo regni sui dispendio, quando clerici e-  
rant paruo numero : nec ciuilia tractabant : & e-  
rant in re non valde lauta. At nunc cū clericorū  
& monachorum mandrē omnia compleant  
multitudine innumerabili : & Reges ipsos longe  
superent opibus , & immisceant se negotiis ciui-  
libus, & causas ciuiles , mutato nomine ad se tra-  
hant : quin & bonam partem laicorum habeant  
sibi obstrictam abbatiis & opimis beneficiis : ha-  
beantque suas congregationes, sua capitula, &  
arcana consilia , ad quæ Princeps non admitti-  
tur, ipsi vero intersint Regio consistorio, sæpe e-  
tiam præsent : quis non videt quantum interlit re-  
gum hæc tam immania priuilegia recidere , &  
consulere sui imperij non modo dignitati, sed e-  
tiam salutis ? Quanquam quæ fuerint ista priuile-  
gia primitus concessa à Principibus postquam  
cognouerimus apparebit longe plus esse  
vsurpatum ab eis quam fuerat con-  
cessum. Cuius rei explana-  
tioni caput sequens da-  
bitur.

CAPVT

## CAPVT XXII.

*Veritas defenditur testimoniis antiquitatis & constitutionibus ac legibus Imperatorum.*



**T**RIA nobis testimoniis antiquitatis probanda sunt. 1. Clericos olim fuisse obnoxios iudiciis & pœnis ciuilibus. 2. In causis ciuilibus & criminalibus Clericorum, Episcopis forum & iudicia fuisse concessa, Principum indulgentia, sed ita vt Episcopi magis essent arbitri quam Iudices. 3. Fundos & prædia clericorum fuisse vectigalia, & tributo obnoxia.

I. Vt ergo ordiamur à primo, decem persecutiones Ecclesiæ quæ per trecentos annos Ecclesiam afflixerunt satis euincunt Episcopos & Presbyteros solitos trahi ad tribunalia Imperatorum Ethnicorum. Neque id tantum de facto vt loquitur Bellarminus, sed & de iure. Nullus enim clericus Martyr aut confessor vnquam conquestus est se sisti coram iudice non idoneo: nec causatus est clericorum priuilegia imminui. Frustra regeritur id ab eis factum metu: nam quid potest timere qui mortem non timet? Nōne eādem illā constantiā quæ Episcopos inter tormenta obfirmabat, eos quoque ad declinandum iudicem non idoneum incitasset?

II. Constantino magno præsidenti synodo Nicenæ Episcopi obtulerunt magnam vim

libellorum supplicum quibus de iniuriis iniuicem expostulabant. Hos libellos bonus Imperator cremauit, ratus prudentius ista sopiri quam excuti, & hos rixarum nodos melius incidi quam solui: Habemus ergo omnes Episcopos nobilissimæ synodi profitentes se agnoscere Constantinum Iudicem suarum causarum. Quorum confessioni potius credendum quam inhærendum vnius Constantini modestiæ qui harum contentionum noluit instituere cognitionem. Quanquam & dum sopit controuersias, dum igne ipso rixas extinguit, egit sine dubio partes iudicis, & eo ipso iudicat dum verat iudicari.

Non fuisse autem eam Constantino mentem, vt sese omnipotestate & Imperio in clericos exueret, arguunt eius facta quamplurima. Nam Theodoretus ca. 19. li. 1. historiæ recitat fragmentum epistolæ Constantini ad Nicomedieneses in quo multa conquestus de Eusebio Nicomedienfi eiusque adiutoribus hæc addit. *Eam ob rem hoc capimus aduersus ingratos istos consilium, vt iubemus arreptos ipsos in remotissima loca deportari. & paulo post. Quod si quis audacter inconsultèque ad memoriam, aut laudem pestium istarum exarserit, illius statim audacia ministri Dei hoc est mea executione coercetur.* Idem Imperator scribens ad synodum Tyri sic loquitur. *Quod si quis reiecto & spreto mandato nostro adesse noluerit, delegabimus aliquem, qui regia illum auctoritate in exilium eiectum docebit, hominem minime decere summi Imperatoris præceptionibus ad tuendam veritatem editis resistere.* Euseb. li. 4. de Vita Constantini c. 42.



III. Huius filius Constantius Liberium Romanum Episcopum Beroeam relegavit: Theodor. lib. 2. hist. cap. 16.

I. V. Cum Constantinopoli ignis domos aliquas corripuisset, incidit suspicio factum id à quibusdam clericis peregrinis, qui paulo post liberati vinculis, iussi sunt vrbe excedere edicto Arcadij & Honorij, fisco quoque adiudicatę domus, quas (inquiunt A. A.) *Episcopos vel Clericos peregrinos post publicationem edictorum & nostra serenitatis affatus probabitur suscepisse. l. 37. quoniam persona Cod. Theod. de Episc. Ecclef. & Cler.*

V. Gregorium Nazianzenum tractum fuisse ad tribunal consulare, non sine periculo pœnæ corporalis, ibique causam dixisse ex vita eius operibus præfixa, iam ante retulimus.

VI. Apud Sulpitium Severum libro 2. Historiæ. Maximus Imperator Episcopos in hæresim Gnosticorum prolapsos, capite plectit.

VII. Cum Symmachus Episcopus Romanus multorum criminum esset postulatus, Rex Theodoricus cognitionem causę instituit, misitque cognitorem Petrum Altinæ ciuitatis Episcopum. Idem Iohannem Papam in carcere necauit. *Anastasius Diaconus: liber Pontificalis, Platina &c.*

VIII. Vigilius Papa Iustiniani iussu graui-ter cæsus, parum abfuit quin occideretur, vt ait Platina, cui similia refert Nicephorus libro 26. cap. 17. *Eo insolentia progressus est vt & Menam à cõmunione quatuor mensibus excluderet. Idem & sane Menas aduersus eum fecit. Sed enim Iustinianus rebus eiusmodi ad iram commotus qui eum comprehende-*

*rent misit. Vigilus autem sibi metuens ad Sergij martyris aram confugit, & sacris ibi sistulis implicatus, non prius inde extractus est quam illas euertit.*

Quoties Reges nostri Episcopos exilio & pœna corporea multauerint, vel vnus Gregorius Turonensis potest esse testis locupletissimus, quippe scribens quæ vidit, & quorum pars fuit. Cum ageretur causa Prætextati Archiepiscopi Rotomagensis, Gregorius Chilpericum Regem sic affatus est. *Si quis de nobis ô Rex iustitia tramitem transcendere voluerit, à te corrigi potest. Si vero tu excefferis, quis te corripiet? Loquimur enim tibi, sed si volueris, audis: si autem nolueris, quis te condemnabit, nisi is qui se pronuntiauit esse iustitiam?* Causa, variè acta est, & Rege asperius se gerente Prætextatus à nostris (inquit Gregorius) oculis raptus in custodiam positus est. De qua fugere tentans, nocte grauisime casus in Insulam maris quod adiacet ciuitati Constantina in exilium detrusus est. Hæc Gregorius lib. 5. historiæ cap. 18. Idem libro 9. cap. 10. refert Bosonem morte damnatum ad Magnericum Episcopum confugisse. At Regem Gunthramnum hoc audito sic loquutum. *Inijcite ignem in domum, & si exire nequiuerit Episcopus pariter concremetur.* Addo in Chronico testatur Episcopum qui filiam Chilperici baptisauerat, & matri eam tenere non prohibuerat exilio damnatum. Nulla hic aut vsquam alibi comminatio Episcopi Romani: nullæ querelæ clericorum, clamantium violari iura & libertates Ecclesiæ, clericus habere suum forum, suos iudices, suas pœnas, & prouocationes Romanam.

Leges vero Imperatorum qui huc voluerit  
con-

congerere, frustra fuerit diligens in re vulgari. Hę pauca sufficient ex multis. Authent. Presbyteri. Cod. de Episcopis & Clericis. *Presbyteri seu Diaconi si falsum testimonium perhibuisse conuincantur, si quidem in causa pecuniaria, à diuino ministerio duntaxat per tres annos separati, monasterijs pro tormentis tradantur. Sed si in criminali, clericatus honore nudati legitimis pœnis afficiendi sunt. Cateri vero clerici, communi iure ab officio Ecclesiastico repulsi sine delectu causæ, verberibus coerceantur.*

Eiusdem Tituli lex 28. hæc habet. *Caueant autem hi qui ita exhibent ex monasterijs ne de religione vel doctrina disputent, vel conciliabulis præsent, vel turba concitata simpliciorum animos seducant: scituri quod si nostrę pietatis statuta neglexerint legum auctoritati subijcientur.* Est autem Lex Leonis & Anthemij, A.A.

Idem Augusti lege 31. eiusdem Tituli hæc fanciunt. *Si quis hanc sanctam & venerandam antistitis sedem pecuniæ interuentu subiisse: aut si quis vt alterum ordinaret vel eligeret aliquid accepisse detegitur, ad instar publici criminis & læsæ Maiestatis accusatione proposita à gradu sacerdotij retrahatur, nec hoc solum deinceps honore priuari, sed perpetua quoque Infamiae damnari decernimus.*

Cod. lib. 1. Tit. 6. Ne sanctum Baptisma itere-  
tur Honorius & Theodos. A.A. hæc edicunt. *Si quis rebaptizare quempiam è ministris Catholicae sectæ fuerit detectus, vnâ cum eo qui piaculare crimen commisit (sit amen criminis per atatem capax sit) & hic cui persuasit vltimo supplicio percellatur.*

Iustinus Augustus lege 41. eiusdem tituli de Episc. & Clericis. *Absurdum clericis est, immo op-*

*probriosum, si peritos se velint ostendere disceptationum forensium: temeratoribus huius sanctionis pœna quinquaginta librarum auri feriendis.*

Lex sequens quę est Iustiniani, sic concluditur. Iubemus eos qui in suspicionem venerint aliquid horum ausu temerario pratermisisse, primum quidem ex Domini Dei iudicio periculum, ac deinde positas in hac lege pœnas sustinere. Clericos autem alloquitur.

Lege 2. si Clericus Cod. lib. I. de Episcopali audientia. *Si Clericus ante definitiuam sententiam frustratoria dilationis causa ad appellationis auxilium conuolauerit: multam quinquaginta librarum argenti quam contra eiusmodi appellatores sanctio generalis imponit cogatur expendere.* Est autem Lex Valentini & Valentis Augustorum.

Eodem titulo lege 6. *Si tanta clericorum aut monachorum audacia est, ut bellum potius quam iudicium futurum esse existimetur ad clementiam nostram commissa referantur, ut arbitrio nostro mox seuerior ultio procedat.* Estque Lex Arcadij & Honorij A.A. In quibus omnibus legibus, hoc præcipue obseruandum est, eas esse scriptas non ad Episcopos aut Magistratus Ecclesiasticos, qui nulli tunc erant, sed ad Præfectos Prætorio & Magistratus ciuiles.

Denique Iustinianus quanquam summâ in Clericos indulgentiâ: seueras leges edicit in clericos aleatores & indulgentes spectaculis præcipue vero I. Certissime. Cod. de Episcopali Audientia.

Nihil molliet de harum legum rigore & auctoritate qui dixerit clericos non fuisse subditos pœnis

pœnis ciuilibus nisi post exauctorationem ab Episcopo, nam par auctoritas Principis siue nō exauctoratum puniat, siue puniat post exauctorationem ab Episcopo iussu Principis factam : & Episcopus teneatur in eo obsequi Principi: Ideoque Reges & Curia Parlamenti vsi saepe sunt legis rigore erga clericos fontes quos Episcopi gradu mouere cunctabantur.

Clericos verò debuisse se sistere coram tribunali ciuili docet clarè l. omnes 33. Cod. l. i. De Episc. & Clericis. *Omnes qui vbique sunt vel posthac fuerint orthodoxa fidei sacerdotes & clerici cuiuscunque gradus sint, monachi quoque in causis ciuilibus ex nullius penitus maioris minorisve sententia Iudicis ad extranea iudicia pertrahantur, aut prouinciam, aut locum, aut regionem quam habitant exire cogantur: nullus eorum Ecclesias vel monasteria propria relinquere miserabili necessitate iubeatur, sed apud suos iudices ordinarios, id est prouinciarum rectores in quibus locis degunt, Ecclesiarum ministerijs obsecudent, omniumque contra se agentium excipiant actiones, &c.*

Et lege 37. *Omnes praterea, virorū clarissimorum prouincias moderantium sententijs, absque vlla priuilegijs differentia (qui tamen praesidiali iurisdictioni subiecti sunt) siue Episcopi, vel quilibet Clerici aut Monachi, aut cuiuslibet conditionis sint pariter respondere discernimus, &c.*

Episcopis vero forum & Iudicia in rebus ciuilibus clericorum habere concessum, sed vt arbitris sponte electis, & sine iurisdictione coactiua, docet l. Si quis Cod. lib. i. De Episcopali auidientia. *Si qui ex consensu apud sacra legis antistitem litigare voluerint, non vetabuntur: sed experientur il-*

lius in ciuili duntaxat negotio, more arbitri, sponte respondentis iudicium. Quod his obesse non poterit, nec debet quos ad prædicti cognitoris examen conuentos potius abfuisse quam sponte venisse constiterit. Nec minus diferta est Nouella Valentiniani 3. Tit. 12. de Episcopali Iudicio. Cum inter Clericos iurgium vertitur, & ipsis litigatoribus conuenit, habeat Episcopus licentiam iudicandi præeunte tamen vinculo compromissi, quod & de laicis si consentiant auctoritas nostra permittit, aliter eos iudices esse non patimur, nisi voluntas iurgantium interposita, (Sicut dictum est) conditione præcedat, quoniam constat Episcopos & Presbyteros forum legibus non habere, nec de alijs causis secundum Arcadij & Honorij diuina constituta, quæ Theodosianum corpus ostendit, præter religionem posse cognoscere. Si ambo eiusdem officij litigatores nolint, vel alteruter, agant publicis legibus & iure communi.

Semper autem ad principem, & Ciuilem Magistratum dabatur prouocatio, ut habetur In Authent. si ex Imperiali. Cod. de Episcopi audientia. Si ex Imperiali iussione aut Iudiciali præcepto Episcopus, iudicat inter quasunque personas: appellatio aut ad principem, aut ad eum qui transmisit negotiū transferatur. & Nouellæ 83. Rubrica hæc est. Ut clerici apud proprios Iudices conueniantur, & post hoc apud ciuiles iudices. Quæ etiam fuit sanctio Regū Gothorum in Italia, ut legitur apud Cassiodorum Variarum libro 8. Epist. 24. & semper licuit litigantibus declinare forum Episcopi ut docet l. 29. eiusdem tituli §. Has autem. Si ciuiliū rerum controuersia sit, volentes questionem apud antistites instituere patiemur, inuitos tamen non cogemus: cum Iudicia

*dicia ciuilia sint, si ea adire malint, apud quæ licet etiam de criminibus cognoscere.*

Carceres autem ne quis habeat sine iussu Imperatoris cautum eodem titulo l. 22. Tantum iubentur Episcopi semel septimana coniectos in vincula visitare.

Iam quod ad Immunitates attinet, inueniuntur quidem leges plurimæ Imperatorum quibus clerici à sordidis muneribus, & à personalibus ministeriis & parangaria præstatione, & à tutela seu testamētaria, seu legitima, seu datiuā, & à cura pupillorum eximuntur. Sed hoc totum priuilegium fuisse & indulgentiam principum, generaliter quidem omnibus clericis, peculiariter vero Romanæ urbis clero concessum, docet l. Generaliter. 52. Cod. de Episc. & Cler. verba legis sunt. *Propter hoc ipsum beneficium eis indulgemus, ut alijs omnibus derelictis, Dei omnipotentis ministerijs inhaereant, & hoc non solum in vetere Roma, vel in hac regia ciuitate: sed & in omni terra obtinere sancimus.* Cum ergo Clerici hodie tractent ciuilia, debent iuxta hanc legem excidere suis priuilegiis.

Ac ne forte Clerici putarent se his immunitatibus plane exemptos à Subiectione Imperatorum, prudentia Principum noluit eos in omnibus esse immunes. Sic Constantinus & Iulianus Cæsares scribunt ad Taurum præfectum prætorio lege 3. Cod. de Episc. & Clericis. *De his Clericis qui præsidia possident, sublimis authoritas tua non solum eos aliena iuga nequaquam statuet excusare: sed etiam pro ijs prædijs quæ ab ipsis possidentur, eosdem ad pensitanda fiscalia perurgeri. Vniuersos namque*

*Cod. li. 1.  
Tit. 2. de  
sacrof. Ec  
cles. leg.  
11. & 12.  
& Tit. 3.  
de Episc.  
& Cleri  
cis. l. 2. &  
6. & 52.*

clericos possessores duntaxat provinciales pensitationes fiscalium translationesque faciendas recognoscere iubemus. & l. In Ecclesiis quæ est XI. Clerici non ex alia possessione vel vico, sed ex eo vbi Ecclesiam esse constituit ordinetur, vt propria capitationis onus & sarcinam recognoscant: & Nouella 131. De Ecclesiasticis titulis cap. 5. Iustinianus vult possessiones Ecclesiasticas ad sternenda itinera, & ædificationem ac reparationem pontium perinde ac cæteros obligari. Sed & agri Ecclesiæ pendebant tributum teste Ambrosio oratione de tradendis basilicis: *Si tributum petit, non negatur: Agri Ecclesiæ soluunt tributum.* Et ipse Papa Urbanus agnoscit Causa 23. q. 8. Can. Tributum. *Tributum in ore piscis piscante Petro inuentum est: quia de exterioribus suis quæ palam cunctis apparent, Ecclesia tributum reddit.* Ipse Bellarminus cap. 28. lib. de Clericis citat Epistolam quandam Valentiniani ad Episcopos Asiæ sic loquentem, *boni Episcopi tributa pensitant Regibus.* Idem Imperator author est legis cuius meminit Hieronymus in Epistola ad Nepotianum his verbis. *Pudet dicere, sacerdotes Idolorum, auriga, mimi & scorta hereditates capiunt: solis clericis & monachis hoc lege prohibetur: & prohibetur non à persecutoribus, sed à principibus Christianis. Neque de lege conqueror, sed doleo cur meruimus hanc legem.*

Extant quidem in Cod. Theodosiano aliquot leges quæ Clericis plurimum indulgēt: Sed nulla vspiam inuenietur quæ neget Clericos esse Subditos Imperatori. Tum aliæ leges longè plures, eiusmodi constitutiones aut mutant, aut interpretantur. Denique Iustinianus iuris Romani reco-



recognitor, quicquid erat ambiguum in hac causa sedulo explanauit, & leges clericis fixit Imperatoria autoritate, non secus ac reliquis subditis, quarum summa fuit semper vis, & inuiolabilis autoritas, donec Papæ excusso Imperatorum iugo, aucti Regum Francorum immensa liberalitate cœperunt Imperium affectare, & Ecclesiam toto conatu transformare in Monarchiam temporalem.

Ridiculus fuerit qui hîc Imperatorum incusauerit tyrannidem in Ecclesiam, aut ignorantiam: non enim est credibile pios Imperatores Constantinum, Valêntinianum, Gratianû, Theodosios, qui dabant sua, voluisse rapere aliena: & qui suas opes in Ecclesiam profundebant, conatos esse Ecclesiam fraudare, aut spoliare, aut premere indigna seruitute. Nec sibi defuissent illius æui Episcopi quin apud clementissimos Imperatores, de iniuria sibi facta expostulassent. A quibus querelis tantùm abfuerunt; vt etiam vltro se plurimum debere fassi sint, & coram ciuilibus tribunalibus obiuerint vadimonia, & tributa soluerint, & Imperatores suos Dominos agnouerint. Quam in rem protulimus exempla Chrysostomi, Ambrosij, Nazîâzeni, Hieronymi, Gregorij, & Vrbanî Pontificum: qui cum cæteris in rebus essent acerrimi defensores Ecclesię, nō est consentaneum eos in hac vnâ causa Ecclesię dignitatem & libertatem prodidisse: & eos qui aucti sunt aduersus malorum conatus *ἐλθὼντες οὐ μόνον* non ausos fuisse apud fouentes & beneuolos Principes veritatem proloqui.

His tamen Imperatorum legibus Bellarmi-

εἰ τις κλη-  
 ρικός πρὸς  
 κληρικόν  
 πράγμα  
 ἔχῃ μὴ ἐγ-  
 καταλιμ-  
 ναι τὸ  
 εἰς αὐτὸν ἰ-  
 σόκοπον,  
 ἀλλ' ἐπὶ κο-  
 σμικὰ δι-  
 καστήρια  
 κατατρί-  
 χῇ τὰ ἀλ-  
 λα περτι-  
 ον τιμὰ  
 ὑποδύον  
 γυνάξαι-  
 τιν ὁδὸν  
 τῶν ἰδίων  
 ἐπισκόπων.

nus lib. de Clericis cap. 28. opponit Canonem  
 nonum Concilij Chalcedonenfis. *Si Clericus ad-  
 uersus Clericum habet negotium non relinquat Episco-  
 pum suum, & ad secularia iudicia recurrat, &c.* Sed  
 omittit summa fraude, verba sequentia, *Sed prius  
 ventiletur res apud proprium Episcopum.* Nam hæc  
 vox *P R I V S*, perspicuè supponit post cognitio-  
 nem Episcopi posse iri ad iudicia secularia : tum  
 vox *γυνάξαι τὸ* ventiletur, non est accommodata  
 ad significandum iudicium definitiuum, & cui  
 necessario acquiescendum sit.

Subiungit Cardinalis Synodi Agathensis Ca-  
 nonem 32. *Clericum nullus præsumat apud secula-  
 rem Episcopo non permittente pulsare, &c.* Sed & hic  
 quoque insignis falsitas & corruptela. Omnes e-  
 nim codices Synodi Agathensis habent. *Clericus  
 nullum præsumat, nō vero Clericum nullus præsumat.*  
 Auctor falsitatis istius Gratianus 11. quæst. 1. Can.  
 Clericum. Consimili fraude lex Codicis Theo-  
 dosiani 23. *Qui mos est, deprauatur causa* 11. Quæst.  
 1. Can. Continua. *Continua lege sancimus vt nullus  
 Episcoporum, vel eorum qui Ecclesia necessitatibus ser-  
 uiunt ad iudicia siue ordinariorum siue extraordina-  
 riorum iudicum pertrahatur, habent enim illi suos  
 iudices, nec quicquam his est publicis commune cum  
 legibus.* Hactenus Gratianus: at omisit verba se-  
 quentia, *quantum ad causas tamen Ecclesiasticas  
 pertinet.*

Fateor quidem inueniri Canones Concilio-  
 rum qui iubent ortas inter clericos contentiones  
 coram Episcopo transigi, & declinari à Clericis  
 iudicia secularia: At nullus Canō fundos & præ-  
 dia Ecclesiastica vetat esse ὑποτελῆ. Nullus Ca-  
 non

non negat Clericos esse subditos Imperatori. Nullus vetat Magistratum civilem de causis aut criminibus Clericorum instituere cognitionem, aut vetat Clericos vocatos ad civile tribunal respondere. Nec si quis clericus reus est atrocis aliquius facinoris, definitum unquam est eum non posse capite plecti Principis iudicio. Cumque actor sequatur vulgo forum rei, nusquam Concilia voluerunt laicum reum trahi ad tribunal Episcopi, aut prohibuerunt in causis civilibus pro uocationem ab Episcopo ad Principem, aut actori laico eripuerunt rem adiudicatam, aut iusserunt causam à Iudice seculari iudicatam retraheri coram Episcopo. Sed Clerici ex pacto inter se declinabant forum civile, quia erat indecens clerico lites sequi, aut circa forum conteri, & curam rerum sacrarum litis sufflamine retardari.

• Quod si Concilia clericum norant, aut puniunt qui in civili vicerit: non ideo rescindunt sententiam Iudicis. Nam idem potest fieri à quolibet priuato. Sic testator aut donator potest donationibus suis & legatis inferere eiusmodi conditiones: ne legatarius, néve hæres apud Iudicem de hac aut illa causa agat. Si fecerit, donatione aut hæreditate excidat.

Porro etsi nihil habent antiqua concilia quæ nobis ob sint, non est tamen dissimulandum, Episcopos auctores horum canonum non fuisse idoneos iudices exemptionis clericorum, utpote factæ in rem suam. Nunquam enim tulissent ipsi in se sententiam. Nec quisquam est qui consultus an velit esse liber, an vero subiectus, non præferat libertatem subiectioni.

Obiicit quoque Bellarminus cap. 35. in Bark-  
 laium legem septimam De Episcopis & Cleri-  
 cis, In Cod. Theodos. vbi vetantur clerici ad cu-  
 rias deuocari, & iubentur plena immunitate po-  
 titi. At Bellarminum fefellit ignoratio Latini  
 sermonis, dum putat *ad curias deuocari* idem  
 esse quod trahi ad tribunal seculare, aut Iudicia  
 Imperatoris. Sed errat toto cœlo, nam ad curias  
 deuocari nihil aliud est quam redigi in nume-  
 rum Curialium, & à functione Ecclesiastica ad  
 munus seu functionem ciuilem transferri: Cu-  
 riales enim erant qui per oppida exercebant ci-  
 uilia munera; quos lex 53. Tituli III. de Episco-  
 pis & Clericis, vocat *βελύταις*, & euriā *βελύα*. &  
 Nouella 123. cap. 1. vetat Episcopum ordinari *cu-  
 riale vel officiale*. Cum autem in functione  
 curialium, qui & curiones & decuriones appel-  
 labantur, plus esset oneris quam honoris, & mos  
 esset ditissimos cuiusque oppidi vel inuitos vo-  
 care ad curiam, id est ad capeſſendum munus cu-  
 rionis vel decurionis, à quibus muneribus resi-  
 lire & eximi non possent: Imperatorum lege cle-  
 rici eximuntur ab hac necessitate eisque conce-  
 ditur ne possint ad curialia munera vocari.  
 Non secus ac in Gallix pagis & oppidulis non  
 leue priuilegium putatur, non posse fieri col-  
 lectorem tributorum. Inde est quod tot le-  
 ges vetant curiales deserta curia transire in cle-  
 rum, & Monachi desertores propositi in pœ-  
 nam peccati traduntur curiæ\* *χρηματιστικαὶ ὑποση-  
 σόμενοι λατρείας*, Si fuerint in re lautiori: Sin vero  
 pauperes, corporales, vt iubetur lege 53. Cod. de  
 Episc. & Clericis. Plura de Curialibus vide in  
 Cod.

\*Vt susti-  
 neāt mi-  
 nisteria  
 quasiua-  
 ria seu  
 pecunia-  
 ria.

C A P. XXIII.

*Monarchiam Papalem enatam ex ruinis  
Imperij Romani.*



T animantium ita Imperiorum quædam est adolescentia, quædam stata ætas, quædam senectus atque decrementa. Ergo & Imperij Romani quo non aliud extitit post homines natos maius aut melius constitutum, finis quidam fuit. Cuius dum vires erant integræ, Episcopus vr̃bis Romæ sola spiritualia tractabat, idque autoritate magis quam imperio. Nec Episcopus Vniuersalis, aut totius Ecclesiæ caput, sed primæ sedis Episcopus vocabatur, idque ob prærogatiuam vr̃bis, non ob Petri sedem, nam & Antiochena & Alexandrina pari successione gloriabantur, & Romanam sedem antiquitate superabant. Quæ prior dicebatur ordine, non potestate, nihil habens iurisdictionis in cæteris.

At postquam Romanum Imperium concidit in Occidente, Herulis, Gottis, Francis, Burgundis ad ejus casum accurrentibus, non secus ac ad casum proceræ arboris arrepta securi concurrunt: in Oriente vero Imperatores impliciti Saracenico bello, sua ægrè tutabantur: & Roma prope modum pro derelicto habita, nec Imperatori

fatis virium ad tutandam Italiam: Episcopus Romanus cœpit erigere cristas, & Imperij terreni ponere fundamenta: vsus ad eam rem summo artificio, nec minore successu. Quod qua occasione factum, & quo rerum secundarum æstu subuectus, tanti Imperij culmen infederit, operæpretium est cognoscere.

Sedes Imperatorum in Occidente erat Roma, vsque ad Valentinianum secundum qui nescio quo consilio Imperij sedem, Rauennæ posuit. Quod exemplum secutus Theodoricus Rex Gotthorum, deletio in Italia Imperio Romano, Episcopi Romani apud suos ciues & suburbicaria oppida creuit autoritas: quasi amoto rectore, cuius splendor præfens sedis Episcopalis dignitatem offuscabat. Sed & altrinsecus auctus est spiritus Archiepiscopo Rauēnati, qui quod vrbs sua sedes esset regni, de primatu cum Episcopo Romano diu decertauit.

Septingenti & amplius à Christo anni effluerant cum cœperunt sedi Episcopi Romani asfulgere primæ spes terreni Principatus, & prima consilia apparere statuendæ Monarchiæ. Distinebatur Imperator in Oriente grauissimo & periculoso bello aduersus Sarracenos. In Italia vero nihil possidebat præter Exarchatum Rauennatem & Ducatum Romanum: nam cætera à Longobardistenebantur. Cum ergo Roma infirmo præsidio teneretur, Episcopus Romanus cœpit maiora animo agitare: quærentique occasionem iugum excutiendi, ecce commodum, peropportuna occasio se obtulit. Anno enim Christi 712. Philippicus Bardanes imperium obtinebat,

tinebat, qui initio imperij retulit de abolendis sanctorum imaginibus, circa quas superstitio gliscebatur. Hanc aniam Constantinus Pontifex arripit: Nam videns Philippicum ciuili bello implicatum, Italiae Episcopos vocat ad Concilium, in quo, authore Papa decretum est habendas esse & colendas imagines. Neque hoc contentus populum Romanum instigat in Imperatorem, ut inimicum sanctis: Populo assentiente decretum est ne Philippici heretici litterae aut nummi reciperentur: neque nomen eius in sacra liturgia ederetur, neque imago eius de more in templum inferretur. Quin & peruagante Italiam tumultu, Iohannes Exarchus Rauennae occisus est. Prima haec fuit Episcopi Romani in Imperatorem rebellio.

Missus à Philippico in Iohannis locum Petrus quanquam resistentibus Romanis, Romam ingressus est, & morte Philippici sedata contentione Anastasius eius successor Italiam per Exarchos, ut ante, tenuit: Is imagines passim restituit.

Constantino Papae mortuo sufficitur Gregorius II. Nec multo post Anastasius acie victus à Leone Isauro, Imperio excidit. Quo anno Saraceni in Hispaniam effusi Gotthorum regnum euerterunt. Hic Leo, cum Gregorio non satis morigerus, vteretur, ut erat impotens animi, Marinum Spatharium suum, quem Ducem Romanae urbis creauerat, & post hunc Paulum Exarchum misit in Italiam, additis mandatis ut Gregorium quoquo modo interficerent aut loco mouerent. At Gregorius quo saluti suae con-

suleret, Exarchum grauiſſimo bello implicat, accito in auxilium Luitprando Rege Longobardorum, qui Rauennam vſque prouectus, cam obſidione cingit & tandem capit. Anno 725. Sed Paulus Rauenna eiectus, copiis auxiliariis Venetorum auctus Rauennam ex improuiſo adoritur & recipit.

Inter hæc Leo toto Imperio Imagines delebat, vnde varij morus in Græcia & Aſia, quibus ſedandis dum Leo intentus eſt, Gregorius non ſibi defuit: Nam Italos ad defectionem ſollicitauit, eoque authore defeſerunt ab Imperio Romani, Campani, Rauennates & Pentapolitani; Nec populus à magiſtratibus iſtis abſtinuit. Ita (inquit Sigonius lib. 3.) *Roma Romanuſque Ducatus à Græcis ad Romanum pōtiſicem propter neſandam eorum hæreſim impietatemque peruenit.* Sic enim vocat odium imaginum. Ex his patet prima Papalis Monarchiæ fundamenta ſuper ruinis Imperij fuiſſe locata, & Papæ vires imminutione Imperij creuiſſe. Factum id anno 727. Eutyches tamen Exarchus biennio poſt Romam ingreſſus eſt armatus: Inter quæ moritur Gregorius II. anno 731. cui Gregorius III. ſuſſectus, acerrimus deſenſor imaginum. Qui dum Romanum Ducatum poſſideret, virẽſq; deeſſent, facile eſt à Luitprando Rege fortunis omnibus exutus. Iamque premebat Rex Romam obſidione, cum Gregorius clam ſummiſſis in Galliam Legatis opem Caroli Martelli implorat, cui inter Francos ad regnum nihil niſi Regis nomen deerat: miſſique ad eum, inuſitato exemplo clauibus ſancti ſepulchri, tantum effecit, vt eo interceſſore Luitprandus



prandus obsidione abſisteret. Quo loco Sigonius ſœdus à Francis initum cum Romana Eccleſia vt rem inuſitatam refert. *Carolus (inquit) primus è Francis à Pontifice Romano ad amicitiam eſt appetitus.*

Annus 741. inſignis eſt morte Leonis, Caroli Martelli & Gregorij Papæ. Leoni Conſtantineſis filius : Gregorio Zacharias ; Carolo Pipinus in Præfectura Palatii ſucceſſit.

Hic Zacharias moritur anno 752. rebus (vt ait Sigonius) *non tam piè quam proſperè geſtis.* Succedit Stephanus II. ſub quo Aſtulphus Rex Longobardorum Rauennam cœpit, & reliquias Imperij Romani in Italia deleuit : Vnde ſibi ſpondens imperium totius Italię, Pontificis ditionem inuaſit, quippe quæ eſſet portio Exarchatus Rauennatiſis, cuius iam maximam partem ſubege-  
rat. Quibus in anguſtiis Pontifex quanquam deſeciſſet ab Imperatore ſuo Domino, eius tamen auxilium implorat. At imperator ſegniter rem gerēs, ſeu Papam oderat, ſeu viribus ſuis diſſiſus, ſatis habuit Aſtulphum monere per legatos. Inter quæ Stephanus in Galliam ad Pipinum venit. Erat tunc Pipinus Ponticone, vbi (ſi fides hſtoricis Pontificiis qui in talibus multa mentiūtur) Pipinus Papæ obuiam proceſſit, eum adorauit, & deſcendenti ex equo, atque aſcendenti, ſtratoris munus impleuit. Egit Stephanus cum Pipino veteratoriè, obtendens ſacroſanctum Petri nomen, oſtentans titulos Eccleſiæ Romanæ, ſpondens remiſſionem peccatorum & ſalutem, ſi ad Eccleſiæ Romanæ auxilium feſtinus aduolaret. Addebat bellum gerendum ea lege vt ſi

Exarchatus & Pentapolis reciperentur, non Imperatori restituerentur, sed Ecclesiæ Romanæ dono darentur. Ac quamuis Franci tunc temporis Imagines auersarentur, & liturgiâ Romanâ à Gallica esset longe diuersa, De his tamen Papa apud Regem non egit; nam ad incrementum suarum rerum, & curas temporales totus animum adiecerat.

Igitur Pipinus delectu habito, infestum exercitum, semel atque iterum, trans Alpes rapit, Italiam fugâ & terrore complet, Aistulphum Papiæ quæ & Ticinum obsidet. Pax tandem in has leges facta, ut Aistulphus Exarchatum & Pentapolin rapta Imperatori Romano, daret Romano Pontifici: Frustra reclamantibus legatis Constantini, & dicentibus licere Pipino liberalem esse de suo: at erepta Imperio Romano restituenda esse Imperatori, non vero danda Pontifici. Hæc gesta sunt annis 755. & 756.

Hanc Pipini immensam liberalitatem, Carolus cui Magno cognomen, plurimum auxit, anno 774. victo & capto Desiderio ultimo Rege Longobardorum. Secutusque exemplum Ludouici Pius Caroli filius patris & aui beneficia, nouis beneficiis cumulauit.

Ergo Pontifex locupletatus exuiis imperij Romani, cœpit nihil modicum spirare, & immensa animo agitare. Nam etsi Carolus Magnus subacta Italia titulum Imperij Romani, & supremum Dominium vrbs Romæ sibi retinuiisset, Papa tamen tanto astu abusus est facilitate successorum Caroli, ut ad eos quidem nomen Imperij & regni Italiæ, ad Papam vero vis pertinet.

Ad

Ad quas immensas opes accedebat potestas spiritualis, quæ in dies augebatur paribus incrementis cum temporali. Nam Gallia cœpit ritu Romano Eucharistiam celebrare : eodemque tempore enata est opinio Transubstantiationis, & imagines in templa passim introductæ, solatiū populo, quasi ad supplendum locum sacre Scripturæ quæ populo sensim subtrahebatur. Tum Purgatorij terror additus, & nullibi non miracula. Quod si Princeps aliquis peccasset libidine aut avaritia, illico fulmina & diræ. Aut si inter duos Principes bello certaretur, Papa se certantibus immiscens sub titulo arbitri, sic rem componebat, ut semper ad se aliquis fructus rediret. Acceperunt bella Ierosolymitana, ad quæ quicumque se voto astrinxerat, cruce signabatur, & fiebat Papæ subditus: euntibus autem promissa erat remissio peccatorum, & in cœlis gradus gloriæ supra plebem sanctorum, ut habetur in bulla Innocentij III. quæ subiuncta est primæ synodo Lateranensi. Fructus & finis belli quod Europam viris exhauriebat, statuere in Oriente colonias Imperij Papæ, qui ibi legatum habebat Papæ vices gerentem. Ergo deposito pedo pastoralis sumpta est corona triplex quæ *Regnum* appellatur: & vestis coccinea insigne Romani Imperij, & adoratio, Deique titulus, & plurima quæ etiam Maiestatem Imperialem longe excedunt. Quin & Regum & Imperatorum more Papa cœpit bel-  
la gerere, & acie configere: Quæ res Leoni nono cessit improspere, quippe qui in bello aduersus Sisulphum Regem Normanorum acie victus & captus est. Sigebertus anno 1050. Platina in

Leone I X. Nec finis fuit donec Gregorius VII. anno 1076. Imperatorem ausus est deturbare Imperio; & ius sibi arrogare dandi ac auferendi regna & Imperia. Semperque creuit immanis ista potestas vsq; ad Leonem X. qui cum æruscatores tota Europa misisset, qui remissionem peccatorum certo pretio addicerent, & de cuiuslibet animæ liberatione expurgatorio, diplomata, sed care empta, largirentur, Lutherus ausus est in cauponationem istam magno animo inuehi, & sacram scripturam quam attingere laicis erat religio & summum piaculum vulgavit vernaculo idiomate: Vnde patuerunt arcana mysterij iniquitatis, & subita populorum & gentium secuta est defectio.

Hæc à me non dici partium studio, sed ex historiæ fide multi mihi testes, exceptione maiores. Vnus instar omnium erit Nicolaus Machiæuellus, cuius hæc sunt verba in præclaræ suæ históriæ Florentinæ libro 1. quam dicauit Clementi VII. pontifici. Cum ergo (inquit) Imperator factus esset Christianus, & se Constantinopolim recepisset, inde secuta est inclinatio imperij Romani, & Ecclesia Romana incrementum. Nihilominus vsque ad aduentum Longobardorum (cum Italia tota Imperatoribus aut Regibus esset subdita) Pontifices ea solum auctoritate pollebant, quam eis morum & doctrina sanctitas conciliabat. Cateris in rebus, obsequebantur Imperatoribus aut Regibus, qui aliquoties eos morte affecerunt, & in suis negotiis ciuilibus eorum ministerio vsi sunt. Præcipue vero Theodoricus Rex sedem regni Rauenne locans, auctoritati Papæ magnum momentum addidit: quia cum Roma præsentia Principis esset destituta,

tuta, Romani vt haberent aliquod refugium, Papa impensius obsequebantur. Non multum tamen inde creuit eius autoritas: sed tantum Ecclesia Romana hanc prerogatiuam assecuta est, vt Ecclesia Rauennati anteponeretur: At cum Longobardorum aduentu Italia in plures partes esset scissa, data est occasio Pontifici vires suas augendi. Factus enim est propemodum Princeps Roma, vnde Imperator Constantinopolitanus & Longobardi eum tanto honore prosequerentur vt Romani Papa interuentu, cum Longobardis & Longino sœdus percussissent, non vt subditi, sed vt socij. Et hoc pacto Pontifices inter Longobardorum & Græcorum amicitiam medijs, & nunc horum, nunc illorum inclinantes, augebant sensim suam dignitatem. At paulo post accidit ruina Imperij Orientalis sub Heraclio à Sclauis, Persis, Sarracenis, &c. Addit auxilium petitum à Francis aduersus Longobardos, & bellis omnibus quibus ab eo tempore Italia afflictæ est Pontifices causam præbuisse. Denique his verbis claudit sermonem. Quocirca ad scribendas res quæ sunt consecuta non opus erit immorari ruina Imperij Romani, quod plane corrui, sed incrementis Pontificis.

Satis opinor probatum Monarchiam Papalem ex ruinis Imperij Romani enatam, eius decrementis acceuisse. Tum si deessent historia, ratio tamen ipsa id necessario suggereret. Nunquam enim Augusti passi fuissent statui nouum Imperium in sui Imperij vrbe nobilissima, nisi viribus Imperij iam fractis, & ad resistendum inuailidis. Adde quod facilius fuit imponere Francis & Germanis quàm Imperatori Græco. Nam illis militaris animus, & ad bella infractus, sed infusa facilitate sequax & technarum Pontificis in-

318 DE MONARCHIA TEMPORALI  
solens, & religionis Christianæ rudis, assuetus-  
que credere aliena fide: At Imperatores Græci  
pridem assueuerant imperare Episcopis Roma-  
nis, & de eorum capite & fortunis statuere. Tum  
illis Græcum ingenium, eoque vaftrum & perspi-  
cax & qui in sua vrbe habebant Patriarcham qui  
potentiam Episcopi Romani æmulabatur, & de  
primatu contendebat. Versæ ergo in nostram gē-  
tem technæ, à qua Pontifex in immensam pote-  
statem euectus, hanc refert Francis, eorumque  
Regigratiam, ex qua Regum cades, extranei ad  
Regnum vocati, strages populi, & intestina bella  
consequuntur.

#### CAPVT XXIV.

*Panduntur super hacre arcana Prophetiarum.*



VIVS rei observatio nos ad su-  
blimiorem meditationem eue-  
hit, & vocat ad sacrosancta vati-  
cinia, quæ pridem Deus est effa-  
tus per suos Apostolos & Pro-  
phetas. Paulus enim Apostolus  
2. ad Theſſalonic. ca. 2. agens de aduentu *hominis*  
*peccati & filij perditionis.* his notis eum compun-  
git, 1. Quod se Deum vocabit. 2. Quod edet mi-  
racula. 3. Quod cadente Imperio Romano se eri-  
get. Hanc tertiam notam his verbis concipit.  
μόνον ὁ κατέχων αὐτὴν, ἕως ἐκ μίσεως ἡρώται, ἢ πότε ἀποκα-  
λυφθῆσεται ὁ αἰὼς αὐτοῦ. Quem locum sic vertit vulga-  
ta tantum vt qui tenet teneat, donec de medio fiat, &  
tunc

*ementes  
ut non  
possidētes.  
Quid est*

tunc reuelabitur ille iniquus. Hic enim vox κατέχειν nihil aliud est quam tenere, seu obrinere, vel possidere vt 1. Cor. 7. com. 30. οἱ ἀγοράζοντες ὡς μὴ κατέχοντες. Mens enim Apostoli est eum qui suo tempore summæ rerum erat impositus, summoque Imperio potiebatur, prius esse abolendum quam iste αἰομεθ, filius perditionis reueletur. Si cui tamen placuerit per κατέχειν intelligere, inhibere, seu impedire, eodem res recidet: quippe cum docuerimus multis exemplis Imperatores gliscentem Papatum arrogantiam sæpe retudisse, & vires Imperij stantes & integras Papalem Monarchiam retardasse. Neque vero hæc sunt nostra commenta, sed perspicua Pauli prædictio, veteris Ecclesiæ firmata consensu, & comprobata experimento. Locum enim hunc Pauli sic explicat Tertullianus lib. de resur. carnis. c. 24.

Tantum qui nunc tenet teneat, donec de medio fiat, quis nisi Romanus status cuius abscessio in vndecim Reges dispersa Antichristum superducat? Concinit Chrysostomus in hunc locum. † τί δηποτ' ἐν ὅττι τὸ κατέχον ἀποκαλυφθῆναι αὐτὸν τῷ πνεύματι τοῦ ἁγίου; οἱ μὲν τὸ πνεῦμα τοῦ ἁγίου φάσι, οἱ δὲ τὸ πνεῦμα τοῦ ἁγίου ἀρχὴν, οἷς ἐξ ἡμῶν μάστιγα τίθεται. Scholiastes Græcus ex variis interpretibus contextus. κατέχον φησὶ τὸ κατέχον καὶ ἐμπεδίζον. τί δὲ τὸ πνεῦμα τοῦ ἁγίου φασὶν, ἄλλοι δὲ τὸ πνεῦμα τοῦ ἁγίου ἀρχὴν, οἱ καὶ βέλιον λέγουσι. Et paulo post. ὅταν ἀποκαλυφθῇ ἡ Ῥωμαίων ἀρχὴ τότε δόπο καλυφθῇ σεται ὁ αἰομεθ, τέττιν ὁ ἀντίχριστος ὅτι δὴ σεται τῇ αἰαρχίᾳ καὶ κρατῇσιν ὁ πνεῦμα τοῦ ἁγίου. Augustinus 19. capitul. libro vigesimo de Ciuitate. Il-

istud quod tenet ne manifestetur? id est quod impedit? alij quidem dicunt gratiam sp. Sancti, alij Imperium Romanum, ad quos maxime accedo.

† Vocat κατέχον quod prohibet Imperat. Quid illud est autem multi spiritum sanctum dicunt, alij vero Romanum principatum, qui quidem melius sentiunt. Quando dissolutum fuerit Imperium tunc reuelabitur impius, id est.



Antichri- de ipso Romano imperio creditur dictum: tanquam di-  
 stus, quan- etum sit, tantum qui modo Imperat imperet, donec de  
 do enim Et medio fiat. Hieronymus 11. quæstione ad Alga-  
 dissolutum sium hunc locum sic explicat. Nisi (inquit) Roma-  
 fuerit Ro- num Imperium ante desolatum, & Antichristus præ-  
 manum cesserit Christus non veniet. Et paulo post. Nec vult a-  
 Imperium, tunc An- tichristus parte dicere Romanum Imperium destruendum quod i-  
 Anarchia pps qui imperant aeternum putant. Vnde secundum A-  
 immine- pocalypsim Ioannis, in fronte purpuratæ meretricis scri-  
 bit, & co- ptum est nomen blasphemie: id est Romæ aeterna. Si e-  
 nabitur, nim aperte audacterque dixisset, non veniet Antichri-  
 arripere stus nisi prius Romanum deleatur Imperium: iusta cau-  
 domina- sa persecutionis in orientem tunc Ecclesiam consurgere  
 tionem. videbatur. Quæ opinio vulgo recepta inter Chri-  
 stianos veteres causam præbuit orandi pro dura-  
 tione Imperij Romani, vt docet Tertullianus A-  
 pologetici c. 31. Est & alia (inquit) maior necessitas  
 nobis orandi pro Imperatoribus, etiam pro omni statu  
 Imperij rebusque Romanis, quod vim maximam vni-  
 uerso orbi imminentem, ipsamque clausulam seculi a-  
 cerbitates horrendas comminantem, Romani Imperij  
 commeatu scimus retardari. Quam vim maxi-  
 mam de aduentu Antichristi Zephyrus inter-  
 pretatur.

Eodem spiritu cum Paulo Apostolo afflatus  
 Iohannes Apoc. 13. Imperium Romanum nobis  
 effingit sub figura belluæ septicipitis, cuius septē  
 capita sunt septem diuersæ Regnandi forme, nec  
 non septem montes quibus Roma insidet. Vt i-  
 pse Spiritus Sanctus interpretatur Apoc. 17. 7. 9.  
 & 10. Eidem belluæ affingit decem cornua quia  
 Imperium Romanum decem præcipuis prouin-  
 ciis constabat: quibus nitebatur robur Imperij:  
 nam

1. Italia.
2. Hispania.
3. Gallia.



nam cornua stilo sacrae scripturae, robur significat. Hæc bellua saucia lethaliter sanatur, eique vires redduntur, sub alio titulo, nempe Hierarchiæ Romanæ. Idque ope alterius bestię quæ ex terra emergit vers. 11. id est ex infima sorte, & cornua igni præfert, sed loquitur ut aræes vers. 11. Id est Christi nomen, eiusque fidem obtendit: sed loquitur impia, & exercet potestatem prioris bestia coram illa; vers. 12. id est potestatem & iura prioris Imperij vsurpat, idque in ipsa sede Imperij, id est Roma. Et iubet adorari priorem bestiam sanatam. Id est Imperium Romanum Hierarchicum per quod Imperij collapsi decus est restitutum. & miracula edit. vers. 13. & erigit imaginem prioris bestia. vers. 14. id est erigit Imperium ad imitationem prioris Imperij Romani, ut prolixè docebitur: Viuit autem & loquitur hac imago vers. 14. & 15. id est hoc Imperium etsi opinione constans, habet tamen vires & loquitur grandia. Occiduntur autem qui hanc bestiam non adorauerint, versu 15. id est, qui non se submiserint Papali Imperio. Notantur quoque caractere in fronte subditi huius Imperij, vers. 16. Quæ nota in clericis est clericalis character, in laicis titulus & professio Romani, sine qua nota excluditur quilibet à mercimoniis & beneficiorum nundinatione vers. 17. Cuius bestię nomen linguâ Apostoli vsitatum sub ductis numeris efficit 666. vers. 18. quem numerum inuenies in voce ΛΑΤΕΙΝΟΣ ut pridem monuit Irenæus. Ecclesia enim Græca Ecclesiam Papalem non vocat nostro more Romanam, sed Latinam, & Papam Episcopum latinum. Papæ! quanta lux se hic vel nolentibus offundit, & quam graphice

4. Germania.  
5. Pannonia cum Dacia & Mæsia.  
6. Græcia.  
7. Asia minor.  
8. Syria.  
9. Aegyptus.  
10. Africa. In illa sunt continentis appendices.

322 DE MONARCHIA TEMPORALI  
 hic nobis Papa eiusque Hierarchia depingitur.  
 Peruolue historias, lustra oculis quæcunque sunt  
 toto orbe, ne viam si vllum vñpiam hominem  
 inuenies, in quem hæc omnia quadrent: præter v-  
 num Pontificem Romanum.

Ac ne quid ad perfectam Papæ & sedis Roma-  
 næ descriptionem desideretur, caput decimum  
 septimum Apocalypseos nobis eum tam ad vi-  
 uum depingit, vt nullus sit locus dubitationi.  
 Principio vrbs Roma vocatur magna meretrix,  
 versu 1. & Babylon versu 5. quin & dicitur *in sede*  
*re septem collibus* versu 9. inde & ἡ πόλις, & festū  
 vrbs *Septimontium*, ait Varro lib. 5. de lingua lati-

*In libro* na. Et versu 18. *Mulier illa quam vidiſti eſt magna*  
*aduerſus illa ciuitas regnans in reges terra.* Fatetur quidem  
*Regis præ* Bellarminus, hæc dici de vrbe Romæ, sed Ethni-  
*fationem* ca. At contra sunt Viegas & Ribera Iesuitæ,  
*Monito-* pertendunt enim hæc dici de Roma qualis futura  
*riam. Vie* est sub Antichristo. Cum enim cap. 18. Apoca-  
*gas in 17.* lypseos prolyxè describatur vltimum excidium  
*Apo. Cō.* istius vrbs, non potest hoc dici de Roma Ethni-  
*1. Sect. 3.* ca, quippe quæ sub paganismo semper floruit.  
*Ribera* Adde quod sub specie fœminæ hic depingitur,  
*in Apoc.* vt scias eam non gerere rem armis sed blanditiis  
*.14. nu.* & illecebris, quæ sane in Romam Ethnicam non  
 41. quadrant, in hodiernam verò quadrant plenissi-  
 me. His adde quod eadem mulier dicitur sedere  
 super multis aquis, id est, dominari multis popu-  
 lis, versu 1. & 15. Deus bone quam *ἀρχὴ* Spiritus  
 Sanctus imperium Romanum Papale vocat

SESSIONEM: hoc enim vni Papæ peculiare est  
 vt SEDERE dicatur, non regere: cum tamen ne-  
 mo

mo magis regnet. Quid quod eadem mulier vers. 2. dicitur illicere Reges & inebriare populos : In quantas enim fraudes Reges pellegerit, vel vna Gallia testis est locuples : Quod sane de Roma Ethnica dici non potuit, quippe quæ non circunueniebat astu Reges, sed armis euertebat regna, & reges extinguebat. Addit Iohannes vers. 3. & 4. *vestem purpuream*. hic enim color est vestis Papalis non tantum consuetudine, sed & lege, vt statuitur lib. 3. Cæremoniarum sacrarum sectione 3. cap. 5. *Ruber color precipue ad Papam pertinet*. Exempla habes lib. 1. Sectione 1. cap. 6. & sectione 9. cap. 1. Nec minus disertum quod bestię cui insidet mulier, id est sedi, seu Imperio Papali, inscripta sunt nomina Blasphemię, vt quo vocatur SEDES DEI, vt lib. 2. Sacrarū Cæremoniarū Sect. 7. c. 6. *Sedes Dei id est sedes Apostolica*. & ipse Papa DEVS Can. satis Distinct. 96. & glossa extrauagantis Cū inter. Et *Maiestas diuina*, Cōcilio Lateranēsi vltimo sess. 9. Et *caput totius Ecclesia, ac Episcopus Vniuersalis*; & *spūs Ecclesia: Caput fidei, lapis angularis Leo Iuda*, & infinita eiusmodi quib. Cōcilia & Decreta Paparū referta sunt. Quod in manu eius ponitur, *Poculum Aureum Plenum Abominationum*, quarum vocum litterę capitales Papam efficiunt debeātne aliquas vires habere alij iudicent. Mihi sane videtur in isto casu esse quēdam industria, maximè cum id ita cadat in lingua Romana quæ diu fuit vernacula Episcopatu Romano.

Sed illud mihi maximi momenti esse videtur, quod cū Roma habuerit septē genera sūmi Principatus, Reges, Cōsules, Tribunos militares, Decemuiros, Dictatores, Imperatores, Papas, qui va-

riis temporibus summæ Rei præfuerunt, hac de re Apocalypsis eodem capite sic loquitur vers. 9. & 10. *Septem capita sunt septem montes, quibus insidet mulier: Tum septem Reges* (Sic vocat summos Principatus) *quorum quinque iam transierunt, & vnus nunc stat, & alius nondum venit.* Cum enim Iohanni hæc revelarentur, quinque priores principatus pridem defierant. Sextus verò nempe Imperatores, tunc stabat, eratque in roboris ἀκμῇ. Septimus vero (nimirum Papæ obtinentes Monarchiam temporalem) nondum aduenerat.

Et hæc quidem non sunt nostra, sed serenissimi Regis, qui primus felici audacia resignauit librum signatum septem sigillis, & his tenebris maiorem quam quispiam lucem intulit. Quem Bellarminus, Cuffetellus, Gretzerus, Coqueus, dum conantur refellere, tam infelicer rem gerunt, ita se inuoluunt, vt videantur noluisse intelligi, immo nec credi. Si quis tamen vult habere quo ratiunculæ eorum diluat, legat accuratissimam Responſionem Doctissimi Præfulis Eliensis, quæ sanos omnes à scribendo eadem de re deterruit.

His duobus Apostolis plane consona pridem vaticinatus est Daniel, hæc ipsa maiori quadam tuba personans. Nam cap. 7. depingit quatuor maxima Imperia, Babylonicum, Persicum, Macedonicum, Romanum, sub imagine quatuor bestiarum emergentium mari, id est è medio populorum, iuxta stilum scripturæ. Quarta bellua cæteris sæuior & truculentior, erat decem cornibus insignis, vers. 7. totidem enim præcipuis prouinciis constabat Imperium Romanum. Inter quæ  
cornua

*cornua emergit cornu paruulum* Romanus Pontifex, tenuis cōditionis inter initia *cui dantur oculi*, id est perspicax astutia, & *os loquens grandia*, id est doctrina ipsi plurimum tribuens & superbi tituli. *Hoc cornu auctum tria cornua debellua auellit.* Papa enim subiecit suo imperio tantam portionem de Imperio Romano veteri, quanta est trium ad decem, quod qui oculis aut circino voluerit metiri, comperiet verissimum esse quod dicimus.

Mirabitur ergo lector maximum prophetiarum consensum, non modo inter se, sed &, quod caput est, cum euentu: & agnoscet Papam rem fecisse Imperij dispendio, & iuxta Prophetias Papale Imperium inter ruinas Imperij Romani cemerisse.

Sunt qui vt hæc eleuent, & tantę luci tenebras offundant, pertendant Imperium Romanum nondum concidisse, quippe quod etiam nū stat in Germania: cuius Imperator adhuc nomen & dignitatem obtinet Imperatoris Romani. Sūt ex aduerso qui censent non inherendum nominib. & titulis, sed rem ipsam excutiendam. Imperium Romanū de quo Paulus agit 2. ad Thessal. cap. 2. prorsus esse deletum: Imperatores vero Germaniæ non successisse Iulio Cēsari, nec Constantino; sed à Carolo Magno Gallię Rege descendisse. Imperatorem hodie nihil possidere Romę, nec in Italia. Immo Monarchiam illam quę hodie vocatur Imperium pene totam sitam esse extra fines veteris Imperij Romani. Non esse consentaneum vt dicatur Imperator Romanus eodem sensu quo veteres, qui non modo Romanos non habet sub sua ditione, sed & qui homini Ro-

316 DE MONARCHIA TEMPORALI  
mæ regnanti lambit vestigia, & defert adoratio-  
nem, teneturque Romam mittere Legatos qui  
Papæ Cæsaris nomine præstet sacramentum fi-  
delitatis & obsequij. Hæc est inter cæteros sen-  
tentia Lipsij in præfatione libri *de Magnitudine  
Romana*, ubi asserit Imperium Romanum esse  
penes Papam & Romæ adhuc esse sedem Impe-  
rij, & *hanc ipsam Romam & SACRVM IN EA  
IMPERIVM fuisse & esse velut anchoram fluctuan-*  
*ti du Europa.* Ibi esse senarum purpureum, Eo in-  
ferri tributa, Eo mitti legationes gentium ex no-  
to ignotæque orbe. Ipsos Reges & Principes a-  
dire & inclinari; & *obnoxia capita huic vni capiti*  
*submittere.* Ac profecto quotiescunque Papa Cæ-  
saream Maiestatem vocat Imperatorem Roma-  
num, non tam eum honorat titulo, quam ama-  
rulento scommate ei illudit, si quidem Papa ipse  
Cæsarem Roma & Italico Imperio depulit.

Hæc quidem variè à variis agitantur. Nobis  
non necesse est nodum hunc soluere aut incide-  
re: Nec in sacræ Cæsareæ Maiestatis quam ipsi  
veneramur, titulos scrupulosius inquirere fas aut  
honestum puto. Satis mihi ad rem præsentem,  
ponere quod apud omnes est in cōfesso, id quod  
hodie Imperium Romanum dicitur perexiguū  
esse præ stupenda illa potentia veteris Imperij  
Romani. Vnde non abs re dici potest Imperium  
Romanum corruisse. Non secus ac si quis Re-  
gem nostrum, quod absit, regni maxima parte  
exutum in Aremoricæ aut Delphinatus angu-  
lum concluderet, non mentiretur qui diceret re-  
gnum Galliæ euersum, vtcunque Rex eius por-  
tiunculam retineret.

Adde

Adde quod Bellarminus & cæteri qui Antichristum Iudæum, & Ierosolymis regnaturum *ῥεμβιλοζῶσι*, parum consideratè addunt, Imperium Romanum stans, morari aduentum Antichristi. Nam quomodo posset Imperator Germaniæ morari initia regni Ierosolymitani? Maxime cum Paulus 2. Thessal. c. 2. dicat suo tempore iam fuisse cœpta primordia mysterij iniquitatis? Inepta esset præparatio cuius post annos 1550. nulla incrementa, nec minimus possibilitatis color appareret.

## CAPVT XXV.

*Imperium Papale extructum esse ad Imitationem veteris Imperij Romani.*



OCVIMVS abundè, ni fallor, Imperium Papale de Imperij Romani rudibus extructum, super eius ruinis sua fundamenta posuisse. Hoc quisquis agnouerit, non mirabitur si qui potestatem Imperatorum ad se trahere conatus est, eorum quoque imitatus est actiones, titulos, apparatus, formamque Imperij, Omnino hoc decuit eum qui Romæ regnans, veteris Romani imperij splendorem æmuletur: in quo Impletum est vaticinium illud quod protulimus ex Apocalypseo cap. 13. versic. 11. 12. & 14. vbi prædicitur secundam bestiam Christi

nomen & speciem præ se ferentem, arrepturam potestatem prioris bestię, id est veteris Imperij Romani, & daturam operam vt Imago priori illi bestię statuatur, id est erigatur imperium factum ad imaginem veteris Imperij Romani.

Fidem dictis astruunt innumera experimenta quorum quædam præcipua edecumabo.

1. Papa relicto pedo pastoralis, sumpsit coronam Imperialem auro & gemmis fulgentem, quam REGNUM vocant, eamque triplica-

*Entropius li. 9. Carau-  
sius pur-  
purā su-  
psit. &  
paulo  
post. Ga-  
lerius* retur. 2. Cumque purpurea vestis & calcei purpurei essent imperij insigne, eandem vestem Pontifex induit, eosdēque calceos, sed addita cruce aurea quæ osculantibus porrigatur. Neque id sane sine mysterio, vt per hoc crux Christi, id est religio Christiana ad pedes Pontificis abiecta intelligeretur.

*pupura-  
tus ad  
vehiculū  
decucur-  
rit. Am-  
bros. ad  
Theodo-  
sium* 3. Habuerunt Imperatores Senatum Patrum purpuratorum. Hoc imitatus Papa, habet senatum purpuratum: Nam Cardinales vocantur Senatores vrbis Romę à Papa Pio II. libr. 1. Cæremoniarum Sacrarum Sect. 8. cap. 6. Eosque sic appellare tralatitium est.

*adusque  
βασιλει-  
α x is. ac  
πολε. The-  
od. lib. 5.  
cap. 18.* 4. Penes Senatum Romanum erant Apotheses, per quas referebantur defuncti in numerum Deorum. Eodem plane modo senatus Cardinalium ius habet Apotheseos sanctorum, quā vernacula superstirio Canonisationem indiget.

5. Imperatoribus familiare erat Deos appellari. Suetonius Domitiano cap. 13. *Dominus Deus noster sic fieri iubet.* Martialis lib. 15. Epigrammatum. *Edictum Domini Dei que nostri.* Virgil. 1. Ecloga.



ga. O Melibæ Deus &c. Ideoque & æterni dicti, Symmachus epist. 54. lib. 10. Sic affatur Valentinianum, Theodosium, & Arcadium, *Multa victoria debet aternitas vestra & adhuc plura debebit.* & sic frequenter in Panegyricis. Non minoribus titulis Papa intumescit, nam & vocatur *Dominus Deus noster.* Glossa Extrauag. cum inter. & Deus Canone satis. Distinct. 96. & sedes eius, *SEDES DEI.* lib. 1. Sac. Cerem. sect. 7. cap. 6. *Sponsus Ecclesia,* quoniam de Immunit. Eccles. in 6. & sæpe alibi. Addit Bellarminus \* *etiam Christo secluso* lib. 1. de \* s. Ac Rom. Pontif. cap. 9. *Diuina Maestas,* Concilio Lateranenfi, sub Leone X. Sessione 9. *Leo Iuda & seruator Sionis.* sess. VI. *Lapis positus in fundamentum Sionis.* Bellarm. in præfatione librorum de Romano Pontifice. Vnde & Decreta eius passim vocantur oracula, id est vox Dei loquentis. De elect. Tit. 6. Cap. Fundamenta in 6.

6 Imperatores Ethnici passi sunt se adorari: *pte com-* Aurelius victor de Diocletiano, *passus est adorari paratur* se, appellariq; *vti Deum.* Idemque ait Lampridius *sponsa;* de Heliogabalo in vita Alexandri Seueri. Secutus exemplum Pontifex, patitur sibi adoratione *secluso* de cerni & tribui. Concilium Lateranense vltimum, *etiã Chri-* sess. 3. & sess. 10. de Papa sic loquitur. *Est vnũ* *caput ha-* *populus adorandus & Deo simillimus.* Ac ne quis putet agi de adoratione ciuili, ibidem Pape accommodatur prophetia Psalmi 72. *Adorabunt eũ omnes Reges terra,* quæ dici de Christo Tertullianus in Marcionẽ, lib. 5. c. 7. asserit, & omnes fatentur.

Mantuanus

*En se potens gemino cuius vestigia ADORANT*  
*Casar & aurato vestiti murice Reges.*

Signonius de regno Italiæ lib. 9. *Populum diuisa per vicos pecunia ad adorandum inuitant.* Insignis præcæteris adoratio quæ defertur Papæ in ipso Conclauis, statim post electionem. Exiuitur, Induitur, ei dantur caligæ rubræ, & calcei cōcolores, cingulum rubrum cum fibulis aureis, pileus ruber, pluuiæ rubrum, triplex corona, ita ornatus, sublimis attollitur, super altari ipso locatur, à Cardinalibus summissio genu adoratur. Vt prolixè refertur lib. 1. Cæremon. sacr. secl. 1. cap. 6.

7 Imperatores habuerunt corpus suarum legum quod vocatur ius ciuile. Quos emulatus Papa habet corpus suarum legum, quod vocatur ius canonicum.

8 Indictiones Imperiales instituit Constantinus, quæ sunt periodus quindecim annorum. Voluit ergo Papa habere quoque suas indictiones totidē annorū quarum caput voluit esse circa æquinoctium vernum, vt discernerentur ab Imperialibus, quarum caput est circa æquinoctium autumnale. Gregoriæ Epistolæ distinctæ sunt per Indictiones, quarum caput adhuc erat mense Septembri, vt testatur inscriptio librorum. Nondū enim Indictiones Papales erant in vsu, quamuis Annus Christi 600. instaret.

*Suetonius Ca-  
lig. c. 22  
Cum au-  
diret for-  
te Reges  
qui offi-  
cij causa  
in urbē  
aduene-  
rāt, &c.*

9. Imperatores Romani, Regum, clientum Imperij, & Rerū publicarum Legationes, & obsequia submissa recipiebant, in solio sublimes. Eodem quoque modo ad nouum Papam omnibus ex partibus, mittuntur legati qui Regum & Principum nomine præstent sacramentum fidelitatis, & iurent obsequium Pontifici, venerabundi, & fidentes sacrosanctis pedibus oscula.

10. An-

10. Annatæ Papales, sunt imitatio fructuū feudalium qui legibus Imperialibus constituuntur. Episcopatus enim & Abbatia ac Prioratus sunt totidem feuda sedis Romanæ, quantumuis nata sint de laicorum liberalitate, quibus potius tales fructus debebantur.

11. Iam vero tributa sub utroque Imperio mutatis nominibus eadem. Variis tributis & vectigalibus Romani prouincias onerabant. Ex agris compascuis legebant tributum, quod scripturam appellabant, Ex Importatione & exportatione mercium portorium: Ex agto subactō decumas. Ex singulis capitibus capitationem. Hæc imitatus Papa habuit in Anglia, Polonia, &c. capitationem quam vocabant denarium Petri: & nunc in Hispania sub titulo bullarum absolutionis, institutum est vectigal duarum regalium in capita. Longum esset persequi varia mercimoniorum genera, paruas datas, dispensationes, absolutiones, derogationes, causas matrimoniales, gratias expectatiuas, &c. ex quibus qui nascitur fructus sunt totidem Papalis imperij vectigalia.

12. Atque ut ad tributa legenda Imperatores habuerunt suos publicanos, qui redempta habebant publica vectigalia, sic & Papa habet, Datarios, Bullistas, & eiusmodi redemptores fructuū qui ad Papam perueniunt ex taxationibus Cancellariæ, & sacræ penitentiariæ. Prostat ea de re liber ab ipsis Pontificiis excusus, Titulo, *Taxa Cancellaria Apostolica, & sacræ Penitentiariæ.*

13. Erant Romæ Trapezitæ & collybistæ sedentes ab imo Iano ad summum per quos poterat quilibet quantamlibet pecuniæ summā in

quancunque voluisset regionem transcribere. Non absimili modo sunt Venetijs, Lugduni, &c. collybiste & trapesitæ qui quascunque voles bullas, & dispensationes, ac absolutiones certo pretio tibi in quascunque voles oras transcribunt, & per literas collybi, aut vt vocant cambij, remissionem peccatorum transmittunt.

14. Imperatores Romani subactis Galliis, & Hispaniis, quo gentes indociles assuefacere iugo, & Latinis moribus imbuerent, cogeabant provinciales latine loqui, & causas latine orare, vnde factum est vt Latina lingua olim apud nos & in Hispania, pene esset vernacula. Has artes imitatus Papa, non quidem vj. sed occultis artibus effecit apud Reges & Principes sibi obnoxios, vt res diuina ubiq; fieret sermone Romano. Sic fixa sunt passim insignia Romanæ dominationis, & impressa est animis erga Romanum Pontificem reuerentia: Credentibus populis se inde habere fidem vnde & linguam, & ab eo discendum esse Dei cultum, à quo acceperunt sermonem per quem cum Deo loquuntur.

15 Imperatores Romani, quo gentem subactam, sed ferociorem & impatientem seruitutis cicurarent, solebant distingere vulgi oculos theatris, circo, balneis, quæ quidem cum quasi ad lulum & ad ornatum ac voluptatem fierent, erant tamen seruitutis authoramenta. Tacitus in Iulio Agricola de Britannis. *Paulatim (inquit) discessum est ad delinimenta vitiorum; porticus & balnea & conuiuiorum elegantiam. Id apud Imperitos humanitas habebatur, cum pars seruituræ esset. Par Papæ industria; dum enim pascit populum picturis, statuis, auleis,*

aulæis, pompis, cereis, quibus meridiana lux in-  
fringitur, interea sacram scripturam de manibus  
populi subtrahit, & Imperium in conscientias sta-  
biliuit, immutata sensim doctrinâ Euangelij. Sic  
dum sopiuntur corda, oculis illuditur, & vano  
fulgore præstinguntur oculi dum animis atra ca-  
ligo offunditur.

16 Vectigal ex meretricibus quæ Romæ pro-  
stant permittente Pontifice, imitatio est veteris il-  
lius turpitudinis ab Imperatoribus Romanis v-  
surpatæ. Suetonius, Caligula. *Ex capturis prostibula-  
rum vectigal instituit, quantum quæque vno concubitu  
mereret.* Lampridius Alexandro. *Leonum vectigal  
& meretricum, & exoletorum in sacrum ararium ve-  
tuit inferri, & ad instauracionem theatri, Amphithea-  
tri & circi deputari.* Iustinus Martyr Apologia 2.

*ἡμεῖς αὐτῶν καὶ ἀνδρῶν καὶ ἀρρέντοιων πλῆθος καὶ πάντων ἐν  
καὶ ὅτι τέταρτος αἰὼς ἐστίν, καὶ τέτων μισθοῖς καὶ εισφορᾷ καὶ  
τέλει λαμβάνετε.*

17 Solebat Imperator novus, spargere in po-  
pulum nummos, tesseras frumentarias, & varia  
missilia, Suetonius Octauio cap. 39. & Nerone.  
cap. 11. Hanc munificentiam imitatus Papa die  
coronationis spargit in plebem Romanam ali-  
quot millia annorum indulgentiæ, fortuita libe-  
ralitate & promiscua. Dabat sine dubio Petrus  
hoc modo remissionem peccatorum.

18 Indulgentiam leges Romanæ solemnī vo-  
cabulo appellant, remissionem pænæ legib. con-  
stitutæ, quæ interdum ad publicam lætitiā ab  
Imperatoribus concedebatur. Cod. Theod. l. 9.  
tit. 38. l. 3. non secus ac primo aduentu Regum  
nostrorum in aliquam urbem, laxantur fontium

*2. Fœmina  
rū & an-  
drogyno-  
rū & ob-  
scenoriū  
multitudo.  
do per o-  
mnes na-  
tiones ad  
hoc pia-  
culū pro-  
stant: at-  
que horū  
vos mer-  
cedes, &  
collatio-  
nes & ve-  
tigalia  
capitis.*

vincula, & carceres debitoribus aperiuntur. Vocem hanc indulgentiæ, in alium usum flexam Papa usurpauit, concedens indulgentias pœnæ quâ Deus post remissam culpam exigit: quas indulgentias etiam ultra vitam extendit homo erga mortuos misericors, & pœnas ab animabus commeritis remittens usque ad sexcenta & amplius annorum millia.

19 Porrectionis pedis ad osculum, primum exemplum dedit Caius Caligula Imperator, hostis generis humani. De eo sic loquitur Seneca. lib. 2. de Beneficiis cap. 12. *Cæsar dedit vitam Pompeio Penno, si dat qui non aufert, deinde absoluto & agenti gratias porrexerat osculandum sinistrum pedem*: Et paulo post. *Inuenit aliquid infra genua quo libertatem detruderet, nonne hoc est ciuitatem calcare?* Nempe supplicum gestus erat attingere genua. Plin. lib. 11. cap. 45. *Hominis genibus quedam & religio inest, obseruatione gentium. Hac supplices attingunt, ad hæc manus tendunt.* Exempla habes frequentia apud Homerum. At Caligula infra genua libertatem depressit, dum pedem osculandum porrexit. Secutus est hoc exemplum Maximini filius: nam hunc honorem auersatus est Maximinus pater. *Dij (inquit) prohibeant ut quisquam ingenuorum pedibus meis osculum figat.* Teste Iulio Capitolino in vita Maximini Iunioris. Homo alioqui ferox qui non tulit pedibus suis dari oscula à minimo ingenuorum, quomodo id tulisset fieri à regibus? Id sane neque ipsum Caligulam passurum fuisse existimo. Pontifex ergo dum præbet pedes suos osculandos ipsi Imperatori, & regibus, sic imitatus est pessimos Imperatores,

*Lib. Sacr.  
Carem. 1.  
Sec. 5. c. 3.  
Cæsar in  
eum cum  
appropin  
quat ad  
gradus  
sedis, ge  
nu flectit,  
demum ad  
Pontificis  
pedes per  
uenit, il  
los in re  
uerentiâ  
saluato  
ris deuo  
râ oscu*

tores, vt eos longe superauerit.

*latur. &*

20. Imperatores Romani Regibus qui rem paulo Romanam manu, vel consilio, vel ope iuuissent, mittebant scipionem eburnum & togam pictam, societatis & amicitiae pignora. Tacitus Annalium libr. 4. *Cognitis Ptolomai per id bellum ad osculū studijs, repetitus ex vetusto mos, missusque ē Senatori-pedis.* bus qui Scipionem eburnum, togam pictam antiqua patrum munera daret. Hunc morem secutus Papa, mittit Regibus & Principibus de Romana sede benemeritis, rosam, vexillum, chirothecas, galeam, benedicta.

21 Imperatores Romani ab Episcopo recens inaugurato, accipiebant viginti libras auri, pignus obsequij, eademque lege Episcopus Romanus cum cæteris Archiepiscopis & patriarchis tenebatur, idque pro enthronisticis, seu litteris inuestiturae, vt diserte habetur Nouella 123. cap. 3. At Papa rerum compos, hoc imitatus. vice versa iussit Imperatores pro coronatione massam auri deponere ad pedes Pontificis, pignus obsequij, & professionem clientelae. Verba sunt libri 1. Sacrarum Cærem. Sect. 5. cap. 3. *Tum Caesar iterum genu flexus auri massam ad pedes pontificis offert, habetque verba ad Pontificem, gratias agens pro honore suscepto.* At Iohannes Rex Angliæ cum Pandulpho Papæ Innocentij legato præstaret homagium regni Angliæ & aurum ad pedes eius deponeret, legatus pecuniam pede conculcauit. *Satis quidem pro Imperio, & vt decuit seruorum seruorum.*

*tubemus beatissimos Archiepiscopos & Patriarchas hoc est, seniores Romanæ & Constantinopolitani.*  
*scilicet si qui fuerint eorum ordinis non minus quam viginti libras auri dari, &c.*

## CAP. XXVI.

*Quanto artificio potestas spiritualis; & ipsi fidei Christianæ articuli, flexi sint ad incrementum potestatis temporalis.*



DE M Apostolus qui in priori ad Timotheum cap. 3. vocat Euangelium *mysterium pietatis*; secunda ad Theſſalonicenſes cap. 2. appellat *mysterium iniquitatis* doctrinam improbam occulto artificio contextam. Iſtæ ſunt nimirum profunditates Satanæ, de quibus Iohānes ſecundo Apocalypſeos. Ad cuius Sphingis peplum reuelandum non ſufficeret humana induſtria, niſi noſtra ipſorum mala nos feciſſent hac in parte doctiores, & infelici experientia didiciſſemus quæ optabilius fuerat ignorare. Enimvero tanto artificio contextus eſt Papismus, & tanto aſtu doctrina Chriſtiana & ipſi fidei articuli flexi ſunt ad fulciendam dominationem papalem; ut quicquid vnquam poſt homines natos fuit aſtutię præ hac ſit merus ſtupor. Harum technatarum ſunt quatuor genera. 1. Aliæ enim ſunt comparatæ ad offundendas tenebras & creandam ignorantiam, animosque populi diſtinenſos. 2. Aliæ ad congerendas diuitias. 3. Aliæ ad augendam dignitatem Papæ & Clericorum. 4. Aliæ denique ad conſeruationem rerum partarum, ne quid de aceruo minuatur. Res palam fiat aliquot exemplis, nam ſingula perſequi eſſet infinitum.

*Quibus*



*Quibus artibus alatur ignorantia populi, & Imperitorum animi destineantur.*

1. Ignoratio sacrae Scripturae fons est omnium errorum, restante ipso Christo, Matth. 22. comm. 29. *Erratis, nescientes Scripturas.* Cum ergo Papalis Monarchia stet corruptione sacrae Scripturae; danda fuit opera ne populus hanc scripturam attingeret, neve sermone vernaculo verteretur: Inde est quod Romae & in Hispania & Sicilia capitale est habere biblia sermone vulgari, dum scripta profana & impudica passim & impune leguntur. Solum Dei verbum cum periculo aspicitur. Prouidendum enim fuit ne populus de sua salute nimis sollicitus humana figmenta exigeret ad regulam verbi diuini. Cupit leges suppressas qui sibi male est conscius. Tum ignorantia populi fructuosa est Papae. Nam caeci solent esse scrupulose timidi, faciliusque eis illuditur, suntque sequaces quancunque in partem impuleris. Eruerunt Philistei oculos Samsoni priusquam eum deducerent ad templum Idoli. Nam oculos difficilius est in Idololatriam inducere.

2. In eundem finem liturgia celebratur lingua ignota: quin & latinus textus missae, presso murmure, accentu absono, & voce in canticum flexa pronunciatur, vt nequidem ij ipsi qui Latine sciunt, possint capere quid dicatur.

3. Sed & populus assuefit preces concipere sermone ignoto & metuit ipse se intelligere, quasi sibi ipse suspectus. Ergo plurimum meriti putatur esse in stupore, quinimo genus quoddam est monachorum qui fratres Ignorantes appellantur: vt iam argumentum sit sanctitatis nihil scire,

& ignorantia se inferens sub titulo dōcilitatis fidei Christianæ locum teneat, fatente ipso Bellarmino, viro doctissimo, qui c. 7. lib. 1. de Iustificacione sic loquitur. *Fides distinguitur contra scientiam, & melius per ignorantiam quam per notitiam definitur.*

4 Non satis fuit premere Scripturam, & cœlestem hanc lucernam occultare sub modio, id quoque additum vt conuitiis vulgo laceraretur. Nam quia à nobis extracta est de tenebris in lucem, in eo nunc Doctores Pontificij sunt xoti, vt ei fidem abrogent. Ingerunt ergo opprobria. Vocant regulam Lesbiam, cultrum Delphicum, obscuram, imperfectam, iudicem non idoneum, & non loquentem, & quid non? Bellarmini hæc sunt cap. 10. lib. 4. de Verbo Dei Scripto. *Scripturas Ad illa. ras non fuisse absolute necessarias. & cap. 7. Quasdam esse traditiones maiores quoad obligationem quam quasdam Scripturas. & cap. 12. dicit finem proprium & præcipuum Scriptura non fuisse vt esset regula fidei, sed vt esset commonitorium quoddam vtile. & paulo post, Etsi non est facta præcipue vt sit regula fidei, est tamen regula non totalis, sed partialis. Quid quod Carpentarius noster in TERTIA veritate, contendit scripturam serere magis lites quam componere: ancipitem esse gladium? Inde homines fieri Atheos? Nihil habere virium, nisi quatenus placeat Ecclesiæ? Fidem haustam ex lectione Scripturæ, non esse Christianam, sed quæsitam, & humanam, & ita credentem non esse Christianum? Horret animus meminisse. Peculiaris est huic seculo hæc labes. Nil tale hæretici veteres, quanquam Lucifugæ Scripturarum.*

5 Pa-

5 Pari fraude & audacia ius summum iudicandi de Controuersijs ademptum scripturæ, in Ecclesiam Romanam translatum est. Per Ecclesiam autem Papa & aliquot Prælati eum circumstantes intelliguntur. Ergo libris fidei adempta est fides, & diuinorum authorum concidit autoritas. Nec videtur ulla via relicta ad cognoscendam veritatem, cum ipsa veritatis regula cœperit esse suspecta. Eodémque astu Ecclesia Romana facta est exlex ex quo cœpit esse iudex supra legem, Imo iudex ipsius Legis, & dans autoritatem verbo Dei quod scripturis continetur. Sic dum subiicit sibi regulam, ipsa facta est regula, Imo & iudex in illis ipsis causis quibus tyrannidis postulatur. Sic Scriptura facta est non necessaria, cum presto sit regula superior, & certior, nempe Iudicium Papæ & Ecclesiæ Romanæ.

6 In eundem finem illigantur animi plebis scrupuloso metu & stupore religioso, dum exigunt à populo fidem ante cognitionem, nec persuadent docendo, sed volunt tibi credi antequam doceât. Nam volunt eligi religionem antequam cognoscatur an sit vera. At scriptura vult cognosci primo, deinde credi. Sic Christus Iohan. 10. com. 4. *Oves sequuntur pastorem, quia cognoscunt eius vocem*; prius ergo cognoscunt quam sequantur & com. 38. *vt cognoscatis & credatis Patrem esse in me &c.* Et cap. 17. com. 8. *Cognouerunt me à te profectum esse & crediderunt te me misisse.* Nempe cognitionem fides est consecuta. *Fides ex Auditu verbi* ait Paulus Romanorum 10. At hi fidem

sibi haberi volunt antequam verbum Dei audiant. Sane qui credit non cognoscens, non cognoscit an recte credat. Quod si forte vera credat, id facit casu, non iudicio; falsa crediturus, si fuissent prius oblata. Nec quidquam est tam præposterum & abhorrens à sensu communi, quam eligere antequam cognoscas, cum ideo sit cognoscendum ut eligas. Præcipue in re tanti momenti, in qua agitur de æterna salute.

7 Eodem spectat professio dubitationis de salute, & exitialis illa doctrina quæ diffidentiam suadet, cum Dei verbum imperet fiduciam. Magnum hoc est Papalis Monarchiæ firmamentum. Nam subditis attonitis & trementibus vtaris obsequentioribus quam si essent pleni fiducia. Terror enim officit Iudicio, nec valde commouetur iactura suæ pecuniæ, quem inferni horror instans & conscientiæ perpetua trepidatio excruciat.

8 Ad Ignorantiam quoque plurimum confert vocum sacrae Scripturæ ab vno sensu in alium transductio, ne stilus spiritus sancti intelligatur. Sic cum in Scriptura Pœnitentia sit Virtus, & morum emendatio, hodie ictus, ieiunia, peregrinationes, multæque pecuniariæ, pœnitentiæ appellantur. & cum ferre crucem in Euangelio sit ærumnas ferre pro Euangelio, hodie dicitur ferre crucem qui argenteam vel ligneam crucem baiulat, aut habet in pileo signum crucis, vel crucem de collo pendulam. Sic duæ primæ voces orationis Dominicæ, non patrem nostrum cœlestem, sed insertos filo globulos significant: & cum Paulus Philip. 2. doceat deberi reuerentiam nomi-

nomini Iesus, id est eius virtuti & dignitati, hodie saluantur syllabæ nominis, & ad prolationē vocis Iesus nudantur capita, at non ad prolationem nominis Christi, immo nec Dei. & cū ieiunium sit sobrietas, hodie est distinctio ciborum. Sic fides Christiani desit esse fiducia amoris Dei erga nos per Christum: fides enim à Pontificis definitur assensus iis quæ verbo Dei continentur, quam fidem in ipsis diabolis inuenias; & iustificatio quam Christus & Paulus centies accipiunt pro absolutione, hodie pro charitate & virtutibus moralibus vsurpatur. Christus dixit se esse lucem mundi ergo accendantur cerei de die. Idem nos iussit similes esse infantulis, ergo monachi induant cucullam, puerilis redimiculi imitamentum. Infinita sunt eiusmodi, per quæ sacræ scripturæ voces peruersum sensum induunt, ne quid à legentibus intelligatur.

9 Nunc accipe solatia ignorantia, & delinimenta stuporis. Principio dum subtrahitur scriptura, substituuntur imagines: & distinentur oculi spectaculis dum mens destituitur cognitione, & pro libris doctorum, proponuntur libri ignarorum, sed qui non medeantur ignorantia. Sic dum lapides fiunt doctores, ipsi discipuli facti sunt pene lapides, & in religionis negotio sensus expertes, Deus quidem ex lapidibus facit, filios Abraham, at hi ex filiis Abraham, lapides.

10 At nulla in re tantum se prodidit ingeniosa horum hominum solertia, quam variegando religionem mille coloribus; vt nemo sit tam enor-

mibus moribus qui non inueniat in Papismo quod suo gestui respōdeat. Amat quis pompam? quid splendidius Cardinalibus & Prælatibus? At si cui cordi sunt sordes, habet Caputtianorum & Folianorum illuuiem, & ex affectatis sordibus quæsitam sanctitatem. Si quem iuuant delicię & opes, sunt Abbatia, Prioratus, & Canonicatus, quibus suppetit in summo otio summa abundantiā. At si cui melior videtur vita mendicabuli, habet ordines Mendicantium quos sequatur. Odit quis societatem humanam? & Heremitis suis est honor: aut si potior ei videtur vita in turba, aggreget se cœnobiis monachorum. Quod si quem petulantes Lusus delectant & lasciua licentia, habet dies plusculos ante Carnispruium, qui solenni licentia & legitima lasciua peraguntur: Quos vicissim excipit dies cinerum, in quo triste silentium, tetricus vultus, cinis frontibus inspersus, faciesque ad sobriam grauitatem composita. Romæ habes conuentus reclusarum, nec inde procul concessa lupanaria puellarum, quæ bona fide faciunt meretriciam. Hinc largas elemosynas Xenodochij sancti spiritus, inde cauponationem beneficiorum, munerum Ecclesiasticorum, & indulgentiarum.

II. Hæc quidem variè à variis aguntur. At in vna eadēque persona videas cum admiratione res contrarias, & secum dissidentes. Idem enim Papa qui pedem porrigit osculandum Imperatoribus, lauat pedes pauperibus die Cœnæ Domini. Et iis ipsis bullis quibus regna dat & adimit, se vocat seruum seruorum, insigni exemplo modestiæ. Sed non vidit hoc quoque esse inter  
im-

imprecationes quibus Noë nepotem suum Canaam execratus est, fore ut seruus seruorum appellaretur. Gen. 9. com. 25.

12 Extendit sese usque ad puerulos fallacia, qui in festis Nicolai & Catharinæ ornantur crepundiis, mulcentur munusculis, recreantur imagunculis, vestiuntur solito cultius, & per urbem circuducuntur pueruli ambitu: Mox ut occipiunt paululum grandescere sistuntur coram Episcopo qui eos chrismate vngit, strophio frontem præcingit, bracteolas aureas superaddit, colapho malam leuiter perstringit, ut in fide roborentur. Ita quasi per ludum Deus colitur, & dum sacra scriptura ab eorum oculis amouetur, lepidis artibus in teneros animos superstitio instillatur. Enimuero nemo est in populo tam plumbeo ingenio, qui non accuratè designet festum suæ paræciæ, aut quatuor tempora, aut leges ieiunij, & quo ritu extrema vinctio conferatur, & eiusmodi minutula quæ tota gestibus constant, & externo ritu. At quotusquisque est de populo qui accuratè nouerit quid sit iustificatio per fidem? quod discrimen veteris Testamenti à nouo? Quantus sit concentus prophetiarum cum Euangelio? Quæ necessitas fuerit habendi mediatorem Deum & hominem? Hæc sane absconduntur à populo dum picturis & splendore externo detinetur.

## II. Quæ artes inserviant congerendis opibus.

Euerterat Christus mensas collybistarum, & de templo mercaturam expulerat. Hanc Papa rursus introduxit in Domum Dei, in ipso sacratio faciens institutiam.

I. Toti huic mercaturæ quæsitus est color ex corruptione Euangelij: Confictio nouo dogmate quo nihil habet Papismus perniciosius. Dogma tale est: *Christum sua passione non plane satisfecisse pro pœnis peccatorum quæ committuntur post Baptismum. Sed nobis incumbere hanc satisfactionem, quæ quidem peragenda sit pœnis satisfactoriis dum uiuimus, & post mortem igne Purgatorio*: Quem quidem ignem perhibent septies esse calidiorem igne vulgari, & ibi luendam esse pœnam vnius peccati per plures annos. Iuxta illud Virgilij 6. *Æneidos*:

*Aliis sub gurgite vasto*

*Infectum eluitur scelus, atque exurit igni.*

Ibi enim loquitur de purgatione animarum apud inferos. Veruntamen Papalis Indulgentia quibusdam huius cruciatus facit gratiam, aut eius portionem amputat. Sic Carmelitæ iactant se prærogatiua à Pontifice concessa, ne sint in Purgatorio ultra diem sabbati qui mortem eorum proximè sequitur. Tum indulgentiæ sparguntur quibus liberantur animæ à Purgatorio, siue id fiat per iurisdictionem, siue per modum suffragij, ut loquuntur: Hac enim de re adhuc certant, Ita decurratum est beneficium Christi, ut locus esset questui; Nam quis emeret à Papa liberationem à pœna, cui persuasum esset Christum pro nobis placè satisfecisse?

II. In eundem finem valuis templorum & compitis urbium affiguntur programmata continentia indulgentias Papales, per quas remissio peccatorum in hoc aut illo templo ponitur, ne quis sit tam vecors ut alibi quærat remissionem pecca-



peccatorum quam ybi Papæ placuit eam locare. Nam si plures orationes & ardentiores alibi conceperis quam ybi Papa vult eas quærî, frustra eris, nec consequeris promissam remissionem. Diplomati vero indulgentiarum semper addita est clausula quasi succentium carmen: concedi has indulgentias *manus porrigentibus adiutrices*. Ad quas populi sportulas, seu collatitiam stipem excipiendam, positæ sunt pro templi foribus arce, operculo perforato, in quas ingeruntur nummi.

III. Iubileus est *ἑννεῦντος* Imperij Papalis, & quasi spirituale congiarium. Isto anno, qui vigesimo quinto quoque anno recurrit, Papa aperit thesaurum indulgentiarum, constantem *τὴν ἀρίστην* seu superabundanti satisfactionū Christi, sanctorum, & monachorum, & plena, plenior, ac plenissima (vt loquuntur Canonistæ) indulgentia datur visitantibus stationes Romanas, diebus triginta continuis aut intermissis. Sed ij qui sunt participes huius spiritualis liberalitatis, rependunt vicissim nummos aliquot & oblationes sub titulo eleemosynæ, quæ datur non pauperibus, sed diuitibus: non flentibus, sed cantantibus, id est monachis quibus vita otio & cantu traducitur. Dici non potest quantam messim vrbs Roma tunc faciat, quantum locupletentur templa oblationibus peregrinorum qui Romam omni ex parte concurrunt. Ideoque impedire Romipetas ponitur inter casus reseruatos, id est scelesti atrocissima quorum remissio soli Papæ reseruatur: nam homicidij, adulterij, & eiusmodi minorum criminum quibus sola Dei lex violatur,

*Extrav.  
de Cœna  
Domini.*

remissio à presbyteris & Episcopis vulgo conceditur. Quo loco subit animum non mediocri admiratione, cum cogito quanta sit Italicorum & Romanorum prærogatiua, & ad salutem æternam: utpote qui remissionem peccatorum habent sub manu & in propinquo: At Hispanis, Polonis, Hibernis, iter immensum & sumptus par labori. Sed & melius agitur cum diuitibus quibus est equus & valetudo integra: nam pauperes & languentes, sumptibus deterriti, & labori itineris impares tam larga Indulgentia fraudantur. Quod si creditur institoribus, quisquis moritur statim à Iubileo rectè in cælum euolat, immunis & liber à purgatorio, qui si paulo ante Iubileum è viuis excessisset, fuissent ei luendæ poenæ, quarum in Iubileo remissionem adeptus est.

4 Sequens annus transfert Iubileum in alias regiones, & sic circumfertur hoc mercimonium. Tunc in duabus aut tribus urbibus Galliæ locatur Iubileus: & par stationibus Romanis indulgentia. Hic vero obserua bonorum virorum industriam. Neque enim temere fit quod Iubilæus non in omnibus Galliæ urbibus aut templis locatur: sed id fit, quia pecunia in vnum locum coaceruata facilius conuertitur in vsus quos iubet Pontifex, quam si per infinita loca dispersa, & à variis collectoribus tractata euanesceret. Ergo videas miserandæ plebis agmina deferere cultum agrorum, officinas, & ciuilia munia, & suscipere longum iter, ut ad præstitutum tempus sistant se ad obinendam remissionem peccatorum.

5. Sed

5 Sed & prouisum sedulò ne quis diues uili pretio moreretur. Persuaserunt enim populo bene consuli animę si moriens emat Missas annuettarias, scribens Ecclesiam hæredem. Certe in hoc aureo seculo genus est solatij posse pacto pretio, bona fide, admitti in regnum cœlorum. Hic quis miretur si infinitas hac arte opes corraferint? nam quis damnatus ad ignem, non redimat vnus horæ cruciatum iacturâ totius patrimonij? quanto magis cum redimenda est anima à cruciatu ignis multis sæculis duraturo?

6 Lepidum vero cauponationis genus, dare certis templis altaria priuilegiata, ad quę Missa dicta certo die anni liberat aliquam animulam de flamma purgatorij ad eius optionem qui Missæ pretium exoluit. Nam Missæ alio die aut loco cantatæ non haberent eandem efficaciam. His artibus mors ipsa facta est uetigalis Pontifici.

7 Sed & uiuentibus venduntur Missę priuatæ, & presbyter duabus drachmis conductus, in templi angulo Christum creat & patri immolat, in gratiam Titij aut Mæuij: Nam sperare ut Missæ priuatę canantur gratis, aut in eius gratiam qui nihil porrexit, summa esset stultitia.

8 Quid quod inuenta est via commutandi pœnas corporeas in pecuniarias, & ieiunia ac peregrinationes in nummos? Canon Presbyter Distinctione 81. hæc habet. *Sciendum est quod secundam feriam vnum psalterium canendo, aut vnum denarium pauperibus dando, si opus est, redimere poterit.* Et ibi Glossa. *Denarium potest dare ut se redimat à ieiunio. Ergo multo fortius per alterius ieiunium*

348 DE MONARCHIA TEMPORALI  
*potest liberari. Taxa Cancellariæ in littera A. fol. 3.  
Concessio quod laicus non teneatur ieiunare diebus qui-  
bus per Ecclesiam astrictus existit; grossis 20. & fol. 4.  
Communitio voti emissi per laicum de visitando limi-  
na Apostolorum. gros. 12.*

9 Vel ex minimis rebus aliquid pecuniolæ corrogatur. Venditur apertio terræ, id est licentia sepulchrum fodiendi in loco sacro, tum sonus campanarum, & nominatio tacita in Missæ loco qui vocatur *Memento*. Missæ sunt cariores aut viliores pro maiori aut minori apparatu. Et grandioris campanæ sonus carior. Videas locupletibus agris frequentes monachos assistere. Quatuor ordines mendicantium funus prosequi: Musis & cantu & nolarum sono omnia perstrepere, ut iam minori pretio viuatur, quam vita finiatur. At circa pauperem moribundum summa solitudo: Effertur cadauer furtim, nullis precibus, nullo sacrificio, pauperi animulæ nullo cantu parentatur: sat ei participem esse generalium precum: at diuiti impendantur insuper missæ precésque priuata, & indulgentiæ Papales à superstitibus procurantur.

10 Magnum quoque aucupium ex cultu sanctorum, & reliquiis sanctorum supposititiis. Itur magno concursu ad reliquias S. Dionysij, sitas ad secundum lapidem ab vrbe Lutetiæ. At Baronius tomo Annaliū vndecimo ad annum 1052. profert Epistolam Leonis. I X. pronuntiantem corpus S. Dionysij falso credi esse in Gallia, cum sit Ratisbonæ in Germania. Hunc Dionysium perhibent, esse Areopagitam illum coæuum Apostolis qui passus est (ut volunt) martyrium sub  
Domi-

Domitiano. At Sulpitius Seuerus antiquissimus Galliarum historicus contra est, sic loquens lib. 2. historiarum. *Sub Aurelio Antonini filio persecutio quinta agitata, at tunc primum intra Gallias martyria visa; serius trans Alpes religione transgressa.* Hic Marcus Aurelius iniit Imperium, anno Christi 162. Septuaginta circiter annos post mortem Dionysij. Quis vero fuerit Dionysius iste Parisiensis Episcopus, docet Gregorius Turonensis lib. 1. cap. 30. Pariterrore itur Compostellam oppidum Callicorum, ad visitandas Iacobi Apostoli reliquias ibi conditas, nam dicitur venisse in Hispaniam sub Lupa regina, & Euangelium in eam regionem primus intulisse. At Innocentius Papa Dist. 12. Can. *Quis nesciat.* negat quenquam Apostolum venisse in Italiam, Hispaniam, Galliam, Africam, præter Petrum eiusque successores. Et Iacobi cita mors, sub Herode Agrippa Act. 12. tempus illi ad eam rem abstulit. Nec tacuissent veteres. Nec fuit tunc temporis ullus Rex aut Regina in Hispania; cum redacta esset in formam provinciarum. Ipse Baronius in Martyrologio ea de re tam frigide loquitur, ut proprior sit non credenti: & tamen homines ad eiusmodi reliquias quasi ad æris tinnitum apes conuocantur: unde opes infinitæ congestæ & immensa donaria.

II Adde Imagines *συνετης*, aut ab Angelis translatas, ut Mariam Loretræ, Montis Serrati, &c. Festa sanctorum sunt quasi dies sacrarum nundinarum. His diebus imagines cultius ornantur, & virgo Maria veste splendidiori amicitur.

In eundem finem inuenta sunt mille discrimi-

*Ioh. Be-  
leth. &  
Iacobus  
de Vora-  
gine.*

na ciborum, nempe vt venderentur dispensationes. Tum prohibitiones matrimoniorum in gradibus verbo Dei concessis, qualia sunt matrimonia patruelium, consobrinorum, & inde prognatorum vsque ad quartum gradum: Nam quo plures sunt prohibitiones, eo frequentius petuntur gratiæ & permissiones: ex quibus semper aliquis ad Pontificis institores fructus peruenit. Non quidem ipsi Papæ pecunia in manum numeratur, sed sunt Datarij, Bullistæ, & eiusmodi hominum genera qui redemptos habent hos prouentus, & semel Papæ hæc soluunt in solidum.

13 In ipsos clericos se extendit rapacitas, nummos vndeunque conuertens. Nam à Clericis Papa capit Annatas, & fructum ex commendis, unionibus, applicationibus, prouisionibus; indultis, altaribus gestatilibus, dispensationibus ætatis aut vitij corporalis, &c.

14 Sed nulla insignior cauponatio quam venditio pallij Archiepiscopalis. Fit autem hoc modo. Monachi & moniales *Sz.* Agnetis Romæ offerunt quotannis duos agnos albos quos locant super altari, quando in Missa canitur Agnus Dei. Ex horum lana fiunt pallia alba lata digitos tres, ab anteriori parte & posteriori propendula ad longitudinem palmi, limbo assuuntur lamellæ plumbeæ, quarum extremus orbiculus nigro serico tegitur. Hæc pallia imponuntur feretro Petri & Pauli sanctorum: Petit autem pallium Prælatus vel eius Procurator à summo Pontifice instantè, instantius, & instantissimè, hæc enim sunt solemnia vocabula. Si sit optimus Archiepiscopus qui recipit pallium soluit ad minimum viginti

viginti aut triginta millia ducatorum. libr. i. Sacrarum Cereimon. Sect. 10. cap. 8. *Componitur cum subdiaconis tenentibus pallia qui accipiunt secundum valorem & taxam Ecclesie, aliquando plus, aliquando minus pro centenatio.* Successor non potest vti pallio sui decessoris, etsi paucis diebus post acceptiorem pallio è viuis excesserit, sed cogitur emere nouum pallium.

15 Hispani & Indi & quotquot fere subsunt potentissimo Regi Hispaniæ coguntur quotannis emere bullam remissionis peccatorum. Pretium bullæ, duæ regales, id est tres drachmæ. Ne fraus fiat legi, cura est inquisitorum Naues Hollandicæ non semel captis nauibus Hispanicis petentibus Americam, cum putarint eas onustas pretiosis mercibus, nil nisi bullas eiusmodi & quisquillas inuenerunt, quæ ad miseros Indos mittuntur, emendæ à singulis. Ita se vltra nostrum orbem hæc mercatura extendit.

16 Sic testes precatoriæ vulgares vix estimantur tertio priusquam à Papa fuerint benedicti, qui eas congestas in pilas certo anni tempore benedicit. At post hanc consecrationem sunt in maiori pretio, & carius emuntur: ideoque Roma in varias regiones exportantur.

17 Sed nulla vnquam tam scæda nundinatio inuenta est, nec vsquam tanto scelere illudum est generi humano quam Taxis Apostolicis. Extat liber inscriptus, *Taxe Cancellaria Apostolica & taxe sacra pœnitentiaria itidem Apostolica*, excusus Lutetiæ à Tossano Dionysio, in platea sancti Iacobi ad crucem ligneam prope sacellum Diui Iuonis anno 1220. addito Friuilegio Regis &

352 DE MONARCHIA TEMPORALI  
bulla Papæ Pauli. Quo libro præterea sunt posita dispensationibus, absolutionibus, reuocationibus, exemptionibus; & mille mercimoniis eiusmodi quæ longa serie in fronte libri enumerantur. Quarum taxarum pauca quedam capita proferre satiserit. *Concessio quod proponens verbum Dei in presentia regis, possit dare indulgentiam presentem* gros. 12. *Absolutio in mortis articulo pro vno in forma* gros. 14. *Littera qua quis participare possit cum excommunicatis & hæreticis* gros. 8. Fol. 13. *Quod non obstante defectu oculi & ætatis possit ad Episcopatum promoueri* gros. 10. Fol. 14. *Indulgentia tertie partis peccatorum.* gros. 100.

Prodigiosa hæc sunt, titulo de matrimonialibus, fol. 23. *Dispensatio de contrahendo in cognatione spiritali.* gross. 60. *Expediui tamen vnā pro grossis 50. Sed de gratia. Idem est iudicium in secundo gradu: & componitur cum Datario in maxima summa, aliquando trecentorum & etiam sexcentorum grossorum, & alias iuxta qualitatem personarum, & nota diligenter quod huiusmodi gratia non conceduntur pauperibus quia non sunt, ideo non possunt consolari. Non leuiora hæc sunt titulo de Absolutionibus. Absolutio pro eo qui in Ecclesia cognouit mulierem* gr. 6. *Absolutio pro eo qui matrem sororem, aut aliam consanguineam vel affinem suam aut commatrem carnaliter cognouit.* gr. 5. *Absolutio pro eo qui virginem deflorauit.* gr. 6. *Absolutio pro periuro.* gr. 6. *Absolutio pro eo qui falsificauit litteras Apostolicas* gros. 17. vel 18. *Absolutio pro eo qui interfecit patrem, matrem, &c.* gros. 5. vel 7. *Dispensatio pro presbytero presente vel absente qui abscidit suos testiculos.* gros. 16. *Dispensare potest pœnitentiaria in primo gradu affinitatis in foro* con-



*conscientia: & littera venit ducatos 9. grossos 6. Pro mortuo excommunicato pro quo supplicant consanguinei littera absolutionis venit ducat. i. carol. 9. Infinita sunt eiusmodi quæ castis pudorem, bonis horrorem incutiunt. At nunc pretia aucta sunt. hæc enim vetus est taxatio.*

Tantis & tam variis technis hi æruscatores ad se traxerūt quicquid est toto orbe Christiano optimū, prædia, fundos, castella, vrbes, Baronias, Comitatus, iurisdictionem civilem, præter infinitam vim pecuniarum, quam quotidie corrogant, ut iam regum opes præ horum opulentia sint mera paupertas, & nobilitas nostra exhausta, videat cum gemitu prædia suæ familiæ à monachis possideri, nulla spe redhibitionis.

Qua de re pleni sunt libri Pontificiorum querelis, quæ collectæ iustum volumen efficerent. Legantur libri Bernardi de Consideratione ad Eugenium. Epistolæ & carmina Petrarchæ: Mantuanus Poeta. Historici Matthæus Paris, Westminsteriensis, Abbas Vspergensis in vita Imperatoris Philippi, Theodoricus à Nihem 6. tractatu cap. 37. Præcipue vero centum grauamina nationis Germanicæ quæ inserta sunt fasciculo rerum expetendarum fol. 176. Mihi satis sit duos testes adducere omni exceptione maiores. Papa Pius II. qui & Aeneas Syluius Epistola 66. ad Iohannem Peregallum. *Nihil est quod absque argento Romana curia dedat, ipsa manum impositio & spiritus sancti dona venduntur: nec peccatorum venia nisi nummatis impenditur.* Accedat Glossa Decretalium Cap. fundamenta Titulo de Electione in 6. *Roma fundata à pradonibus, adhuc de primordijs reti-*

net. dicta Roma quasi Rodens manus. Quæ infer-  
ta esse libro tam sacro & Authentico, quo conti-  
nentur Papæ oracula non possum equidem satis  
mirari.

III. *Quibus Artibus Papa & Clericorum dignitas  
in immensum excreuerit.*

I. Res fuisset sordida, opes sine honore. Idcirco Papa voluit vocari Deus, Sponsus Ecclesiæ, Episcopus Vniuersalis, Rex, caput Ecclesiæ &c. Idcirco & voluit adorari, & cum olim honoris ergo, omnes Episcopi compellantes suos coepiscopos, dicerent *Vestra sanctitas*, Papa tandem effecit vt solus SVA SANCTITAS appellaretur, quod sane vnius Dei est proprium. Huc refer oscula pedum. Reges ad fræna, Imperatorem & Reges iurantes in eius verba, & lambentes eius vestigia, & in missa Papali implètes \* munus subdiaconi. Opinionem *αιαυαρτωιας* in fide, & \* omnia iura in scrinio pectoris. Titulum summæ potestatis in cælo & in terra. Reges feudatarios sedi Apostolicæ, & in pompis ac conuiujs, cedentes Cardinalibus. Quibus subtexitur axioma illud quod est lib. 3. Cæremoniarum Sacrarû sect. 1. cap. 2. *Romanus Pontifex nemini omnino mortaliu reuerentiam facit.* Quippe maior genere humano. Quibus si addas potestatem remittendi peccata, non tantum ministerialiter sed iudicis potestate, nec non potestatem eruendi animas flammis Purgatorij & in cælum transmittendi. Regna dandi & adimendi, Cælum claudendi & aperiendi. Defunctos inferendi in album sanctorum. De rebus fidei summa authoritate & sine prouocatione iudicandi. Quibusdam conferendi gra-

\* *Vt Carolus 8. Gallia Rex præstitit Alexandro 6. Tit. 2. de Cõstit. in 6. cap. Licet.*

di gradum felicitatis cœlestis eminentiorem. Fecit toti orbi Christiano indicandi. Tempora & anni cursum immutandi & amputandi. Denique in Missa Papali Papam sæpius & maiori reuerentia adoratum quam ipse Deus quem habet præ se, vt prolixè docetur lib. 2. Cærem. Sect. 1. cap. 14. & in solemni processione Deum impositum equo circumstantibus ciuibus Romanis præeunte laterna, dum Papa gestatur humeris Imperatoris & Regum vt docetur lib. 1. sect. 2. cap. 3. facile cõperies, quicquid post homines natos fuit vnamquam dignitatis & gloriæ rem esse vilem & sordidam si cum Papæ immensa potestate conferatur.

2 Per dogma vero Transsubstantiationis, presbyterorum & Episcoporum dignitas immensum quantum aucta est: quippe creduntur Christum ipsum facere, & creare suum creatorem: quem clausum tenent hierotheca quam ciborium vocant, & paruo pretio addicunt. Præ hac potestate parua est potestas Angelorum & Sanctorum, & ipsius Beatę Virginis. Nam si quotquot sunt Angeli & sancti in vnum conferant suas vires, nõ possint facere Christum quippe qui iam factus est: Ecquis hodie potest generare Robertum Bellarminum, aut facere hunc ipsum solem qui nobis lucet? Super qua re insignia sunt verba Bessij Eleemosynarij & Prædicatoris Celsissimi Principis Condensis cap. 3. primi libri de dignitate Presbyterorum *Creatura paruit Iosua, at presbyteris Creator: Sol illi, at his Deus quotiescunque sacra verba pronuntiant.* Et paulo post. *Sacerdotiũ & diuinitas habet nescio quid cõmune, sunt*

356 DE MONARCHIA TEMPORALI  
*eiusdē magnitudinis, quādoquidē sunt eiusdē potestatis.*

3 In eundem finem calix ademptus populo solis presbyteris & Regibus ac Principibus est concessus: vt hac arte Clerici regibus equarentur. Parique astu Imperatores & Reges facti sunt Canonici quarundam Ecclesiarum Cathedralium, nēpe vt Clerici Reges in suum sodalitium asciscerent: & Papa tantum emereret supra Reges, quantum antestat Canonici.

4 Accessit confessio auricularis, maximum Clericalis dignitatis firmamentum: Per eam enim timentur presbyteri, & confessarii non modo à plebe, sed & à viris & fœminis Principibus, quorum norunt arcana, & domesticas labeles si quę sunt, & pertendant consilia. Quin & certissima hæc est via instillandi scintillas rebellionis in populi animos, vt nuperis experimentis apparuit. Mitto inquisitiones inhonestas, & quæ fœminis honestis ruborem incutiunt: tum quod hac arte agnoscunt eas ad quas facilis accessus, ingens libidinis incitamentum.

5 Confessionem excipit absolutio per quam clericis parta ingens authoritas, & non modo in consciētias, sed & in ipsa corpora & fortunas imperium. Homines enim τὰ πορβεῖα confessos sic soluunt peccatis, vt illigent pœnis, dantque remissionem peccatorum, peccatori ea lege, vt peregrinationem aliquā obeat, vel aliquam pecunię summam conferat in pios vsus vel ad macerandam carnem duriter cubet, aut aquā bibat, aut se fune sub interula præcingat, aut ipse se virgis diuerberet. Gallici Annales Nicolai Ægidij ad Annum 768. testantur Robertum Norman-

num

num cognomento Diabolum has pœnitentias obiuiffe: Silentium ei est indictum per annos septem: tum pernoctatio ad scapum cochleæ, cibus vero ossa rapta ab ore ieiunę canis. In Reges præcipue Papa hanc potestatem impotenter exercet, quibus in peccatum aliquod lapsis Papa dat absolutionem sub conditionibus duris & redundantibus ad Regis regniquę opprobrium: Nam aut tergum eorum flagris conciditur cędentibus Monachis, aut tributum eis imponitur quod Papę expendant, regnũque eorum fit feudum sedis Romanę. Aut iubentur conscribere copias ad defensionem & ampliacionem Ecclesię Romanę, id est papalis imperij: cuius tyrannidis aliquot exempla ante protulimus.

6 Sed & monachis & clericis partus honos & reuerentia per opera supererogationis. Nam per hæc affectant gradum in regno Cęlorum supra cæteros, quorum hæc vna laus fuit, mandatis Dei obsequi, consiliis perfectionis insuper habitis. At hi plus præstant quam Deus postulat, Ergo & cumulandi maiori gloria. Nec in alium finem inuenta sunt merita de congruo Ethnicorum & infidelium quàm vt per gradus ad culmen hoc operum supererogationis veniretur. Nam Ethnici merentur de congruo, at plebs fidelium meretur de condigno, vt plane futurus sit iniustus Deus nisi eorum merita remuneretur. Supra quam tamen perfectionem longe eminet iustitia monachorum faciētium plura & meliora quam Deus iubet.

7 Quid quod satisfactionibus & pœnis superabũdantibus satisfaciunt Deo vltra debitum?

quod μέλιτον, & quasi de mensuræ cumulo superfluens ne inutile esset, Papa pro sua prudentia prouidit, voluitque id cedere aliis in remissionem pœnæ comméritæ, sic dispensante spiritali œconomo, qui quæ his supersunt, vertit ad supplenda aliorum ὕστερματα. Ita res à Pontificibus sub lege, & ab Apostolis sub Euangelio neglecta, cœpit noua frugalitate in vsum conuerti & in Ecclesiæ thesaurum recondi: Nam satisfactiones superabundantes Noë, Abraham, Iacobi, Samuelis &c. à Pontificibus aut Apostolis collectas, aut thesauro Ecclesiæ illatas, aut in remissionem alienorum peccatorum conuersas nusquam est proditum.

8 Non omittendum est quod genus hominum solers, naturam ipsam & casum in religionem vertit. Si terra aperto sinu emiseric scaturiginis venam, cuius vis sit diuretica aut styptica aut utilis renibus vel stomacho, statuitur ad caput fontis imaguncula, & ædificatur ædícula, vt eo veniant homines venerabundi, & credant id fieri ope alicuius sancti quod fit per naturam.

*Excitare  
imaginē  
Proser-  
pina ad  
aquarū  
fontes.*

Quem morem repetitum ex vetusto, notat Iustinus Martyr Apologia secunda, vbi ait Ethnicos solitos ἀνεγείρειν τὸ εἶδωλον τῆς λεγομένης Κόρης ὅπῃ ταῖς ἁγῶν πηγαῖς.

9 Iam diximus Liturgiam, precēsque tum publicas tum priuatas lingua Romana concebras, esse quasi stemma Romani Imperij papalis & nostræ seruitutis argumentum.

10 Eiusdem farinae est quod cum Episcopis & Pastoribus fidelibus Christus dederit facultatem soluendi in terris. Pontifex non contentus hac

hac potestate voluit insuper soluere sub terris & sibi tribuit potestatem soluendi animas carcere Purgatorij.

II Tum illud, quod cum omnibus Ecclesiæ Pástoribus Christus concesserit hanc potestatem vt quicquid soluerint in terris solvatur in cœlo, Papa cæteris Episcopis potestatem istam accidit. Sunt enim quædam grauiora crimina quorum absolutionem sibi Papa reseruauit, quæ idcirco vocantur casus reseruati. Hæc peccata nemo cis Alpes potest condonare, nisi forte in mortis articulo. Atque vt scias quæ sint enormia illa scelera quæ Episcoporum potestatem excedunt: non sunt de hoc numero adulterium, parricidium, incestus, aut atheismus, aut prædicatio, aut eiusmodi minora crimina quibus tantum lex Dei violatur: sed longe maiora quibus Papalia iura violantur, aut prouentus auertuntur, aut auctoritas minuitur: qualia sunt, imminuere libertates Ecclesiasticas, conspiratio in Romanum Pontificem, Offensa personalis Episcopi aut presbyteri. Impedire romipetas, id est venientes ad stationes Romanas; Prohibere deuolutiones causarum ad sedem Romanam. Et cætera quæ recensentur Bulla *Et si Dominici*, de Cœna Domini, quæ est inter Extrauagantes. Sic hodie maledicere Papæ grauius putatur quam blasphemare in Deum. Et si quis sacra hebdomadæ carnem gustauerit, grauioribus pœnitentijs oneratur quam si hominem occiderit.

His opinor liquido constat ex ruderibus & ruinis Euangelij extractum esse thronum Pontificis Romani: & singulos articulos fidei flexos &

360 DE MONARCHIA TEMPORALI  
aptatos vt essent columnæ & firmamenta Papa-  
lis imperij. Sed reliqua videamus.

IV. *Quanta prudentia sit adhibita ad rerum  
partiarum conseruationem.*

Nulla in re se tam exeruit Papæ & Prælato-  
rum industria, quam in prouidendo ne quid i-  
p̄s de summa decederet, & ne opes tantò stu-  
dio congestæ diriperentur à laicis, aut dilaberentur  
clericorum incuria.

1 In hoc artificij genere primas tenet cœli-  
batus clericorum, ne Episcopi & clerici opes Ec-  
clesiæ interuerterent, & quasi de canali publico  
riuulum in suam familiam deriuarent, ad diran-  
dam vxorem aut liberos. Neque id obscure fert  
Gregorius I. can. De Syracusanæ. Dist. 28. Sic lo-  
quens. *Vxor (inquit) superstes aut filij per quos Eccle-  
siastica solet periclitari substantia.*

2 At ne in clericorum criminibus, magistra-  
tus inuolaret fundos & bona Ecclesiastica, & eo-  
rum bona fisco aut ærario addiceret, Papa dedit  
clericis immunitatem à seculari potestate, suum  
forum, suos Iudices peculiare, suos carceres, &  
prouocationes Romam. Ecclesiam quoque (id  
est clericos) quamuis in cæteris regnantem, vo-  
luit in pactis & conuentis semper esse pupillam  
& annis minorem, vt semper ei daretur restitu-  
tio in integrum, si forte in contrahendo formula  
excidisset, aut aliquid in suam ipsius fraudem fe-  
cisse inueniretur.

3 Ac ne Reges & Principes aut quilibet lai-  
ci se immiscerent negotiis sedis Pontificiæ, ele-  
ctio Papæ quæ olim suffragiis populi Romani  
peragebatur redacta est ad exiguum numerum Car-



Cardinalium, qui cœnaculo tenebricofo includuntur, oppellulatis foribus, muratis fenestris, vt ne soli quidem ipsi arcana eorum pateant.

4 Quia autem clerici & monachi peculiari modo, & arctiore subiectionis vinculo sunt Papæ obnoxij, Papa eos studuit esse maximo numero. Inde tot religiosorum ordines, tot monachorum mandræ, quæ in sola Gallia decem iustos exercitus complerent. Quin & Bonifacius VIII. Tit. de clericis Coniugatis in 6. ad ampliationem numeri clericorum, voluit clericos coniugatos frui priuilegio clericorum, veruitque ne coram seculari iudice conuenirentur. Additi sunt equites Rhodij, Templarij, Ierosolymitani, cœlibes & deuoti Pontifici.

5 Sed & per fratrias, & societatem corporatorum quam vocant confraternitatem laici electi sunt clericis & facti pene clerici. Tales sunt confraternitates Rosarij & funiculi : quibus qui adiungunt, veniunt in partem meritorum & operum ac satisfactionum, quæ fiunt à tota societate. Addidit Papa societati indulgentias, quarum quisquis est particeps leuius vritur in Purgatorio, & tormenti spatium ei acciditur. Sed mendicus, aut baiulus, aut homo destitutus omnibus fortunis raro ad eiusmodi societatem admittitur.

6 Sed quia quantumcunque augeatur numerus clericorum, semper tamen laici sunt plures, qui arma tractant, & si vi res geratur, clericos facile confecturi commodissimo consilio, præci-

puas laicorum familias sibi deuinxerunt, & vocauerunt in partem prædæ. Si enim alicui Principi aut viro nobili fuerint plures liberi, quorum numerus oneret familiam sumptibus, & hæreditatem in plurima frustra discerpat, vnus aut alter de hoc numero initiabitur sacris, aut ei dabitur pileus coccineus, quanquam apprimè puero, vel fiet Abbas aut Prior: Idem fiet filiabus; nam de pluribus sororibus, aliquot coactæ profiteri virginitatem, includuntur cœnobio, ingens familiæ leuamentum. Quin & ipsis Magistratibus & senatoribus quamuis vxoratis datur indultum, per quod fiunt capaces obtinendorum beneficiorum, vt hoc vinculo sedi Romanæ obstricti & obnoxij teneantur.

10 Veruntamen ne Reges & Principes secum durius agi, aut nullam sibi pro tam facili & supina liberalitate gratiam referri conquerantur, Inuenit Papa viam eos largiter remunerandi. Impertitur enim bonis Principibus munuscula: rosam benedictam, enssem sacrum, vexillum militare: agnos cereos, quorum præcipua vis in aueruncandis cladibus, in auertendis tempestatibus & fulminibus, in propulsandis morbis, in obliterandis peccatis, in fugando diabolo. Tum Regij Legati Româ redeuntes referunt ad suos dominos arculas offertas sphæruleis benedictis, quæ infertæ filo & ad osculum relatæ, additis aliquot Pater & Ave, conferunt ad salutem, & dant centum aut ducentos annos veræ indulgentiæ. Illud vero longe maximum quod Principibus datur prærogatiua libandi calicem in Missa, tum munus subdiaconi, præsentis Papa, & admissio in concilio.

cietatem Canoniorum. Hęc quis non stupeat  
legens? quis non admiretur confutos dolos? quis  
non fatalem stuporem populorum lamentetur?  
quis non ingemiscat feruituti Ecclesie, & corrup-  
tioni Christianismi, qui veterem faciem amisit  
dum ipsa fides Christiana vertitur in præsi-  
dia Imperij terreni? & regnum spi-  
rituale Christi mutatur in Mo-  
narchiam tempo-  
ralẽ?

FINIS.







